



# كۆلۈستە

سعدى نىن تۈرك اثرى

تۈرك دىلىندە

چئۆيرە ن : رحيم ضياشى فر







سعدی نین تورک اثری

# گولوستان<sup>۷</sup>

تورک دیلینده

یازان :

شیخ مصلح الدین سعدی شیرازی

چئویره ن :

رحیم ضیائی فر

فروغ آزادی

قیش ۱۳۸۲



سعدی، مصلح بن عبدالله، - ۶۹۱ ق.

[گلستان، ترکی]

سعدی نین تورک اثری گولوستان: تورک دیلینده / چئویرهن رحیم ضیائی فر. -  
تبریز: فروغ آزادی، ۱۳۸۲.

ISBN 964 - 6971 - 37 - 7

اون، ۳۰۲ ص.

فهرست نویسی بر اساس اطلاعات فیبا.

۱. شعر فارسی -- قرن ۷ ق -- ترجمه شده به ترکی آذربایجان. ۲. شعر ترکی --  
ایران -- قرن ۱۴ -- ترجمه شده از فارسی. الف. ضیائی فر، رحیم، ۱۳۲۴، مترجم. ب.  
عنوان. ج. عنوان: گولوستان: تورک دیلینده.

۸ فا ۱ / ۳۱

PIR ۵۲۱۱ / ۸۵

تت / ک ۵۵۴ س

۱۳۸۲

۱۳۸۲

۳۲۳۹۴ - ۸۱ م

کتابخانه ملی ایران

#### مشخصات:

- کتابین آدی : سعدی نین تورک اثری گولوستان تورک دیلینده
  - یازان : شیخ مصلح الدین سعدی شیرازی
  - چئویرهن : رحیم ضیائی فر
  - خوشنویس : ناهید بوذری
  - چاپ نوبه سی : بیرینجی، قیش ۱۳۸۲
  - صفحہ لرین سایی : ۳۱۲ ص / وزیر
  - تیراژ : ۲۰۰۰ جیلد
  - حروف دوزن : مهرايان ماراغا
  - ترتیب ائدن : زرین
  - لیتوگراف : ترسیم
  - چاپ : تمدن
  - صحاف : مهرآیین
  - قیمت : شمین جیلدیه ۲۵۰۰۰ ریال • گالینگور جیلدیه ۳۳۰۰۰ ریال
  - شابک : ۹۶۴ - ۶۹۷۱ - ۳۷ - ۷
  - نشر ائدن : فروغ آزادی نشریاتی - تبریز - جمهوری اسلامی خیاوانی، نقش جهان پاساژی، نمره ۴۲
- تلفون: ۵۲۴۲۲۲۴ و ۵۲۴۴۴۱۳ و ۵۲۶۲۸۶۲ (۰۴۱۱) فاکس: ۵۲۴۴۴۱۳ (۰۴۱۱)  
شرقی آذربایجان ناشرلر بیرلیگی نین عضوو




چاپ حقّی قورونور



## كىتاپىن اچىپىندەكىلەر

۱	اۋن سۆز
۱	باشلانېش
	● ايلك باب
۱۹	سلطانلارېن سىرتلرى
	● ايكىنجى باب
۷۵	درويشلرېن خصلتلىرى
	● اوچونجو باب
۱۲۳	قناعتىن فضىلىتى
	● دۇردونجو باب
۱۶۱	خاموشلوغون فايدالارى
	● بۇشىنچى باب
۱۷۳	جوانلىقېن شورى عشقى
	● آلتىنچى باب
۲۰۷	قوجالىقېن كاھىلىكى
	● يۇددىنچى باب
۲۲۱	تربىتىن تائىرلىرى
	● سىككىزىنچى باب
۲۵۳	معاشرت آداب لارى





بماند سال‌ها این نظم و ترتیب      ز ما هر ذره خاک افتاده جایی  
غرض نقشی است کز ما باز ماند      که هستی را نمی‌بینم بقایی  
مگر صاحب‌دلی روزی به رحمت      کند در کار درویشان دعایی

«شیخ مصلح‌الدین سعدی»

گزه‌ر دیل‌دهن دیله بو نظم و نثریم  
اوگون کی قبر ایچینده تورپاغام من  
غرض قالسین جهاندا یادگاریم  
کی فانی دوتیا پای سیزدیر وفاده‌ن  
صباح شاید منی یاد ائیله‌سینلر  
باغیمدان گول دهره‌نده دوست، دشمن

«رحیم ضیائی فر»



## اۋن سۆز

مطلق ھنر صاحبىيىن ھنرلر ىن ھمد ، ئنا ائتمەلى ىم كى ھنرسىز بۇ بىندە ىه ھمەت عطا  
بۇيۇردولار قادر اولدۇم عشق ىن ىنجه باخىشلا ادبىيات سماسىن ىن دان اولدۇزون<sup>(۱)</sup>  
كۆيدەن دەرەم ائل يولۇنا ايشىق سەرەم .

قدرت ىم اولسا گۆمۈش تىللى آيى  
گۆيۈن اولدۇزلو دۈزۈندەن دەرەم  
اود آلودان تۈرەنن تۈرك ائلىمىن  
يولۇنا ، قارە گىجە نور سەرەم

شىخىن<sup>(۲)</sup> او تر گۆللىرى تىك بۇ آل گۆللىر طراوتلى اولماسالار طراوتسىز گۆللىرىمى

۱ - سەدى نىن گۆلۈستانىنا اشارە دىر

۲ - شىرازلى سەدى ىه اشارە دىر



سینامایین<sup>(۱)</sup> منی آرتیق قینامایین ، گولکار<sup>(۲)</sup> سیز گول بوندان آچیق آچا بیلمز ،  
قاناد سیز قوش یتردهن اوچا اوچا بیلمز . کۈنلۈمدەکی سئیرەک باغین باغبانی  
سای<sup>(۳)</sup> آنامدیر<sup>(۴)</sup> ، سئیرەک باغدان باغلادیغیم گول باغلی سین<sup>(۵)</sup> سای آناما  
حصر اندیرەم .

وورغونام من آنامین بال کیمی شیرین دیلینە  
عۈمر وار کن دۈیۈنن سینە سینین نیسگیلینە  
آرزیلار مکتبی نین لوحنە من آند ایچیرەم  
قویمويام آرزى دىلى لوح<sup>(۶)</sup> ضمير<sup>(۷)</sup> دەن سیلینە  
\*\*\*

آرزى دىلىن سۈزلۈ سازىن	من بوۋالە آلام گرەك
شىخىن اينجە سۈزلرىنى	ساز تىلىندە چالام گرەك
گول چىچكلى ماوى فرشى	مندە عرشە سالام گرەك
گولۈستانىن گوللىرىنە	باخاندا مات قالام گرەك
اينجە دىلىن اينجە ليگىن	اىل يادىنا سالام گرەك

اىل يادىنا سالام گرەك بىزىم يترده بولبول نارنج گول لرلە گۈرۈشنمز سرو  
آغاجى بولۇدلارلا اۋيۈشنمز<sup>(۸)</sup> ، بىزىم يترده آلما يىتەر هئىوا يىتەر اولدۇز سايى  
گون دولانار آى دولانار اىل آلمايا آلما دئەر هئىوايادا هئىوا دئەر .

- ۱ - سوزلىرىمى آرتىق آغىر يۈنگۈل ائىلەمەيىن
- ۲ - توركى ادبيات ساحەسىندە معلّم سىز بۇ شاگردە اشاره دىر
- ۳ - محترم ، گرامى
- ۴ - آنامىن آدى فاطمە سىكسان بير ياشىندادىر
- ۵ - گول دستەسىن
- ۶ - تابلو
- ۷ - اورەك
- ۸ - شيراز مولكونون نارنجستان لارىنا و سروستان لارىنا اشاره دىر



ايتيرمەرىك بىز بۇ ئىلىن ئىل يولۇن  
 ئىلىن سئوھن ئىل يوللارىن ايتىرمز  
 سۇسۇز داغدا ئىلە بىر باغ بىتيرىك  
 ياشىل داغلار بىر كرتى سىن بىتيرمز  
 دايانمارىق ئىلە بىدۇ قىچارىق  
 بىدۇ قىچان آتلار بىزى يىتىرمز

آتلارىن بىر سۇزۇ وار « اۇلن آدام داي دىرىلمز ». مین ایل دىرى قالان سئوگىم يىنە  
 دىرى قالمالىدیر شىن دىرىلىك نغمە لرین ساز تىلىندە چالمالىدیر وارلىق سىن  
 افقلىرە سالمالىدیر . آی نە اولار اۇجل پىكىن گۆرمەمىشەن او گۆل اوزۇ  
 گۆرئىدىم من گۆل ھۇرۇگۆن ھۇرئىدىم من .

بىر عۇمر بۇ گۆز گۆرمەدى اىستىكلى نىگارى<sup>(۱)</sup>  
 صون گۆندە گۆرئىدى او گۆزەل دلبرى بارى  
 اۆلىمىدە محالدىر چىنخا فىكرىن اۆرەگىمدەن  
 رحىم انت بۇ اۆرەك دۇندۇ قانا گل سنى تارى  
 ھىجرىندە او قدر آغلامىشام من گىجە گۆندۇز  
 آل قانلى گۆزۈمدەن اوتانىب ابر ھارى  
 عالمىدە سىن گۆل يۈزۈۈۈ كىم گۆرە بىر آن  
 قالماز داھى كۆنلۈندە اونۇن صبىرى ، قرارى  
 قۇربان اندەرەم بىر باخىشا مین جانىم اۆلسا  
 جانىم سىنە قۇربان اولا باخ بىر مەنە سارى  
 قۇرتاردى عۇمۇر سئوگى سىنى گۆرمەدى گۆزلر  
 گۆز ئىلەسىن حەدەن اۇجادىر سئوگى حىصارى

ماراغا - رحىم ضىائى فر

فروردىن ۱۳۸۱ ( محرم ۱۴۲۳ )

۱- بۇ غزل اوستاد شەرىيارىن معروف بىر غزلىندەن استىقبالدىر.



o - 10

## باشلانیش

اَوْ خَالِقِهِ حَمْدِ اَوْلَسُوْنِ كِي - گرامیدیر جلالَتلی - اطاعتی ایره‌لی لیک توره تمکدیر شکر ائتمه‌گی نعمت‌لرین چوخ ائتمکدیر. هر نفس کی داخل اولار جسمی جانلا باریشیدیرار ، خارج اولار حیات اودون اوره‌ک‌لرده آلیشیدیرار . پس گورونور هر نفسین ایکی آشکار نعمتی وار ، هر نعمتین حددهن اوجا مرتبتی.

حمد و طاعت نه قدر اولسادا چوخ      کافی حمد ائتمه‌گه امکان یئنه یوخ

اعْمَلُوا آلَ دَاوُدَ شُكْرًا وَ قَلِيلٌ مِّنْ عِبَادِيَ الشَّكُورُ<sup>(۱)</sup> .

خوشدو فقط تقصیریمی تانری<sup>(۲)</sup> یا      من آپارام برک دوتام دامنین

۱ - سبا سوره‌سینین اوجونجو آیه‌سی - ای داودون ائل طائفه‌سی شکر ائیله‌یین شکر ائیله‌یین بندهم آزدیئر .

۲ - الله ، تانری



كافي اگر اولماسادا حمدلر حمد دئيم تكجه سنين دير سنين  
 نعمت لرین آن شیدیرغی یاغیش کیمی هر زاماندا یاغیدیریدیر ، قیزیرقانماز  
 رحمت خوانین<sup>(۱)</sup> هر مکاندا آچدیریدیر ، خطا ائدهن بنده سینه حرمت سیز لیک  
 ائيله مه ییب ، روزی سینی آسگیدمه ییب .

بیر کریمین<sup>(۲)</sup> کی خوانیندان بیر عؤمور<sup>۷</sup> گبر<sup>(۳)</sup> ، ترسا<sup>(۴)</sup> جهودون<sup>(۵)</sup> قسمتی وار  
 نئجه حسرت قویا جاق نعمتینه اونوکی طاغی<sup>(۶)</sup> ده گیل طاعتی وار

شح یئل لرین فراشینا فرمان وئریب زوموررود فرش یئر اوزونه دؤشه نیلسین ،  
 یاشیل مخمل بشیکلرده تومورجوق<sup>(۷)</sup> لار بئجه ریلسین<sup>(۸)</sup> ، لوت آغاجلار بایرام گونو<sup>۷</sup>  
 بایراملیق گوی یاشیل پالتار بورونسونلر ، ایلک یازدا یئنی یتمه<sup>(۹)</sup> بوداق لارین  
 سره<sup>(۱۰)</sup> سیندهن آل<sup>(۱۱)</sup> چیچکلر هئره لره سورونسونلر . آری لارین توپورجگی پؤهره بالا  
 چئویریلسین ، خرمالارین چورده کلری اوْجا بارلی نخل<sup>(۱۲)</sup> اولونسون .

یئل یاغیش چرخ گونش آی بوتون عالم چالیشیر  
 بیر چوره ک سن ییئه سن آلاها شکر ائیلیه سن  
 بشرین حکمینه عالمده هامی هن دئییری  
 ده گیل انصاف بشر سئویله مه یه خالق هـن

۲ - کرامتلی ، تانری<sup>۸</sup> یا اشاره دیر

۴ - مسیحی

۶ - عاصی ، نافرمان

۸ - تربیت اولونسون

۱۰ - سینه - دؤش

۱۲ - خرما آغاجی

۱ - سفره

۳ - آتش پرست

۵ - یهودی

۷ - تازه بیتیش بوداق - جوانه

۹ - نورسیده - تازه

۱۱ - قیرمیزی

كائىناتىن^ حرمتلىسى ، مخلوقاتىن^ عزتلىسى ، موجوداتىن^ شوكتلىسى ،  
 انسانلارنى سىچىلمىشى ، نىۋىتىن^ صون^ نىسى ، سلامى مىز اولسون^ اونا^ اولادىنا  
 بويۇرۇبدور :

غۇب ائىلەين^ گون^ سىزە اول^ صنم^ (۱) قىامت قوياندا شفيعىز (۲) منم

بىزىم كشتى سورەن^ نوحىو طوفاندىن^ قورخمارام داي من  
 بو^ دىوار اوچمايىب^ اوچماز بو^ دىوارە داياندىن^ سن

سنىن^ اغىر^ كمالىن^ وار چراخ كىمى جمالىن^ وار  
 خلق سئون^ خصلتلىرىن^ خالق اۋىەن^ (۳) خصالىن^ وار

او^ زامان كى هامار^ (۴) يولدىن^ ايراق^ (۵) دوشموش^ ايرى يولا چاشمىش^ لاردان بىرى اونا  
 اوز گتىرەر ، او^ گرامى جلالىلى تانرى^ اوندان^ اوز چئويرەر ، يئە اغلار ، يئە سايماز ،  
 دامىنىدەن^ دوتار دئەر : داي^ اته گىن^ اۋتورمەرەم ، عىبلردەن^ عارى اولان^ ارى^ (۶) تانرى -  
 بويۇرار : اى ملكلىرىم بو^ بندەدەن^ شرم ائىلەدەم ، مندەن^ صورا بىر كىمسەسى يوخدور  
 اونون^ گناهلارنىن^ عفو ائىلەدەم .

كرم صاحىبىندە نە چوخ لطف وار گوناھ صاحىبىندەن^ اولور شرمسار

جلاللى درگاهىنىن^ ساكنلىرى اطاعتدە قُصورلارنى بىلدىرىلر : كى بىز سنى حقيقىن  
 قدەر حمد ائتمەدىك ، گولدىن^ اينجە (۷) جمالينە حيران قالان^ اۋىەنلىرى سۋىلەيىلر :

۱ - بوت ، تانرى^ يا اشارهدير

۲ - شفاعت ائدەن

۳ - تعريفلەين

۴ - هموار - دوز

۵ - اوزاق - كنار

۶ - پاك - تمىز

۷ - ظريف - نازك



كى بيز سنى حَققِن قَدەر تانِمادىق .

گر بیری ایسته سه نشان اوندان      نه نشان من وئیریم نشان سیز دان  
وصلینه کیم چاتار باتار فغانی      سن فغان اوُمما<sup>(۱)</sup> بو فغان<sup>(۲)</sup> سیز دان

بیر صاحب دل<sup>(۳)</sup> ائيله دهرین فیکرده ایدی سانکی خیال دریاسیندا غرق اولموشدو، او  
حالتدهن قاییدارکن سوروشدولار او گزدیگین گولوستاندان بیزه تحفه نه گتیردین ؟  
دئدی : تحفه ، بیر آتهک گول توپلامیشدیم<sup>(۴)</sup> ، آما گولون اییی منی مست ائيله دی  
دونوم آلدن بوراخیلدی .

دوز عشقی او پروانه دن اویرن دهلی بولبول  
اود دوتدو آلاولاندی فغان ائمه دی بیر آن  
بو مدعی خلقین خبری دوز اولای بیلمز  
هر کیم کی خبر بیلدی خبر یوخذو دای اوندان

ای بشر وهم خیال اولچو گمانیندهن اوزاق  
سنی چونخ گرمیشیک آما سنه بیز چاتمامیشیق  
عومر قورئاردی صوئا چاتدی آغیر مجلسیمیز  
هله وصفینده بیز اول قده می آتمامیشیق

۱ - ایسته مه - متوقع اولما

۲ - افغان - هارای

۳ - عارف - آگاه

۴ - جومالامیشدیم - ییغمیشدیم

اگر سعدی سوی سئویله ییب قوشما قوشوب قوشمالاری ائل لر آرا یاییلیبدیر ،  
 حددهن اوستون ساییلیبدیر ، دادلی شیرین حدیث لری صحبت لرین دادلاندیریپ ، ایتگین  
 آدین آدلاندیریپ ، بیله خیال اولونماسین علت اونون علمی حلمی کمالیدیر ، بلکه  
 ائلین ائل خانینی ، یئر اوزونون سلطانینی یوکسک مقام سلیمانین وارثینی حق  
 ملکونون حارثینی ، دین و دنیا صاحبینی ، جلالتی اتابکین سعدین اوغلو ابوبکرین  
 لطیفیندنیر ، کی تانرینی یئر اوزونده کؤلگه سیدیر ، الله اوندان راضی اولسون اونو  
 ائلدهن راضی سالیسن ، رعیت عنایتی ، خالقه خاص ارادتی اولدوق اوچون ملت اونون  
 یولون گئدیر چون رعیت حاکم لرین یولون گئدیر .

لطف ائیله سه بو مسکینه سلطان جهان

ئل سئویله یه جک دفتریمه یاخشی اثر

مین عیب اگر اولسادا دفترده منیم

سلطان بگه نهن گون اولاجاق عیب هنر

بیر معطر باش گیلی حمّامیده	چاتدی بیر گون بو آله دلداریدهن
سئویله دیم بی هوش اوللام عنقریب <sup>(۱)</sup>	سن عبیر <sup>(۲)</sup> سن یاکی بیر مشک ختن
سئویله دی من بیرده گهرسیز تورپاغام	همدمیم اولموشدو نسرین <sup>(۳)</sup> ، یاسمن
مونسیم یاس ائیلهدی خوشبومنی	یوخسا آسگیک بیر گیلهم عالمده من

آلاه ، بویوک بو ائمه اونون بارلی حیاتیندهن نعمت اومدور ، بیزیم یوردا حرمت وئریپ  
 حرمتینی آرتیر اونا عزت اومدور ، خادم<sup>(۴)</sup> لرین گوزدهن سالما خائینه سئویله قالما .

۱ - بو تنزلیکده

۲ - معطر موادلاردان وجوده گلن بیر ماده دیر

۳ - قیزیل گول

۴ - قولوقچی



قرآنداكى آياتىوين خاطرینه اۈزۈن ، ائلىن ائولادلارین بلالردەن اۈزاقلاندىر .

سنىلە سعادەت يولۇن ايزلەدىك<sup>(۱)</sup> سعادەت سنىلە بىزە يول وئەرەر  
ايگىد مردىن اوغلۇ ايگىد مرد اولار يالان سۆزدۈ كۆكسۈز آغاچ قول وئەرەر

- عىبلردەن عارى اولان آرى تانرى شرافتلى شيراز ملكون صون گۈنەدەك عدالتلى  
حاكم لرىن ھىيبتىلە ، صداقتلى عالم لرىن ھىيبتىلە بلالردەن حفظ ائىلەسىن .

پارس اولكەسى دۇنيادە بلا گۈرمە يەجكدىر  
كۈلگە سالانى سن كىمى چون شاه جهاندى  
نامنىدى عالمدە نە قدر ائىل اۈبا واردى  
مىن ائىل آراسى تك بىزىم ائىل امن اماندى  
چوڭ گۈرمەسىن الله سنى بو ملكە بو خلقە  
بو خلقى بو بئش گۈندەن اۋتور آتما اماندى  
حفظ ائىلە ، بو پارس اولكەسىنى فىرتانالاردان<sup>(۲)</sup>  
يارب نە قدەر يئر اۈزۈ انسانە مكاندى

بىرگون گنچمىش گون لرىمى ، ھدر اولموش ايل لرىمى خاطریمە سالىردىم گۈز  
داملاسىلا<sup>(۳)</sup> ، اورەك داشىن پارچالىردىم بۇسۇزلىرى آستا آستا<sup>(۴)</sup> پىچىلدىردىم :

اى كى چىخدىن عۇمورداغىن آشدىن آخىرین منزله ياخىنلاشدىن

۱ - ادامە وئردىك

۲ - فتنە - آشوب

۳ - دامچى - قطره

۴ - ياواش ياواش

اۇيقۇدان<sup>(۱)</sup> دای اویان بیر آراز یات  
 آللی ایل یۇخلادین داھی یاتما  
 سحرین اۇيقۇسو دئمز سروان<sup>(۲)</sup>  
 هر گەلن گلدى بیر بنا قويدۇ  
 او تازا اثوائشیک یادین<sup>(۳)</sup> اولدۇ  
 وفاسیز دۇنیا یا وۇرۇلماگیلان  
 دیریلیک داشلارین ییغان آتاجاق  
 صون گونون زومهارین<sup>(۴)</sup> اوزون ییغسن  
 عۇمر قاردی گونش دۇویر باشینا  
 کیم آلی بوئش گلیبدی بازاره  
 کیم سوتول وقتی بوغداسین بیچدی

کاروان چاتدی یوک یوکون تئز چات  
 بو قالان بئش گونو هئچه ساتما  
 طیلین چالدى یوک چاتیر کروان  
 دۇنیادان کؤچدو بیر یادا قويدۇ  
 عاقبت گول کیمی اودا صولدۇ  
 سۇزونە سۇز وئریب قۇرۇلماگیلان  
 خوئش اونون حالینه یوکون چاتاجاق  
 اومودون اولماسین ییغام سنه من  
 خواجه دهن دوش تۇکور هله آشینا  
 نه آلیب باغلا ییبدی دستاره<sup>(۵)</sup>  
 ییغدیغی باششاغا<sup>(۶)</sup> گوزون تیکدی

بو سۇزلری بئیلە معنا ائیلەدیم من ، گرەک خلوت بیر یئر تاپام ، نماز یاپام ، جماعته قاریشمیام ، مال دولته چالیشمیام پریشان سۇز دانیشمیام .

باشین فرمانینه دیل وئرمەسە باش گرەکدیر ساکت اولماق سانکی بیرداش

اینمز دینمز بیر گوشه ده اوتۇرموشدوم حجره لرده هم اوطاغیم اولان عزیز هم سفریم گۆله گۆله وارد اولدۇ دانیشدیردی دانیشمادیم ذکرى کسب صحبتینه قاریشمادیم

۱ - یوخۇ

۲ - ساریان

۳ - اوزگه - بیگانه

۴ - آذوقه - توشه

۵ - دستمال

۶ - حاصلین تۇکونتوسو



كدهر<sup>(۱)</sup> لندی دئدی یولداش :

دیلین وارسا ایندی دانیشدیر<sup>۱</sup> منی      کی شاید صوْرا اولماسین<sup>۲</sup> دای دیلین  
بوْگون امر اولونسا اجل پیک<sup>(۲)</sup> ینه      صاباح تورپاق ایچره اولار ضای<sup>(۳)</sup> دیلین

تانیش<sup>۱</sup> لاردان بیرى دئدی : سنین عزیز بو یولداشین<sup>۱</sup> آند ایچیدیر صوْن گونلرین  
طاعت ائده آلاهیلا خلوت ائده . خلاقه قاریشمايا جماعتله دانیشمايا ، او خلقدهن  
قیریب<sup>۱</sup> اوندان قیرمالیسان .

گولدو دئدی : اونون<sup>(۴)</sup> عظیم حکمتینین حرمتینه ، بونون<sup>(۵)</sup> قدیم صحبتینین عزتینه آند  
ایچیره دانیشدیریب دیندیرمه سه قلییم سینار ، دئییدیلر کفاره وئر آندی<sup>۱</sup>ن سیندیر<sup>۱</sup>  
دوستون قلبی قویما سینسین<sup>۱</sup> ، یاخینلیقدا اونون<sup>۱</sup> آندی سیناجاقدیر<sup>۱</sup> چون بللی دیر نه  
علی نین ذوالفقاری قیندا<sup>(۶)</sup> قالار نه سعدی نین اوره کسوزو اوره گینده .

اْوره ک گنج یدیر دیل اوْگنجه قاپی<sup>۱</sup>      سئچیدیر گوزهل بوْسوزوْسوز سئچه ن  
اگر باغلی<sup>۱</sup> قالسا قاپی<sup>۱</sup> کیم بیلهر      دوْکان صاحبی زرچیدی ، زر تیکهن

\*\*\*

اگرچه سوْسمالییق<sup>(۷)</sup> مجلس ادیبلرده  
صلاح وقتی ولی صحبتته قاریشمالییق<sup>۱</sup>

۱ - توتولدو

۲ - قاصد

۳ - ضایع - هدر

۴ - تانری یا اشاره دیر

۵ - سعدی یه اشاره دیر

۶ - نیام

۷ - لال اولمالییق

روا ده گیل دانیښاق اونداکي گرهک لال اولاق

و یا سوُساق لال اولاق اونداکي دانیښمالیق

گوردوم سوُسوب لال اوتورماق امکانسیزدیر. ایگیدلیکدهن چوخ اوزاقدیر ان بیرصدیق ارادتلی یولداش گله گوروُشومه ، منیله بیر گوروُشمه میس ، اؤپوُشمه میس گثری دونه .

وُروشسان ائله بیرکسیله وُروش هاچار چاره درمان علاجین اودور

داهی آرتیق دؤزه نمه دیم ، صحبتدهن ال اوزه نمه دیم ، سکوت کاخین آخر ییخدیم ائودهن چیخدیم. ایکی یولداش گزه گزه داغا گئدیک شنلیک<sup>(۱)</sup> ائندیک . یازین اورتا چاغلاریدی یئل اُسمیردی سرین سازاق ال کسمیردی قیزیل گولون دورانیدی چمن باغین حیرانیدی .

گورسه ئیدی چمن باغین لباسین	هایلاردی او هانسی بختیاردی ؟
گوللو بوداغین باشیندا بولبول	چهجه ده دئیهردی نو بهاردی
شبنم اوتوران گولون عذارین <sup>(۲)</sup>	سویله ردی گوره ن عذار یاردی

گئدیک گئدیک داغا چاتدیق ان بیر قیمیق<sup>(۳)</sup> باغدا یاتدیق ، او باغ نه باغ سانکی یاشیل تورپاغینا نارین شیشه آله نمیشدیر ، سما<sup>(۴)</sup> سینه مین بیر یئردهن بولول قندیل<sup>(۵)</sup> آسلانمیشدیر .

۱ - شادلیق

۲ - بهنیز ، اوز

۳ - کیپ ، انبوه

۴ - گوی

۵ - چلچراخ



اۋ يۋىر يىن نھرى چىشمەسى قويۇسۇ  
داغىنىن سۈنبۈلو ياشىل چمنى  
آچدىرىپ يىددى رىگ فرىش يىرە  
گۈلۈنۈن اۋردەگى غازى صۇناسى<sup>(۱)</sup>  
باغىنىن بۇستانى طاعى قاناسى  
نسىمى شىخ يىلى سرىن ھاواسى

سحر كۈنۈل قايىتماغا قول قويىجاغىن<sup>(۲)</sup> اۋنۇ گۇردۇم بىر قۇجاق تر ياشىل سۈنبۈل ، بىر  
اتەك گۈل دامىنە دۈلدۈرۈبدۈر . دىدىم : يۇلداش اىلك يازدىر گۈلۈن عۇمرو چۇخ  
چۇخ آزىدىر<sup>۱</sup> ، باغىن عھدى وفاسىزدىر وفاسىزە دىيىدىلر وۇرۇلمايىن ايلقارىنا  
قۇرۇلمايىن .

دىدى : سۈيە چارە ندىر ؟ دىدىم: چىچك سۈنلرە ، اينجە قىنچە اۋىنلرە بىر  
گۈلۈستان يازمالىيام كى ترگۈلۈن گۈزدە<sup>(۳)</sup> سازاق سۇلدۇرمايا ، آل چىچكىن خزان يىلى  
يۇلدۇرمايا .

نەيە لازىمدى بىر اتەك سۈنبۈل  
گۈلشەنىن گۈللىرىن خزان آلاچاق  
بۇ گۈلۈستانىدەن آپار بىر گۈل  
بۇ گۈلۈستان ھىشە تر قالاچاق

سۇزۇم باشا يىتىشمەيش تۇپلادىغى گۈل چىچكى يىرە تۇكدۇ ، دامنىمدەن دۇتدۇ  
دىدى : اىگىد دۇنمز ايلقارىندان . ائىلە اۋ گۈن گۈلۈستانىن صۇن بۇلۇمو  
« معاشرت<sup>(۴)</sup> آداب لارى » بىياض<sup>(۵)</sup> اولدۇ . حدىثلىرىم سۇز اھلىنىن صھبتلىرىن  
بلاغىلى اندەبىلر . گۈلۈن عۇمرو ھلە تمام اولمايىشىدىر سۇز دفتىرىم تمام اولدۇ .

- 
- ۱ - سۇقۇشو ، غاز
  - ۲ - امضالاماق ، تصمىم دۇتماق
  - ۳ - پائىز - سۇن بھار
  - ۴ - دانىشماق - صھبت ائتمك
  - ۵ - پاكىنوس

بللی سۆزدۆر يالئیز<sup>(۱)</sup> اوْگون تمام اولار : آل سیزلرین آلین دوتان ، وارسیزلارین  
 حقیقین آلان ، قولدورلارین قلیبن سیخان ظالملرین ائوین ییخان ، عدالته عزت وئره .  
 شریعته حرمت وئره یوکسک مقام اتابکین اوْغلو سعدی ، پناهسیزلار پناهگاهی ، یئر  
 اوزونون شاهنشاهی ، داغا دوزه دهنیز<sup>(۲)</sup> لره فرمان سورهن<sup>(۳)</sup> ، یوکسک مقام سلیمانین  
 جانشینی ، دیانتلی متانتلی ، اوْ کمالی گول جمالی سعدین اوْغلو ابوبکرکی اولو تانری  
 جلاللارین همیشهلیک حددهن اوْجا ائیله سینلر ، اقباللارین آرتیرسینلار ، آخرلرین  
 خیره ساری چاتدیرسینلار دفتریمی اوْخویاندا به گن سینلر .

اگر گوزهل باخیشیلا بو دفترى به زهیه  
 بزه ک لیدیر دئییه جک ائل اوْ نقش ایواندان  
 واریمدی چوخ اوْمودوم سینه سی سیخیلما یا جاق  
 هاچان گوروبدو جفا کیمسه گول گولوستاندان  
 بو دفتر حصر اولوتوب سعده اولکهنین شاهینا  
 اوْ شاه کی ارث آپاریب شاهلیقین سلیمانندان

دوْنيا وارکن گولدهن اینجه خیالیمین گلین جیگی<sup>(۴)</sup> چرکین لیکدهن سمایه باش  
 قاوزایانماز جماللی لار جرگه سینده باشین یتردهن قالخیزانماز ، یالئیز اوْگون دئییه بیلهر آن  
 بزه ک لی گلین لردهن بزه کلی یم بو دفترى بزه ندیره باخیشیلا ، عالم امیر فاضل وزیر  
 علمین گوزو ، حلمین اوزو ، بیلهنلرین باش بیلهنی ، ائل گوزونون یاش سیله نی تختین  
 محکم تکیه گاهی پناهسیزلار پناهگاهی عالملرین آموزگاری ، فاضللرین پرهیزگاری

۱ - فقط - تنها

۲ - دریا - گول

۳ - حکمرانلیق ائدهن ، دستور وئره

۴ - تازه گلین ، نوعروس



پادشاهین ایکی گۆزۈ گیزلین سۆزۈ ، حکومتین فخری دینین افتخاری ، مۇمن لرە دایاق  
 دۇران ، کافرلرە قۇرقو<sup>(۱)</sup> قۇران دین سیز لرین بۆینۈن بۇران ، متانتلی دیانتلی  
 حاکملرین پشتیبانی ابی نصرین اوغلو بویکر<sup>(۲)</sup> الله اونۇن بارلی عۇمرۈن چۇخ ائیلەسین ،  
 دۇشمن لرین یۇخ ائیلەسین ، آنلین آچیق أجرین آرتیق بویۇرسونلار ، کی اۆلکەدە  
 تایی یۇخدۇر ایگیدلیکدەن پایی چۇخدۇر .

هر کیمین باشینه سالار کۆلگه دۇشمنی دوست اولار جفاسی وفا

خادم اولدۇن محنت گرەک ، مخدوملارا خدمت گرەک . بندە دندین یاتماق اولماز  
 ایشین فیکرین آتماق اولماز ، ایشدە سۇسلۇق ائدەن بندە یامان گۆنۈ امان سیزدیر مگر  
 یۇخسۇل بو درویش کی باغیشلانان نعمت لرین شاکیردیر ، باغیشلایان منعم لرین<sup>(۳)</sup>  
 ذاکریدیر . شاهین اویەن<sup>(۴)</sup> آدین یاخیشی یاد ائیلەیهن آشکاردا یۇخ گیزلین یترده دوز دانیشار .

سرو کیمین اولدو دوز ماوی<sup>(۵)</sup> گۆیۈن قامتی

ائیلەکی سن تک اوغۇل دۇغدۇ اوگون روزگار<sup>(۶)</sup>

حکم سۆرەن تانرینین حکمتیدیر امریدیر

سۆیلهیه بیر بندەیه اولمالیسان بختیار<sup>(۷)</sup>

باتمایاجاق خوش آدین باتسادا گر دولتین

خوش آد ، اداملار قالار هر نه قدر دۇنیا وار

۱ - کلک ، حیلە

۲ - امیر فخرالدین ابوبکرین ابونصر او دۇرانین حکومتینین باش وزیر

۳ - نعمت صاحب لری

۴ - تعریف ائدەن

۵ - آبی رنگ

۶ - زامان

۷ - بختور ، خوش شانس

حاجتی یوخ سورمه یه چاتما قارا قاش گۆزۈن

نیله یه جک کیرشانی سن کیمی بیر گلعدار

ایشده سوسلوق ائيله مه گیم ، سۆزده چوخلو یوبانماغیم دایانماغیم بوعلته خاطر دیرکی  
نقل ائده لرلر حکیم لردهن بویوک طایفا<sup>(۱)</sup> بزرجمهر باره سینده آغیر<sup>(۲)</sup> مجلس قورموشدولار  
بیری دئدی : هنج بیر عیبی یوخدور یالنیز دانیشماغی چوخ بطی<sup>(۳)</sup> دیر ، یعنی سۆزۈ  
حددهن آرتیق یوباندیریر ، بزرجمهر ائشیده رکن دئدی : سۆزده یوبانماغیم صوئرا  
پشمان اولماغیمدان چوخ یاخشیدیر .

فیکیرلش صوئرا وارد اول صحبتہ فیکیرسینز سخنور<sup>(۴)</sup> دوشهر زحمتہ  
دانیشما دانیشسان یئرین<sup>(۵)</sup> گندمه چوخ سۆزۈن یاخشى اولسا یوبان عیبی یوخ

\*\*\*

آغیر<sup>(۶)</sup> سۆزلری سئولمه بیر نفس یورولسا طرف تئز سۆزۈن ائيله بس  
دانیشماقلا حیوان اولوبدور بشر بشر سئویلهمزلر دانیشسان هدر<sup>(۷)</sup>

بللی سۆزدور بوسۆزلریم او حضرتین - کی عزیزدیر یاردیمچی<sup>(۸)</sup> سی - درگاهینا  
لایق ده گیل چون کی ادب سارای لاری فضل اهلینین مرکزیدیر . یالنیز عزیز اولکه میزین

۱ - گروه ، دسته

۲ - وقارلی ، بویوک

۳ - کلماتی فاصله لی سئوله مک

۴ - ناطق

۵ - سرعتلی

۶ - چتین

۷ - بیهوده

۸ - کؤمک ائده نی ، تانری سی

عزیزینە<sup>(۱)</sup> آن دە یرسیز بیر تحفە دیر ، بیر تحفە کی دئمک اولار بدل داشدیر قیزیلچیلار بازاریندا ، چلچراخ دیر گون اؤنۈندە ، منارە دیر دماوندین اۋتە گیندە .

کیم باشین دیک دوتار ناچار ییخیلار      مغرور انسان ییخیلسا چوخ سیخیلار  
سعدی تورپاقدی تورپاغا قاریشار      متواضع بشرلە ائل باریشار  
اول اندیشه ائت صورا گفتار      بنانی باسمامیش محالدى دوار

نخل بندم<sup>(۲)</sup> نه بوستاندا ، گویچک گۈزەل قول ساتانام نه کنعاندا . اولقماندان سورۇشدولار ، حکمتی سن کیمدەن اؤمدۈن ؟ دئدی کوردان : گۈرمه یینجهن آدیم آتماز ، تولکوۋ باغلی باغا گیرمز ، کیشی لیگین کیشی سینار<sup>(۳)</sup> آرواد آلار .

جنگیدەن قاچمایان جیلار<sup>(۴)</sup> او خروس      چالاغان<sup>(۵)</sup> کۈلگە سین گۈرەندە قاچار  
سیچانا توش گلندە شیردی پیشیک      لیک موشدو اوگون کی شیر آل آچار

بو فیکرلە کی کیچیک لر بویوک لردەن عفو اومارلار ، بویوک لردە کیچیک لرین خطاسیندەن گۈز یومارلار ، حکیم لرین حکمتیندەن ، آتالارین صحبتیندەن ، یئر اوزۈنە فرمان سورەن سلطانلارین سیرتیندەن - اولوتانری هامی سینا رحمت اندە - قیسا سۆزلر بوکتابدا درج ائیلەدیم . گئچمیش غومرون بیر مددە تین بو یولدا من خرج ائیلەدیم ، خالق خادم انسانلارا توفیق وئرسین ، توفیق وئرن تک اوزودور .

۱ - قدیم زامان مصر حاکم لرین لقبی

۲ - مومیلە نخل آغاجی دوزەلدەنە دئیەرمیشلر

۳ - امتحان اندەر

۴ - زیرک

۵ - بیر قوش آدی دیر ، قارطال



گزر ديلدهن ديله بۇ نظم و نثرىم  
 غرض قالسيْن جهاندا يادگاريم  
 اوْگون كي قبر ايچينده تورپاغام من  
 كي فاني دونيا پاي سيزدير وفادهن  
 صاباح شايد مني ياد ائيله سين لر  
 باغيْمدان گول دهره نده دوست، دوشمن

گول چيچكلى گولۇستانين كرتى<sup>(۱)</sup> لرین چوخ بزه كلى ائتمك اوچون اينجه گول لر  
 دهرديم اكدیم، يعنى سوزو قيسسا يازديم .  
 سونسبرلى گول باغيْما نستره نلى اوچماغيْما، اوچماق<sup>(۲)</sup> ساياق، سكگيز قاپى  
 آسلاديم من، سوزلریمی قيسسا يازديم كيم يورولدوم سئيله مه يه .

- بيرينجى باب : سلطان لارين سيرت لرى
- ايكنجى باب : درويش لرین خصلت لرى
- اوچونجو باب : قناعتين فضيلتى
- دوردونجو باب : خاموشلۇغون فايدالارى
- بئشينجى باب : جوانليغين شورى، عشقى
- آلتينجى باب : قوجاليغين كاھل ليگى
- يئددنجى باب : تربيت ين تاثيرلرى
- سلاگيزينجى باب : معاشرت آداب لارى


بوْگولۇستان باغى نين صون كرتى سين  
 اكميشه م من آلتى يوز آللى آلتى دا

\*\*\*

غرض بير پنديدير وئرديم گئديم داي  
 اولۇ تانرى سيزين پشت و پناھيز

۱ - بۇلرم، قطعه

۲ - بهشت، جنت



ایلاگی باب

سلطانلارین سیرتلی



## سلطانلارین سیرتلىرى

### • حكايت

۱- ائشیدیم بیر بویوک حاکم بیر محکومون اؤلومونه حکم ائیلهدی ، عۆمرو صونا چاتان محکوم صون لحظه لر اؤز دیلیله پادشاها یامان دئدی . دئییدیلر « جانندان گئچه ن سۆزون دئیهر » .

اونداکی یوخذور اومودون قاجماغا آل اله شمشیر یوگور<sup>(۱)</sup> اصلانا<sup>(۲)</sup> گورسه پیشیک قاب باجالار باغلیدیر<sup>(۳)</sup> شیر سایاق<sup>(۴)</sup> حمله ائده ر انسانا

سلطان دئدی : او نه دئییر ؟ حضورداکی وزیرلرده ن بیرى دئدی : دئییر قوریان « وَالْكَاطِمِينَ الْغَيْظَ وَالْعَافِينَ عَنِ النَّاسِ »<sup>(۵)</sup> .

۱- حمله ائيله ، یورش ائيله

۲- شیر

۳- شیر کیمی

۴- آل عمران سؤره سینین یوز اوتوز دوردونجو آیه سینین بیر حصه سی « غضب لری ن قایتارارلار انسانلاری باغیشلارلار » .

سلطان سۇزۇن آلقيشلادى<sup>(۱)</sup> گوناھلارنى باغىشلادى. امرائىلەدى گۈيلۈن  
آلىن<sup>(۲)</sup> يۇلا سالىن. وزيرلردەن بىر آيرىسى دىدى: قۇربان پادشاھىن حضورىندە يالان  
دئمك روا دەگىل، اسير سىزە يامان دىدى وزير يالان. سلطان دىدى: بۇ دوز سۇزدەن يالان او  
سۇز سئومەلىدىر، اۇندا حكمت بۇندا آمما شرارت<sup>(۳)</sup> وار، اتالاردان انشىدمىشىك،  
مصلحتلى يالان سئويلە مصلحتسىز دوز سئويلەمە.

ايندىكى سلطان باخىرى آغزىوا

سئويلەمە فتنە<sup>(۴)</sup> تۇردەن سۇزلىرى

فرىدونون سارايندا<sup>(۵)</sup> يازىلمىشىدىر:

بۇ دۇنيا بىركسە قالماز ائشىد بىل  
آنان فخر ائتمەسىن اصلان دوغۇبدۇر  
قالان عالمە خالقدير گۇزۇن سىل  
بۇ دۇنيا سايسىز اصلانلار بوغۇبدۇر  
اۇلندا جان پاكين قىدى گندماخ<sup>(۶)</sup>  
نە فرقى تخت<sup>(۷)</sup> اوستو ياكى تورپاخ

## • حكايت

۲- سىكتكىن اوغلو محمود<sup>(۸)</sup> خراساندا بىر اميرىن اويۇقۇسوندا<sup>(۹)</sup> ظاهر اولۇر. بىر  
حالداكى جىسمى تامام سۇكۇلمىشىدىر سۇمۇكلرى تۇكۇلمىشىدىر ايكى گۇزۇ ساغ

۱- تحسین اتدی

۲- منظور اونا خلعت نعمت باغىشلايىن

۳- خېشلىك

۴- فیرتانا، آشوب

۵- ائو، كاخ

۶- شاهلیغا اشاره دیر

۷- بۇ دۇنيادان اولۇپ گندمەگە اشاره دیر

۸- سلطان محمود غزنوی

۹- روىا، يۇنخو، خواب

سلامت ساغا صوْلا دولانيرميش. اوْ اويقونو كيمسه تعبير<sup>(۱)</sup> اندهنمهدى مگر حقير ان  
بیر فقیر عارف درویش . دئدی : گۆزۆ بۆردا قالیب گۆرۆر اۆزگه یۆردون آلیب .

چوْخ نامور<sup>(۲)</sup> ایگیدلر ایتیب یئرده گیزله نیب  
گۆزدهن ایتەن ایگیدهن اوْغول بیر نشاندا یوْخ  
توریاغ ایچینده دفن اولئوتان مغرور انسانین  
قبرین صاباح آچان دئیەجک استخواندا<sup>(۳)</sup> یوْخ  
یاخشی قالیدیر اۆلکەده نوشین روان<sup>(۴)</sup> آدی  
مین ایلدی گرچه اۆلکەده نوشین رواندا یوْخ  
بئش گۆن بوْ فانی گۆنلریوین بیل بهاءسینی<sup>(۵)</sup>  
اوندان قاباخ کی خلق دئسین دای فلاندا<sup>(۶)</sup> یوْخ

## ● حکایت

۳- انشیدیم بیر بیگین<sup>(۷)</sup> اوْغلۇ صورتدهن چوْخ چرکینیدیر قامتدهن چوْخ آلچاغیدیر  
اونون اوجا سرو قامت قارداشلارین آى گۆرهنده گیزله نەردیر . سلطان اونو  
دیندیرمه زدير بوْ اوْغلو مدير بیر کیمسه یه بیلدیرمه زدير . بیر گۆن اوْغلان دئدی :

۱ - آیدینلاشدیرماق

۲ - نامدار ، آدلی سانلی

۳ - سوموک

۴ - انوشیروان ، ساسانیان پادشاهلارینداندیر عادل صفت یله آدلانییدیر

۵ - ارزش ، قیمت

۶ - فلانی ، فلان کس

۷ - خان ، پادشاه



آتا مین عاغیل سیز اوجا بویدان عاغیللی بیر آلچاق خوشدور . دئمک اولماز کیم  
اوجادیر دهیرلیدیر کیم آلچاقدیر دهیرسیدیر . قوچا نظیف<sup>(۱)</sup> دئسیدیلر فیله کتیف<sup>(۲)</sup> .

داغلار ایچره آن کیچیک داغ طوریدیر<sup>(۳)</sup>

منزل موسی مقام نوریدیر<sup>(۴)</sup>

\*\*\*

بیر نفر عاقل دئدی بیر جاهله  
جسمین ات<sup>(۵)</sup> سیز اولسادا هئچ عیبی یوخ  
جاهل انساندان جمادات<sup>(۶)</sup> یاخشیدیر  
یوز اولاندان بیر آریخ ات یاخشیدیر

سلطان گولدو ، حق سئویله بیر سئویله دیلر .

انسان نه قدره یوموبدو اغزین  
فیکر ائتمه گیلان کی بوئدو اورمان<sup>(۷)</sup>  
عیبی ، هنری قالبدی دالدا  
شایدکی پلنگ<sup>(۸)</sup> اولسون اوردا

او تاریخدهن هله بئش گون گئچمه میشدیر بیر قدرتلی دوشمن یوردا یورش<sup>(۹)</sup> ائتدی  
ساواش قویدى، او اوغلانجیق لاپ اولین اوغلانیدیر گئیم<sup>(۱۰)</sup> گئیدی یاراقلاندى<sup>(۱۱)</sup> .

- ۱ - داور اتی حاللیدیر
- ۲ - فیلین اتی حرامدیر
- ۳ - طور سینا ، حضرت موسی طور داغیندا مناجات ائدهرمیش
- ۴ - نبوت مکانی اولماغا اشاره دیر
- ۵ - آریخ ، لاغر
- ۶ - او مخلوقات کی جانسیزدیلار
- ۷ - جنگل ، منشه
- ۸ - قافلان
- ۹ - حمله ، یوگوردو
- ۱۰ - دویوش پالتاری
- ۱۱ - مسلح اولدو

گۆرمه سن دعوا گونو<sup>۱</sup> اۆلسمده سن دالدا نى<sup>(۱)</sup>  
 قويما رام گزسين آنا يوردومدا ياغي دوشمنى  
 كيم گليب ميدانه شيرين اوز جانىلا اوينايب  
 كيم قاچيب بير لشكرين امما قانىلا اوينايب

بوتو دئدى اوزون ووردو ياغي لره ، ياغي لرى آتدان سالدى باخدى شاها دئدى : شاها

اي كى تحقير<sup>(۲)</sup> ائيله دين منى سن يئكه اولما قليقا هنر نه دئمك<sup>(۳)</sup>  
 بو دويوش لحظه سى بو ميداندا اينجه بئل آت گرەك نه كلچه<sup>(۴)</sup> اينك

نقل ائده لر ياغي لرين سايى سايسىز اولدوق اوجون دويوشچولر گئرى دؤنوب  
 قاچيرديلار ، اوغلان نعره تپدى دئدى : آي عسگرلر قىلينچ وئرين دوشمن قىرين  
 يوخسا دئين بيز آروادىق بير يوئل آچين اوردان قاچين . بو نعره ده ن قاچان  
 قىچلار قاچماز اولدو مرد اوغوللار قايتديلار چارپيشديلار<sup>(۵)</sup> چونچ چكمه دى دوشمن  
 سيندى . شاه اوغلانين اوزون اويدى اوز يائيندا اوتتوردو ، دئدى : منده ن صوترا  
 شاهلىق بو اوغلانا ياراشاندير . گيجيك<sup>(۶)</sup> اودو اوره ك لره آلولاندى قارداشلارين  
 بىرى اونون شربتینه زهر قاتدى زهر جامين باجى گوردو گوز ائيله دى ، اوغلان  
 جامى آتدى دئدى : هنر يئرين هنرسيزلر دوتانمازلار .

۱- قاچاماغا اشاره دير

۲- اُسگيك گوزيله باخماق ، خوار ائتمك

۳- يئكه ليك هنر ده گيل

۴- بسله نيميش كله اشاره دير

۵- ساواشديلار ، دويوشدولر

۶- حسادت

بايقوشون كۈلگەسى آلتىندا محالدىر ياشاماق

قارطالين<sup>(۱)</sup> كۈلگەسى داغلاردان اگر اولسا اوزاق

بۇ خبرى پادشاها يئتيردىلر خيانت كار ادب<sup>(۲)</sup> اولدۇ آيرى يۇردا گۈندەريلدى فتنه<sup>(۳)</sup> ياتدى  
 ھاي كۆي باتدى ، دئىيدىلر : يئددى درويش بير گليمده يئرلەشەرلر ايكي سلطان بير  
 اقليمدە<sup>(۴)</sup> يئرلەشمز لر .

يوخسۇلا وارسيۇزلارا احسان اندەر  
 ألماغا يۈز مين جانى بيجان اندەر

بير چۆرەك دەن نصفيني مردخدا  
 آلتى اقليمين شاھى صون اقليمي

## ● حكايت

۴- قىرخ حرامى<sup>(۵)</sup> بير پۇلاد<sup>(۶)</sup> اوز داغى مسكن اثميشدىلر دەرەلردەن گىچەن يولۇ  
 يولدان گىچەن کروانلار دۇتمۇشۇلار ھەرلەردە اوجا حاصار تىكمىشىدىلر سرەلرە دە  
 اوزون دۇوار . تۇرا دۇشەن گىرى دۇنۇب قاچانمازدىر قشون گىدىب باغلى يولۇ  
 آچانمازدىر . سۇز بىلەنلر سۇز وئردىلر سۇز آلدىلار سئويلەدىلر بۇ داغلار ائىلە بۇ  
 گۈن چىخماق گرەك حاصارلارىن يىخماق گرەك يوخسا صاباح امكان سىزدىر .

آغاج كى گىچەن ياز دۇتۇبدور آياق<sup>(۷)</sup> يىل أسسە گۈرەرسن يىخىلدى باياق<sup>(۸)</sup>

۱ - شاھين ، چالاغان

۲ - تىنپە

۳ - فىرتانا ، بلا

۴ - بۇلگە ، ناحيە ، قديم زامان يئر اۆزۈندە يئددى اقليم وارىمىش

۵ - اوغرو

۶ - سىلدېرىم ، محكم

۷ - گۈيەرمەگە باشلايىدىر

۸ - فورا ، بير لحظه قاباق



بوۋراخسان داش ايچره كۆكۈن سالسا بيل    يىخيلماز محالدیر گهله سئل مين ايل  
سوۋو ايندى دۇندەر كى يولدان چيخير    نه اوندا كى فيلى يوكيله ييخير

آخرا لامر<sup>(۱)</sup> بير گودوكچو قونداريلدى . بير گئجه كى حرامى لر غارت اوچون داغدان  
دوزه دوشموشدولر او بوئش مسكن دۇرت دۇرهدهن دۇرهله ندى . حرامى لر يولدان  
يوزغون يئتيشه ركن تاپديق لارين يئر قويوب اوزانديلار . دوشمن لرى باشلارينا  
يوكورمه ميش بويوك دوشمن يعنى يوخو گوزله رينه يوروش اتتى . او زيل قارا آي سيز  
گئجه آغ قارادان سئچيلمه زدير .

ائيله اودموشدو گئجه آي گونشى    يونسى<sup>(۲)</sup> سانكى نهنگ اودموشدور

دلاورلر آغناديلار<sup>(۳)</sup> بير لحظه ده اوغرو لارين قول لاريني باغلاديلار ، گون چيخماميش  
اتل بيگينين قوللوقوندا دايناديلار . خانلارخانى قيرخ اوغرونون اولومونه فرمان وئردى .  
اوغرو لارين بيرى چوخ چوخ جوانيدىر يىغى تازا ترله ميشدير عومرون ياشيل  
باغچاسيندان هله بير بار دهرمه ميشدير . وزيرلدهن بيرى شاهين تختين اوپدى دئدى : شاها  
يئنى يئتمه<sup>(۴)</sup> بو اوغلانچيق ياشايشدان هله بير گون گورمه ييبدير ، گوناه لارين بو چاكره  
باغيشلاين . بير حالداكى پادشاهين غضب اودو سونمه ميشدير دئدى : وزير

ذاتى پيس<sup>(۵)</sup> انسان گوتورمز تربيت چون بلليدير

گونبه زين<sup>(۶)</sup> اوستونده بير لحظه داينماز گردكان

۱ - عاقبت ، سوزون صوتو

۲ - بنى اسرائيل نبى لرينده ندير تانرى فرانيلا نهنگ اونو اوددو اوچ گوندهن صوترا ديري قوسدو

۳ - يوروش اتتديلر

۴ - نوسيده ، نوجوان

۵ - باطنى پيس ، بد ذات ، ناھل

۶ - گنبد

بئىلە آزغىن<sup>(۱)</sup> فاسد نسلين كۆكۆن يئردەن كسمەك گرەك ، كيم ايلانىن بالاسينا رحم  
ائىلەسە اولدورمەسە اينجە كۆزۈ سئوندورمەسە عاغىل سىزدىر.

گئجە گۆندۈز شىدىرقى ياغسا ياغىش سۈويد آرمود بارى يئتىرمەيەجك  
صحبىتىن اولماسين هنرسيزىلە بوژيا<sup>(۲)</sup> نيشكر<sup>(۳)</sup> بيتىرمەيەجك

وزير شاهين بويرۇقلارين القىشلادى دئدى : قۇربان صحبتلىز حقيقتدىر ، آما  
شايد بۇ اوغلانچىق فاسد گروه ايچرە قالىب فاسد اولۇب اگر دوزگون انسانلارلا  
اگلهشەيدى هامار يولدان چىخمازيدير اوميدىم وار ناصحلىن صحبتلىرى اثر  
قىلسين صالحلردەن<sup>(۴)</sup> اولايلىسين ، كى آزغىنلىق كولو شايد اونون اينجە  
اورەگيندە كۆك سالمايىب خبردە وار « كَلُّ مَوْلُودٍ يُولَدُ عَلَى الْفِطْرَةِ فَأَبَوَاهُ يُهَوِّدَانِهِ وَ  
يُنَصِّرَانِهِ أَوْ يُمَجِّسَانِهِ »<sup>(۵)</sup>

چون قوشۇلدو نوحين اوغلو<sup>(۶)</sup> ناخلف يولداشلارلا  
زايل اولدو طايغاسيئندان داي نبوت فرصتى  
كهف اصحابين<sup>(۷)</sup> ايزين اول ايزلەيەن ايت عاقبت  
مايل اولدو آدمە يوكسلدى شانى شوكتى

۱ - گمراه ، فاسد

۲ - بىر نوع قميشدىر حصير توخۇيارلار

۳ - بىر نوع قميشدىر شكر تۈرەدەر

۴ - تانرى يولۇندا اولان انسانلار

۵ - انسانلار مۇحد دۇغۇلارلار ، آتا و آنالاردىكى اونلارنى يهودى ، مسيحى مجوس بارا گتيرەرلر

۶ - نوحين اوغلو تانرىين فرماين قبول ائتمەميشدىر

۷ - كۇھول يولداشلارلى ، يئددى نفر مۇحد انسانلارلى تانرى فرمايلا اوزون مدت ياتيرلار

قوللوق داكى بۇيوك باشلار او وزيرين سوزلرينى به گه ندىلر ائل بيگينه سئويله ديلر بو  
اوغلانى باغي شلايىن عفو ائيله يين سلطان دئدى : باغي شلادىم عفو ائيله ديم امما  
ييلين مصلحت سيز بير ايش گوردوم .

بير گون دئدى زال رستمه اوغلوم سامين<sup>(۱)</sup> اوغلو  
عاجز دئمه دى دوشمن آواره يه هرگز  
يوكلو ده وهنى چشمه يي خار چاي سنله چاتسا  
گلمز او سئلين رحمى او ييچاره يه هرگز

او اوغلانچىق ايرى يولدان دۇنده ريلدى مدرسه يه گۇنده ريلدى . آز مدت ده  
مدرس لر<sup>(۲)</sup> اونا ائيله آغىر سوزلر اؤيره تديلر سوز بيلمه كده سوز دئمكه تاي سىز  
اولدو . بو سوزلرى وزير شاهين قوللوقونا يئتيره ركن سلطان گولدو دئدى : وزير  
انسانيله قوردون بالاسى قالسا بوى اتسا

انسان اولاييلمه ز يئنه بير قورد اولاجاقدير

اوگونلر ده ن هله بئش گون گئچمه ميشدير يئنى<sup>(۳)</sup> اوغرو حرامى لر او اوغلانا ال تاپدیلار او  
وزيرين اوزون اوغلون اولدوردولر ، وارين يوخون آپاردیلار ، او اوغلانچىق داغا قاچدى  
ده ده سينين يئرين آلدی . خانلار خانى فيكره جوئدو توئدو دئدى :

آدام كى اولدو يامان<sup>(۴)</sup> تربيت اثر قيلماز

قوتور<sup>(۵)</sup> ده مير چتين تيغ آبدار اولسون

۱ - زالين ده ده سى دير

۲ - معلم

۳ - تازا

۴ - پيس ، بد ذات ، نااهل

۵ - پاسلانميش ، پاسدان ده ليك ده ليك اولان ده مير



ياغيش شيدىرقى ياغىرداي اوزونده ديرده رهنين

دوشونده لاله بيتيرسين يا خار زار اولسون

\*\*\*

اوشور تورپاق ياشيل سونبول بيتيرمهز

هردهن<sup>(۱)</sup> دانه سهپدين سن چاليشدين

ايگيد مظلوملارى يانديردين اوددا

اوغون كى ظالمه ياندين آليشدين<sup>(۲)</sup>

## • حكايت

۵- ايغله ميشين<sup>(۳)</sup> سارايندا يئنى يئتمه بير اوغلانچيق سرهنگلر رديفينده  
اگله شمشيدير ، حرکاتى گۇسته ريردير فراستلى<sup>(۴)</sup> كياستلى<sup>(۵)</sup> بير اوغلاندير .

آلنلندا عاغيل فراست هوشدان آتار بويوك لوك آلانليردى

پيس يا ياخشى خانلارخانل او اوغلانلن هم جماليئن بگه نميشيدير هم كماليئن  
اونون شيرين سوزلرينه وورولموشدو ايرى قارا گوزلرينه بند اولموشدو  
بويوك باشلار<sup>(۶)</sup> دئيىب ديلر : دولتلى ليك مكنتده يوخ كمالدادير بويوك باشليق آغ

۱ - بيهوده ، عبث

۲ - ظالم خلقي تعريف ائتمك مظلوم خلقي سينيديمه گه اشاره دير

۳ - همداندا حكومت اندهن بير حاكيمين آيدير

۴ - تيزهوش

۵ - تيز فهم ، زيرك

۶ - محترم انسانلارا اشاره دير

باشدا يۇنخ هوش باشدادىر . گيجيکلىلر<sup>(۱)</sup> گيجيک<sup>(۲)</sup> كۆلۈن اۆرهكلردە ييتىردىلر اۆ  
اوغلانىن اُمك<sup>(۳)</sup> لرین ايتىردىلر يالان سۆزلر ائىل بيگينه ييتىردىلر . خانلارخانى اۆ  
سۆزلره باش وئرمەدى آغىر بير سۆز اۆ اوغلانا سئويلەمەدى .

رقيب سۆز دئيه بيلمز وفالى اولسا رفيق .  
سلطان دئدى : بۇ طايفانىن خصوصتى<sup>(۴)</sup> ندىر ؟ سنه سئويلە منه . اوغلان دئدى :  
قارى قوجا دوشمنلرى دوست ائيلهديم اما حسود انسانلارى دوست ائتمەگه يول  
تاپمادىم ، حسود انسان راضى ده گيل عزتيمه اۆ راضى دىر ذلتيمه .

يانىق اۆرهكلر اۆچون اۆد دوتوب آلولاندىم  
آلولى سينه گورونمىر گيجيکلىلر گوزونه  
حسادتين اۆدۇ كؤكدەن حسودى ياندىراجاق  
حسود آدم ائدەجک عالمى آلاو اوزونه

\*\*\*

چكمەمەز<sup>(۵)</sup> انسانلارین آرزى سىدىر اولماسين منعمده<sup>(۸)</sup> نعمت مال وجاه<sup>(۹)</sup>  
شوپرين<sup>(۶)</sup> گر گورمهسه گوندوز گوزو آل قيزيل تئللى گونشده يۇنخ گوناه  
ائيله گوزلردەن مینى كور<sup>(۷)</sup> اولسادا عیبى يۇخدور اولماسين گون روسياه<sup>(۱۰)</sup>

۱ - حسودلار

۲ - حسادت

۳ - خدمت

۴ - دوشمنلىك

۵ - حسود ، گيجيکلى

۶ - خفاش ، شپ پره ، قارائليقدا اۇچان بير قوشۇن آبدىر

۷ - كور ، گوزو گورمز

۸ - نعمت صاحى ، نعمتلى

۹ - مقام

۱۰ - اوزو قره ، گونون ايشيقي آزالماسين

## ● حکایت

۶- قدیم عجم<sup>(۱)</sup> شاهلاریندان بیرى خلقی اینجیده رمیش مظلوملاری حددهن آرتیق سینسیده رمیش . نقل ائدهرلر آغیزلاردا شیرین بالی زهر ائدهرمیش ظولم ائتمه گه فخر ائدهرمیش . سایمازی میش ، شاه ملته ائتسه آزار ملت اولار شاهدان بئزار<sup>(۲)</sup> . چوخ گنجه مدهی آزار گورموش بئزار خلقین بئشی اولدو بئشی کوچدو رعیت سیز ولایتین<sup>(۳)</sup> خزانه سی دیبه چاتدی<sup>(۴)</sup> آیتق دوشمن کمین یاتدی .

کیم مصیبت گونو ایستیر دوگونو تئز آچیلما  
ساغ سلامت گونو مین باغلی دوگون آچمالیدیر  
لطف اگر ائیله یه سن دوشمنه یولداش اولاجاق  
یوخسا یولداش سنی قول تک بو راخیب قاجمالیدیر

بیر گون شاهین مجلسینده ضحاکله<sup>(۵)</sup> فریدونون<sup>(۶)</sup> حکایتی اوخونوردو ، وزیر شاهرا دئدی : قوربان بیر حالداکی او قان ایچهن ساییسز تاییسز عسگرلره بویوک بویوک املاک لارا مالکیدیر نئجه اولدو بیر حشم<sup>(۷)</sup> سیز خزانه سیز فریدون تک رعیت به باتانمادی زورو او نا چاتانمادی . دئدی : وزیر او ملته دایانمی شدیر ائل گوجوندهن گوج آلمی شدیر . دئدی : قوربان ایندی کی ائل ائل خانلارا قدرت وئریر سلطانلارا قوت وئریر ندهن خاطر مظلوملاری اینجیدیر سن محکوملاری سینسیدیر سن مگر شاهلیق فیکرین باشدان بو راخیب سان .

۱ - عربلر غیر عربه عجم دئیهرمیشلر ، ایرانلی

۲ - بئزار ، تنگه گلیمیش

۳ - اولکه ، مملکت

۴ - بو شالیدی

۵ - شاهنامه حکایتینده بیر ظالم پادشاهین آدی دیر

۶ - ضحاک تخته دهن سالان رعیتین آدی دیر

۷ - فریدونون مکت سیز اولماغینا اشاره دیر



گره کدیرکی اینجیدمه مک ملتى کی ملت وئرهر سلطانا عزتى

اىل دوشمانين<sup>(۱)</sup> بو حاق سوزلر هيرسله نديردي حق سئويله يهن او مرد ايگيد شئح  
محبسه<sup>(۲)</sup> گونده ريلدى . چوخ چکمه دى اىل بيگينين عم اوغلوسو آتاسينين  
غصب<sup>(۳)</sup> اولونموش املاک لارين آماق اوچون باش قاوزادى<sup>(۴)</sup> ، خلق اونا يارديم  
اولدو ولايتين بير حصه سين<sup>(۵)</sup> آزاد ائتدى .

خلقه سلطان زور دئسه اينجيتسه مظلوم ملتى  
دوسلارى دوشمن اولارلار وئرسه الدن قدرتين  
وئرگيلان حورمت ائله آسوده يات دعوا گونو  
اىل قشوندور ساخلاسا سلطان اگر اىل حورمتين

سلطان دئدى : جيلاز<sup>(۶)</sup> قشون توپلاماغا رعتى آرتيرماغا چاره ندير ؟ وزير دئدى :  
پادشاهين کرامتى ، عطوفتى<sup>(۷)</sup> اولسون گرهک ، کرامت سيز ، اىل طاي فاسين  
دوشمن ائدر عطوفت سيز ، آنا يوردون نامن<sup>(۸)</sup> ائدر . سنده ده کى نه کرم وار نه عطوفت .

ظولمکار سلطانه سلطانلىق ندير ييرتيجى اول قوردا چوپانلىق ندير  
پادشاه کى ظولمه قانون يازديرار تیکدیگی کاخین تملدهن<sup>(۹)</sup> قازديرار

۱ - او ظولمکار پادشاهلار اشاره دير

۲ - زندان

۳ - ظولميله آليشميش يئر

۴ - قيام ائتدى ، ياغي اولدو

۵ - بولوم ، قسمت ، پاى

۶ - زيرک ، شجاع

۷ - محبت ، مهربانلىق

۸ - امنيت سيز

۹ - بنا

## ● ھاكىت

۷- بىر گۈن عىجم شاھلارنىڭ بىرى جوان غلامىلا<sup>(۱)</sup> بىر گىمى دە اگله شىمشىدىر ، غلام گىمى مېنمە شىمشىدىر دالغا دەنيز گۈرمە شىمشىدىر . دەلى دريا باغى راندا باغىرىدى اوشاق كىمى آغلايىردى اوغۇنمۇردور<sup>(۲)</sup> ، بۇ قىسە دەن خانلار خانى غىسەلندى . ان بىر ياشلى قۇجا كىشى دندى : قوربان ايدنىم<sup>(۳)</sup> اولسا من غلامى اوغۇندۇررام. بۇيۇردولار ايدنىن واردىر . دندى : اونۇ آتىن سۇووا . غلام اوزمەك باجارمىردىر بوغۇلاركن اوزگۈنچولر اونۇ سۇودان چىخارتدىلار گىمى ايچرە قايتاردىلار . او لحظه دەن داي بۇ يانا او اوغلاننىن سسى باتدى اينمز اولدو دىنەر دىلى دىنمز اولدو بىر حالداكى خانلار خانى حىرتەيدى<sup>(۴)</sup> دندى : حكيم بۇ صحبتىن حكمتىنى سئويە منە . دندى : قۇربان چون بوغۇلماق گۈرمە شىمشىدىر گىمى قدرىن دۇشۇنمىردىر .

عافىت<sup>(۵)</sup> قدرىن مصىبىت گۇرمۇش انسانلار بىلەر

آرپا چۇره گىن خوشلاماز انسانكى توخ اولدۇ

خوشدۇر منە آمما ، يانيغىن من يئە بىللەم

اعراف<sup>(۶)</sup> ، ملائكلر<sup>(۷)</sup> اوچۇن اولسادا دوزخ<sup>(۸)</sup>

اعرافى من اود اهلينه<sup>(۹)</sup> جنت<sup>(۱۰)</sup> دئيه بىللەم<sup>(۱۱)</sup>

۱ - قوللوقچو ، نوكر

۲ - ساكت اولمايىردى

۳ - اجازە

۴ - تعجب

۵ - سلامتلىك

۶ - جەننەلە بەشتىن آراسىنداكى مكان ، برزخ

۷ - فرشتەلر ، ملكلر

۸ - جەننم

۹ - جەننەم دە اولانلارلا اشاره دىر

۱۰ - بەشت

۱۱ - يعنى بەشتى يە برزخ دوزخدىر ، دوزخى يە برزخ بەشتى دىر

فرقى چوڭدور اوڭى دلدارين آلبدير يانينا  
عاشقىله يارينين دوزمهليدير هجرانينا

## ● حكايت

۸- هرmez<sup>(۱)</sup> شاهدان سوروشدولار گنجهن شاه قوئلوق ائندن وزيرلردن مگر خطا دوشونموشدون امر ائيله دين دوتولسونلار حبس اولسونلار . دئدى : يوخ يوخ من اونلاردان هنج بير خطا گورمه ميشديم امما گوردوم مندن ائيله قورخورلاركى امكانى وار هر آن منيم دوشمنيمله باريش سينلار ياغى لره قاريش سينلار هلاكمه چاليش سينلار . حكيملردن بيرى دئيپ :

قورخ اوندان قورخورو سندن حكيم  
يار دئمه عالمده قورخاق يولداشا  
بو سببدهن افعى چوپانى چالير  
قورخورو چوپان باشين چالسين داشا  
گورسه يوخدور قاجماغا امكان پيشيك  
حملة ائيله رديرماشار قالخار باشا

## ● حكايت

۹- ياشايشدان آلين اوزهن خسته مريض بير سلطانين قوللوقونا بيرى داخل اولدو دئدى : سيزين اوڭا بختيوزدهن فلان قلعه<sup>(۲)</sup> سيندى دوشمن اسير اولدو . صون نفسين چكهن سلطان ان دهريندهن بير آه چكدى دئدى : بو سوز داي منى يوخ دوشمنيمى يعنى

۱ - مشهور انوشروانيهن اوغلوساسانى شاهلارئندادر

۲ - بارو ، برج ، حصار



منىم وارثىمى <sup>(۱)</sup> سئويندیرەر .

بۇ فکرىلە ، باشا وئردىم عزیز عۇمرومۇ من  
 اۆرەك سئوھن گۈزەلیم سئویلەيە قوناق گلیرەم  
 قوناق گلیر او گۈزەل عۇمرومۇن بۇ صون گونۇ حئیف  
 اؤمید یۇخدۇ چاتام وصلینە اودۇر مەلیرەم

\*\*\*

رحلتین <sup>(۲)</sup> طبلین <sup>(۳)</sup> بۇ گون چالدى اُجل  
 دای بۇ باشیمدەن وداع <sup>(۴)</sup> ائیلە گۈزۈم  
 ای منىم ال قوللاریم بارماقلاریم  
 آیریلیقدان باشقا سۇز یۇخدۇر سۇزۈم  
 جەل ائیلە یاندیریبدیر جانیمى  
 آز قالیر دۇنیانی یاندیرسین کۈزۈم  
 قویما نادانلیقلا چاتسین باشە عۇمر  
 ائیلە چاتدیردیم باشا من کی اۋزۈم <sup>(۵)</sup>

## ● حکایت

۱۰- بیر گون سحر دمشقده <sup>(۶)</sup> یحیی <sup>(۷)</sup> نین حرمینده زیارتە مشغۇلدوم گۇردوم عرب

۱ - جانشین

۲ - کوچمەك ، اۆلمەگە اشاره دیر

۳ - دۇھول ، کوس

۴ - صون گۇروش

۵ - من اۋزۈم نادانلیقلا عۇمرو باشا چاتدیردیم

۶ - شامین شہرلریندەندیر

۷ - زکریانیڭ اوغلۇ بنی اسرائیل پیغمبرلریندەندیر

اۈلكه سىنين اُن عزت سىز عدالت سىز شاهلار يندان بىرى آغلىر نياز اندىر نياز ايستىر.

باخماكى حشم<sup>(۱)</sup> صاحىنين حشمتى<sup>(۲)</sup> وار

درويش و گدادهن چوڭخ اونون حاجتى وار

منه باخدى دئدى : درويش ، درويشيله آلىش وئرىش اندهن تاجر<sup>(۳)</sup> زيان بيلمەز حق  
چاغىران يالان بيلمەز ، حاققىن سۇزۇن بىلدىر منە ياغى دوشمن قورخۇسوندان  
هر گون بئش اون ايل دىر منە . دئدىم : قوربان ، رعتە ائيله رحمت ياغى لردەن  
گورمە زحمت .

آلىنده واردىر اگر قدرتين قولۇندا گوجون

خطادى<sup>(۴)</sup> سىندىراسان مظلومون آلىن آياغىن

اگر داياق دوراسان مظلوما يامان گونو سن

يامان گونونده اولار بللى سۇزدور ائل داياغىن

اگر بو يئرده ستم دانه سىن بو گون اكه سن

صاباح كى گون بيچەر عصيان<sup>(۵)</sup> آلىنده كى اوراغىن

اگر ائشيدمه يه سن سن سىنىق اورەك سۇزۇنو

اورەك سۇزۇن ائشيدەن دادگر<sup>(۶)</sup> بوزار قولاغىن

۱ - پادشاهلارا اشاره دىر

۲ - جلال ، شوكت

۳ - بازرگان

۴ - اشتباه دىر

۵ - طغيان ، نافرمانلىق

۶ - عادل ، تانرى يا اشاره دىر

بدل<sup>(۱)</sup> یوخ هامى اصل بیر گوهریک

بیز اعضای بیر جسم و بیر پیکریک<sup>(۲)</sup>

اگر عضولردن دئسه وای بیری

محال سؤزدور اولسون راحت دای بیری

سزاوار<sup>(۳)</sup> ده گیل من دئیهم آدمم

اگر ائلل غم یندن دئسه بی غمم<sup>(۴)</sup>

## ● حکایت

۱۱- قدیم بغداد دیارینده اولو تانری درگاهیندا دعالری قبول اولان بیر ار قوپدی<sup>(۵)</sup>  
ظالم یوسف اوغلۇ حجّاج<sup>(۶)</sup> بو خبری ائشیده رکن حضورینده حاضر اولدو دئدی : عابد  
منه خیر دعاسی وئر ، دئدی : حجّاج آلاہ سنی یئر اوزوندن یوخ ائیله سین .  
دئدی : کیشی بو نه سؤزدور . دئدی : خیر دعاسیدیر همی سنه همی مظلوم بو ملّته .  
بو یازیق ملّته ندیر بو آزار رونقی دهن دوشهر صاباح بو بازار  
نه یه لازیمدی بو جهاندارلیق اول قالیب ائتمه مردم آزارلیق

## ● حکایت

۱۲- آن ظولمکار امیرلردن بیری مشهور بیر عابده دئدی : عابد نه ائیله ییم آرتیق ثواب  
کسب<sup>(۷)</sup> ائیله ییم . بو یوردولار بیر ساعت یات بیر ساعت خلق راحت اولسون .

۱ - اصلین مقابلینده

۲ - جسم ، تن

۳ - شایسته ، روا

۴ - غم سیزه

۵ - بیر مرد ایگیذ وجوده گلدی

۶ - بنی امیه زامانیندا عراق و حجازین ظالم والی سیمیش

۷ - قازانیم ، آله گتیریم



بیر ستمگر سلطانی گوردوم یاتیب<sup>۱</sup>  
 سئویله دیم بو فتنه یاتسا یاخشیدیر<sup>۲</sup>  
 یاتماغیندان ایندی کی خوشحالدی خلق  
 یاتسا دایم اولسه باتسا یاخشیدیر<sup>۳</sup>

### • حکایت

۱۳- ائشیدیم بیر کئفلی سلطان می چاناغین قالدیراندا بو آوازی<sup>۱</sup>  
 اوخویوردو :

دونیاده بیزه داری<sup>(۱)</sup> قدهر غم یوخدور<sup>۲</sup>  
 بو دم<sup>(۲)</sup> کیمی عالمده گوزهل دم یوخدور<sup>۳</sup>

بو آوازی آن بیر حقیر فقیر درویش ائشیده رکن دئدی : شاها

آیدیندی سنین غصه لی بیر قصه یوختودور<sup>۱</sup>  
 آما دئمه بو درویشه غم غصه یوختودور<sup>۲</sup>

بو شعریده ن ، پادشاهی ن خوشو گلدی دئدی : درویش آچ آته گین بو مین دینار  
 کیسه نی آل ، دئدی : قوربان آته گیمی نجه آچیم بیر حالداکی دونوم یوختودور .  
 بیگلربیگی غصه لندی امر ائیلهدی علاوه زر<sup>(۳)</sup> اونسا خلعت چوخلو نعمت  
 باغیشلانسین . بو صحبتده ن هله بئش گون گنچمه میشدیر . درویش بوتون  
 دینارلاری خرج ائیلهدی یئنه یامان محتاج اولدو .

۱ - ارزن ، ارزین دانه لری چوخ نارین اولار

۲ - لحظه

۳ - قیزیل

ممکن ده گیل آزاده<sup>(۱)</sup> بشر ساخلایا دینار

سو ساخلایا بیلمز بو محال امریدی غربال<sup>(۲)</sup>

بو صحبتی پادشاهیئن حضورینده سئویله یرکن خانلارخانی حددهن آرتیق  
غضب لندی چوخ بیله نلر بیلدیریلر ؛ زور اهلیندهن حذر گرەک ، عاقل آدام اوددان  
سودان اوزاق گزەر ، مملکتین ایشی چوخدور پادشاهیئن صبری یوخدور .

حرام دیر سنه سلطانین نعمتی      سیناندا دئسەن یوخدو دای قدرتی  
یئری اولماسا سئویله مه صحبتین      گئدر یوخسا آلدەن آغیر حرمتین

سلطان دندی : قوویئن گئدسین ، بو امانت<sup>(۳)</sup> آفاق یالین ، آفاق قابی  
ییرتیغین دیر<sup>(۴)</sup> نه هر گلن سیرتیغین دیر .

کیمسه یاندیردی چراخ آخشام چاغی

لامپاسیندا دای گئجه اولماز یاغی

وزیرلردەن بیرى دندی : ای پادشاه ، سوز اودورکی سیز سئویله دیز ، آما بیله گدا خلقه  
پای وئرنده پایى آز آز وئرمەلى سن ، یوخسا بو گون چوخ وئرسەن صاباح اصلاً  
وئرمەیه سن قلبی سینار سنی قینار .

غم صاحبی غملى اوره گى داغلايا بيلمز

احسان قاپی سین کیمسه آچار باغلايا بيلمەز

۱ - دۇنيا مالینا باغلی اولمایانلارا اشاره دیر

۲ - آلك

۳ - بیت المالا اشاره دیر

۴ - یوخسوللارا اشاره دیر

گۆرمه ديم شوږ بولاخ سوۋىندان ايچه  
امما گۆردۆم شيرين سوۋىن باشينا  
ايستى چول صحرادان اۋتهن كروان  
دۋنده رير كروانى سوۋسوږ سروان<sup>(۱)</sup>

## ● حكايت

۱۴- ائل خانلاردان<sup>(۲)</sup> بىرى ائلين احوالىندان غافل اولدۇ ، پاي سىڭزا پاي يئىرمه دى  
محببتين اينجه كولون اوره كلرده يئىرمه دى ، ناچار دۇيوش قويان زامان دۇيوشچوسو  
دۇيوشمه دى دوشمىنه دال چئويدى .

اگر گنج اولسا سپاه دان<sup>(۳)</sup> دريغ  
جانيمدان نجه سلطانا پاي وئريم  
قالار پاسلانا قيندا شمشير و تيغ  
كى سلطان دئير من هايا هاى وئريم<sup>(۴)</sup>

دوشمن لره دال چئويره ن ايگيدلرين بيريله من تانيشيديم ملامتله دنديم :  
ايگيد عهدين دانماز بير كيمسه يه كۈنول وئرسه باشدان گئچهر ايلقاريندان گئچمه ز  
امما . دئدى : آتيم آرپاسيڭزدير اوشاقلاريڭم بوغدا سيڭزدير پالتارلاريڭم  
گرودادير<sup>(۵)</sup> ، سلطان درم ديناريندان گئچه بيلمير من جانيمدان نجه گئچيم .

راضى سالسان اوخچونو تيرى<sup>(۶)</sup> ده مير داشدان گئچهر

درهم و دينار وئرسه ن سربازا باشدان گئچهر

۱ - آرى شيره يه قوتماغا اشاره دير

۲ - پادشاهلاردان

۳ - قشون

۴ - رعيتين دردينه باش وئرمه يه ن سلطانلارا اشاره دير

۵ - رهن يده دير

۶ - اوخ



تۇخ دۇيوشچو ھىچ يۈزۈلماز حملە ائىلەر يۇل آچار  
گىرمەمىشدەن آج اىگىد مىدانە مىدانان قاجار

## • ھاكايت

۱۵- وزيرلردەن بىرى ايشىن آلدەن وئردى ، درويش لرین خلوتینە داخل اولدۇ حقیقتە  
مايل اولدۇ منمىلگى <sup>(۱)</sup> زایل اولدۇ . بىر گون حاکم حکمین دالى آلدی دئدى : گلسىن  
ىئنه او ایلک ایشده مشغول اولسون . وزير دئدى : عاغىللىنى معزول  
اولماق <sup>(۲)</sup> سئویندیرەر عاغىل سىزى مشغول <sup>(۳)</sup> اولماق .

بۇ بئش گونۇ کیم گوشه یه عزلتده وتوردو  
نامرد آدامىن دىل دوداغىن باغلایا بیلدى  
ناکس لرین آلدی قلمین آتدی دواتین  
دفترده کی ناحق یازیلان سۇزلىرى سیلدى

سلطان دئدى : دۇر مین گئده جک ، بۇ اۆلکە یه سنین کیمی بىر عاغىللى وزیر گرهک .  
دئدى : قۇربان عاغىللىلار بۇ ایشلر قوشولمازلار .

بۇنا خاطر شرفى چوخدۇ سعادۋ قوشونون <sup>(۴)</sup>  
یئدى بىر عۇمر سومۇک ، تۆکمه دى مظلوم قانىنى

اصلان ایزین او ایزله یه چاققاللاردان سوروشدۇلار ، شیريله سیز نجه یولداش اولما  
بیلدیز ؟ سئویله دیلر اصلان ییهر تۆکەر گئدهر تۆکونتوسون بیز ییهریک کۆلگه لهر

۱ - غورلولوق ، نخوت

۲ - ایشدهن دوشمک

۳ - ایشه گیرمهک ، حکومت ایشلهرینده ایش دوتماغا اشاره دیر

۴ - همای ، سومۇگه قانع اولان بىر قوشون آدی دیر

كۈلگە سىندە كۈلگەلن لىك . سۆزۈش دولار سىزكى اونا اگىلىرسىز آرتىقىنا گۈز تىكىرسىز  
ياخىن گىدىن يالتاخلاينىن عزتيويىز آرتىق اولسۇن سئويلەدىلر : خشمى  
چۇخدۇر ھىيت لىدىر صبرى يۇخدۇر غضب لىدىر غضبىندەن اۈرە گىمىز ايمن<sup>(۱)</sup> دەگىل .

يۈز ايل ياندىرسادا ، اۈد اۈد سئۈن گىر<sup>(۲)</sup>

جانىن ياندىرماغا اۈد ائىلەمەز صبر

سلطان بۇ گۈن آخشام سنە امكان وئەرە صاباح سحر اۈلۈمۈۈە فرمان وئەرە . آتالارىن  
بىر سۆزۈۈ وار : شاهدان اۈزاق اولماق گرەك ھردەن سلام وئەنلرە غضبلەنر ھردەن  
يامان دئىەنلرە خلعت وئەرە . اۈيۈنچولوق<sup>(۳)</sup> اۈيۈنچويا ھنر اولسا حكىم لىرە  
يۈنگۈللۈكدور<sup>(۴)</sup> .

وقارلى اۈل آغىر اۈل يۈنگۈل اولما عالمده

وقارسىز<sup>(۵)</sup> ايش لرى سعى ائت وقارسىزا تاپشیر

## ● حكايت

۱۶- يۈلداشلاردان بىرى بىر گۈن بىر حالداكى روزگاردان<sup>(۶)</sup> گىلىلىدى گىلىلەندى  
دئدى : يۈلداش عيال واران<sup>(۷)</sup> ايشىم ياشدى<sup>(۸)</sup> وارسىزلىقدان صبرىم داشدى ، فىكرىم

۱ - آسۈدە

۲ - اۈد ستايش ائىلەيەن ، آتش پرست

۳ - ظرافت ، اۈيۈن بازلىق

۴ - آغىر سىزلىق دىر

۵ - يۈنگۈل ، مىنات سىز

۶ - زماۋە ، دۇنيايا اشاره دىر

۷ - اۈشاغىم چۇخدۇر

۸ - يۈخسۇل اولماغا اشاره دىر

بوڭدور بوردان قاچام بوڭش سفرامى ياد يوردوندا گئدم آچام ، ياد يوردوندا كيم بيله جك  
شاميم يوڭدور سو ايچمه گه جاميم <sup>(۱)</sup> يوڭدور .

آج ياتدى آجا كيمسه گليب وورمادى باش  
جان چيخدى او جان چيخميشا گوز توكمه دى ياش

شمايتدن چكينيهره <sup>(۲)</sup> گلنه گولوب دئيه جكدير او غيرت سيز كيشى  
گئتدى او شاخلارين باش سيز <sup>(۳)</sup> اتتدى .

يالاندير آغ گونه چاتسين شاد اولسون اوڭى تركين قىليب آرواد او شاقين  
اوزو گولمه ز نه غربت ده نه ائله اونودسا كيمسه ائل طايغا تيفاقين

بيليرسن كى يازى <sup>(۴)</sup> بيللهم حسابداندا باشيم چيخار ، سوزون گنچسه ديواندا <sup>(۵)</sup> من  
مشغول اولسام قولون اوللام . دئديم : سلطان جماعته قوللوق اتتمك نادانليقدير  
شاها قوللوق ائيله مه گين يالني ز ايكي باشى واردير <sup>(۶)</sup>؛ چوره ك فيكرين باشدان آتماق  
باشا خاطر فيكره باتماق . هوش صاحبي او اوموده بو قورخونو قبول ائتمه ز .

كيمسه گئدمه ز او درويشين ائوينه باغيوا باغچاوا خراج <sup>(۷)</sup> گره ك  
درهمين چوڭدو دينارين ساي سيز صاحب تخت ، تاجه باج <sup>(۸)</sup> گره ك

۱ - چاناخ ، بارداخ - قدح

۲ - اوتانيرام ، احتياط ائديره م

۳ - حمايت سيز ، بويوك سيز اتتدى

۴ - سوادلى يام

۵ - دولت ايشلرينه اشاره دير

۶ - ايكي صورتى وار

۷ - ماليات

۸ - لوطو خرچى ، بير كيمسه دن گوچيله پول آلماق



دئدى : منیم احوالىمه مناسب سۆز سئویلهمه دین سئوالیمه اویغون<sup>(۱)</sup> جواب بویورمادیڭ حساب گونو<sup>۲</sup> خائن قورخار خادم قورخماز .

دۆز گئدهن یولچو<sup>۳</sup> محالدير یول آزا  
دۆز گئدهن انساندان آلايه راضی دير

حکیم لردهن بیرى دئییب دؤرت نفرین دؤرت نفردهن قورخوسو وار ، یولکەسه نین پادشاه دان ، جیبکەسه نین پاسباندان ، تبه کارین سر آچاندان زناکارین حد وورانندان .

انسانین حق و حسابی اولسا پاک  
دفتر و دستکدهن ائتمه زره باکی

\*\*\*

اولاندا صاحب قدرت آزارسیز اولسان آیه  
دئیهنده گئت چوله سلطان چئویرمه ز اوز یولداش  
تمیز و پاکسان آیه باک ائتمه بیر کسدهن  
کثیف اُسگی یه پالتار یووان وورار توققاش<sup>(۲)</sup>

دئدیم سنین احوالیوه او<sup>۳</sup> تولکونون حکایتی مناسبدير ، نقل اولوتوب حیوان جانین ائيله یامان قاجیردیر سانکی<sup>۴</sup> دالدان دهلی اصلان قووالیردیر ، باغیردیلاز بیر دور گؤرهک نه اولوبدیر ، دئدی : دورماق جایز ده گیل امر اولوتوب دهوهرلی آغیر ایشده ایشله تسین لر ، بیرى دئدی : ای عاغیل سیز دهوهردهن سنهنه وار . دئدی : دینمه

۱ - مناسب

۲ - کولونگ دسته سی کیمی بیر آغاجدیر

چىكەمەزلى<sup>(۱)</sup> سۈيەسەلر بۇ دەۋەدىر ، بللەنىجەن من تۈلكۈيم يۈك آلتىندا بىلىم  
سەنىب ، تىرىق<sup>(۲)</sup> آلە يىتىشىنچە ایلان ووران آلدەن گىدەر<sup>(۳)</sup>. بىللى سۇزدور سۇز  
بىلەن سەن ، علمىن چۈخدور جەللىن يۈخدور ، تدبىرلى سەن حق يۈلۈتۈن سالكى سەن<sup>(۴)</sup> اۈز  
نفسىۋىن مالكى سەن ، امما حسود كىم دەدىر<sup>(۵)</sup> سۇزلىۈە قىرپ<sup>(۶)</sup> قوياجاق آغ گۈنۈۋى  
قارالداجاق ، ايشىق گۈنۈن قارالمايىش قىعاتىن درياسىنا باتمايلىسان  
رياستىن فىكرىن باشدان آتمايلىسان .

گەر كىم اىستەسە دريادە چۈخدور

بوغۇلماق قۇرخۇسو ساحلدە يۈخدور

بۇ سۇزلىرى ائشىدەركن دىدى : يۈلداش بۇ نە سۇزدور سۇز بىلمەكدىر گۈز داملاسى  
دامىر گۈزدەن بۇ نە آغلار گۈز سىلمەكدىر ، آتالارىن بىر سۇزۋ وار :  
خوش گۈنلردە ھامى دئەر يۈلداشيۋام ، پىس گۈنلردە دردە دەيەن يۈلداشىندىر .

سفر باشىندا اينانما كىم دئسە

من سەنىن اى مرد اىگىد قارداشيۋەم

ياخشى بىر يۈلداش اۈدور جانندان گىچە

پىس گۈنۈندە اۈ دئىيە يۈلداشيۋەم

باخشيغى ، دانىشيغى گۈستەرىدى سۇزلىمە اينانمايىر ، ناچار اۈنۈۋ صاحب

۱ - حسودلار

۲ - پادىزەر ، دوا

۳ - اۈلر

۴ - يۈلچۈ ، مسافر

۵ - بوسقۇ ، فرصت آختارماغا اشاره دىر

۶ - سۇزدەن عىب دۇتماغا اشاره دىر

منصب<sup>(۱)</sup> بیر تانیشا تانیستدیردیم . او تانیشیئن یاردیمیلا او گون ایشه داخل اولدو، لیاقتین سایه سینده بئش گون صورا آغیر شوکت منزله نایل اولدو، کور اولدوزو ائيله یامان ایشیقلا ندی<sup>(۲)</sup> سلطان اونون صحبت یندن آیریلما دی خلوت یندن آیرمادی . چوخ سئوینجک اولدوم دئدیم :

آغلاما ، یول باغلیدیر ایستکلی یار غربت ده دیر

آب حیوان چشمه سین<sup>(۳)</sup> کیم ایسته سه ظلمت ده دیر

غصه لنمه غم یئمه گون پیس گنجیر ایل لر یامان

لطفی چو خدور آلا هین آلاه کریمدیر مهربان

دؤز ، کی کار کسمه ز همیشه روزگارین حربه سی<sup>(۴)</sup>

صبر گر زهر اولسادا چوخ چوخ شیرین دیر میوه سی

بو صحبتدهن هله بئش گون گنجه میشدیر مکه چیلر کروائینا قوشولدوم من . زیارتدهن قاییدان گون ایکی منزل پئشوازیما گوردوم گلیب قیافه سی بیلدیریردی پریشان دیر باخیشلاری گؤسته ریردی پشیمان دیر . دئدیم :

یولداش نه اولوبدیر ؟ دئدی : هر نه سن دئیشدین همان اولدو گیزلین سوزون عیان اولدو ، چکمه مه زلر امگیمی<sup>(۵)</sup> ایتیردیلر یالان سوزلر پادشاها یئتیردیلر سلطان منی دیندیرمه دی بیلن لردهن کیمسه حق ییلدیرمه دی .

قویارلار ایکی آل لرین سینه یه گؤره نده چوخو صاحب<sup>(۶)</sup> حشمتی

۱ - مقام صاحبی

۲ - مرتبتی اوچالماغا اشاره دیر

۳ - چشمه آب حیات

۴ - یارق ، اولدوزمک وسیله سی

۵ - عمل ، خدمت

۶ - زر و زور صاحب لرینه اشاره دیر



دۇشۇنۋىدەن وۇرارلار آتارلار چۇلە      اگر گۇرسەلر يۇنخ داهى قدرتى<sup>(۱)</sup>

أللریمى باغلادیلار قول قیچیۋى داغلادیلار قارا زندان اولدۇ ائویم یاتاق یئریم .  
 حاجى لاریۋن قایىۋىتماسى سبب اولدۇ قانداڭلارى<sup>(۲)</sup> گۇتۇرسونلر منى  
 اوردان<sup>(۳)</sup> اۇتۇرسونلر . دئدیم : او گون سن سۇزۇمو آلانمادیۋن<sup>(۴)</sup> آتالاریۋن بو دوز  
 سۇزۇن خاطریوه سالانمادیۋن : پادشاهلار سانكى دهرین دهنیزدیلر دهنیز ایچره گهرده<sup>(۵)</sup>  
 وار اولۇمده وار .

سلطان سنه دریا سایاقى وئرسهده گوهر

دریا کیمی شاید حیاتین<sup>(۶)</sup> آلسین آلىندهن

بوئندان آرتیق یاراسینا یارا وورماق ایسته مه دیم سۇزلریمى بو سۇزلرله باشا وئردیم .

ایسته مه دین سن گۇره سن زنجیری

سیخمامیش اول زنجیر آلىن قیچ قولۇن

چون عقرب زهرینه یوخذور تابیۋن<sup>(۷)</sup>

گئت کنار قوی گئده عقرب یولۇن

## ● حکایت

۱۷ - بئش اون نفر درویشیله قوتۇشموشودوم<sup>(۸)</sup>، ظاهرلری گۇسته ریردی ارادتلى

۱ - قدرت گئدسه حورمت گئدهر

۲ - غل ، زنجیر ، بوئۇندیریق

۳ - زندانا اشاره دیر

۴ - دۇشۇنمه دین ، درک ائتمه دین

۵ - در ، اینجی

۶ - یاشایش ، زندگانلیق

۷ - مقاومت ، دۇزوم

۸ - همدم اولمۇشودوم

ديانتلى انساندىلار . بىر بۇيۇك باش صاحب منصب او طايغايا خاص ارادت يئتيرمىشدير اونلار اوچون مقررى<sup>(۱)</sup> امر ائتمىشدير . امما بىر گون بيريندهن بير فساد گوردو ظنى<sup>(۲)</sup> دوندو ، تجارتده اولسا فساد آليش وئريش اولار كساد . دئديم گئديم قوللوقونا بير سوز ساليئم گۇيلون آليئم . قاييچى سى يول وئرمهدى قوزوقچوسو قودو منى ، ان قديمدهن دئيىبديلر :

نوكرى گورمه ميش گئديب كسمه

وزيرين سلطانين گئچه نده يولون

ايت نوكر گورسه لر غريبدى گئچه ن

او قيچيندان قاپار دوتار بوقولون

اندرون دان<sup>(۳)</sup> بير سس گلدى بويورسونلار ، داخل اولدوم يوخاري دا يئر وئرديلر آشاغي دا ديزه كؤچدوم دئديم قوربان :

صدر<sup>(۴)</sup> مجلسده منيم يوخدور ايشيم بنده يم قوئ بنده لرله اگلە شيم

دئدى : حكيم بو نه سوزدور :

قويسان قده مين بو چشم زاره هرگز دئمه ره م چه كيل كناره

بو سوز منى دوشوندوردو سوزوم يئرە دوشمه يه جك محبتين آليشلا ديم آستا آستا

۱ - مواجب ، حقوق

۲ - فيكر ، خيال

۳ - ايچرى ، سراپردە

۴ - يوخارى باش

درويش لرين سۈزۈن سالدېم دئدېم قوربان :

سبب ندير او آچىق سفاوى يىغىش دىردىن

فقير يۈخسۇلو قۇودۇن حقيرى خوار ائله دىن<sup>(۱)</sup>

تارى آچىق قايى سىن باغلاماز خطا ائدنه

بوۈ حكىمى كاش گۈرەم سنده برقرار ائله دىن

بوۈ دەيرلى گۈزەل سۈزدەن يىگىن چۇخ چۇخ خوشۇ گلدی ايلقارينا وفا ائتدى قالان  
بورجون ادا ائتدى . نعمتینه شكر ائيله دىم خدمتیندن ايدن ايسته دىم خدمت لرين  
ترك ائدنده دئدېم قوربان :

نيازىن حاجى لر آلماقدان اۋترو گەرلر مگه يه مين بير آغاجدان

بارى اولسا آغاجىن داش آتارلار كى اولماز انتظار بارسيز آغاجدان

## • حكايت

۱۸- سلطانلاردان بيرى اۋلدو اوغلۇ دولۇ گنجە<sup>(۲)</sup> آباد مملكتە مالک اۋلدو ، جوان  
سلطان قارنى توخا توخ دئمەدى يۈخسۇللارا يۈخ دئمەدى سخاوتى  
خسيس لرە<sup>(۳)</sup> كرامتى بخیل لرە<sup>(۴)</sup> معنی ائتدی دوشوندوردو .

بۇرۇن هاردان بیلەر عود<sup>(۵)</sup> وار طاباقدان عۇدو ياندىرسان عنبردەن<sup>(۶)</sup> سئچيلمەز

۱ - ائيله دىن

۲ - خزینە

۳ - سخاوت سيز

۴ - كرامت سيز

۵ - بير آغاج دىر ياندىراندان اونون گۈزەل ايى چىخار

۶ - عنبر ادلى بالىغىن بارساغىندان آله گەلن عطرلى بير مادە دىر



سَخاوت اولماسا اولماز محبت يئرە ، دەن اُكمەسن سونبول بيچيلمەز

وزيرلردەن بيرى دئدى : گئچەن شاهلار بۇ زرلرى<sup>(۱)</sup> زحمتيله توپلايىبلار  
داغيئتماكى دوشمن گۈزدە قولاخدادير<sup>(۲)</sup> واقەلر<sup>(۳)</sup> قاباخدادير .

اگر ملت آرا بۇلسەن بۇ گنجى چاتار بير جام دوگوهر بينوايه  
نفردهن بير نخود<sup>(۴)</sup> آلسان قيزيلسن داشار گنجين چاتار دۈرەن نوايه<sup>(۵)</sup>

جوان شاهين اينجه گۈيلۈ درده گلدى دئدى : وزير اولۇ تانرى بۇ نعمتى منيم اوچون  
باغيئشلايىب يئەم ايچەم باغيئشلايام نەكى بير عۇمر گودۈكچوسو اولام اولەم .

قارون ييغيىب قويۇب مالى تەك محو اولۇب اۈزۈ

مين ايل گئچيب قالىر ھلە نوشينروان سۈزۈ

## • ھاكايت

۱۹- نوشينروان اولاقدا<sup>(۶)</sup> بير آو اولادى<sup>(۷)</sup> ، آوى كسيب كباب ائتمەك ايستەدىلر ، دۈز  
يۇخۇدو دۈزا خاطر نوكرلرين بيرين كندە گۈندەردىلر . سلطان دئدى : پۇلون وئرين  
رسم اولماسين آوادانليق داغيئلماسين ، وزيرلردەن بيرى دئدى : بير چىمىدىك دۈز  
كىمە نئيلەر؟ بۇيۇردولار ازلدەدە ظلم آزيئميش آستا آستا آرتىرىلدى نھايتە<sup>(۸)</sup> يئتىرىلدى .

۱ - قيزيل

۲ - كمين دەدير

۳ - حادثە

۴ - مثقالين ايگيرم دورتدەن بيرى

۵ - دۈرندەكى اداملار وار دولتە چاتارلار

۶ - شكارگاه

۷ - شكار ائتىدى

۸ - صون حدده

رعيتىن آغاجىندان بىر آلما دەرسە ملك<sup>(۱)</sup>

نوكرلى داهى قويمازلار آغاجدا قول بوداغى

بئش اون يۇمورتادان اۋترو ملك جفا قىلسا

شيشه<sup>(۲)</sup> چەكر قشونو مین تويۇق موغول ساياغى

## • حکایت

۲۰- ائشیدیم بىر غافل ایگید مظلوم خلقه جفا ائتدی ظولمکارا ظولم کاخی بنا ائتدی سانكى بۇيۇك آتالارين بو سۇزۇندن غافل اولدۇ، کیم آلاها آزار وئره ر ظولمکاری سئویندیره ر ، آلاھ همان ظولمکاری بىر گون اونا حاکم ائدەر .

ائيله کی ائولر ییخیری گۆز یاشی سئل ییخا بیلیمیر بیلیرم داغداشی

دئهرلر شیر حیوانلارین سروریدیر<sup>(۳)</sup>، ائششک اسیگیک آچاغیدیر آمما اسیگیک آچاق ائششک او ییرتیجی قودوز شیردن مین مرتبه ارزش لیدیر .

ائششک نه اولار کی بی تمیزدیر<sup>(۴)</sup> چون یوخ آزاری او چوخ عزیزدیر

تخته اوتوران او مردم آزار<sup>(۵)</sup> آچاقدی نه گاو بار بردار<sup>(۶)</sup>

ناقص قالدی او غافلین حکایتی . عمل لری ائل بیگینه ناخوش گلدی امر ائيله دی قلیبن سؤکون قانیبن تۆکون .

۱ - پادشاه ، سلطان

۲ - سیخ

۳ - اقا ، بۇيۇك باش

۴ - تشخیصی یوخدور ، فیکیر سیزدیر

۵ - ظولمکار سلطانلارا اشاره دیر

۶ - یوک آپاران کل اؤکوز

گلمهز أليوه رضاي سلطان  
مظلوم آدامين قولون بوراندا  
آلاهه دا باغيшлаماز گوناھين  
خلقين قاباغيندا سن دوراندا

ايشيديم بير آزار گورموش او صحنه نى گورهن زامان گوزون يومدو فيكره جومدو  
تومدو دئدى :

نه هر كسين كى بئش اون گون مقام و منصبى وار  
بورسميدير داغيئدار زور دئيه ر وورار باج آلار  
دول آرواديئن يئتمين وار يوخون اودان قوساجاق  
سوموكدو دول مالى اودما دوشهر بوغازدا قالار

\*\*\*

نه دولت نه صولت نه شوكت قالار  
ستمكاره نفرين و لعنت قالار

## • حكايت

۲۱- بير ظولمكار بير درويشه بير داش آتدى او داش باشين يارالادى . يازيق درويش  
گوردو قولدا قوت يوخدور آله قدرت ، او ظالمه چالا<sup>(۱)</sup> بيلمهز ، اونو آتدان سالا  
بيلمهز انتقامين آلا بيلمهز ، داشى سالدى كشكولونه<sup>(۲)</sup> قان اوزونه سوزه سوزه  
گوزدهن ايتدى<sup>(۳)</sup> . نقل اولوتوب او تاريخدهن هله بئش گون گئچمه ميشدير او ظولمكار  
ايشدهن دوشدو ان بير ده رين سياه چالدا حبس اولوندو . درويش گلدى سياه چالين

۱ - گوجو چاتماز

۲ - جعبه ، قوطى ، كيف

۳ - گئدى يوخ اولدو



باجاسيندان بير داش سالدی، قویوداکی سيندی باشيم دئيه دئيه دئدی  
 کيم سن؟ سينيق باشی داشلايیرسان؟ دئدی: ظالم فلانییم او آتديغيم داشدا  
 همان او داشديرکی سن آتميشدين. دئدی: دؤن هاردايدين بس؟ دئدی:  
 دؤن سن گوجلويدون من قدرت سيز ائيله بوگون قدرت تاپديم انتقاما  
 فرصت تاپديم.

ظالمين گر اولسا بئش گون قدرتی  
 عاقلين گئدمز آيندهن طاقتی<sup>(۱)</sup>  
 چون يوخوندور جايناقين<sup>(۲)</sup> يا خيل<sup>(۳)</sup> ديشين  
 وحشی لرله<sup>(۴)</sup> اولماسين اصلاً ايشين  
 اينجيديرسن ال قولون، امکانی يوخ  
 باتمايب باتماز دمير تک داشه اوخ  
 دؤز بئش اون گون روزگار<sup>(۵)</sup> سالسین داشين  
 ظولمكارين اوندا گئت سيندير باشين

## ● حکايت

۲۲- سلطانلاردان بيری يامان بير مرضه دؤچار اولدو، او مرضين آدی يادی اوره ک لرده  
 بؤيوک قورخو توره تميشدير. بوتون يونان حکيم لری سؤز وئردیلر سؤز  
 آلدیلار<sup>(۱)</sup> سؤيله دیلر بو مرضه هئچ بير دوا اثر قيلماز مگر جوان بير اوغلانين

۱- صبر، دؤزوم

۲- پنجه، چنگال

۳- نیش دیشی

۴- ظالم لره اشاره دير

۵- زمان، چرخ، فلک

۶- مشورت، مشاوره

آغ جگرى. اُن بير شجاع جوان ايگيد گتيرديلر ، خانلارخاننى اوْ اوغلاننىن آتاسىنا آناسىنا حددهن آرتىق نعمت وئردى خلعت وئردى يولا سالدى . مفتى<sup>(۱)</sup> گلدی فتوا<sup>(۲)</sup> وئردى بوْ ايگيدىن آغ جگرى چون سلطاننىن داواسيدير قانى آخسا عيب سيزدير<sup>(۳)</sup> . اوغلان گوردو جلاد گليز باخدى گويه اوْجا سسله قاقيلدادى . سلطان دئدى : بوْ صوْن لحظه سبب ندير قاقيلديرسان ؟ دئدى : شاها گوز داملاسيْن عزيز آتا آنا سيلەر ، شرعين حکمون مفتى بيلەر ، عدالتين عطرين عادل سلطان چيلەر . بوْ گون آتام آتدى منى عزيز آنام آل چرکينه<sup>(۴)</sup> ساتدى منى ، مفتى مظلوم قان تۆکمه گين روا بيلدى عادل سلطان ملت قانين اوز دردينه دوا بيلدى ، کيمدهن داهى منت<sup>(۵)</sup> اوْموم رحمت اوْموم ، گويه باخديم گولدم دئديم :

بوْيورسان گر بوْدور عدل و عدالت

سنه من ائيله رهم سندهن شکايت

شاهين قلبى سيلکه لندى گوزو دولدو غمگين اولدو ، ظولمكارلىق دئدى: بسدير بوْ گوناھ سيْز انسانلارين آل قانلارين آخديرماخدان اولوم منه ياراشاندير . اوْ اوغلانين اوزون اوْيدو گوزون اوْيدو ، اوز يانيندا اوتوتدوردو حددهن آرتىق نعمت وئردى خلعت وئردى . نقل ائدهرلر خانلارخاننى اوْ چاره سيز ناخوشلوقدان همان لحظه نجات تاپدى .

۱ - دين عالمى

۲ - حکم ، رأى

۳ - اشکال سيزدير ، دين احکامينين خلافى ده گيل

۴ - دونيا مالينا اشاره دير

۵ - احسان ، ياخشىلىق

بۇ گۈزەل بىتى <sup>(۱)</sup>اوخۇردو پىل بان <sup>(۲)</sup> تاپداياندا ساحلى امواج نىل <sup>(۳)</sup>  
 او اياق آلتىنداكى مورين <sup>(۴)</sup>حالى سانكى حالىندىر آياقلىر ژندە <sup>(۵)</sup>فيل

## ● حكايت

۲۳- بىر گۈن امير عمروليثين <sup>(۶)</sup>قول لاريندان <sup>(۷)</sup>بىرى قاچدى ، ائيله او گۈن قولۇ باغلى  
 اونۇ عمروين حضورينه قايتاردىلار . او قوليله دۈشمىلىگى اولان وزير دندى : قانى  
 اخماليدير . غلام عمروين تختين اوپدۇ دندى : امير

حکم نه وئرسەن منە حکمی دالى وورمارام  
 دوش اودا سن سئويلەسن اودان او زاق دورمارام

هاممى بىلير من اميرين سفراسينين نارينيله بوى آتميشام بو سارايدا دوغولموشام  
 ناحاق يثره قانيم آخسا ناحاق قانا خاطر سىزى قيامتده اينجيدەرلر ، ايدن  
 وئرين من وزيرين قانين تۈكۈم قصاص <sup>(۸)</sup>اولۇم ، قصاص اولسام اوندا سىزى  
 اينجىتمەزلر . امير گۈلدۈ دندى : وزير سۈزۈن ندير ؟ دندى رحمت سىزى قويۇب  
 گئدەن لرە <sup>(۹)</sup>او شرريدیر <sup>(۱۰)</sup>ايدن وئرين شررين سووسين <sup>(۱۱)</sup>. عاغىل سيۇزلىق ائيله ديم  
 من عاغىللىلار دئمشيدىلر :

- ۱- ايکى مصراع بىر بيت دير
- ۲- فىل چى
- ۳- مصرپدەن آخان چايىن آديدیر
- ۴- قارىچقا
- ۵- دەلى ، غضبلى ، مست
- ۶- يعقوب ليثين قارداشيني آديدیر
- ۷- غلام ، بندە ، نوکر
- ۸- جرم قدهرى کيفره يئتيرمک
- ۹- آتا آنايا اشاره دير
- ۱۰- فتنه تۈرەدەن
- ۱۱- چىنخسين گئدسين



اگر کسک آتانلارلا آتیشسان بو آیدین دیر سینار آخرده باشین  
غافلدان باشلارلا سن داش سالاندا خیال ائت دورموسان آلتیندا داشین

## • حکایات

۲۴- نقل اولوتوب قدیم زوزهن<sup>(۱)</sup> حاکمین بیر خواجه سی<sup>(۲)</sup> واریمیش چوخ سخاوت لی حددهن آرتیق کرامت لی . بیر گون حاکم او خواجه یه غضبله نیر وارین آلیر حبسه سالیر ، امما محبس<sup>(۳)</sup> مأمورلاری او کیشی نین خدمت لرین ایتیرمه ییب اوئا عزت چوخلو حرمت ائيله ییرلر .

دوشمنیله اونداکی گویلوون باریشماق ایسته ییر

پیس ده اولسا رفتاری سن رفتارین تحسین ائت

مردم آزار ایسته ینده تلخ<sup>(۴)</sup> ائتسین آغزیو

سن اونون آغزین آجی ائتمه چالیش شیرین ائت

امما حاکم حکمی اجرا اولمالییدی ، او حورمتلی خواجه دوستاق<sup>(۵)</sup> ایچره هله قالمالییدی . نقل ائده رلر او تاریخدهن بیر چوخ مدت گئچمه میشدیر قونشو اولکه بیگلریندهن او خواجه یه مکتوب<sup>(۶)</sup> گلدی او مکتوبدا یازیلیمیشدیر او تایلارین<sup>(۷)</sup> ائل بیگلری سنین قدرین بیلمه دیلر گه ل بو تایا بوردا قدرین بیلن چوخدور ، بوردا سنه حورمت سیزلیک ائدهن یوخدور ، خواجه گوردو قان قونخوسو گلیر سوزدهن . دئدی

۱ - قدیم نیشابور حوالی سینده بیر ناحیه آدی میش

۲ - بویوک باش ، وزیر

۳ - زندان

۴ - آجی

۵ - زندان

۶ - نامه

۷ - طرف ، قونشو اولکه لره اشاره دیر

قاصد آل مکتوبو ائيله شتاب<sup>(۱)</sup> صون سطرينده يازديم جواب .  
 مأمورلارین بیری شاها خبر وئردی خواجه او تاي بیگلرله مکتولاشیر<sup>(۲)</sup> ،  
 خانلارخانی غضبلندی دئدی : مکتوب آپارانی گتیرسین لر . او مکتوبون اته گینده  
 یازیلمیشدیر : بؤیوک لرین عنایتی بیزده اولان فضیلت دهن چوخ آرتیق دیر .  
 فرمانی زاهن سئویله مک منیم اوچون امکان سیزدیر ، من بوانوده دوغولموشام بو  
 سلطانین نعمت یله بوی آتمیشام منیم آغام منه جفا ائيله سده جفاسینه دوزمه لی یم ،  
 آتالاردان بیری دئییب :

اوکی بیر دفعه سنه ائتدی کرم عیبی یوخلدور ائده مین دفعه ستم

دوز چوره گی ایتیرمه یه ن او کیشی دهن پادشاهی ن خوشو گلدی اونا خلعت چوخلو  
 نعمت باغیشلادی ، باغیشلایین دئدی : منی ، اینجیت میشم چوخلو سنی .  
 دئدی : قوربان سیزده ن خطا اوز وئرمه ییب بو آنلیمین یازی سی میس منیم ایشیم  
 دوگون دوشه او دوگونو سیز آچاسیز ، حکیم لردن بیری دئییب :

خالقین فرمانیدیر بو رنج<sup>(۳)</sup> و گنج<sup>(۴)</sup>  
 آتما<sup>(۵)</sup> خلقی ، خلق دهن گورسن ده رنج  
 دوست یا دوشمن اگر یولدان آزیر  
 دوست ، دوشمن سرنوشتین<sup>(۶)</sup> او<sup>(۷)</sup> یازیز

۱ - عجله

۲ - نامه ردوبدل ائيله ییر

۳ - زحمت ، محنت

۴ - ثروت ، مکن

۵ - اونودما ، فراموش ائيله مه

۶ - تقدیر ، باشین یازی سی

۷ - تانری یا اشاره دیر

دوزدو<sup>۵</sup> اوخ سن سيخديغين ياي دان چيخير

آت بئليندهن آتلىنى تقدير ييخير

## ● حكايت

۲۵- بيرگون عرب بيگلريندهن بيرى دئدى : منيم فلان قوللوقچومون  
مواجين<sup>(۱)</sup> آرتيرين او هاممى دان چوخ يانانيمدير منظر  
فرمانيمدير ، باشقا قوللوق ائدهنلريم ايشده سۇسلوق ائدهنديلر اوز يوللاري  
گئدهنديلر<sup>(۲)</sup>. بير سوز بيله<sup>(۳)</sup> بو سوزلىرى ائشيدهركن دئدى : تانري اؤنونده مرتبهلر  
فرق ليدير .

ايكى دفعه نؤكرى گئدسه شاهين خدمتينه

داي اؤچونجونده ملك<sup>(۴)</sup> خور باخاجاق صورتينه<sup>(۵)</sup>

اولو تانري سنه مين دفعه كرم ائيله سه ده

يئنه اولسون اؤمودون رحم كارين<sup>(۶)</sup> رحمتينه

\*\*\*

يۇخسا پالچيق<sup>(۸)</sup> عبادت ائتمكدير

بندهليك يعنى طاعت ائتمكدير

صالح انسان مكانينه سورونه<sup>۷</sup>

كىمسه صالح<sup>(۷)</sup> لباسينه بورونه<sup>۷</sup>

۱ - حقوق ، دستمزد

۲ - بيز بويۇران فرمانا باخمايانديلار

۳ - عارف

۴ - پادشاه ، سلطان

۵ - اوز ، بنيز

۶ - تانري يا اشاره دير

۷ - تانرينين ياخشى بندهسى

۸ - بوت ستايش ائتمه گه اشاره دير



## ● حکایت

۲۶- نقل اولۇتوب بیر ظولمکار آن بیر وارسیز اودۇنچودان اودۇن چاپدی<sup>(۱)</sup> وارلیلارا زورلا ساتدی، سوز صاحبی دندی: ظالم  
بیر افعی ایلان سان گنجه نی سن چالاجاقسان

بايقۇش سان آباد اتولره كۇلگه سالاجاقسان<sup>(۲)</sup>

\*\*\*

گوچون گر چاتسادا مظلوم بو خلقه زورون چاتماز خدای غیب دانه<sup>(۳)</sup>  
اذیت وئرمه خلقه یوخسا خلقالین چاتار نفرین<sup>(۴)</sup> دعاسی آسمانه

سوز ظالمه آجیق گلدی آجیقلا ندی دندی: کیشی بونه سوزدو سوزون سانکی  
قیزیل کوزدو. بو صحبتدهن هله بئش گون گنجه میشدیر بیر گون گنجه اودونلاری  
آلاو آلدی اودونلوغون کولو قالدی. سحر ظالم اتویم یاندی دئییه دئییه های باسیردی آی  
انسانلار او اود هاردان اودونلوغا وارد اولدو سوز صاحبی دندی: اودلو سینهلردهن.

یارا سینهلردهن حذر ائتگیلان حذر ائتمه سن چون دئشه رسن باشین  
باجارسان چالیش مظلومون سیل گوزون کی دنیا باتار توكسه گوزدهن یاشین

کیخسرووین<sup>(۵)</sup> سارايندا قیزیل خطله یازیلیمیشدیر:

نه اون نه یوز نه مینی چوخلاری قدهم ووراجاق

گوزهل بو کاخداکی ایل لر قدهم ووراردی قباد<sup>(۶)</sup>

۱ - غارت ائتدی، یغمالادی

۲ - ویران ائتمه گه اشاره دیر

۳ - گیزلین لری بیلهن

۴ - قارغیش

۵ - سیاوشین اوغلو کیان طایفاسینین شاهلارینداندیر

۶ - کی قباد، کیان طایفاسینین ایلک شاهی

بو گون بو قصر<sup>(۱)</sup> چاتيپ بيزلره گئدهن لردهن

چاتار گلەن لره بيزدهن صاباح بو بى بنياد<sup>(۲)</sup>

## • حكايت

۲۷- بىرى كشتى صنعت ينده تاي سيزي<sup>۱</sup>دى ، او صنعتين اوچ يوز آلتيمي<sup>۲</sup>ش  
بندين<sup>(۳)</sup> كامل باجاراردى باجارديغى بندلىرى گوزەل حالدا آلا بىرين دەلى كۇنلو بند  
اولدوغو شاگردينه اؤيره تميشدير . نقل ائدهرلر آز مددتهن صونرا اوغلان او حرفه ده  
تاي سيز اولدو ، حريف لره باتا بيلدى گوجو گوجلؤ ايگيدلره چاتا بيلدى . بير گون  
شاهين خدمتينه عرض ائيله دى اوستادي<sup>۴</sup>مين ساي<sup>(۴)</sup> حورمتى صنعت ده يوخ  
ياشينا داي<sup>۵</sup>ر قدرت ده يوخ آغ آباغي<sup>۶</sup>م باشينا داي<sup>(۵)</sup>ر . بو سوز شاها آجىق گلدى امر  
ائيله دى گولەش سينلر . ائلين بيگى اعيانلارى آدلى سانلى جوانلارى بير ميداندا  
توپلاندیلار . اوغلان دەلى بير فيل كيمي نعره تپدى ، نعره سيندهن يئر تيتره دى داغ  
ترپندى . قوجا گوردو اوغلانچقا باتا بيلمەز گوجو اونا چاتا بيلمەز ، او بير بندى ايشه  
سالدى باشا آلدى يئرە چالدى ، هاى سالىندى<sup>(۶)</sup> آل چاليندى ، سلطان قوجا قهرمانى  
آلچيشلادى اونا خلعت چوخلو نعمت باغي<sup>۷</sup>شلادى ، امر ائيله دى جاهل جوان  
زجر<sup>(۷)</sup> اولوتسون بؤيوك لره عاق اولماسين<sup>(۸)</sup> جوان دئدى : او گون قوجا او صون بندين  
دفعين<sup>(۹)</sup> منه اؤيره تسه يدى يي<sup>۸</sup>خيلاردى ، دئدى : اوغول بوگون اوچون اونو سنه  
اؤيره تمه ديم . حكيم لردهن بىرى دئييب : دوستو او قدر گوجلەنديرمه دوشمن اولسا

۱ - كاخ

۲ - اصل سيز ، تمل سيز ، فانى دونيايا اشاره دير

۳ - فنر

۴ - حورمت ، احترام

۵ - منظور قوجا دير

۶ - هاراي قويدو

۷ - شكنجه

۸ - اوزه دورماسين

۹ - بدل

يىخسىن سنى. شاگردىندەن جفا گۇرموش آن بىر بۇيۇك اوستاد دئيىب .

نە بىلىم يا وفا اوزو يوخوموش

يادا عالمده بىر نفر ائتمز

كىمه من سئويلەرمەم اوخون قىلغىن<sup>(۱)</sup>

منە اوخ وورمامىش قاچىب گندمز

## ● حكايت

۲۸- بىر طاماح سىز<sup>(۲)</sup> وارسىز درويش بىر گوشەده اوتۇرموشدو ائلين بىگى قاباغىندان عبور ائندى ، درويش قانع اولدۇق اوچون باش يوخارى قاوزامادى پادشاها اگىلمەدى ، سلطان ھرسىن<sup>(۳)</sup> اودانمادى قوللۇقداكى وزيرىنە دئدى : درويش جماعتى اولاخدىلار اءاملىقدان اوزاخدىلار دوشونجهدهن<sup>(۴)</sup> ايراخدىلار ، وزير دئدى : سبب ندىر ؟ يئر اوزونە فرمان سورەن پادشاها دورۇب خدمت ائىلەمەدىن . دئدى : وزير پادشاها يئتيرگىلان او كىمسەدهن خدمت اومىس<sup>(۵)</sup> اوندان خلعت ، نعمت اومار . دئيىدىلر : رعيتەدن خاطردى شاه ، رعيتە حكم ائتمكەدن خاطر دەگىل .

ياغى دەن<sup>(۶)</sup> باج<sup>(۷)</sup> آلان اولۇر اولسۇن ملّتىن پاسبانىدىر سلطان

قوچ قويۇنلار چوبانندان اوتر دەگىل قوچ قويۇنلاردان اوترودو او چوپان

۱ - ايشىن دقتىن ، ايشلەتمك روشىن

۲ - قانع ، دونيا نعمت لرىنە توجه ائتمەيەن

۳ - غضبىن

۴ - فهم ، انلاق ، شعور

۵ - ايستەسىن ، متوقع اولسۇن

۶ - دوشمن

۷ - لوطۇ خرجى ، بىرىندەن گوجيله پول الماق



بیرین گؤرسەن بو گون وارسیزدی یوخسول  
 بیرین گؤرسەندە چوخ چوخ کامراندى<sup>(۱)</sup>  
 صاباح گلە گؤرەرسن وارلى انسان  
 او وارسیز تک یئر آلتیندا نهاندی<sup>(۲)</sup>  
 داھى شاه و گدانین فرقى یوخدور  
 قضانین<sup>(۳)</sup> تیرینە هر کیم نشاندی  
 اگر قبرین ایچین بیر کیمسە آچسا  
 گؤرەر درویش و سلطان استخواندی<sup>(۴)</sup>

او حکمتلى صحبتلى سلطان چوخلو دەرین گوردو، دئدى: درویش مندهن  
 خلعت ایستە گیلان، دئدى: زحمت وئرمە گیلان خلعتیوی ایستە میرەم. دئدى: منە بیر  
 سؤز سئویله. باخدی دئدى:

گئت آلدە اولان نعمت یوین قدرینی بیل سندن صورا دائم گزەجک آلدەن آله

## ● حکایت

۲۹- قدیم زامان وزیرلر دەن بیرى ذوالنون<sup>(۵)</sup> حضورینده حاضر اولدو دئدى: منى دعا  
 ائيله، گئجه گوندوز پادشاها هن دئیرەم نعمتینه گوز تیکیرەم قورخوسیندان تیرە بیرەم.  
 ذوالنون بیر آه چکدى دئدى: ائيله کى سن پادشاها اگیلیرسەن من تانری یا اگیل سە یدیم  
 فرشتەلر ردیفینده دایاناردیم.

۱ - بختور، خوشبخت

۲ - دفن اولماغا اشاره دیر

۳ - تقدیر

۴ - سوموک

۵ - مصر عارف لرینده ندیر

دۈشمە سە ذكر<sup>(۱)</sup> ائدىم او جنت اوچون درويشين ائوجيگى فلک<sup>(۲)</sup> اولاجاق  
ائىلەكى قورخورو<sup>(۳)</sup> وزير شاهدان تاريڭدان قورخا گر ملك<sup>(۴)</sup> اولاجاق

## ● حكايت

۳۰- بىر پادشاه بىر مظلومون اولومونه حكىم ائىلدى محكوم دئدى : اى پادشاه ، بو حكىم يله  
عۇمرون جامى دوشەر سىنار ، امما وجدان عۇمور بوئۇ سنى قينار<sup>(۵)</sup>.

عۇمرون او گولەن گوللىرى سولتۇ ھدر اولدۇ  
شىرىن آجى گونلر يئىلە ھمسفر اولدۇ  
ظالم بىزى فيكر ائىلەدى چوخ اينجىدير امما  
مظلوم قانى بوئىنۇندا جهانندان گئدەر اولدۇ<sup>(۶)</sup>

## ● حكايت

۳۱- خسرو انوشىروانىن وزيرلىرى بىر سۇز اوچون سۇز وئردىلر سۇز آلدىلار نتيجه يه  
چاتمادىلار ، خسرودا اوز فيكرين دئدى . بزرجمهر<sup>(۷)</sup> شاهين فيكرين آلقىشلادى  
حكيم لردەن بىرى اونون قولاغىنا دئدى : حكيم حكمت ندير ؟ شاهين فيكرين  
يىلەن لرين نظرىندەن اوستون بىلدىن . دئدى : ايشين عاقبتين تانرى يىلەر كيمسە بىلمەز  
شاهين ايزين ايزلەدیم من ايرى اولسا كيمسە منى قىنامايا .

۱ - حمد ، ثنا ، تانرىنى ياد ائتمك

۲ - عرشە اشاره دير

۳ - باك ائدىر

۴ - فرشته

۵ - ملامت ائدەر

۶ - اولمەگە اشاره دير

۷ - انوشىروانىن بۇيوك وزيرى

اگر رأى ين خلاف رأى شاه ديُر  
يُرين زندان مكانين قتلگاه ديُر  
اگر سلطان دُسه پروينه<sup>(۱)</sup> آيدير  
دُسه ن پروين ايشين بيچاره ضايدير<sup>ا</sup>

### ● حكايت

۳۲- بير رياكار<sup>(۲)</sup> ساچين هُردو<sup>(۳)</sup> يعنى على ائولادى يم<sup>(۴)</sup>، كنده حجاز كروانيلا وارد اولدو كي حاجى يم، پادشاه شعر اوخودو كي شاعرم، سلطان اونو عزيزله دى اوز يانيندا اوتوتدوردو. خادم لردهن<sup>(۵)</sup> بيرى دئدى: گنجهن قوربان بايراميندا بصره ده يديم<sup>(۶)</sup> بو كيشى نى اوردا گوردوم معلوم اولدو حاجى ده گيل. بير آيرىسى دئدى: اونون آتاسينين ملتیه بازاريندا دوكانى وار، ملتیه اهالى سى مسيحيدير پس علوى اولآ بيلمهز، اوخودوغو او شعريده انورينين<sup>(۸)</sup> ديوانيندان يازيلميشدير. شاه بويوردو: دورون وورون قولاخلارين بورون گندسين. كيشى دئدى: اى پادشاه ايدن وئرين بير سوز دئيم يالان دُسه م اولدوددورون دئدى: سئويله. دئدى: قوربان

او بير قاب قاتيق كي گتيرديم سنه  
اونون ثلثى<sup>(۹)</sup> آيران قالانى سودور

۱ - ثريا، ثور بورجوندا بير اولدووزون آيدير

۲ - شباد

۳ - علوى لر ساچلارين هوره رميشلر

۴ - علوى لرده ندير

۵ - خدمتكار، وزيرلره اشاره دير

۶ - عراقدا بير شهرين آيدير

۷ - شامين ياخينليغيندا بير شهر آديميش

۸ - آلتينجي قرنده پاشايان بير بويوك شاعرين آيدير

۹ - اوچدهن بيرى

دۈز اولماز قوچا يۇخسول انسان سۇزۇ

حقيقت اگر آختايرسان بوۋدۇر

سلطان دئدى : حقيقت دير . ايستەديگين وئرين گئدسين دعا ائتسين .

### ● حكايت

۳۳- رحم گۈيول<sup>(۱)</sup> گۈيلو<sup>(۲)</sup> آلچاق وزيرلردەن بيرى بير گون پادشاهين غضبينه دوچار اولدۇ . ائشيدەنلر غم گۈلۈنە جوۋموردولار باغلى بندبن<sup>(۳)</sup> آچيلماغيئن پادشاهدان اوۋموردولار . سياهچالدا كيمسە اوئا سن دئميردى يامان يوۋوز سۈيله مەگە هن دئميردى . شريف آدى ديلدەن ديله دولاناركن پادشاهين خشمى سۇندۇ فيكرى دۇندۇ . سۇز صاحبي گۈلدۇ دئدى :

گئدەر آلدەن او باغ و بوستانيميز	گتيرينجه آله يارين اوره گين
داهى قالماز پەسەردە <sup>(۴)</sup> هئيزانيميز	قيزديرينجا اونون ساووق قازانين
ايتى قويماز يوگورسون احسانيميز	ياخشيليق ائت گيلان قودوز ايتەدە

### ● حكايت

۳۴- بير گون هارون الرشيد<sup>(۵)</sup> اوغلو ، هارون حضوريندە حاضر اولدۇ دئدى : منى فلان بيگين اوغلو سۇودى<sup>(۶)</sup> . هارون قاضى جماعته دئدى : بئيله بير مجرمە<sup>(۷)</sup> جزا<sup>(۸)</sup> ندير ؟

۱ - مهربان

۲ - متواضع

۳ - زندان ، محبس

۴ - سقف

۵ - عباسى لرین آدلى سانلى خليفهسى

۶ - يامان دئدى

۷ - گوناہ كار

۸ - كيفر ، پاداش



بیری دئدی : دۇداخلارین تیکمهک گرهگ ، بیری دئدی : دیلین دېدهن بیچمهک  
 گرهک ، بیر آیریسی دئدی : دیلی یانسین گرهگ دئدیکلرین داسین گرهگ .  
 هارون دئدی : اگر کرم صاحبی سن اوغلۇم اونۇ عفو ات گیلان یوخسا اوئا همان قدەر  
 سوووش سئویله ، اوندان آرتیق اوئا جزا روا اولسا جفا اهلی اولاجاییق .

ایگیدلیک بو ده گیل عاقل گوزونده

غضبلی فیلیله انسان دوروشسون

ایگید او کیمسه دیر غیظه گلنده

غضبله غیظه دورسون ووروشسون

\*\*\*

بویوردو جاهله بیر صابر<sup>(۱)</sup> عاقل

آچاندا<sup>(۲)</sup> عاقلین عیبین او جاهل

من اونداندا<sup>(۳)</sup> پیسام آچ بیر گوزون سیل

اوزوم تک عیبیمی سن ییلمه سن ییل

## ● حکایت

۳۵ - بش اون نفر بویوک<sup>(۴)</sup> باشلا بیر گمی ده اوتورمیشدیم هارای قوپدی یکی نفر  
 بوغولورو . بیری دئدی : آی اوزگونچو اونلاری دوت هر بیرسی اल्ली دینار .  
 ملاح<sup>(۵)</sup> اوزون آتدی سووا ، بیرین سودان چرخاردینجا بیرین دریا هلاک ائتدی<sup>(۶)</sup> .

۱ - دوزوملی

۲ - خلقه دئینده

۳ - سن دئدیگین سوزلردهن

۴ - مکنث ثروت صاحیله

۵ - گمیچی

۶ - بوغلدو

دندىم : اونۇن صوُن لحظهسى يئتشميشدير امما بوُنون عۇمور صوُنا چاتماميشدير .  
 گولۇدۇ دندى : سۇزۇن حقدىر ، امما اوول بوُنا سارى يۇنهلدىم من چون كى منى بير  
 يوُل يوُلدا ده وه سینه مينديرميشدير اوُلن كيمسه قاش قاباقلا اوُگون منى دينديرميشدير .  
 دندىم : تانرى دوز بوُيوروب ، « مَنْ عَمِلَ صَالِحًا فَلِنَفْسِهِ وَمَنْ أَسَاءَ فَعَلَهَا » <sup>(۱)</sup> .

گهل <sup>(۲)</sup> تىكان تك اورهكلره باتما كهنه بوُ باغچادا <sup>(۳)</sup> تىكان چونخدور  
 اوُ يازىق درويشين ايشين يوُلا سال دئمه آلدە قولۇندا گوُچ يوُخدور

## ● حكايت

۳۶- ايكي قارداش بيرى سلطان نوكرىدى بيرى يالنىز <sup>(۴)</sup> اوز چاكرى . بير گوُن وارلى اوُ  
 وارسىزا دندى : قارداش ندهن ؟ خدمت <sup>(۵)</sup> ائيله ميرسهن مشقته صوُن وئرهسهن ، گولۇدۇ  
 دندى : ندهن ؟ همت ائيله ميرسهن مذلته صوُن وئرهسهن . حكىملردهن بيرى دئيب :

گئت يارماسىز دهن سىز آشا قانع اوُل  
 آلتون قيلينچ <sup>(۶)</sup> خدمت اوُچون باغلاما

\*\*\*

دهمير كۇزلرين چۇندهله <sup>(۷)</sup> چون خمير  
 آلين سينهده سئيله مه يا امير

۱ - قرآنين قىرخ بيرينجى سورسيتين قىرخ آلتينجى آيهسى « كيمسه ياخشى بير ايش گۇرهر عابدلرين اوزو  
 گۇرهر ، كيمسه پامان بير ايش گۇرهر ضررلرين اوزو گۇرهر

۲ - آگاه اوُل ، ساقين

۳ - بوُ دونيايا اشارهدير

۴ - فقط ، تنها

۵ - سلطان خدمتينده اوُلماغا اشارهدير

۶ - قىزىل شمشير

۷ - يوُمۇرو ائيله ، گيردهله

دهيرلى عۇمۇر بئىله گئدى ضايا  
 دۇنۇم يۇخ قۇشا بۇز باشىم يۇخ يايا  
 ايدىن وئر او قارنۇن ياپىشسىن دالا<sup>(۱)</sup>  
 الف قامتىن قۇيما دۇنسۇن دالا<sup>(۲)</sup>

### ● حكايت

۳۷- خسرو انوشىروانا بىرى وارد اولدۇ دئدى : اولۇ تانىرى سىزىن فلان دۇشمىزى نابود<sup>(۳)</sup> ائتدى . بۇيۇردولار : بىزى نابۇد ائتمە يەجك ؟

دۇشمن اوغۇل اۆلەندە گۇلۇب اولما شادمان<sup>(۴)</sup>  
 هاممى چاتار او صۇن گۇنە يۇخ عۇمر جاودان

### ● حكايت

۳۸- بىر گۇن كسرى حضورىندە بۇيۇك حكمت صاحبلرى آغير مجلس قۇرۇشۇدولار . بزرجمهر بىر گوشەدە اۇتۇرمىشدى دانىشمىردى ، بىرى دئدى : حكمت ندير ؟ دانىشمىرسىز . دئدى : وزير جماعتى به نزه حكيم جماعته ، حكيم دوا وئرمەز مگر مريض خلقه ، يۇلۇز دۇزدۇ ، دۇز يۇل گئدەن يۇلچۇلارا يۇل گۇستەرمك خطا ايشدير .

خطا ايشدير دخالت ائىلەيم من

اگر گۇرسەم روا ايش سن گۇرورسن

۱ - آج قالماغا اشاره دېر

۲ - يعنى سلطان قاباغىندا ايكي قات اولماگيلان

۳ - هلاک ، محو ، يۇخ

۴ - خوشحال ، شاد

باخیب گۆرسه یولون یارقاندی<sup>(۱)</sup> چاه دیر<sup>(۲)</sup>  
سنه گۆسته رمه سه م دوز یول گونا دیر

## ● حکایت

۳۹- امیر هارون الرشیدین<sup>(۳)</sup> امیرلیگی مصره یقین اولان زامان بویوردولار : بو دیارین حکومتین او سرکشین<sup>(۴)</sup> آجیغینا کی دئمیشدیر « سیزین اولو تانری ویزام » آن عاغیل سیز بیر غلاما وئره جهیم . اونا گۆره مصر اولکەسین خصیب ادلی آن بیر جاهل قارا قولاً باغیشلادی . نقل اندەرلر اونون فهمی چوخ آزیشدی او قدر آزکی اکینجی لر پامیق اددیک سو اولمادی اکین یاندی سئویله ینده سئویله میشدیر یون اکه یدیز .

آرتیرا بیلسه یدی دانش<sup>(۵)</sup> روزینی<sup>(۶)</sup> روزی سی اولمازدی هرگز نادانین  
ائيله چوخ روزی وئریر نادانلارا مات قالیر بو امره عقلی انسانین

بخته ، ایش بیلمه ک هاچان تأثیر اندەر

بختیاره<sup>(۷)</sup> بختی گوی تقدیر ائدەر<sup>(۸)</sup>

من نادانلار گورموشه م چوخ بختیار

هوش عاغیل اهلی ولی دنیاده خوار<sup>(۹)</sup>

۱ - چوققور ، دره

۲ - قویو

۳ - عباسی لرین ادلی سانلی خلیفه سی

۴ - موسی عهدینده مصره حکومت اندن فرعونا اشاره دیر

۵ - علم ، معرفت

۶ - رزق ، پای

۷ - خوشبخت ، اقباللی ، شانسلی

۸ - آنلی یازان آنلی یازار

۹ - باش آشاغی ، بدبخت



## كىمياگرلر<sup>(۱)</sup> چه كرلر چوخلو رنج

نادان انسانلار تاپارلار آما گنج

### • حكايت

۴۰- بير سلطانين خلوتينه ان بير گوزل چيني كنيز گونده ريلدى . خانلارخاني يىدى ايچدى ياووق گلدى ياووقلاشسين كنيز اوندان اوزاقلاشدى . سلطان ائيله غضبلندى اونو قارا بير قوللا كى اوست دوداغى قوللاغيندان يوخاريىدى آلت دوداغى آلت انگيندهن آشاغيىدى ، هيكل يله صخرالجنى<sup>(۲)</sup> قورخو داردى ، قوخوسيله عين القطرى<sup>(۳)</sup> قوخو داردى باغيىشلادى.

او يوسف<sup>(۴)</sup> تك گوزل هيچ غلمان<sup>(۵)</sup> اولماز

بو چركين تك جهاندا حيوان اولماز

ظريفلردهن<sup>(۶)</sup> بيرى دئيب :

بدبخت او بد قيافه<sup>(۷)</sup> بدخلق<sup>(۸)</sup> هر يئرده اونون سوزون آچارلار  
اونداندان يازيق او كى ايگيندهن قويسا قده مين هارا قاچارلار

نقل اولوتوب او مدتده غلام قيزا طالب اولدو نفسى عقله غالب اولدو ، دوزه نمه دى

۱ - مى قيزيلا چئويدهن عالم

۲ - حضرت سليمانين اوزوگون اوغرولايان چركين دئوين آدى دير

۳ - قارا بير ماده دير پيس قوخوسو وار ، قطران

۴ - كنعانلى يوسف

۵ - بهشت ده كى گوزل اوغلانلار

۶ - اينجه سوز دانیشان

۷ - چركين

۸ - اخلاقى پيس

ألىندن ال اۈزەنمەدى گۈلۈن دەردى . سلطان گئجە وئرنەن حەكىمىن نەتىجەسىن سحر گۈردۈ غضبەلەندى امر ائىلەدى قىزى قۇلۇ دامدان يئره بۇراخسىنلار<sup>(۱)</sup> . وزيرلەردەن بىرى تەختى اۋپدى دندى : قارا قۇلۇن خەتاسى يۇخ امريوزە ھن دئەنەن جەزاسى<sup>(۲)</sup> يۇخ . دندى : وزير غلام قىزى سالم مەنە يئىرسەيدى اونا خەلەت چۇخلۇ نەمت يئىرەردىم<sup>(۳)</sup> . دندى : قوربان

گۈنش اۈنۈندە قالان ائىلەكى چاتدى بۇلاغا  
بۇلاغىن آغزىنى يۈز فىل كەسەدە سۇ ايچەجك  
دئەمە آج دىن سىز او كافر رەمزانى ساياجاق<sup>(۴)</sup>  
بشقاب ايچەرە چەكىلەن دادلى طەامدان گئچەجك

سلطان گۈلدۈ دندى : وزير قۇلۇ سەنە باغىشلادىم كىزەك لە نە ائىلەيەك ؟ دندى :  
كىز او قارائىن آرتىقىدىر<sup>(۵)</sup> او آرتىغى او قاراي باغىشلايىن .

جان دئەمە داي او يارا گر او يارى  
گۈلكىمى دەرسە اۈلۈش دەرسە<sup>(۶)</sup> حەرىف<sup>(۷)</sup>  
بىر ايچىم سۇ داھى ايچمەز او سۇسۇز  
چەشمەنى گۈرسە بىرى ائەدى كئىف

۱ - آتسىنلار

۲ - كىفر ، پاداش

۳ - منظور باغىشلاردىم

۴ - حورمەت قۇياچاق

۵ - قالانى ، تۈكۈنۈسۈ

۶ - سۇلدۇرسا

۷ - رەقىب ، دۈشمەن

یاراماز<sup>(۱)</sup> سلطانا آلسین آینه  
 او قیزیل هیوانی<sup>(۲)</sup> باتسا تیرغا<sup>(۳)</sup>  
 ایرگه نر دای ایچه بیلمه ز سو سو سو  
 گورسه قابدان سو وئریرلر میرغا<sup>(۴)</sup>

### ● حکایت

۴۱- اسکندردهن<sup>(۵)</sup> سوزو شدولار بو قدر یئر تورپاغی سن نئجه آلدین بیر حالداکی  
 بوئندان قابق یئر اوزونه فرمان سورهن حاکملرین سندنه آرتیق قدرت لری اولا اول  
 بیله بویوک فتحه<sup>(۶)</sup> بیرى نایل اولا بیلمه میشدیر . سئوله دی من هر تورپاغا قدم  
 قویدوم رعیتین اینجیتمه دیم حورمت لی یه حرمت سیزلیک ائيله مه دیم .

حورمتی اولماز دئییب اهل نظر<sup>(۷)</sup> احترام صاحب لرین هرکیم ازهر<sup>(۸)</sup>

\*\*\*

هاممییسی هئچ دیر گئدر آلدن صاباح  
 گنج و تاج و تخت و بخت و شوکتین  
 ایسته ییرسن ائل وئره حورمت سنه  
 ساخلا سینه نده بویوک لر حورمتین

۱ - یاراشماز

۲ - پادشاهلار آللرینده قیزیل آلما ، هیوا ، نارنج اوینادارمیشلار

۳ - پوخ

۴ - دوداغی یاریغ

۵ - مقدونیّه دهن قالخدی دۆنیانی آلدی

۶ - پیروزلیغا

۷ - نظر صاحبی ، دانشمند

۸ - حورمت سیزلیک ائيله ر



که تکیان کس از ده کمره تابا  
 کشته زو با غیب داد اسکان خود را

او باری روین اشین لایس  
 و نه الده فو لوند اوج خود را





ایرگیشی باب



## درویش لارین خصلت لری

## درویش لارین خصلت لری

## درویشلرین خصلت‌لری

### ● حکایت

۱- بیر عابددهن سؤز وُشدولار، او زاهدین حاققینداکی خلق دئییر زهدو یوْخدور عیبی چوْخدور سؤزوز ندیر ؟ بوْیوردولار ظاهرلری عیب‌سیزدیر باطن‌یندهن غیب‌سیزهم .

کیمسه زهدون قباسینه بوْرونر اونوْ بیر پارسا<sup>(۱)</sup> تانی آکیشی محتسب<sup>(۲)</sup> کیمسه گودمه‌سه‌یدی بیرین نه بیلهردی ایچیپ گوروب پیس ایشی

### ● حکایت

۲- کعبده بیر درویش گوردوم بیر حالداکی سورونموشدو او درگاهین تورپاغینا بوْرونموشدو باغیریردی ای رحم ائدهن رحم ائت‌گیلان ، بیزدهن یاخشیی بیلیرسن سن ظولم ائدهن‌لر سندهن طاعت ائتمه‌ییبلر .

سۈرۈنۈپ گىلمىشەم اۆمۈد ائوينە      سىندەن ائىلە اطاعت ائتمەمىشم  
گۈناھىم چۈخدۇ چۈخ باغىشلامنى      سنى آرتىق عبادت ائتمەمىشم

عابد كىمسە عبادتىن نفعين اىستەر تاجر كىمسە بضاعتين<sup>(۱)</sup>. بۇ يۇخسۇلۇن نە طاعتى  
واردىر نەدە بضاعتى. دىلنچىام من قاپىۋا تجارتە گلەمىشم او كى سەنە شاىستەدىر  
عنایت<sup>(۲)</sup> ائت.

كەبەدە، بىر سائلى<sup>(۳)</sup> گۈردۈم فغان      ائىلەيىردى سس لەيىردى لامكان<sup>(۴)</sup>  
ائتمە سىندە طاعتى مىندەن قبول      گىچ گۈناھىمدەن مىنى ائتمە ملول<sup>(۵)</sup>

\*\*\*

اۋلدۈرون حكىمىندە وئرسن حكىمىوہ يۇخدۇر سۇزوم  
بىندەوہم فرمان سىنىدىر امرىوہ قۇربان اۋزوم

## ● حكايت

۳- گىلانى شىخ عبدالقادر<sup>(۶)</sup> شريف كەبە حرمىندە بىر حالداكى اىستى قوملار اۈزەرىندە  
سۈرۈنۈردۇ، دئىيىردى اى رحم ائىلەيەن رحم ائت گىلان، اگر جزا<sup>(۷)</sup> اولمالى يام جزا  
گۈنۈ كۈر گۈزىلە مىنى قالخىز<sup>(۸)</sup> او دۈز يولۇن گۈرەنلردەن اوتانمايىم.

۱ - ثروت، وار دولت، مكنت

۲ - توجە، لطف

۳ - گدا، حاجتمند

۴ - مكان سىز، تانرى يا اشارەدىر

۵ - دلتنگ، پوزغون

۶ - قادريە صوفىلرىنىن بۈيۈك عارفلىرىندەندىر

۷ - عقوبت

۸ - دىرپت

سئويله رهم سېپ سىرىن آسەن او يئله  
 او كى بىر آن اونو اونودمايشام  
 آنلىمى تورپاغا قوياندا سحر  
 اونودولموش بو بنده دەن ياد ائدەر ؟

## ● حكايت

۴- بىر درويشين ائوجيگينه اوغرو دوشدو اما ائودەن آپارمالى تاپانمادى ، ائو صاحىبى  
 آلتىنداكى گليملىرى <sup>(۱)</sup> قويدو يولا اوغرو بئكئف <sup>(۲)</sup> قايىتماسين .

ائشيدىم حقيقت يولون ايزله يەن <sup>(۳)</sup>  
 بو خورمت بو عزت صاباح يوخدو چون  
 يالان سوزدو دوشمن لىرىن سىنسىده  
 بوگون قويما دىل كيمسەنى اينجيدە

صفا اهلى رىا دونون گئيه بىلمز اوزده بىر سوز دالدا بىر سوز دئيه بىلمز ، حضورينده بو  
 گون دئسه عىب سىزسن غيايينده صاباح دئمز عييين چوخدور حسنون <sup>(۴)</sup> يوخدور .

اوزده باخماكى به نزه يىر قويونا  
 ييرتيجى قورد اولار داليندا سنىن

\*\*\*

او كى اوزگه ادامين عىبلىرىن سايدى سەنە  
 ساياجاق سەندە اولان عىبلىرى اوزگەلرە

۱ - جئجيم

۲ - ناخشىنود

۳ - صالح بندهلره اشاره دىر

۴ - گوزلليگين



## ● حکايت

۵- بئش اون نفر صفا اهلى سياحته<sup>(۱)</sup> چيخيديلار، دئديم دورون منده گهليم دورماديلار. كدهرلنديم دئديم: كرم اهلى يئمز يوخدور دئمز، پاي سيۇزلارين<sup>(۲)</sup> پايين دانماز وار يوخوندان قيزيرقانماز<sup>(۳)</sup>، قيچ قولۇمدا منيم ائيله گوجوم واردير يوك داشييان اولماسامدا يوك اولمايام.

پياده سورونم دهوه مينمه رهم آغير يوكده چاتساز منه دينمه رهم

بيري دئدى: سوزوموزدهن كدهرلنمه بير آز مدت بوتندان قاباق بير اوغروكى درويش لرين قباسينه بورونموشدو حلقه ميزه<sup>(۴)</sup> وارد اولدو.

اوين ايچره كيم وار گوره نمز بو گوز

يازان كيم بيله نامه ده وار نه سوز

حق يولوتون يولچولارى او درويشين ائشيگينه<sup>(۵)</sup> اينانديلار ايچلرينه يول وئرديلر.

پيسى خالق، اوزو هدايت ائدهر	خلقه خاطر قبا كفايت ائدهر
نفسيوى گوزله اى، قبا اهلى	سنى دون ائيله مز صفا اهلى
زاهد اولماق او نفسه باتماقدير	نه كى تازه لباسى آتماقدير

۱ - دولانماغا

۲ - نيازمند، نيازى اولان

۳ - مضايقه ائيله مز

۴ - جرگه، محفل، گروپ

۵ - ظاهر، پالتاردان منظور دور

اوڭكى خفتان<sup>(۱)</sup> گئيىب دى مرد گرەك      نه قەدەر وار جانى نبرد<sup>(۲)</sup> گرەك

بىر گون گونش باتانادەك يول گئدميشدىك يورغون آرغىن اوزانميشدىق دئدى :  
گئديم بىر آل سووا يىتيرىم<sup>(۳)</sup> من گئدى داھى قايىتمادى .

زاهدى گور كى پاك خرقة<sup>(۴)</sup> گئيىب

كعبەننن اورتوگون تىكىب پالانا

غارت اوچون بىر باجادان داخل اولدو چالدى چاپدى مرامينه نایل اولدو . نقل ائدەرلر  
دانين يئرى سوكولمەميش<sup>(۵)</sup> ايشلرينى يىتيرميشدىر<sup>(۶)</sup> گوزدەن اوزون ايتيرميشدىر .  
سحر اولجاق قولوموزو باغلاديلار قىچىمىزى داغلاديلار . اوگوندەن داي اوزگەرلەر  
قوشولماريق يادلاريلما قوتوشماريق . سلامتلىك تىكلىكدەدير .

اگر پيس ايش بىرى گورسە بىر ائلدە      دئەرلر او ائلين يوخ اعتبارى  
ائشيدىم بىر اسهال كل<sup>(۷)</sup> سىچدى بىرگون      باتىردى مين كلى يوز يونجه زارى<sup>(۸)</sup>

دئديم : عزيز عظمتلى او تانرى نين درگاهينا شكر ائيليرەم سىزلىرلە يول يولداشى

۱ - دۇيوش پالتارى

۲ - دۇيوش ، جنگ

۳ - رفح حاجت ائىلەمك

۴ - درويش لباسى

۵ - سحر ايشىقلانمايشدان قاباق

۶ - قورتارميشدىر

۷ - بوغا ، اوگون

۸ - اوتلاق

۱ - دۇيوش پالتارى

۲ - دۇيوش ، جنگ

۳ - رفح حاجت ائىلەمك

۴ - درويش لباسى

۵ - سحر ايشىقلانمايشدان قاباق

۶ - قورتارميشدىر

۷ - بوغا ، اوگون

۸ - اوتلاق

اولماسامدا گۇزەل بير سۇز بۇ گون سيزدهن اؤيره ندیم من او بير سۇز کی عۇمر وارکن  
خاطریمدهن چىخمايا جاق .

ادب سيز آدام صحبتہ گيرسه گر      او صحبت ، ادب صاحبين اينجيدەر  
اگر بير دولۇ گۇلمەش<sup>(۱)</sup> اولسا گلاب      اونۇ بير كۇپك ايت ائدەر منجلا ب<sup>(۲)</sup>

### ● حكايت

۶- بير زاهدی سلطان قوتاق چاغیرمیشدی ، چون طعاما اگله شديلر ال طعاما  
اوزالتما دی چون نامازا دايانديلار سجده دهن باش قالخیزمادی بۇ فيكريله مرتبتی  
آرتیق اولسۇن .

آيدیندی گئديب كعبه يه سن چاتمايا جاقسان  
بۇ يوئل کی گئدير سن چينه تورانه<sup>(۳)</sup> چاتار چون

اؤزون ائوه يئتيرجه بين دئدی : طعام گتير سينلر . اوغلۇ دئدی : شاه بۇيۇردو طعام بۇيۇر  
بۇيۇرمادي سن . دئدی : اوندا اُسگيله ردیم دئدی : ریا ائيله سه يدين اُسگيله ردین .

هنرين گۇسته رير گلن گنده نه      ايسته بير عيب دهن اوزاق او قالا  
اودغل<sup>(۴)</sup> ائيله يهن دغل گوموشون<sup>(۵)</sup>      بيلميره م گۇيلو وار وئره نه آلا

۱ - گول ، استخر

۲ - ناپاک سو

۳ - تركستان ، ايرانين افغانستاني شماليندا اولان اولكه لر

۴ - ریاكار آداملارا اشاره دير

۵ - تقلبی پول ، دهیرسيز سکه

## ● حكايت

۷- اوشاقلیقدا عبادتە حدەن آرتیق علاقە من گۈستەرەردىم ، بىر گۈن گىجە بىر حالداكى اولۇ تانرى رحمتىنە واصل اولان عزيز آتام خدمتىندە اطاعتە مشغۇلدۇم ، غافل لردەن<sup>(۱)</sup> بئش اون نفر باش ياسدۇغا آتمىشدىلار ياتمىشدىلار . دئدىم : آتا بو ياتمىشلار آتلمىشلار<sup>(۲)</sup> ائىلە دەرین ياتىبدىلار سانكى كۈچۈب صون منزله چاتىبدىلار . دئدى : غيبت<sup>(۳)</sup> ائىلمەكەن ياتماق خوشدۇر .

اۋزۈندەن ياخشى سىن عالمده گۇرمز  
اوڭى من من<sup>(۴)</sup> دئەر سئويلەر اۋزۈندەن  
باغىشلانسا سنە آيدىن ايشىق گۈز<sup>(۵)</sup>  
دۈشەرسن آي كيشى آيدىن گۈزۈندەن

## ● حكايت

۸- عالم لردەن بىرىن بىرى تعريف ائتدى صفتلرین حدەن آرتیق توصيف ائتدى . او علم اهلى دئدى : قارداش سندن ياخشى من بىلیرەم من كىمسەم .

گۈستەرىر ظاهرىمىز پاك منزە<sup>(۶)</sup> بشرىك  
بشرین سینهده واردير نه سۈزۈبى خبرىك

۱ - حق دەن غافل اولانلار اشارةدير

۲ - دەيرسىزلىر ، غافل لره اشارةدير

۳ - خلقى پىسلەمك

۴ - اۋزۈن بەيەنر

۵ - حقيقت گۈرەن گۈز

۶ - پاك ، عىب سىز ، تمىز



ظاهريمدهن اينانيئر خلق تاري بنده سيم  
 آما ييلمير تاري نين بنده شرمنده سيم  
 طاووسو كيم گوره عالمده دوتار تتر سراغين  
 اما طاووس اوتانار ائيله كي گوردو آياغين

### ● حكايت

۹- آن حورمتلى كرامتلى<sup>(۱)</sup> صالحلردهن بيرى بير گون دمشقين اول بويوك جامع مسجدينه داخل اولدو. مرمر گوله<sup>(۲)</sup> اگيله نده قيچى زوودو دوشدو گوله. او حالنده مريدلردهن بيرى ائين دوتماسايدى بوغولاردى. نمازدان چون فارغ<sup>(۳)</sup> اولدو بيرى دندى: سئواليم وار، بويوردولار بويورگيلان. دندى: او گون روم گولونون<sup>(۴)</sup> دالغالارين<sup>(۵)</sup> آددىملاديز آددىملاريز ايسلانمادى اما بوگون حكمت ندير؟ آن بير كيچيك دياز گولده بوغولوردوز. دندى: مگر كايناتين حورمتلى سى مخلوقاتين عزتلى سى<sup>(۶)</sup> بويورماييب «خالقيله گوروشنده ملكلرله گوروشمهرهم نبى لرله<sup>(۷)</sup> اوپوشمهرهم»، بويورماييب هميشه من<sup>(۸)</sup>، بويوردوغو لحظه لرده جبرئيل<sup>(۹)</sup> دهن ميكائيل<sup>(۱۰)</sup> دهن آيرىلارميش آيرى گونلر حفصه<sup>(۱۱)</sup> سيندهن زينب<sup>(۱۲)</sup> يندهن بير آن

۱ - گورولمه ين ايشى گوره ن

۲ - بركه كلاس

۳ - ائيله كي نماز قيلماقلارى تمام اولدو

۴ - بوگون مديترانه آدلانان ده نيرو

۵ - شيه، موج

۶ - حضرت محمده اشاره دير

۷ - پيغمبر

۸ - هميشه ليك او حالنده اولماغا اشاره دير

۹ - پيغمبريميزه سوز گتيره ن فرشته نين آدي دير

۱۰ - دورت ياخي ن فرشته لردهن بير يدير

۱۱ و ۱۲ - پيغمبرين خانم لارينين آدلاري دير

آيرى اولماز يُمىش . گونش اوزلو صنملىرى دوغو<sup>(۱)</sup> باتى<sup>(۲)</sup> آراسىندا گورمىك اولار .  
گورسەنەرلر گيزلەنەرلر .

گۈستەرىرسن جماين صونرا ساليُرسان نقايُن<sup>(۳)</sup>  
آرتيُرسان دؤيۈنەن سينەلرين اضطرايُن<sup>(۴)</sup>  
بىر زامان وار ، گۈرۈرەم واسطەسىز<sup>(۵)</sup> نازلى يارى  
چۈخ زامانلاردا گۈزۈم آختاريُرى دلداريُمى  
اود وورۇر ، سۈسەپىرى صونرا قىزىل كۈزلىمە  
اود سوويُن ايچرە بىر آن گۈرسەنيرى گۈزلىمە

\*\*\*

سۈرۈشدۈ بىر نفر يعقوب دەن سن بۈسرى<sup>(۶)</sup> آچ منە آگاہ اولۇم من  
ياخىندان سئچمە دىن يوسف نواسين<sup>(۷)</sup> اوزاق يولدان نئجە آلدن صداسين<sup>(۸)</sup>  
بۈيۈردۈ حاليمىز او برقە<sup>(۹)</sup> بەنزەر شاخار بىر آن ، سئونر اون آيلار ايل لر  
بۈگۈن منزل اگر ايوان<sup>(۱۰)</sup> ياردى گلن گۈن بيلمەرىك دالدا نە واردى  
او حالته اگر قالسايدى درويش ايكى دۇنياسينه گۈرمزدى بىر ايش

۱ - طلوع

۲ - غروب

۳ - اورتۇك

۴ - دلهره ، اۈرەك دۈيۈنتۈسو

۵ - آرادا كيمسە اولماماغا اشاره دير

۶ - راز ، گيزلين سۈز

۷ - يوسفين سسین ياخىندان ائشيدمەمەگە اشاره دير

۸ - مصرىدەن كۈينەگين ايپين آلمانغا اشاره دير

۹ - ايلدثريم

۱۰ - عرش دەن منظور دۈر





سیل سوپور آماده بوئور یوللاری<sup>(۱)</sup> یول گئده بیلسین او جیلاز یول گئده

### ● حکایت

۱۱- بیر گون حجاز چؤلونده<sup>(۲)</sup> من ائيله یامان یورولموشدوم دای بیر آددیم آتانیردیم گئدهن لره چاتانیردیم . دهوهچی یه دئدیم دایان دینجین<sup>(۳)</sup> آلیم .

یورولوب یول گئده بیلیمیر او دهوه      نجه چاتسین سیزه یورغون بو یازیق  
آتینی وئرمه میش آلدن چوک آدام      گئدهر آلدن آته حسرت بو آریق

دئدی : حرم<sup>(۴)</sup> یاووقدایدیر حرامیلر قابقدایدیر دایانسان آل قیزیل قانا  
باتاجاقسان<sup>(۵)</sup> دایانماسان صون منزله چاتاجاقسان .

او کی ، چیخیب سفره کوئل دیبینده یاتمالیدیر  
شیرین او جان فیکیرین دای باشیندان آتمالیدیر

### ● حکایت

۱۲- بیر عابدی گوردوم بودون بیر جهنه وار<sup>(۶)</sup> قوپارتمیشدیر ، اونون دهرین  
یاراسینا درمان اثر ائيله میردی گئجه گوندوز آغلايئردی آغلايанда اولو تانری

۱ - آماده ائت ، آماده ائيله

۲ - مکّه یولونا اشاره دیر

۳ - یورغونلوغومو آلیم

۴ - شریف کعبه اتوینه اشاره دیر

۵ - اؤله جک سن

۶ - وحشی حیوان



درگاهینا شکر اندیردی ، بیرى دئدى : سبب ندير ؟ شکر اندیرسن . دئدى : بۇيۈك مصیبتە<sup>(۱)</sup> دۈشمەدە من معصیتە<sup>(۲)</sup> دۈشمەمیشم .

گر منیم قتلیمه فرمان وئره جانندان عزیزیم  
بئيله فیکر ائتمه اونون امرینه من یوخ دئیهرهم  
اینجی ییب<sup>(۳)</sup> دیر دئیهرهم هانسی سۆزۈمدەن او عزیز  
ائيله بیر سۆز کی اونا سئویله میشم غم یئهرهم

### ● حکایت

۱۳- نیاز<sup>(۴)</sup> ، یوخسول بیر درویشی مجبور ائتدی یولداشی<sup>(۵)</sup> ن ائوین ییغسی<sup>(۶)</sup> ن .  
حاکم دئدی : ألین کسین<sup>(۷)</sup> . ائو صاحبی دئدی : اونو عفو ائيله دیم حاکم دئدی : سنین  
عفوین شرعین حکمون دالی<sup>(۸)</sup> وورماز . دئدی : دۈزدۈ آما او مال وقف<sup>(۹)</sup> اولمۇشدو  
وقف مالین کیم آپارسا اونا اوغرو دئمک اولماز . حاکم حکمی دالی ووردۈ دئدی : آده  
بو گئن دونیا نه قدر سنه کیچیلیمیشدیر یولداشی<sup>(۱۰)</sup> وین ائوین ییغدی<sup>(۱۱)</sup> ن . دئدی : بۇيۈك  
حکیم لردەن بیرى دئییب : یولداشی<sup>(۱۲)</sup> وین دامیندان دۈش یاد قاپی سین دۈیمه گیلان .

تنگه دۈشسەن<sup>(۱۳)</sup> تنگ ائيله<sup>(۱۴)</sup> روزگاری یولداشا  
وارلی دۈشمن قویما خوشلوقلا عۇمور سورسون باشا

۱ - بلا

۲ - گۈناه

۳ - ناراحت اولۇبدور

۴ - حاجت

۵ - شرعین حکمون جاری ائدین

۶ - مالی ساخلاماق درآمدین الله یولۇندا خرج ائيله مهک

۷ - وارسیز لۇقدان سیخیلسان ، آزار گۈرسەن

۸ - آزار وئر ، اینجیت

## ● حکایت

۱۴- ظالم لردهن بیر یوْخسول بیر عابده دئدی : عابد هاچان بیزدهن یاد ائده رسن ؟  
دئدی : اولوْ اوْ تانری نی اُونوْ داندا .

هر کیمسه یه گهل سئویله سه گهل سئویله یه حکلر  
گئت سئویله یه حکلر ، کیمه گئت سئویله سه تاری <sup>(۱)</sup>

## ● حکایت

۱۵- صالح لردهن بیر یوْخو <sup>(۲)</sup> عالمینده بیر سلطانی بهشتیده ، بیر زاهدی جهنّمده  
گۆردۆ ، گۆیه باخدی دئدی : انشیدمیشدیک سلطان لاریْن یئری دوزخ اولاجاقدیر  
زاهدلرین ائوی جنّت <sup>(۳)</sup> . آما ائیله اولماییدیر ، ندا <sup>(۴)</sup> گلدی بوْ پادشاه درویش لرله  
اگلّه شردی اوْ پارسا سلطان لارلا .

چرکین اوْ جیْریق کهنه لباس لار کارا گلمز  
درویش گرهک چرکین عملدهن اوزاق اولسون  
یون بۆرکه گۆزه <sup>(۵)</sup> کۆینه گه ایپ کۆرکه گۆوهنمه  
درویش صفت اول ولی باشدا پایاق <sup>(۶)</sup> اولسون

۱ - او ایسته سه عالم ایستهر ، ایسته مه سه ایسته مزلر

۲ - رویا

۳ - بهشت

۴ - غیب دهن سس گه لمه کدیر

۵ - دهوه یونی

۶ - بۆرک ، عادی آدمالاریْن بۆرکونه اشاره دیر .

## ● حکایت

۱۶- کروان کوفه<sup>(۱)</sup> کناریندهن گنجیردی بیر آیاق یالین کیشی بیزیم قافله نین ایزین دوتدو، یولا دوشدو، یولدا هردهن بو آوازی<sup>(۲)</sup> اوخویاردی :

نه دهوه مینم نه لوح<sup>(۳)</sup> تک یوک آپاررام بئلده من  
نه غلامم بیر کسه نه بیر غلامیم وار منیم  
نه واریم واردیر دئییم آلدن گندهر بر باد<sup>(۴)</sup> اولار  
نه تاجیم<sup>(۵)</sup> واردیر دوشه نده دوست اولسون دوشمنیم

دهوه مینهن کیمسه لردهن بیر دندی : درویش قاییت کیم دهوه سیز باش منزله چاتا بیلمز ، درویش دندی : یاردیم اندهن اوزو بیلر . محمود<sup>(۶)</sup> آدلی بیر منزله چاتان زامان او وارلی نین صون نفسی صونا چاتدی<sup>(۷)</sup> سسی باتدی .  
درویش دندی : من دهوه سیز چاتا بیلدیم سن دهوه لی چاتانمادی .

بیری آغلیردی گنجه صبحه کیمی بیر ناسازا  
آغلایان اولدو ناساز اولمه دی دوردو آغا

۱ - عراقین شهرلرینده ندر

۲ - نغمه ، ماهنی ، ترانه

۳ - آرکک و یوک آپاران دهوه

۴ - داغیلار ، محو اولار

۵ - سلطان اولما ماغا اشاره دیر

۶ - مکه نین یاخین لیقی ندا بیر خر مالی قین آدی می ش

۷ - اولدو

بئدو<sup>(۱)</sup> آت چوخ زامان قالیب یولدا  
چولاخ ائششک چاتیبدی منزلینه  
ساز<sup>(۲)</sup> ایگید جان وئریب ناسازدیریلیب  
سحر اولجاق قونویدو محملینه<sup>(۳)</sup>

### ● حکایت

۱۷- بیر عابدی شاه چاغیردی. عابد دئدی: اگر بیرزاد تاپسام یشمم آری خلاسام شاهین  
لطفی آرتیق اولار. نقل ائدهرلر بیر شربت دهن ایچدی اولدو.

او کی به نزهردی مغز بادامه<sup>(۴)</sup>  
عاقبت بللی اولدو پوچ هئل یمیش<sup>(۵)</sup>  
پارسا، خلقه اوز چئویرسه اگر  
او بویوک خالقه دالین چئویره

\*\*\*

اللايه طرف گئدهن او بنده  
دوشمز دای اولونجن آیری بنده

### ● حکایت

۱۸- قدیم یونان اولکده سینده بیر کروانا یوگورولدو، او کرواندان چوخلو کالا تالان  
اولدو، تالانمیشلار مه لیردیلهر گوز یاشلارین آلیردیلهر اما تالان ائله یین لر کیمسه یه  
رحم ائتمیردیلهر.

یالان سوزدو اوغرو یوکون باغلاسا  
گلر رحمه یوک صاحبی آغلاسا

۱ - یترین گئدهن آت

۲ - ساغ سلامت، سالم

۳ - کجاوه

۴ - بادامین ایچی

۵ - قوئوسو خوش بیر دانه نین آدی دیر



لقمان<sup>(۱)</sup> حەكىم كرواندايدى بىرى دئدى : اونلار اوچون حەكىملى بىر سۆز سئويلەسەز  
امكانى وار مالىمىزى قايتارالا ، او قەدەر مال حەيف دىركى ھدر اولسون ، دئدى :  
حەيف او حەكىمكى حەكىم سىزە سئويلەنەجك .

مورىانە اكر يئسە دەمىرى      صىقل اولماز محالدى داي او دەمىر  
اثر ائتمز ايمان سىزا سۆزۈموز      باتا يىلمەز بوۋىللىدەر داشا تىر

دەمك اولار بوۋىللىدەر بىزىمكىدەر :

اكر فقيرە باخاق يۈخسولۇن حالىن سۆرۈشاق  
او يۈخسولۇن دعاسى دفع مین بلا ائدەجك  
بوۋگون كى سائله<sup>(۲)</sup> سن باغلادىن كرم قاپى سىن  
صباح باجارسا ستم مین جورە جفا ائدەجك

## ● حكايت

۱۹- اوگۇتەنرى رحمتىنە واصل اولان ابوالفرج ابن جوۋى<sup>(۳)</sup> منە دائم  
اوخۇجولار<sup>(۴)</sup> مجلسىن بۇراخماسىن بوۋىراردى ، طاعت يولۇن گۇستەرەردى ، يئنى  
يئتمە<sup>(۵)</sup> جوانىدەم دەلى كۇنلۇم طالب اولدۇ ھوس عقلە غالب اولدۇ بۇيۇك شىخىن

۱ - يونانىن حەكىملىرىندەندىر

۲ - دىلنچى

۳ - بغداددا مستەصرىيە مەدرەسەسىندە مەدرەسە يەتەكچىسى

۴ - صوفى لىرىن مەزھەبى مەجلىسلىرىندە چالغۇچى بولغان بولسا

۵ - تازە جوان

نصیحتین باشندان آتدیئم چالقیهچیلار مجلسینده حضور تاپدیئم . مجلس باشا چاتان زامان بو ماهنی نی اوخویوردوم :

قاضی بیزلرله اوتورسا رقص اندهر بیزدهنده چوخ  
مُحتسب<sup>(۱)</sup> مست اولسا مسته سئویلهمز میخانه یوخ

گنجهلرین بیر گنجهسی منیم یولوم یئنه دوشدو بیر مجلسه ، او مجلسده بیر اوخوجو  
اوخویوردو :

سانکی یوز زخم<sup>(۲)</sup> ووروردو اوره گه زخمه<sup>(۳)</sup> صداسی  
باغیریردی دئیهسن اولدو آتان سازدا نواسی

خلق بارماق قویوردولار گاه قولغا گاه دوداغا کی کس سسین .

سسین کس آچیلسین بو توتغون اوره ک  
گوزهل سس یوخوندور کی بیز حظ<sup>(۴)</sup> انده ک  
گوزهل سس سیخیلمیش اوره ک لر آچار  
پیس اولسا ناچار قوش قوتارکن قاچار

\*\*\*

۱ - ابوالفرج ابن جوزی به اشاره دیر

۲ - یارا

۳ - سیمی دیلندیرمه گه بیر وسیله دیر

۴ - لذت آپاراق

تيترەدەرکن ساز تئلين او ساز چالان      سۈيله ديم آلاهدان اۋترو بير دايان  
قورقوشوم<sup>(۱)</sup> وئريا قولاقيمه تۈكۈم      ياكى رخصت وئر دۈروم بوردان كۈچۈم

يولداشلار! خاطر دۈزدۈم او گنجەنى چتین ليکله سحر ائتدیم .

مؤذن<sup>(۲)</sup> دۈرگيلان وقت اذاندير      گۈزۈن آچ گۈرگيلان ايندى هاچاندير  
اذان وقتين سحر مندهن سوروش سن      كى بيرآن صبحه ده ك گۈز يۈممادیم من

سحر باشدان دستاریمى<sup>(۳)</sup> آچدیئم بئلدهن<sup>(۴)</sup> دیناریمى . سنين آغزین  
آغزیماسین دئیە دئیە وئردیم اونا . يولداشلاریم بئيله خيال ائيله ديلر من هوشومو  
اودوزموشام عاغیل قوشون اوچوتموشام . بیری دئدی : باشدا عقلی اولان کیشی  
هاچان گۈره ر بئيله ایشی . ايندى يەدهك هانسى عقلی اولان آدم اۋز دستارین بير  
مطربه<sup>(۵)</sup> باغیشلاييب او مطرب كى غۇمور بۇيۇ نه دفينده<sup>(۶)</sup> سكه گۈرۈب نه  
رفينده<sup>(۷)</sup> درم دینار .

ساز چالان چالسا ساز ، بئش اون هاوارا<sup>(۸)</sup> گۈرمه سهن بيرده دای اونو اوبادا

۱ - سرب ، آشاغى حرارتده ذوب اولان بير فلزین آدیدير

۲ - اذانچى

۳ - عمامه

۴ - پول كيسه سينه اشاره دير

۵ - طرب ائيله ين ، چاليب اوخۇيۇب اوينايان آدم

۶ - قوال

۷ - طاخچا

۸ - نوا ، آواز

اونداکی آنقیارار چه کر نعره نعره سی جانلارا سالار لرزه  
اؤچدورار قوشلاری ناساز آوازی آپارار باشلاری گلر بوغازی

دندیم : بیر آرز قیسسا گلین آتدان دوشون آستا گلین ، منی آرتیق دانلامایین. گنجهن  
گنجه بو مطربین کرامتی منیم اؤچون آیدین اولدو ، بیر دندی : حقیقتی بیلدیر منه  
بیلدیرمه سن سوزون قبول ائيله مهره . دندیم : بویوک شیخیم او گون اوخوجولار  
مجلسینین بوراخماسین بویورموشدو ، بویروق لارین اونودموشدوم . دونن آخشام  
اقبال منه یاردیم<sup>(۱)</sup> اولدو بو مجلسه چاغیریلدیم ، بو مطربین کریه<sup>(۲)</sup> سسی  
اونودولموش ایلقاریمی<sup>(۳)</sup> یادا سالدی . عهد ائيله دیم بیرده گلیب چالقی<sup>(۴)</sup> چیلار  
مجلسینده اوتورمایام .

آی پارچاسی تک اولسا اگر ساز چالان انسان  
دوزگون چالا یا چالما یا آلیش<sup>(۵)</sup> اولاجاقدیر  
عشاق<sup>(۶)</sup> ، خراسان<sup>(۷)</sup> ، حجازی<sup>(۸)</sup> چالسا او چیرکین  
گوئیچک ایشی ائل لر آرا قارغیش<sup>(۹)</sup> اولاجاقدیر

## ● حکایت

۲۰- اولقماندان<sup>(۹)</sup> سوروشدولار بو ادبی سئویله کیمدهن اؤیره نیب سن ؟ بویوردولار :

۱- کؤمک ، یار

۲- چرکین ، زشت

۳- عهد ، پیمان

۴- تحسین

۵، ۶ و ۷- موسیقی ده اون ایکی مقام واردیر اونلارین اؤچو عشاق ، خراسان حجازدیر .

۸- نفرین

۹- حضرت داود زامانیندا حبشه لی بیر حکیمین آدی میش .



ادب سىزدەن ، ادب سىزلىر گۈرەن ايشى من گۈرمەدەيم .

يالان سۇزدۈر دئسەم جاھل آدامدان      آغىر عقلى اولان آلاماز نصيحت  
دئمە نادانلارا حكمتلى سۇزلىر      كى بىلمەزلىر ندىر عالمده حكمت

### ● حكايت

۲۱- بىر عابدەن نىل اندەرلىر اول آخشام يئدى چۈرەك مىل<sup>(۱)</sup> ائىلەدى گئجە قرآن ختم<sup>(۲)</sup> ائىلەدى بىرى دئدى : بىر آل قەدر يئىب صوترا يۇخلاسايدى او عملدەن افضلدير<sup>(۳)</sup> .

ائىلەسن خالى طعامدان اۈز ايچين<sup>(۴)</sup>      معرفت نۇرىن گۈرەرسن آشكار  
گۈزلىرىن سئچمز نۇرو چون بللدير      چوڭ يئەن انسان گۈرەر دۇنيانى تار<sup>(۵)</sup>

### ● حكايت

۲۲- باغىشلان عفو ائىلەيەن اولۇ تانرى ، يۇلدان آزان بىر آزغىنا<sup>(۶)</sup> لطف ائىلەدى حق يۇلۇنا مايىل اولسۇن درويشلىرىن جرگەسىنە<sup>(۷)</sup> داخل اولسۇن . درويشلىرىن اوددان ايستى نفسلىرى باعث اولدۇ ايچىندەكى قارا كۈزلىر قىزارسىنلار باطل سۇزلىر

۱ - صرف ائىلەدى ، يئدى

۲ - تمام ائىلەدى ، قرآن چىخدى

۳ - ياخشى ، برتر

۴ - قناعتە اشارەدير

۵ - قارائلىق

۶ - گمراه ، كافر

۷ - ردیف ، زنجیر ، گروپ

قارالسینلار<sup>(۱)</sup> . امما هله قینایانلار<sup>(۲)</sup> قینیردیلار<sup>(۳)</sup> دئییردیلر اوْ اوول کی یولوندا دیر طاعتینه اینانمایین .

توبه قیلماقلا آلودان کیمسه جان قورتارسادا  
دوْنيا وارکن سرزنش دهن<sup>(۴)</sup> قورتارا بیلمزجانیُن

خلقین آجی سوزلریندهن کدهرلندی ناچار شیخه گیلئیلندی شیخ بوئیوردو : بو نعمته  
نئجه شاکر<sup>(۵)</sup> اولاجاقسان اونلار دئیهن آچاقدان سن چوخ اوْ جاسان<sup>(۶)</sup> .

نه قدهر سئویله یه جک سن کی حسود<sup>(۷)</sup> سئویله ییر عیب یوی یولدان گئچه نه  
او سنین وارلیغیْوا اوْد وورورو دئییر احسن<sup>(۸)</sup> سنه شمشیر چه که نه  
عیبی یوْخدور دنگیلان یاخشى یا پیس دئمه یاخشى ولی آل قان ایچه نه<sup>(۹)</sup>

بو علتّه خاطر کی ائل بوْ ناقصی کامل گورور ، اوز غصّه می آتمالی یام ائل غمینه  
باتمالی یام .

۱ - محو اولسونلار

۲ - طعنه وورانلار

۳ - طعنه ووروردولار

۴ - طعنه ، دانلاق

۵ - شکر ائیله یه

۶ - قوی دئسین لر شرف سیز سن تانری حضورینده شرفلی سن

۷ - گنجیک لی ، حسد ائیله یه

۸ - آفرین ، سنه اذیت وئره نی اویور

۹ - جفاکارا یاخشى دئمک یاخشى ده گیل

اۋ سۆزلەر كى من سئويلەدیم سیزلرە  
 سراپردەمى <sup>(۱)</sup> گۆرمۈرۈ ھەمسایام <sup>(۲)</sup>  
 سراپردەمە تەكجە شاھد اۋدۇر <sup>(۳)</sup>  
 عمل ائیلەسم اۋنلارا ، عابدم  
 عىامى گۆرۈر فېكر ائدىر زاھدم  
 بۆتۈن عالمە اۋ دئىب شاھدم

\*\*\*

بېچارە گئىب ايتىب دى گۆزدەن  
 بىلمىركى نھان <sup>(۴)</sup> و آشكارىن  
 عىبىن دئمەيە گلىب گئدەنلر  
 تانرى گۆرۈرۈ نە عىب ائدەنلر

## ● ھكايت

۲۳- بىر عالمدەن گىلىئلىندىم كى فلانى پىس سۆزلەرلە منى خەلقىن ھەزورىندە خەجلى ائىلىر.  
 دئدى : سەندە چالىش اۋنۇ خۇش سۆزلەرلە خەجلى ائىلە .

ايگىد انسان اۋلسان بۇيۈك عىبىوى  
 بۇيۈك دۈشمىن ائللر اىچرە اۋيەر <sup>(۵)</sup>  
 ناساز <sup>(۶)</sup> چالماسا بىر سازىن تئللرى  
 اۋ سازىن تئلىن ھانسى مطرب دۋيەر <sup>(۷)</sup> ؟

۱ - خلوت

۲ - قوشۇ

۳ - تانرى يا اشارەدىر

۴ - گىزلىن

۵ - تعريف و توصيف ائىلەر

۶ - ناسازگار ، خارج ، ناھماھنگ

۷ - كۆك ائتمەگە اشارەدىر

## ● حکایت

۲۴- بیر صوفی<sup>(۱)</sup> دان<sup>(۲)</sup> تصوّفین<sup>(۳)</sup> حقیقتین سؤزو<sup>(۴)</sup> و<sup>(۵)</sup> دؤلار . دئدی : دؤن پراکنده<sup>(۶)</sup> بیر طایفایمیش<sup>(۷)</sup> اوره ک لری چو<sup>(۸)</sup>خ ایره لی ، بو<sup>(۹)</sup> گون بؤیوک بیر فرقه دیر<sup>(۱۰)</sup> قلب لری چو<sup>(۱۱)</sup>خ آرا لی .

اونون کی چاشیر<sup>(۱۲)</sup> فیکری مین بیر یثره صفایه چاتانماز او خلوت ده ده  
او تاجر کی بیر آن اونودماز اونو<sup>(۱۳)</sup> عبادت ائده ندیر تجارت ده ده

## ● حکایت

۲۵- ایندیده وار یادیم<sup>(۱۴)</sup> مدادی<sup>(۱۵)</sup>ر او گنج<sup>(۱۶)</sup>ه کی دان اولدو<sup>(۱۷)</sup>زو باتانا ده ک یول گندمیشدیک  
سحر خسته بیر مثنه نین<sup>(۱۸)</sup> کنارینده اوزانمیشدی<sup>(۱۹)</sup>ق ، بیرده ن بیره بیر ائله نعه تپدی  
نعه سسی یاتان لاری دیسگیندیردی .

دیک آتیلدی<sup>(۲۰)</sup>م دئدیم : کیشی بو<sup>(۲۱)</sup>نه ایشدی . دئدی : گوردوم<sup>(۲۲)</sup> چای شاقیلدی<sup>(۲۳)</sup>ر  
غاز قاقیلدی<sup>(۲۴)</sup>ر بولبول او<sup>(۲۵)</sup>خور او<sup>(۲۶)</sup>چان قاچان هر نه کی وار یئر اوزونده داغ دوزونده  
قیشقی<sup>(۲۷)</sup>ری<sup>(۲۸)</sup>رلار باغی<sup>(۲۹)</sup>ری<sup>(۳۰)</sup>رلار دئدیم انصاف ده گیل غافل<sup>(۳۱)</sup> باش یاسدی<sup>(۳۲)</sup>غا آتام یاتام اونلار  
کیمی قی<sup>(۳۳)</sup>شقی<sup>(۳۴)</sup>رما یام نعه تپب باغی<sup>(۳۵)</sup>رما یام .

۱ - صفا اهلی ، درویش

۲ - صوفی<sup>(۱)</sup>لیک۳ - داغی<sup>(۲)</sup>ناق

۴ - طایفا ، قوم ، دسته

۵ - تانری<sup>(۳)</sup>نی

۶ - اورمان ، جنگل

۷ - اطاعت سیز ، عبادت سیز



صبحە دەك نالە<sup>(۱)</sup> ائدەن بىر دەلى قوش

آلدی مندەن هوشو عقلی قراری

قرارین ، عقلینی آلدەن او وئرن

یولداشیمن سسلەدی بو شرمساری<sup>(۲)</sup>

خلق اینانماز دئدی : بىر قوش سسینە

سن ایتیردین هوشو تاپیدیْن او یاری<sup>(۳)</sup>

دئدیم انصافدی مگر قوش اوخویا

ذکر من ائتمی یم او گولعداری<sup>(۴)</sup>

## ● حکایت

۲۶- او ایل حجاز<sup>(۵)</sup> سفریندە بئش اوْن نفر ارادتلی<sup>(۶)</sup> جوانیلە یولداش اولدۇم ، اونلار حقەدن حقیقت دەن سۇز آچاندا کروان ایچرە اولان عابد او سۇزلری ائشیدمیردی حقیقتی درک ائتمیردی . قافلە میز بنی هلال<sup>(۷)</sup> او باسینا یئتیشەرکن گۇردۇم قارا بىر اوغلانجیق ائیلە گۇزەل اوخۇر قوشلار گۇیدەن انیر یورغۇن دەوہ یوک آلتیندا رقصە گلیر<sup>(۸)</sup> . دئدیم عابد او حیوانا اثر قیلیر سنە اثر قیلا بیلیمیر .

۱ - عبادتە اشاره دیر

۲ - عبادتەن قصور ائیلە یەن

۳ - تانری یا اشاره دیر

۴ - یاری ، تانری نی

۵ - عربستان تورپاغی نین گون باتان سمتی

۶ - مخلص ، تانری نین پاخشى بنده لرینە اشاره دیر

۷ - عرب قبیله لریندە ندیر

۸ - اویناییر

گولشنده منه سئویله دی بو مطلبی<sup>(۱)</sup> بولبول  
 میلین<sup>(۲)</sup> نسیمین سازینه اولسون متمایل<sup>(۳)</sup>  
 دیل سیز ده وه رقصه گلیری ساز و طرب ده<sup>(۴)</sup>  
 آخر نجه انسان اولایلمز سازا مایل

\*\*\*

تر بو داخلار رقص ائده لرلر اونداکی شئح یئل أسر  
 سیلدیریم داش سیرت<sup>(۵)</sup> داغلاره طوفان ائتمز اثر

\*\*\*

او اسرار کانی نین اسراری چوخدور اونو ذکر<sup>(۶)</sup> ائتمه یه ن عالمده یوخدور  
 فقط عاشق ده گیل گولزاره بولبول کی عاشق دیر او گول رخساره<sup>(۷)</sup> هر گول

## ● حکایت

۲۷- بیر سلطانین عؤمر و باشا یئتمیشدیر جوان بیر بیگ اوز یئرینه  
 تیکمه میشدیر<sup>(۸)</sup>. بیر گون آخشام دئدی : سحر دروازادان هر کیم اوول داخل اولسا  
 سلطان اولسون. نقل ائده لرلر او ایلک آدام آن بیر یوخسول درویشدیر کی گوزلرین بو  
 عالمه آچان گونده ن، دویون قارین یئمه میشدیر یاماق سیز دون گئیمه میشدیر. ناچار  
 بیگین صون فرمانی آلیشئلاندی حصارلارین آچارلاری او کیشی یه باغیشئلاندی.

۱- موضوع، سوز

۲- میل، خاطر، نظر

۳- مایل

۴- عیش، وجد، شادلیق

۵- محکم، برک

۶- حمد، ستایش

۷- تازی یا اشاره دیر

۸- تعیین ائتمه میشدیر

اۋ گۈنلردەن ھلە بئش گۈن گنچمەمىشىدىر اميرلردەن بير نئچەسى جوان شاھدان  
 آيرىلدیلار بئش اۋن بۇلۇم<sup>(۱)</sup> اۋ اۋلكەدەن آيىردیلار . بۇ قىسەدەن آغىر غىصە اۋ  
 درويشېن اۋرەگىندە تۈرەنمىشىدىر . يۇلداسلاردان بيرى دئدى : اۋ تاي سىزى<sup>(۲)</sup>  
 ساي سىز شوکور ائتمەلى سن بختين آلى ، آلىن سىخىب آجى تىكان قىچدان  
 چىخىب ، اقبال سنى دىندىرىبىدىر شانس آتىنا مىندىرىبىدىر .  
 « اِنَّ مَعَ الْعُسْرِ يُسْرًا »<sup>(۳)</sup>

گهى<sup>(۴)</sup> آچار اۋ يۇمۇق<sup>(۵)</sup> غنچەگە يانار قارالار  
 گهى ياشىل گىيىنەر باغچا گە صۇلار سارالار

دئدى : يۇلداس ياس<sup>(۶)</sup> گۈنۈندە سئوينمەزلر دۈن غىم قارنىمىدىر بۇ گۈن  
 غىصەم بۇ عالمىدىر .

اۋ گۈن كى ، يۇخدۇ چۇخلۇ پۇزغۇتام من  
 اۋ گۈن كى واردى واره وۇرغۇتام من<sup>(۷)</sup>  
 اۋ كى<sup>(۸)</sup> وار يۇخلۇغو باشە بلادىر  
 اۋنا عزت وئرن چۇخ بينوادىر

۱ - حصە ، قسمت ، قطعە

۲ - تاترى يا اشاره دىر

۳ - انشراح سۈرەسىنىن بئشىنجى آيەسى « همانا چتىلىكده آسانلىق وار »

۴ - بير زامان ، گاهى

۵ - باغلى

۶ - عزا

۷ - منظور : مكنت سىز گۈن ، گۈن قارادى ، مكنتلى گۈن اۋز قارادى

۸ - ثروته اشاره دىر

ايسته سەن ثروتين وارين چوخ اولما  
پايى چوخ<sup>(۱)</sup> پايلاسا درم دينار  
جز قناعت سازين قورۇب چالما  
اول درم دينارا نظر سالما  
بۇ سۇزۇ بىر بۇيۇك حكيم بۇيۇروب  
نفسىوى ساخلا منته قالما

\*\*\*

هرگون نىچە يۈز گۈر<sup>(۲)</sup> بۇدۇ گر پايلاسا بهرام<sup>(۳)</sup>  
اول بۇدۇ كى گتيرميشدى قاريچقا اولما بيلمەز<sup>(۴)</sup>

### ● حكايت

۲۸- مصطفى نين قوللوقوندا هر گون حاضر اولان ابوهريره<sup>(۵)</sup> يە بىر گون حضرت  
بۇيۇردولار « يا ابوهريره زۇنى غيباً تزدد حُباً »<sup>(۶)</sup> بىر آز آز گل حورمتلى اول ، چوخ  
گلمە چوخ عزتلى اول . آز گەلەنە گت دئمەزلر . بىر عارف دەن سۇرۇشدولار ، سبب  
ندىر ؟ گونش اولۇ گۈزەلرە وۇرولارلار شن گونشە وۇرۇلمازلار ، دئدى : گونش  
باتار چىخار ، چىخماسايدى دئىردىلر اماندى چىخ .

عائيب<sup>(۷)</sup> ايش دەگىل يولداشى يوخلاماق<sup>(۸)</sup>  
عائيب ايش اودۇر يولداشىن بس دئسين  
ائشيد اوز دىليندەن آغير سۇزلىرى  
آغير سۇز سنە قويما بىر كس دئسين

۱ - مكننت صاحبى

۲ - گورخر

۳ - ساسانى شاه لارينداندىر گورخر شكارينه علاقەسى چوخخوموش

۴ - حضرت سليمان قوللوقونا چە چىگ گە بۇدۇ گتيرەن قاريچقايا اشاره دير .

۵ - صحابه لردە ندىر

۶ - ايكي گوندەن بىر گل دۇسلۇق چوخخالىسين .

۷ - عيپلى ، پيس ، يامان

۸ - گۇرۇش ائىلەمك



## ● حکایت

۲۹- بیر حکیمین قارنی<sup>۱</sup>ن طعام ائيله سی<sup>۲</sup>خدی گورولتيله بیر یئل چی<sup>۳</sup>خدی دئدی :  
دوسلار چوخ چالیشدی<sup>۴</sup>م حبس ائيله یه<sup>۵</sup>م<sup>(۱)</sup> حبس اولمادی کرم قیلین<sup>(۲)</sup> عفو  
ائيله یین .

یئل زنداندی قارنی<sup>۱</sup>ن عاقل انسان      یئل سن قارنی<sup>۲</sup>وی چوخ ائتمه زندان  
یئل قارنی<sup>۳</sup>ن دا آرتیق چکمه بنده      کی یئل آن بیر آغیر یوکدو<sup>۴</sup> بنده

\*\*\*

جمالدان غنی<sup>(۳)</sup> اولسادا یولداشین      کمالدان فقیردیر اگر آت داشین

## ● حکایت

۳۰- دمشقیلی یولداشلاری<sup>۱</sup>ن سوزلریندهن غم سینهمده قالانارکن باش گوتوردوم  
قاچدی<sup>۲</sup>م شریف قدسه<sup>(۴)</sup> ساری . قدسا گندهن یولدا منیم یول یولداشی<sup>۳</sup>م داغ دهره نین  
قورد قوشویدو . طرابلس<sup>(۵)</sup> ون<sup>(۶)</sup> خندق نین<sup>(۷)</sup> کناریندهن گنچیردیم بیر فرنگلی وارلی<sup>(۸)</sup>  
کیشی غلام لیغا دوتدو<sup>(۹)</sup> جهود جماعتله<sup>(۱۰)</sup> منی پالچیق<sup>(۱۱)</sup> آزمه سینمه<sup>(۱۲)</sup> مجبور ائتدی . او  
حالتده بیر حلبلی<sup>(۱۳)</sup> بویوک باشلا<sup>(۱۴)</sup> تانیش چی<sup>(۱۵)</sup>خدی<sup>(۱۶)</sup>م ، دئدی : کیشی بو<sup>(۱۷)</sup>نه

۱ - قاباغین آلام ، ساخلام

۲ - لطف ائيله یین

۳ - وارلی

۴ - بیت المقدس

۵ - لبنان<sup>۱</sup>ن شهرلرینده ندر

۶ - شهرین اطرافیندا قازیلان یارغان

۷ - یهودی لرله

۸ - پالچیق آیاخلاماغا

۹ - شامین شهرلرینده ندر

۱۰ - مقام صاحبيله

ایشدی دندیم واللاه :

من اؤتورموشدوم بۇ خلقى باش گؤتورموشدوم داغا  
خالقه خاطر اؤنؤدوموشدوم بوتون خلق اللاهى<sup>(۱)</sup>  
امما ايندى گهل نظر سن قيل گيلان احواليمه  
گور نئجه نامرد<sup>(۲)</sup> انديب منزل منه سرگين گاهى<sup>(۳)</sup>

\*\*\*

ياريله خوشدور قارا زندان منه ياديله زنداندى سروستان<sup>(۴)</sup> منه

بۇ قصه ده ن غصه لندى اون دینارا آلدی منی یوز دینارا قیزین منه عقد<sup>(۵)</sup> ائيله دی .  
عقد میزده ن هله بش گون گنجه میشدیر گوردوم قیزین خلقی<sup>(۶)</sup> دؤنوب فرمانیما  
هن دئمیری سوز دئیهنده دونقولدانیر<sup>(۷)</sup> ، بیله لیکله بیلدیم منیم آغ گونومو قارالدا جاق  
گنن دؤنیامی دارالدا جاق .

آروادین اولسا بددهن<sup>(۸)</sup> بدخلق<sup>(۹)</sup> سنه جنت آلاولی دوزخ اولار  
بیزی اوددان آلودان ائيله اوزاق وقنا ربنا عذاب النار<sup>(۱۰)</sup>

۱ - جماعتی

۲ - فرنگلی کیشی یه اشاره دیر

۳ - پنهن لیک ، طویله

۴ - سرو باغی

۵ - آره وئردی

۶ - اخلاق

۷ - میرتدانیر ، جواب وئریر

۸ - دیلی آجی

۹ - خلقی خراب

۱۰ - بقره سوره سی ۲۰۱ اینجی آیه « الله بیزی جهنمین عذابینده ن ساخلا »

قىز باشلادى يئنه منى دانلاماغا ، دئدى : مگر سن ده گيل سن آتام او گون اون دینارا  
آلدى سنى ، دئدیم : صوئرا اوز ماتاحين<sup>(۱)</sup> يوز دینارا ساتدى قارا بير دوستاغا<sup>(۲)</sup>  
سالدی منی .

ايشيدیم بير قوچو قوردون ديشيندهن      بيرى آلدی آين چكدی ايشيندهن  
گوزوندهن سيلمه ميش آل قانلی ياشين      يارالی حيوانين تئز كسدی باشين  
تؤكنده قانلی ياش آغلار گوزوندهن      دوشوندوم بوسوز و صونچو<sup>(۳)</sup> سوزوندهن  
ستم كاخی تمل<sup>(۴)</sup> دهن كاش اوئشسون      قودوز او قوردودان سن قوردوموشسون

### ● حكايت

۳۱- بير پادشاه بير عابده دئدى : عابد سئويله گونون نجه گنجير ؟ دئدى : گنجه راز و  
نياز ائيله مكله ، سحر حاجت ايسته مكله گوندوز گونش باتانادهك ايشله مكله . زيل  
قارادان قارا قیلی<sup>(۵)</sup> سئچهن سلطان دئدى : اونون حاجتى وار حاجتىنى رفع ائيله يين راز  
و نياز انده بيلسين .

ای گرفتار ائو او شاق و عيال<sup>(۶)</sup>      داهی خوش گون سنه خيالدى خيال  
آت چوره ك فيكرى فيكریوی آلاچاق      سنى حقدن يازیق اوزاق سالاجاق  
سئوهره من سحر ايکيندى گنجه      نامازیم گورمیه م قالیبدى گنجه  
نامازا دورجاغین ولی بو اورهك      يادیما تئز سالار یوخومدو چورهك

۱ - متاع

۲ - زندان

۳ - آخر

۴ - بنا

۵ - قارا توکو

۶ - آرواد او شاق

## ● حکایت

۳۲- داغدا یالقیز عۇمۇر سۆرەن باغدا آغاچ كۆكۈن يئەن بیر زاهدین گۆرۈشۈنە بیر ائل بیگی مایل اولدۇ ائوجیگینە داخل اولدۇ، دئدی: زاهد ایذن<sup>(۱)</sup> وئرسەن سنین اۆچۈن بۆيۈك بیر ائو<sup>(۲)</sup> تیکدیره م ائیلە ائو کی مریدلرین ییغیشارلار اوددان ایستی نفسیندەن قیزیشارلار<sup>(۳)</sup>. اطاعتە امکاناتین اولسۇن گرەک. زاهد بیگین بۇیروقونا<sup>(۴)</sup> ھن دئمەدی. وزیرلردەن بیرى دئدی: بۆيۈك بیگین فرمانینا یوڭ سۆیلەمک یاخشى دەرگیل بیر نىچە گۆن شەرە بۇيۇر اینجە گۆیلۈن کدەرلەنسە یئنە قايىت. نقل اندەرلەر زاهد شەرە قدم قويدۇ ائل بیگینین بیگ باغیندا ساکن اولدۇ.

بیگ باغی نی ن آدی م باشی بۇلاغی  
قیزیل گۆلۈ تازە گلین یاناغی  
چیلە چاغی تر بۇداخدا تر گۆلۈ  
بۇلۇد یئرە آغلامامیش سۇنبۇلۇ<sup>(۵)</sup>  
نار گۆل لری ساغدان صۇلدان ساللاناتار  
قیزیل کۆز تک یاشیل قۇلدان ساللاناتار<sup>(۶)</sup>

بیگ بۇیۇردو بیر آی بەنیز<sup>(۷)</sup> گۆزۈ دەنیز<sup>(۸)</sup> گۆزەل کئیز<sup>(۹)</sup> او زاهدە باغیشلانسین.

۱ - اجازە

۲ - سارای، قصر

۳ - سۆزلریندەن استفادە ائیلەمەگە اشاره دیر

۴ - فرمان، حکم

۵ - یاغیش یاغماسایدی او یئر یئنە یاشیل اولاردی

۶ - یاشیل بۇداخلار اۆستە قیپ قیرمیزی کۆز کیمی نارلار گۆزە دەیردی

۷ - آی تکی، آی اوز

۸ - گۆزلری دەنیزه تایی

۹ - قۇللۇقچو



اۋقیزلاردان کی قیز زلفین<sup>(۱)</sup> هۋره نده      ملک اۋز<sup>(۲)</sup> صورتین عابد گۋره نده  
دئسین به به اۋتورسون شرمی عاری      بوۋراخسین صبری اولسون بی قراری

ائيله اۋگون یوز قیزدان باش<sup>(۳)</sup> بیر اوغلانجیق کی یوز گۋنش جمالیدان  
جمالیدی کمالیدان کمالیدی قوللوقونا گۋنده ریلدی . او اوغلانین خوش  
باخیشى اۋره کلى اۋسديره ردی کۋنۋل لردن تقوا کۋلۋن کسديره ردی .

گزدیره ردی دولو سوۋ جام لارینى ساقى سایاق  
سوۋسوزا وئرمه ک اۋچۋن جام یاخین گئتمه زیدیر  
کیمسه گۋرسه یدى یاوۋقدان اۋ گۋزهل گۋزلىنى  
دای گۋزۋندهن اۋنۋ بیر لحظه اۋزاق ائتمه زیدیر

عابد دادلى يئمک لردن سرین شیرین ایچمک لردن نظیف لطیف گئیمک لردن یئدی  
ایچدی گئیدی گۋزهل کنیزکله اوغلانجیقلایمدم اولدو، حکیم لردن بیرى دئییب :  
زولف هۋشون تله سیدیر جیلار<sup>(۴)</sup> قۋشون جله سیدیر<sup>(۵)</sup> .

واریدیر باشدا هۋشوم لیک اۋدۋزدوم سنه من هۋش  
ایندی سن بیر جله سن منده جله ایچره اولان قۋش

۱ - ساچ

۲ - فرشته اۋز

۳ - حدهن آرتیق گۋیچک

۴ - زیرک

۵ - تله ، دام ، دۋزاخ

دئمك اولار قازاندىغى<sup>(۱)</sup> هدر اولدو ايمان اولدن گندهر اولدو .

پير ، مرشد ، مريد اهل كمال      فرقى يوخ كيمسه دهرده دوغولار  
بو خسيس<sup>(۲)</sup> دونيانين بالين يئجه يين      سانكى<sup>(۳)</sup> ميلچك دى شهيدده بوغولار

بیر گون بیگین بیگ باغینا یولۇ دۆشدۆ ، گۆردۆ زاهد دای اوول کی زاهد ده گیل . آغ  
آپاغیم ات گتیریب او ساپ ساری یاناق لاری قیْب قیْر میْزی قیْزار یْبدیر .  
ایک عبا بورونوبدور آل<sup>(۴)</sup> بالینجا<sup>(۵)</sup> دایانیبدیر او کنیزک بئلین اوویر او اوغلانجیق  
اونو طاووس قویروقیله یئلپیک له ییر . ، بیگلر بیگی شادلیق ائتدی دئدی: زاهد عالمده  
من عالم لری هر طایفادان چوخ سئوهره م . قوللوقداکی وزیرلرден بیرى دئدی : سئومک  
شرطی یاخشیلیق دیر عالم لره قیْزیل گرەک زاهدلره یاوان چۆرهک یوخسا یولدان  
چاشا جاقلار .

بیر قیز کی آی تکین قاشی وار گون تکین اوزو  
گونندن ایشتیق او اوزده بزهک اولمور اولماسین  
گر درویشین گۆزه لدیر ایچی خوشدو باطنی  
ییرتیق او دون یاوان او چۆرهک اولمور اولماسین  
\*\*\*

سفرامدا چۆرهک اولسا دئسه م بوئدو بو سفرام  
شایسته ده گیل کیمسه منه سئویله یه درویش

۱ - منظور : ائيله دیگی عبادت لری هدر اولدو

۲ - کرامت سیز

۳ - شیره

۴ - قیْر میْزی

۵ - بالش ، متککه

## ● حكايت

۳۳- بۇتا بەنزەر بىر ناغىلدا نىل اولۇتوب دارا<sup>(۱)</sup> دۇشەن بىر پادشاھ دىدى : داردان قۇرتۇلان گۇن زاهدلرە چۇخلۇ گۇمۇش وئره جەيم . باغلى قاپى آچىلان گۇن<sup>(۲)</sup> وزيرىنە امر ائىلەدى بۇ كىسەنى زاهدلرە پايلانگىلان . هر گۇن وزير سحر گىدى آخشام گىلدى دىدى : زاهد تاپانمادىم . بىر گۇن سلطان دىدى : وزير بۇنە سۇزدۇر بۇ اۇلكەدە دۇرت يوزدەن چۇخ زاهد واردىر . دىدى : قۇربان زهد اھلى نين گۇيلو تۇخدۇر<sup>(۳)</sup> گۇيلو آجىن<sup>(۴)</sup> زهدو يۇخدۇر . سلطان دىدى : او قەدر كى من اونلار اسگىلىرەم سن اونلارنى اسگىلدىرسن ، آيدىن دىر كى حق سەندەندىر .

گۇردۇن كى او مۇر<sup>(۵)</sup> درم بىر عابد يوز اۇلكە دۇلان تاپ آيرى زاهد

\*\*\*

او كى قائلدىر<sup>(۶)</sup> اۇره كەدن تارى نىن وارلىغىنا  
پايى<sup>(۷)</sup> آسان ائىنە گلمەسە زاهددى يئىنە  
اۇ قىزىل صىرقا<sup>(۸)</sup> بىلەزىك او اوزۇك اولماسادا  
مىن گۇزەل شاھد<sup>(۹)</sup> آرا، آى كىمى شاھددى يئىنە

۱ - ايشى مۇشگولە دۇشمۇش

۲ - مۇشگولەدن قۇرتۇلماغا اشارەدیر

۳ - منظور طاماح سىزدیر

۴ - طاماح كارىن

۵ - اىستىر ، گۇيلو واردیر آلا ، منظور گوزو درم لردەدیر

۶ - معتقد

۷ - روزى ، قسمت

۸ - گوشواره

۹ - زىياروى ، گۇزەل

### ● حكايت

۳۴- بىر عالمدهن سۆزۈش دولار وقف چۆرەك<sup>(۱)</sup> كىمە حلال سئويلىنىپدۇر ، كىمە حرام ؟  
بۇيۇردولار : دۆزگۈن خلوت<sup>(۲)</sup> اندەن لره حلال يۇخسا حرام سئويلىنىپدۇر .

عبادت دەن اۆتۈر پاي اۆمدۈ زاهد  
پايا خاطر عبادت ائتمە عابد

### ● حكايت

۳۵- ائشىدىم بىر يۇر قۇن درويش بىر مجلسە داخل اولدۇ اۆ مجلسە كىم  
گىرسەيدى بىر گۆلمەلى سۆز دئەردى قوناق لارى گۆلدۈرەردى . آخشامىدىر اوزاق  
يولدان گلن درويش بىر گۆشەدە اۆتۈرمىشىدى دانيشمىردى . بىرى دئدى : قوناق  
قارداش سىندە دانيش بىزە قارىش ، دئدى : قارداش سوادسىزام اۆ سۆزلردەن  
باجار مارام باجاردىغىم بۇ بيت دىر :

من ائيله آجام ائيله سۆسۆز نىمت ايچىندە  
سانكى سوبايام<sup>(۳)</sup> بىر دولۇ آرواد حمامىندا

ھامى گۆلدۈ قاققىلدادى ھاي باسدىلار چۆرەك گلسىن . ائو صاحىبى دئدى : كوفتە  
سالىب دىلار دۆزۈن پىشسىن ، درويش دئدى :

كوفتە پىشسىن جن اۆلەرەم آي كىشى آج آداما كوفتەدى شور<sup>(۴)</sup> بللەسى

۱ - وقف اولۇنان مالدان گىچىمەك

۲ - حق يولۇندا عبادت اندەنلرە اشاره دىر

۳ - آروادسىز كىشى ، مجرد

۴ - بىر نوع پندىرىن آيدىر





آتا دئدی : بئيله خیال داش لارینی باشدان اوغول آتمالی<sup>۱</sup> سان  
باطل خیال خیالاتلا عالم لری جاهل بيلمه اوره گیندهن حقیقتین ایزی ن سیلمه .  
دۆزگون عالم تاپماق اوچون حقیقتی آتماق اولماز جهالتین دریاسی<sup>۲</sup> نا باتماق اولماز .  
نقل ائده لرلر بیر کور کیشی ییخیلمیش<sup>۳</sup> دیر بیر گوشه یه سیخیلمیش<sup>۴</sup> دیر  
قیشقی ریردیر بیر مسلمان یوخدور یولا چراخ دوتسون . بیری دئدی : چراخ سنه نه  
گره ک دیر گوزلریوین یوخ چراغی<sup>۵</sup> ، دئدی : یولدان گنجه نلره چراخ گره ک ، سوز  
دوکانی<sup>۶</sup> سانکی بزاز دوکانی دیر آلان وارسا کالا وار دیر ، ارادت سیز سعاده  
چاتا بيلمز .

عالمین سوزلرین ائشید ، دئمه چون \* بی عمل دیر سوزون آتاخ کنار  
بئيله بیر سوز او مدعی<sup>۲</sup> سوزودور « یاتانا دور دئمز یاتان بئچارا »  
اوخویون نقش<sup>۳</sup> ائدین سوزو اوره گه نقش اگر اولسادا او سوز دووارا

\*\*\*

خانقاهی<sup>۴</sup> ترک قیلدی گلدی عابد مکتبه  
ایلقارین<sup>۵</sup> داندی اونوددو پیر ، مرشد صحبتین  
سئویله دیم بیلدیر منه عالم له عابد فرقی نی  
ائدیگین قصدین دلیلین بئيله فیکرین علتین

۱ - سوز مجلسی

۲ - ادعا انیله یه ن

۳ - یازی ن ، حک ائدین

۴ - درویشلرین ییغیناق یشری

۵ - عهد ، پیمان

سۈيەلەدى بۇ<sup>(۱)</sup> جەھد ائدەر سئلەدن نجات وئرسىن اۋزۈن

سئل بوغاندان اوآلار آما بوغۇلماق فرصتىن<sup>(۲)</sup>

## ● حكايت

۳۸- بىرى ايچىب مست ائتمىشدير يول اۋستۈندە اۋزانمىشدير ، يولدان اۋتەن عابد  
اونا خور باخاندا دئدى : عابد « وَاِذَا مَرَّوْا بِاللَّغْوِ مَرَّوْا كِرَامًا »<sup>(۳)</sup>

ايندى كى بىلدىن منە مەسكن اولۇب مىخانەلر

گەل كرم قىل بىلمەسىن اسرارىمى بىگانهلر

\*\*\*

خطاكارلار يولون من ايزلەسەمدە      گذشتيله بۇ مسكىنە نظرائت

ايگىدلر تەك ايگىدلىك ائتمەسەمدە      ايگىدلر تەك منە سىنە سپرائت<sup>(۴)</sup>

## ● حكايت

۳۹- حقير فقير بىر درويشىن انكارىنا<sup>(۵)</sup> ال بىر اولان رند<sup>(۶)</sup> آداملار ، او درويشى بۇ

دۇنيادان ائيله يامان ، بۇزدىردىلر ناچار بۇيۇك شىخە دئدى : چارە ندىر ؟ بۇيۇزدولار :

اگىنەدەكى خرقە<sup>(۷)</sup> رضا<sup>(۸)</sup> خرقەسىدىر بۇ خرقەدە ماراتە<sup>(۹)</sup> ھن دئمەيەن

۱ - عابدە اشارەدىر

۲ - عالم بوغۇلانا علم اۋىرەدەر بوغۇلمايا

۳ - فرقان سۈرەسىنىن يىتمىش ايكىنجى آيەسى « خطاكارىن خطاسىندەن گۈز يۇمارلار »

۴ - طرفدارلىق ائتمەگە اشارەدىر

۵ - قبول ائتمەمەك ، دانماق

۶ - بى بندوبار آداملار

۷ - ياماقلى پشم كۆينەك

۸ - تانرى حكىمىنە راضى اولماق

۹ - آجىلىق

مدعی دیر مدعی یه کهنه قبا روا ده گیل .

اوجسوز او بوجاقسیز<sup>(۱)</sup> ده‌نیزه داش یاغا داشماز  
آما بیر آووج قوم چاناغی<sup>(۲)</sup> داشدیراجاقدیر

\*\*\*

بیر عؤمور اینجیدسه‌لرده دینمه درده دوزگیلان  
بیز گرهک بو بئش گونو آن بیر دوزوملو داغ اولاق  
چون صاباح بو جسم لر دؤنسون گره‌ک‌دیر تورپاغا  
جان دوداخدان چیخمامی‌شدان گهل بو گون تورپاغ اولاق<sup>(۳)</sup>

## ● حکایت

- ۴۰ -

گهل ائشید سن بیرقین<sup>(۴)</sup> صحبت‌لرین  
پردیه بیر گون دئدی : اینجین میشم  
منده سن تک پادشاهه بنده‌یم  
آیلار ایل لر من سفرده اولموشام  
سندن آرتیق‌دیر بیلیر سن هیئتیم<sup>(۵)</sup>  
سینه‌سینده او اولان حسرت‌لرین  
بیر عؤمور من زین رکابه<sup>(۶)</sup> مین میشم  
بو سرا بو بارگاهه بنده‌یم  
چوخ زامان‌لار من خطرده اولموشام  
آما سندهن چوخ چوخ آزدی‌ر عزتیم

۱ - چوخ چوخ بویوک ده‌نیز

۲ - پیالا ، کاسا

۳ - تواضع ائتمه‌گه اشاره‌دیر

۴ - درفش ، پرچم

۵ - آباق قویولان محل ، رکابدا پرچم آغا‌جی دایانما‌غا بیر یئر قویارمی‌شلار .

۶ - صولت



ياسمن ايگلى<sup>(۲)</sup> كنيزلردير سنين  
تۈزلۈ ۈللر چۈلدە سىرداشدیر<sup>(۳)</sup> منە  
عزت ايستيرسەن آيە بير آز اگيل  
آستا بير يئل آسمە ميشدەن لاخلايب<sup>(۴)</sup>

يولداشين نسرین بنیز<sup>(۱)</sup> لردير سنین  
يوزغون آتار يولدا يولداشدير منە  
سئويلەدى : باشيم منيم گۈيدە دە گيل  
كىمسە بوينون دوز دوتوب ديك ساخلايب

## ● حكايت

۴۱- عارفلردەن بيرى گۈجلۈ بير اوغلانى<sup>(۵)</sup> گۈردۈ يامان هيرسلەنيپدیر آغزى آيغير  
آغزى كىمى كفله نيپدیر . دئدى : اوئا نە اولۇبدیر ، سئويلەدىلر : اوئا يامان دئيىدىلر .  
دئدى : عجب؛ آغزىن آيغير دەمير داشلار كفله نديرمير يونگۈل سۇزلر كفله نديرىر.

سئويلەسن گۈجلۈ آليم زورلۇ قولۇم واردى منيم  
اوندا نفسين يولۇتا آي بئچارا گنت مەلى سن  
عاجزین آغزىنا سىلى يۇمۇرۇق وورماگيلان  
عاجزین آغزى آجى اولسا شيرين ائت مەلى سن

\*\*\*

وۈروب بئينين ساوۈرسان ژندە<sup>(۶)</sup> فيلين  
بوۈ انسان خاك دەن ايجاد اولۇبدور  
اگر آل دوتماسان اوغلان دئمەزلر  
اگر خاك<sup>(۷)</sup> اولماسان انسان دئمەزلر

۱ - قىزىل گۈلە بەنزەين اوز

۲ - ياسمن بو

۳ - ھمراز

۴ - تكان يثيب

۵ - بير قولۇ قوۋوھلى پهلوانا اشاره دير

۶ - قودۇرموش فيل

۷ - منظور متواضع اولماقدیر

## ● حكايت

۴۲- بىر صوفى دەن صوفى خەلقىن بۇيۇك خەلقىن<sup>(۱)</sup> سۆزۈشۈدولار ، بۇيۇرۈدولار : صفا  
اهلى اۈزگە نفعىن اۈز نفعىندەن اۈستۈن بىلەر . حكيم لردەن بىرى دئيب : اۈز فېكرىندە  
اۈلان قارداش ياخشى قارداش اۈلا بىلمەز .

يانماسا احوالىو قارداش اۈنا قارداش دئمه  
چۈخ قاباخدان گئدسە يۈلداس داي اۈنا يۈلداس دئمه  
ائىلە نازلى نازىن معشوقەيە عاشق گرەك  
اۈد آلاو ايچرە اۈلان عاشق لرە اۈلسۈن اۈرەك  
گت دىانت سىز قوھوم قارداشى ائىل طائفانى ات  
زەھدىسز ائىل طائفادان بىر عۇمر جان تاپسىن نجات

اينىدە وار يادىمدادىر اۈ مجلس دە اۈلان لاردان بىرى منىم صۈن سۆزۈمە بارماخ  
قويدۇ<sup>(۲)</sup> . دئدى : تانرى ائىل طائفادان اۈزاقلاشماق بۇيۇرمايىب ياخيئلاشماق  
حكمون بىزە گۈندەرييدىر ، سنىن سۆزۈن حقىن حكمون سىندىراندىر<sup>(۳)</sup> . دئدىم : يۈخ  
يۈخ اۈ سۆز حقىن اۈز سۆزۈدۈر ، « وَانْ جَاهِدْكَ عَلَى أَنْ تُشْرِكَ بِي مَا لَيْسَ لَكَ بِهِ عِلْمٌ  
فَلَا تُطْعِمُهُمَا »<sup>(۴)</sup> .

۱ - اخلاق ، سىرت

۲ - صۈن سۆزۈمدەن ايراد دۈتدۈ

۳ - تانرى گۈندەرەن حكمنىن خلافيدير

۴ - لقمان سورەسىنىن اۈن بۇشىنچى آيەسىنىن بىر حصەسى « اگر اۈنلار ( آنا و آنا ) سنى مجبور ائىلەسەلر  
ايرىلار سنى منە شريك سئويلەيسن سۆزلرىنە باخماگىلان »

تانرى دان بیگانه اولموش مین تانیش مین آشنا  
قوربان اولسونلار گرەك بیر آشنا بیگانه یه<sup>(۱)</sup>

## ● حکایت

-۴۳-

بیری بغدادا قیزیئن وئردی اُره  
نقل ائدهرلر کیشی گون<sup>(۳)</sup> سورتەنیدیر  
بیرگئجه نازلی قیزیئن دیل دوداغین  
ائیلە کی گوردو آتا قانین ایزین  
سئویله دی : سئویله اده گوندو دوداخ  
دئمه دیم من بو سوزو سیز گوله سیز  
سئویله دیم تا سیله سیز سیزده گوزو  
خصلتین سبز باغی صولمایاجاق  
اُره یوخ وحشی دهلی شیر نره<sup>(۲)</sup>  
گونوله او دئیەسن دوشمنیدیر  
دیشله دی قانه باتیردی یاناغین  
یامانا باسدى او اوغلانین ایزین  
اینجی تک آغ او بو یون اینجه یاناخ ؟  
بئچارا سئویله یە سیز اول گوله<sup>(۴)</sup> سیز  
سئچه سیز مین بئله سوزدهن بو سوزو  
ذاتی پیس ذاتی گوزهل اولمایاجاق

## ● حکایت

۴۴- بیر فقیهین<sup>(۵)</sup> قیزی چوخ چوخ چرکین یدیر ، حددهن آرتیق بضاعتی اولا اولما  
کیم قاپی سیئن دئیمه میشدیر قیزیئن آلیم دئمه میشدیر .

۱ - مهم تانرىنى تانیماقدیر

۲ - ارکک اصلان

۳ - دەری ، چرم

۴ - گولدهن منظور همان قیزدیر

۵ - شریعتین احکامین بیلەن عالم

چونخ كىفير گۆرسەنەر ايپك پالتار چونخ كىفير اولسا گر ايپك بورۇنەن

آخر بير گون او چيركىن قىز گوزو گورمز بير كىشى له آداخلاندى . نقل ائدهرلر بئش گون صورا ان بير بيله ن گوز حكيمى سرنديب <sup>(۱)</sup> دهن او اولكه يه قدم قويدو ، بيرى دئدى: فقيه سنده كوره كهنين <sup>(۲)</sup> آپارگيلان حكيم گورسون . دئدى : يوئخ يوئخ گوزون آچار قىزى بوئشار .

چركين يله گوزلونون اولماز ايشى چركين آرواده گره كدير كور كىشى

## ● حكايت

۴۵- بير پادشاه فراستلى <sup>(۳)</sup> فقير خلقه حقارتله نظر قىلدى . فقيرلر دهن بيرى دئدى : اى پادشاه ، باخما بو گون سنين چونخدور بيزيم يوئخدور ، سن وارليسان بيز وارسىزئق ، اجل چاتسا برابرېك ، ياخشى طاعت ائده بيلسه ك محشر گونو سندهن قاباق دوراجايئق .

حقيقت دير شاهين املاكى چونخدور يوان خالى چوره ك درويشه يوئخدور گدا، سلطان بو داردان <sup>(۴)</sup> گوز يوئمارلار <sup>(۵)</sup> قراردير چون اولاق آخر فنا بيز نه فرقى شاه اولاق يا بير گدا بيز

۱ - سيلان ، هندوستاندا بير آدانين آديدير

۲ - داماد

۳ - هوشلو باشلى

۴ - بو دونيايا اشاره دير

۵ - اولرلر

۶ - كفن



درويش خلقيں خصلتلىرى يىرتىق پالتار بۇرۇنمەكدير ، جىرىق ديزله  
سۇرۇنمەكدير . نفسين اودۇن قاراتماقدير<sup>(۱)</sup> عشق آلاوين ياراتماقدير .

نئجه دئيم اونا درویش غروره ماييل اولور  
خطا گۇرهنده بيريندهن خطالرين آچيرى  
روا ده گيل دئيه سن سن او انسانا عارف  
گۇرهنده داش اوجالاردان گلير دورور قاچيرى<sup>(۲)</sup>

درويش ايشى ذكر ائتمكدير شکر ائتمكدير همت خدمت اطاعتدير ايشار<sup>(۳)</sup> توحيد  
قناعتدير تسليم اولماق صبر ائتمكدير ، بئيله يولون مسافرى ايپك پالتار گئين سده حق  
يولون يولچوسودور ، يوخسا بند شهوتده دير عومور بويۇ غفلتده دير ، بى نمازدير  
هوسبازدير ، حرام مالين مالکيدير ايرى يولون سالکيدير<sup>(۴)</sup> ، بئيله انسان آغ بير عبا  
بورۇنسه ده ارادت سيز صداقت سيز بير انساندير .

ايچه رين<sup>(۵)</sup> لوتدو زهد و تقوادهن  
قاييوا آسما آل ايپك پردہ<sup>(۶)</sup>  
بۇ ائشيك پالتارين رياده ندير  
ائويون فرشى بۇريا<sup>(۷)</sup> دهندير

۱ - سئوندورمكدير

۲ - منظور : تقديره معتقد اولمايانلار عارف ده گيل لر

۳ - عطا ، ايريسين اوزوندن اوستون بيلمەك

۴ - مسافر ، يولچو

۵ - باطن ، اورهك

۶ - قيرميزى حرير پردہ - ریا و تزويره اشاره دير

۷ - حصير

## ● حكايت

-۴۶-

گوردوم تىكانىن يانىندا سونبول  
گولدوم تىكانا دئديم ايراق گئت  
بوسوزلره كول<sup>(۱)</sup> دئدى قارىشما  
گر رنگ يوخومدو سانكى سوسن  
عزت اومارام فقط اوزوندهن  
يوخدور كلاميدا گر فصاحت  
دوزدور كى اغير اطاعتم يوخ  
بوس درده فقط اودرمان ائيلر  
اي آي گونشه ايشيق ساچان يار  
ان بير قوجا ياشلى بندهوهم من  
سعدى، نه دئيىدى حق هماندير  
بيچاره اوكى چيخيبدى سوزدهن  
گوزدهن دوشهنى ووروب دويه رلر

گوئى دون گيىنىب آچيدى آل گول  
گولدهن اوزووى يازيق اوزاق ائت  
گه ائيله كرم داهى دانيشما  
باغدا او<sup>(۲)</sup> دئيىدى ييتيمشم من  
عومرون بويو دونه ره سوزوندهن  
ائيلر او اوزو منه عنايت  
بوئشدر بوليم بضاعتيم<sup>(۳)</sup> يوخ  
يوخسا منه كيمسه احسان ائيلر  
نور پنجره سين بيزه آچان يار  
رحم ائت منه خسته بردهوهم<sup>(۴)</sup> من  
قاتما سوزه آيرى سوز اماندير<sup>(۵)</sup>  
آواره او كى دوشوبدو گوزدهن  
يار اويمه يهنى هاچان؟ او يه رلر<sup>(۶)</sup>

## ● حكايت

-۴۷- بير حكيم دهن سوزوشدولار: مرد ايگيدىن سخاوتى اولسون گرەك شجاعتى ؟

۱ - تىكانىن كولو

۲ - تانرى يا اشاره دير

۳ - اطاعت و عبادته اشاره دير

۴ - غلام، نوكر

۵ - حقيقتين سوزلريندهن باشقا بير سوز يوخدور او سوزلره آيرى سوزلر قاتماگيلان

۶ - تانرى اتانى اتارلار

سۇيله ديلر : سخاوتى اولان مردين شجاعته حاجتى <sup>(۱)</sup> يۇخ .

مين ايلدى حاتم <sup>(۲)</sup> اۇلۇب تۇز اۇلۇب تۇزۇ سيلينيب  
ولى ائلين اۇره گينىدەن سيلينمە ييبدى آدى  
زكات <sup>(۳)</sup> وئر آغاجين قوللارى آريـتلانسا <sup>(۴)</sup>  
اونون ھمى بارى آرتار ھمى شيرين او دادى

\*\*\*

بۇ سۇزۇ بهرام <sup>(۵)</sup> گورين <sup>(۶)</sup> گورى <sup>(۷)</sup> اوستە يازديلار  
كيم كرامت اهلى دير يۇخدور نيازى شمشيره

۱ - نياز

۲ - جاهليت زامانىندا كرامتلى بير ايگيديميش

۳ - مالين بير حصە سين شرعين حكيمله باغيـشلاماق

۴ - ھزرس اولسا

۵ - ساسانى شاھلار يىنداندير

۶ - بير نوع ائششكدير

۷ - قبر ، مقبره



اوپوژیمو باب



## قناعتین فضیلتی

## قناعتین فضیلتی



## قناعتین فضیلتی

### ● حکایت

۱- بیر مصریلی سائل<sup>(۱)</sup> حلب<sup>(۲)</sup> بازاریندا دیله نیردی ، دئیردی آی مکنتلی لر بیز قناعت یوللاریننی ایزله سه یدیک سیز مروّت . دینلنچی لیک ایزی یتردهن پوزولاردی .

ای قناعت منی غنی ائیله  
کی سنین تک جهاندا نعمت یوڭ  
صبر ائتمه ک اوّل قمانین ایشیدیر  
صبر سیز کیمسه لرده حکمت یوڭ

### ● حکایت

۲- اوّزون ایل لر بوئندان قاباق مصریده بیر بیگ واریمیش اوئون ایکی بیگ زاداسی . اوغلانلارین بیر گزدی علم اویره ندی بیر قالدی ثروت ییغدی . بئش گون صوّر

۱- دینلنچی

۲- شامین شهرلریندهن بیریدیر

اۇ عالمده عالم اولدو بو مصريده مصر عزيزى<sup>(۱)</sup>. وارلى بير گون اۇ وارسىزا دئدى :  
قارداش من مكنتده صون منزله چاتا بيلديم سن يوكوو هلهده وار چاتماميسان .  
دئدى : عزيز ، عزيز تانرى درگاهينا چوخلو سپاس ائتمهلى يم كى دونيادا پيامبرلر پيامينه  
وارث اولدوم سنين كيمي هامون<sup>(۲)</sup> ، فرعون<sup>(۳)</sup> ميراث خواري اولماديم من .

اينجه بير مورم<sup>(۴)</sup> اياق آلتيدايام      من آرى يوخ چون تىكان سيز نيش<sup>(۵)</sup> سيزهم  
بير عؤمور دائم گرەك شكر ائيليهم      مظلومو اينجيتمه گه من ديش سيزهم

### ● حكايت

۳- ائشيديم بير يوخسول درويش قبا<sup>(۶)</sup> سينين ييرتيق لارين ياماياندا وارسىزليغين  
آلاويندا آلاولانيب ياخيلاندا<sup>(۷)</sup> بو ماهنى نى اوخويورموش :

ياما بو كهنه دونو گئى بوئو بوئور قسمت  
آغير بوئوكلى چك چكمه خلقدهن منت

بىرى دئدى : دايانما قاچ فلان وارلى سفرا آچيب سفراسينين باشيندا كيم اگله شىرى  
منت اومور<sup>(۸)</sup> . اوندان گئديب نياز اومسان نياز يوه يوخ سئويله مز<sup>(۹)</sup> .

۱ - مصر حاكم لرinin لقب لریمیش

۲ - فرعونون وزيریمیش

۳ - حضرت موسى عهدینده مصره فرمان سورهن حاکمین آدی دیرکی دئیهریمیش من تانری ویزام.

۴ - قاریچقا

۵ - تیکان

۶ - دون ، عبا ، اوسلوک

۷ - یاناندا

۸ - ممنون اولور

۹ - حاجتی وی اونا دئسه ن حاجتی وی رفع ائده چک

دئدی : یوڭ یوڭ

حاجتین خلقه دئمه فقرین اودوندا یان گیلان  
دردین اولسادردیوی خلق خدادهن<sup>(۱)</sup> دان گیلان

\*\*\*

بیر کیمسه یه محالدى دئمه ز وئر عبا منه  
دوزخده عیبی یوڭدو قلام تا ابد یانام  
بیر کیمسه یه محالدى دئمه ز وئر عبا منه  
دوزخده عیبی یوڭدو قلام تا ابد یانام

## ● حکایت

۴- بیر گون عجم<sup>(۳)</sup> بیگلریندهن بیرى حاذق<sup>(۴)</sup> بیر حکیمی مصطفانین - سلامی میز  
اولسون اونا ائولادینا - قوللوقونا گوندهردیلر . حکیم بیر ایل تمام عرب اولکە سینده  
عومور سورددو کیمسه اونو دیندیرمه دی دردین اونا بیلدیرمه دی . او حضرتدهن  
گیلینلندی دئدی : غلام بو اولکە یه خدمت اوچون گلیب آمما کیمسه مندهن خدمت  
اوممور . بویوردولار بو تورباغین جماعتی چوخ یتمکدهن چه کینه لرلر دویمامی<sup>۵</sup> شدان  
چه کیله لرلر . حکیم دئدی : سلامت لیک رمزی بو دور ، یئری اوپدو ، او اولکە نین  
ترکین قیلدی .

حکیم اول دم آچار سوز، صحبت ائیلەر  
گوره گر دینمه سه حقه دن اثر یوڭ  
یئمه ک ایچمه ک غذایه رغبت ائیلەر  
غذا میل ائتمه سه جاندان خبر یوڭ

۱ - اللاهین بنده لریندهن

۲ - جزا گونو ، محشر گونو

۳ - ایران شاهلارینا اشاره دیر

۴ - ماهر ، استاد

اونۇن ھربىر ايشى حکمتدى حکمت يئەر ، آرتىق ائدە حق دەن اطاعت

### ● حکايت

۵- بابک اوغلۇ اردشير دەن<sup>(۱)</sup> نقل او لۇتوب بير گون حازق بير حکيم دەن سۇرۇشۇلار ،  
بير اداما گون دە نە قدر يئمک گرەک ؟ جواب وئردى : يوز درمين<sup>(۲)</sup> آغىرليغى قدر  
بسدير ، گولۇ دندى : او مقداردا نە قوت وار . دندى : کامل<sup>(۳)</sup> بير ادامى بير گون تمام  
دولانديرار . آغىر يئەن آغىر يۇكون حماليدير .

بۇ بىش گون آلتى گون اوغلۇم يئمک دەن اوتر دە گيل  
يئمک بوئا گۇرە دير خالقه عبادت ائدەک  
بو قدر نعمتى تانرى عطا ائديدى بيزە  
يئەک ايچەک ياشايلاق فرمانين اطاعت ائدەک

### ● حکايت

۶- ايکى نفر خراسانلى جوان درويش سياحتە چىخمشىدیلار . بيرى ائسيز اوچ  
گون دەن بير شام يئەردى بيرى ائلى ديشى ايش سيز<sup>(۴)</sup> قالمازيدير . نقل ائدەرلر ان بير  
اوزاق يئردە جاسوس<sup>(۵)</sup> آدلاندىلار تۇتۇلدولار بير اوطاقدە حبس اولدولار ، او او طاغا  
داش دان دووار ايشلە ديلر نفس يئرى قويمادیلار . بو صحبت دەن ايکى هفته  
سووشموشدور ، امر اولۇندو زندانى لر درويش ديلر . او داش دووار سۇكولرکن

۱ - اردشير بابکان

۲ - منظور بير سگە نين آغىرليغى قدر

۳ - بالغ ، بۇيۇک

۴ - هميشە آغزى ايشلەرميش

۵ - خبرچين



باغیر دیلار ، اُتلی اُولوب اُتسیز دورور <sup>(۱)</sup> قلبی وورور . بیرى دئدی : مات <sup>(۲)</sup> قالمالی<sup>۱</sup>  
بیر ایشدیر بو ، سۆز صاحبی گۆلدۆ دئدی : مات قالمالی<sup>۱</sup> ایش اوندایدی<sup>۱</sup> بۇ ایش بیله  
اولمایایدی . او اۆله نی چوڭ یئمک لیک اۆلدۆریدیر ، بۇ قالانی<sup>۱</sup> از یئمک لیک  
ساخلا ییب دیر .

قناعتدهن اطاعت ائيله یه نلر یامان گۆن باک ائتمه زلر یامان دان  
بیری تن پرور <sup>(۳)</sup> اولسا تنبل اولسا آجی گۆن تئز دویار شیرین او جانندان

## ● حکایت

۷- حکیم لردهن بیرى اوغلون از یئمگه امر اندیردی دئیردی ای منیم بالام کیم از یئهر  
از ناسازلار ، دئدی : آتا ظریف <sup>(۴)</sup> لردهن بیرى دئییب : آج قالما یئه توڭ اول گیلان .  
دئدی : اوغول « کُلُوا وَ اشْرَبُوا وَ لَا تُسْرِفُوا » <sup>(۵)</sup> .

چوڭ ایچمه ک یئمک انسانی تئز ییخار  
یئیب ایچمه سین جان دوداقدان چیخار

\*\*\*

دۆزدۆ عالمده طعام قوت باغیشلار انسانا  
چوڭ یئیهن انسانی آما چوڭ یئمک لیک سینسیده ر

۱ - دیریدیر ، زنده دیر

۲ - تعجب لی ، حیران قالمالی<sup>۱</sup>

۳ - ایشله مه یه ن ، تنبل

۴ - ظرافت لی سۆز دانیشانلار

۵ - اعراف سوره سینین اوتوز بیرینجی آیه سیندهن « یئه یین ایچین اسراف ائيله مه یین »

گول شکردهنده<sup>(۱)</sup> شيرين دير آج بير انسانه چوره ک  
 گول شکر چوخ ميل<sup>(۲)</sup> ائدهن انسان او جسمين اينجيدهر

بير مريض دهن سوژوشدولار نه ايستيرسن ؟ دئدى : نفسيم بيرزاد مندهن ايسته مه سين .

اونداكى شيشدى بو قارين<sup>(۳)</sup> نئيليره م  
 سيم و زرى ، درهم و دينارى من

## ● حکايت

۸- صوفى<sup>(۴)</sup> لردهن بير نئچه سى واسيط<sup>(۵)</sup> ده بير ات ساتانا<sup>(۶)</sup> بير آز بوژجلو دوشموشدولر .  
 قصاب گونده طلب کارليق ائيله يردى دئينيردى . صوفى<sup>(۴)</sup> لرده باش آشاغى  
 ساليرديلار اينمه ز دينمه ز قاليئر ديلار ، باشقا دوزوم آيرى چاره گورميردیلر  
 گوره نلردهن بيرى دئدى :

نفسه طعام وعده سى وئر ، قصابا وئر مه گيلان سيم و زرين وعده سين

\*\*\*

اول گيلان ات يئمه او ائدهن او تور قصابين منتين گئديب چکمه  
 اوزووه باغلا احسانين قايي سين قاييچى محنتين گئديب چکمه<sup>(۷)</sup>

۱ - مربا ، شربت

۲ - صرف ائيله يهن ، يئهن

۳ - اولندهن صورا قارين شيشيب پاتلاماغا اشاره دير

۴ - درويش

۵ - بصره ايله کوفه نين آراسيندا بير شهرين آديدير

۶ - قصاب

۷ - منظور بوکدور : قارين اوچون منت چکمه .

## ● حکایت

۹- بیر جوانمرد<sup>(۱)</sup> تاتار<sup>(۲)</sup> لارلا ووروشاندا یارالاندى . بیرى دئدى : فلان بۇيوك بازارگاندا نوْشدارو<sup>(۳)</sup> داروسو وار . نقل ائدهرلر اوْ بازارگان آن بیر خسیس<sup>(۴)</sup> انسانیدیر .

سفراسیندا دوز چورهک یوخ آی گونش قویسایدیلار  
دوْنيا وارکن کیمسه گورمزدی سَماده آی گونو<sup>(۵)</sup>

اوْغلان دئدى : اوْندان دوا ایستهسم من شاید وئره شاید دئیّه قالمايبدیر . دئسه قالیب اوْنا انعام<sup>(۶)</sup> وئرمهلیم ، انعام وئره یا وئرمیم گئدیپ اوْنا آغیز آچماق منیم اوْچون بیر اوْلوم دیر .

قان گولونده عیبی یوخ جان وئر بوْغول  
أسگیک انسانه آلین وئرمه اوْغول

حکیم لردن بیرى دئییب : انسان لارین شرفلری آب حیات<sup>(۷)</sup> آلماق اوْچون ساتیلسایدی ، شرفلی مرد آب حیات آدین دیله گتیرمزدی ، شرافت سیز یاشاماقدان شرافتلی اوْلوم خوشدور .

۱ - ایگید اوْغلان

۲ - مغول طایفاسی

۳ - کارلی یارالاری توختادان بیر دوانین آدی میش .

۴ - سخاوت سیز ، آلی یوموق ، گوزو دار آدم

۵ - چورهک سیز بیر انسانیمیش

۶ - جایزه ، خلعت

۷ - ابدی یاشایش باغیشلايان سو

خوشام من زهر آلام جانانه لردهن  
شیرین بال آلمی<sup>۱</sup> یام بیگانه لردهن

## ● حکایت

۱۰- گلیری<sup>(۱)</sup> آز بیر عالمین خرجی حدهن آرتیقیدى . حاجتینی بیر وارلی<sup>۲</sup> یا دئدی ،  
وارلی غمگین اولدو<sup>۳</sup> ، غملی کۆنلو<sup>۴</sup> درده دولدو<sup>۵</sup> ، کی علم اهلی سئوال<sup>(۶)</sup> ائتمز  
روزی<sup>(۷)</sup> سیندهن گیلئله نمز .

آورەک غمین کده رین سئویله ینده سئوگیلیوه  
ساقین<sup>(۸)</sup> یاریئن یائینا قاش قاباقلی<sup>۹</sup> گئتمه یه سن  
گۆلەش قاباقلی<sup>۱۰</sup> گرە کدیر آچاندا غم شله سین  
گۆزل بو پندی<sup>(۱۱)</sup> اولونجن فراموش ائتمه یه سن

نقل ائده رلر نعمتی آرتیردیلار حرمتینی اُسگیدیلر .  
عالم گۆردو<sup>۱۲</sup> نعمت چۆخدور حورمت یوخذور فیکره جوئدو توئدو دئدی :

او قازان کی سنی خوار<sup>(۱۳)</sup> ائیلیری ایچمه آشینى  
او طعام کی سنه ذلت تۆره دیر آت داشینى

۱ - درآمد

۲ - دیله نمەز ، آئین آچماز

۳ - رزق ، پای

۴ - گۆزلە ، مواظب اول

۵ - نصیحت ، اؤگود

۶ - رسوا ، ساییز حرمت سیز



نئیلیرەم آرتی<sup>۱</sup>رالا یۆز بۆ قەدەر نەمتیمی  
یوۋخسا آرتی<sup>۱</sup>رمايالا داری<sup>(۱)</sup> قەدەر حورمتمیمی

## ● حکایت

۱۱- بیر درویشین نئچە درهم لازیمیدی . بیرى دئدى : فلان وارلى كرامتده  
نظير سيزدير<sup>(۲)</sup> حاجتیی اوْنا سئویله كۆمك ليكدهن قیز<sup>۳</sup> قانماز . ائيله اوْ گون  
یولداشلا اوْ وارلى نین ساراينا قدم قويدو ، گوردو وارلى ان هئيتلى<sup>(۳)</sup> بیر كیشی دير ،  
قاش قاباغی یئر سوپورور ، ائودهن چيخدى دئدى : اونون سخاوتين هئيتينه  
باغي<sup>۴</sup>شلادیم .

اگر گوردون بيرين چوخ قاش قاباغلی اماندير سئویله مه دردين اوْنا سن  
اورهك غم غصه سين اول كيمسه يه دئه اچاندا گول دوداغين گول دهره رسن

## ● حکایت

۱۲- اسکندريه<sup>(۴)</sup> نين بويوك قيتليقيندا<sup>(۵)</sup> ماوی گويون بولاق لاری کسيلميشدير آجليق  
سسی سمالره دیکه لميشدير .

يئمک تاپانمازيدي داغلارين اوو و مارالي  
چورهك هايي هارايي آغلاداردی داغدا داشی

۱ - ارزن دانه سی

۲ - تاي سيزدير

۳ - قورخمالی ، قاش قاباغلی

۴ - مصریده بیر شهرين آدیدير

۵ - قحطی

الاولى سىنەلرین تۈستۈسۈ آلاردى گۈيۈ  
گۈيۈن قارا بولۇدو ياغدىراردى قانلى ياشى<sup>(۱)</sup>

بئىلە يامان روزگاردا بىر ناكىشى ياشايىردى<sup>(۲)</sup> اوندان سىزە سۈز سۈيەسم دئەجك سىز  
انسانلىغى ترك اتميشم سۈيەسم بئىلە خيال اندەجك سىز سۈز بىلمىرەم ، بۇنا گۈرە  
سۈزۈ قىسسائىلەيىرەم ، پۈتزا<sup>(۳)</sup> سىيە<sup>(۴)</sup> دىلى دىر سىيە باتمان .

گر او نامردى اۈلدۈرە تاتار تاتارىن حىف دىر جانين آللا  
سانكى او كۈرپۈدور سۈسۈز خلقى آرالار دجلەدەن سۈسۈز قالالا

آما ائىلە يامان گۈندە او ناكىشى يامان گۈنلۈ انسانلارا سحر نعمت باغىشلىردى  
آخسام خلعت . قرارلارین<sup>(۵)</sup> آلدەن وئرنە قرارسىزلار<sup>(۶)</sup> بىر گۈن اونۈن سارايىنا قوتاق  
گتمەك قصدىن منە بىلدىردىلر . دئدىم بئىلە صحبتلرین فېكرین آتىن .

تۈلكۈنۈن آرتىغىن<sup>(۷)</sup> يىتمز اصلان  
اۈل گىلان ناكسىن يىتمە چۈرەگىن  
ارزشى يۈخدۈبى ھنر بىشەرىن  
آل<sup>(۸)</sup> اىپك دۈن گئىنە ھنرسىز آدام  
يىخىلىب وئرسەدە آجىندان جان  
دۈزگىلان ائىلەمە فغان افغان  
او بىشەر اولسادا بۈيۈك سلطان  
سانكى بىر نقشىلى دۈۋاردى اينان

۱ - غم بولۇدو قانلى ياغىش ياغدىراردى

۲ - باتمانىن اونالتى دان بىرى

۳ - ايكى پۈتزا

۴ - دۈزۈم ، صبر

۵ - دۈزۈم سىزلر

۶ - شكارىن تۈكۈنتۈسۈنە اشاره دىر

۷ - قىرمىزى

## ● حكايت

۱۳- او حاتم<sup>(۱)</sup> دەن سۈرۈشۈدولار ، اۈزۈن كىمى ايگىد انسان سراغىن وار . سۈيلهدى هن ، بىر گۈن عرب خانلارينا اُللى دوهه كسدىرمىشدىم بىر ايش اۈچۈن سفر اتتىم داغا گندىم داغدا گۈردۈم اُن بىر قۇجا تىكان دهرن يۈكۈن چاتىب زىغدا باتىب ، دندىم بىراز يىترىن گىت كى حاتم گىلدە قۇناقلىق وار . گۈلدۈ دندى :

ايشلە ناكس قاپى سىن چالماگىلان

حاتم يىن مەن تىنە قالماگىلان

ايگىدلىككە او قۇجانى اۈزۈمدەن چۈخ اۈستۈن گۈردۈم .

## ● حكايت

۱۴- بىر گۈن موسى - يىزدەن سلام اولسون اونا - اگنى يالىن<sup>(۲)</sup> بىر درويشى گۈردۈ قۇما قۇيلانىدېر<sup>(۳)</sup> قۇمدان چىخدى دندى موسى سن تانرى نىن اُن حورمتلى بندهسى سن او تانرى دان ايستەگىلان بۇ قارا گۈن<sup>(۴)</sup> بندهسىنە نظر قىلسىن كى طاقىم قۇرتارىدېر . موسى دعا اتتىدى گىتتىدى . قايداركن گۈردۈ اۈنۈن اَلين قۇلۈن باغلايىبلار . بۇيۇردولار نە اندىدېر ؟ سۈيله دىلر مست اندىدېر اۈرەك سۈكۈب قان تۈكۈب دېر ، ايندى اۈنۈ اۈلدۈرۈرلر ، فيكرە جۇمدۇتۇمدۇ دندى :

۱ - حاتم طائىيە اشاره دېر

۲ - پالتارسىز ، چىپلاق

۳ - قۇمۇ پالتار ائىلەمىشىدى

۴ - گۈنۈقارا ، بدبخت

صاحب اولسایدی پیشیک بال و پره

سئرچه محو اولموشدو یئردن یکسره<sup>(۱)</sup>

من ییخیلمیش<sup>(۲)</sup> گۆرموشم قالخیب دوروب

دورمایان عاجزلره قورقو قوروب

« و لَوْ بَسَطَ اللَّهُ الرِّزْقَ لِعِبَادِهِ لَبَغَوْا فِي الْأَرْضِ »<sup>(۳)</sup> اولدم موسی - بیزدن سلام اولسون

اونما - او مصلحت صاحیبینه باش اندیردی ائیلهدیگی جسارتدن عذر ایسته دی .

عاجز قاریچقانیئن قانادی خوشدور اولماسیئن

یونخسا غروره مایل اولار محو ائدەر اوزون

\*\*\*

حقین امریندن گنچه چوخ سرسری<sup>(۵)</sup>

خوشدو مورین<sup>(۶)</sup> اولمایا بال و پری

ناکسین اولسا اگر سیم و زری

بو گوزهل جمله فلاطوندان<sup>(۴)</sup> قالیب

حئیف قنده<sup>(۷)</sup>، قندیم<sup>(۸)</sup> واردیر .

۱ - بوتون ، کلا ، تماما

۲ - عاجز ، اسیز ایاق سیز آدم

۳ - شوری سورہ سینین ایگیرمی یتددینجی آیہ سی - روزی قاپی سین اولوتانری بنده لره گئن ائیلہ سئیدی یئر اوزونده ظلم ائدہ ردیلر .

۴ - افلاطون

۵ - سایما مازلیق

۶ - قاریچقا

۷ - شیرین یشمک لره اشاره دیر

۸ - ایستی لیک ، قند مرضینه اشاره دیر



سندھن آکیشی مصلحتین یاخشیی بیلیر  
اول کس کی سنه وئرمیری وار ، وارسیز ائدیر

## ● حکایت

۱۵- بصره ده من قیزیلچیلار بازاریندا دولانیردیم بیر چؤلچونو<sup>(۱)</sup> گوردوم دئیر :  
بیاباندا یول آزیمیشدیم یول زومهارین<sup>(۲)</sup> قورتارمیشدیم عومرون آخر لحظه لرین  
گنجیردیردیم گوردوم یترده بیر کیسه وار ، فیکر ائیلهدیم قاویشرقادی<sup>(۳)</sup> سئوینج<sup>(۴)</sup> اودو  
اوره گیمده آلاولاندی . آغزین آچدیم صوئسوز قدهر کدهرلندیم چون کی گوردوم  
مرواریدیر<sup>(۵)</sup> .

ایستی صحرا ده آج ، سوئسوز آداما      سوگره کدیر نه مرواری نه صدف  
تاپیلان کیسه نین ایچینده اولان      آجا یوخ فرقی ، زردی<sup>(۶)</sup> یاکی خزف<sup>(۷)</sup>

## ● حکایت

۱۶- بیر ایستی قوملار اوسته جان وئیردی بو سوزلری پیچیلیدردی :

جان دوداخدان چیخمامیش ای کاش دوشئیدیم بیر چایا  
دولدورئیدیم مشکیمی دای گلمه یئیدی جان ضایا

۱ - بیابانگرد

۲ - توشه ، آذوقه

۳ - پشیمیش بوغدا

۴ - شادلیق ، خوشحالیق

۵ - اینجی

۶ - قیزیل ، آلتون

۷ - ساغسی

## ● ھاكىت

۱۷- بىر گۈن بىرى بىاباندا يول آزىمىشىدى يول زومھارىن قورتارمىشىدى بىر حالداكى اونون چوخلو زى وارىمىش جان وئرمىشىدى . باشى اوستە چاتانلاردان بىر دئەر : قىزىل لارى داغىلمىشىدىر بۇ قىسسا سۇز قوملار اوستە يازىلمىشىدىر .

وئجە گىلمز بۇ جعفرى<sup>(۱)</sup> دىنار  
چۆلدە زردەن دەيرلىدىر شىلغىم  
يولدا آذوقە سۇ گىدىن گۆتۈرون  
چۆلدە زى ، دىنارىن سۇزۇن اۋتۈرون

## ● ھاكىت

۱۸- ھىچ بىر زمان زمانەدەن كۆسمەمىشىدىم پايم<sup>(۲)</sup> آزدير پاى وئرنەنە من قاش قاباق ائتمەمىشىدىم ، مگر او گۈن كى قىچ لارىم يالىن يىدىر آياق لارىم قابارىدىر قابارلارىم دئىلىمىشىدىر ات سۆمۈكەن آيرىلمىشىدىر . او حالتەدە كوفەن<sup>(۳)</sup> من بۇيۈك جامع مسجدىنە قدم قويدۇم گۆردۈم بىرى اۋتۈرۈبدۈر قىچى يۈنخدۈر اولۇ تانرى درگاھىنا شكر ائىلەدۇم آياق قايىم<sup>(۴)</sup> اولماسادا آياغىم وار .

وارى چوڭ وارلى نىن گۆزۈندە فرە<sup>(۵)</sup>  
بىنوا درويشىن گۆزۈندە ترە  
تۈرپ شىلغىم كاواردى گۈى ترەدى  
بالدى قايماق كىك<sup>(۶)</sup> دى چوچ فرەدى

۱ - بىرەك اوغلو جعفرە منسوب اولان دىنارلار

۲ - رزق ، روزى ، قسمت

۳ - عراقىن شەھەرلىرىدەندىر

۴ - باشماق ، چارىق

۵ - جوان تاۋۇق

۶ - داغ اينەگى

## ● حکایت

۱۹- قیّش گونویدو بیر پادشاه نوکرلرله شکارگاهدان قاییدیردی گونش باتدی . بیر باغچی نیّن<sup>(۱)</sup> باغ ائوجیگین<sup>(۲)</sup> گوردو دندی : اوردا گئدهک اوتراق ائدهک . وزیرلردهن بیرى دندی : رعیتین چارداغیندا گئجه قالماق یاخشى ده گیل . ائيله بورد چادر قوراق اود يانديراق . باغ صاحبی يئمک ايچمک حاضرلادی يئری اويدو دندی : سلطان بيزيم انوه بويورسايدى منزلتى<sup>(۳)</sup> اُسگيلمه زدير لاکن راضى اولماديلار بونوکرين مرتبتى<sup>(۴)</sup> يوکسک<sup>(۵)</sup> له نسين . سلطان سوزو گوزهل گوردو امر ائيله دی اونا خلعت چوخلو نعمت باغي شلانسین . نقل ائدهرلر سحر سلطان او باغچانی ترک ائدهنده باغچی دندی :

او قدر<sup>(۶)</sup> صاحبین قدری باخ ازالما دی هئچ  
نزول<sup>(۷)</sup> ائيله دی آتدان قدهم بويوردو<sup>(۸)</sup> بيزه  
چاتار منيم يئريمين شانى<sup>(۹)</sup> گويده آي گونشه  
يئرين او آلاهی<sup>(۱۰)</sup> چون کی بو يئرده کؤچدو ديزه

۱ - بوقان ، باغبان

۲ - باغ ائوی ، چارداخ

۳ - مقام ، شأن

۴ - درجه ، مقام

۵ - آرتیريلسين ، اوجالانسین

۶ - شأن ، حرمت

۷ - آتدان يئره دوشدو

۸ - عنايت ائتدی

۹ - مقام ، قدر

۱۰ - پادشاهها اشاره دير

## ● حكايت

۲۰- آن بير خسيس<sup>(۱)</sup> ديلنچى دهن نقل اندهرلر آغير ثروت توپلاميشدى ، بير گون سلطان دئدى : بيزدهن آل دوت گيلان<sup>(۲)</sup> آل داليدير<sup>(۳)</sup> ، آيديندىركى بوزج آليريق . دئدى : قوربان زرهن خاطر منيم تاييم آسگىكلره آسگيلمه يين . دئدى : او زر آسگىك ايشده ايشلنه جك . «الْحَبِيثَاتُ لِلْحَبِيثِينَ»<sup>(۴)</sup> .

عيبى يوخدور توكسه نصرانى<sup>(۵)</sup> سووون سيز جهودين<sup>(۶)</sup> نغش بى جانين يووون

\*\*\*

مستراحه يول تيكه نده عيبى يوخ سوكتيف دير يولدا واردير چوخلۇ بوخ

بئيله ليكله خسيس كيشى پادشاهين حكومنه باش انديرمه دى ، فرمائينا هن دئمه دى . سلطان دئدى : دورون وورون قولاخلاريـن ديدهن بورون واريـن آليـن چوله ساليـن .

وئرمه سه كيم ماليـن شيرين سوزله اوڭلار ثروتى قيزيل كوزله  
يان ياخيـل دونيادا اوزون اوزووه امكانى يوخدو ياد يانا كوزووه<sup>(۷)</sup>

۱ - آلى كسيك ، كرامت سيز

۲ - يارديم ائيله

۳ - نيازيميز وار

۴ - نور سوره سينين ايگيرمى آلتى نجى آيه سينين بير حصه سى « پيس آروادلار پيس كيشى لره گرەك دير »

۵ - مسيحى

۶ - يهودى

۷ - كيمسه سنه فيكر ائيله مز اوزون اوزووه فيكر انت گيلان



## ● حکایت

۲۱- بیر کیشی نی کیش<sup>(۱)</sup> ده گوردوم دئیردیلر یوز اَللی دهن چوڭ ده وه سی اَللی دهن چوڭ بنده<sup>(۲)</sup> سی وار . بیر گئجه من حجره<sup>(۳)</sup> سینده قوناق قالدیئم سحره ده ک یاتانمادی<sup>۴</sup> باش یاسدیغا آتانمادی<sup>۵</sup> . دئدی : منیم فلان یوکوم ترکستاندا قالیب فلان گمی لریم هندوستان دا ، فلان باغیئم بوتچاق<sup>(۶)</sup> سی زدییر فلان ائویم قیش یئتیریر سوؤاق سیزدیئر . گاه دئیردی گویلوم ایستر مصره گئدم مصرین گؤزه ل هواسی وار گاه دئیردی یوڭ یوڭ ایندی روم دهنیزی آرام ده گیل . دئدی : سعدی بیر سفره گئده جهیم او سفردهن قایتسام دای استراحت ائده جهیم . دئدییم هانسی سفردی او ؟ دئدی : گوگود چاتام چینه ، چیندهن چینی کاسا روم ، رومدان اییک هندوستانا ، هندوستاندان تیغ<sup>(۷)</sup> حلبه ، حلب دهنده جام<sup>(۸)</sup> یمنه یمن دهن چیت<sup>(۹)</sup> پارسا صوئرا تجارتین داشین آتام راحت یاتام . دئدی دئدی دیلدن دوشدو ، سئویله دی آی قوناق قارداش او گوردوگون ملت لردن ائشیدیگین صحبت لردن سنده دانیش سؤزه قاریش ، گولدوم دئدییم :

نقل ائده لرلر یوز ده وه یوک صاحبی      دوشدو مرکب<sup>(۸)</sup> دهن دوشه نده<sup>(۹)</sup> بیر داغی<sup>۶</sup>  
سئویله دی : دنیا سئوه نلر گؤزلرین      دولدورار آخرده قبرین تورپاغی<sup>۷</sup>

۱ - عثمان دهنیزینده بیر آدانین آدیدیر

۲ - غلام

۳ - اطاق

۴ - سند ، قبالة

۵ - شمشیر

۶ - شیشه

۷ - بیر نوع پارچادیئر

۸ - آت ، ده وه

۹ - آنه نده ، یئنه نده

## ● حكايت

۲۲- بىر وارلى دان نقل ائدهرلر لئيم<sup>(۱)</sup> ليكده ائيله يامان آدلانمىشدير سانكى حاتم كريم ليكده<sup>(۲)</sup>. كريم ليكدهن پاي سيزيدير خسيس ليكده تاي سيزيدير. باغلى االى آچيلمازدير اوخ قلىينه سانجىلسايدى، اوندان ابو هورهيره نين<sup>(۳)</sup> پيشيگى ات اومامىشدير كهفين<sup>(۴)</sup> ايتى سوموك آلب اودمايشدير. دئهرديلر ايندى يه دهك باغلى ائوين كيمسه آچىق گورمه ييدير باشقا اوزو كيمسه دوزون دادماييدير.

درويش اونون ايچمه دى بىر بشقاب آشيندان  
بشقابدا قالان آرتىق آشين دادمادى قوشلار

نقل اولوتوب فرعون لارين تورپاغينا<sup>(۵)</sup> چاتماق اوچون باشدا فرعون افكارىلا<sup>(۶)</sup> بىر گمى يه سوار اولدو « حَتَّى إِذَا أَدْرَكَهُ الْغَرَقُ »<sup>(۷)</sup> طوفان قوپدى دهلى ده نيز نعره تپدى چيىجالاندى.

معشوق جفا ائيله سه صبر ائيله، هميشه  
اويقون اولاييلمز گمى يه هر بىر اسن يئل<sup>(۸)</sup>

۱ - آسگيك، پست، سخاوت سيز

۲ - او آدمكى اوزو يئمز اوزگه لره يئديردهر

۳ - پيغمبرين اصحاب لارينداندير، پيشيك بالا اويناديرمىش پيغمبر بو يوزور « پيشيك بالا آتاسى »

۴ - اصحاب كهفين يانيندا قالان ايتيه اشاره دير

۵ - مصر اولكه سينه اشاره دير

۶ - نخوت و غروره اشاره دير

۷ - يونس سورهي سيني دؤخسانجى آيه سيني بىر حصه سى « بوغولماق وقتى چاتاندا »

۸ - هامى يئل لر گمى يه مناسب اولماز.

گمی چوندو کبرین یانار اودو سوندو اوزلر گویه ساری دوندو « فَإِذَا رَكِبُوا فِي الْفُلِّ دَعَوُ اللَّهَ مُخْلِصِينَ لَهُ الدِّينَ »<sup>(۱)</sup>.

آغلما آغلار گوزون، چاتما یاجاق دادیوه<sup>(۲)</sup>

وارگونو<sup>(۳)</sup> وای سئویله یهن<sup>(۴)</sup>، دوشمه دی چون یادیوه

\*\*\*

ایش اگر وئرمه سه سنه، خلقه

نه یه لازم او ییغدیغین دینار

قالاجاق اوزگه یه ائوین ائشیگین

اوزگه یه تیکمه ائو آباد دیوار

او کیشی نین صون گونوندهن هله بئش گون گنجه میشدیر مصریده کی وارثلری بئز  
شال لارین بو راخدی لار آل ایگه بوروندولر. بیرین گوردوم آت اوستونده رکاب داک  
نوکرلره باغیریردی :

بللی سوزدور گئدهن اگر قاییدا

اوزگه یه قویدوغو ائوه ائشیگه

دای منیمدیر او ائو دئیهن کیمسه

قووالار تئز اونو سالار ائشیگه

اونا ساری یاخین گئدیم اته گیندهن دوتدوم دئدیم :

۱ - عنکبوت سوره سینین آتمیش بشینجی آیه سینین بیر حصه سی « گمی یه مینه نده تانرینی چاغیرالار اونا مخلص اولارلار .

۲ - فریاد ، هارای

۳ - وارین اولان زامان

۴ - یوخسول لارا اشاره دیر

يىغدى قويدۇ يىغماق اولدۇ تىك ايشى  
استفاده ائيله بارى سن كيشى

## ● حكايت

۲۳- نقل ائده رلر بير بالىق چى بير بالىغى تورۇ سالدۇ ، آما بالىق تورۇ آلدۇ .

چايا گندميشدى قاب يووا قايىدا      چاي قاچىدى اونون قايىن سله سين  
تورۇ هر گون بالىق دوشردى بوگون      بالىق آلدۇ بالىق چى نين جله <sup>(۱)</sup> سين

اوكيشى نى دانلاديلار سويله ديلر حثيف اولسون او بالىغا آلدن وئردين . دئدى : آلدن  
وئرمى يئيديم نئىلى يئيديم بير حالداكى اونون پايى <sup>(۲)</sup> قورتارمايىب ، او منه  
پاي يازيلمايىب .

چايدا گولده دريادا چوخذور بالىق      آما پاي سىز صيادا يوخذور بالىق  
روزي سى قالميش بالىق دوشمز تورۇ      دوشسه ده توردان چىخار بير آن صورا

## ● حكايت

۲۴- بير آياق سىز ، بير قيىخ آياق <sup>(۳)</sup> شكار ائتدى . سوز صاحى گولده دئدى : آجل  
چاتسا قيىخ آياقلا آياق سىزىن قاباغىندان قاچماق اولماز .

۱ - تله ، قفس ، تور

۲ - روزى ، رزق

۳ - هزار پا ، بير حيوانين آديدير



بیرین قووسا دوشمن آلینده یاراق<sup>(۱)</sup> باشا چاتسا عؤمرو آتانهماز آیاق  
یئتیشسه أجل تیر دهیمز داشا گلر داش دیبینه دهیر گؤز باشا  
أجل چاتسا یایدان اوزولمز اوخون گلن اوخلارین گؤز گؤرهنمز چوخون

## • حکایت

۲۵- بیرین گوردوم ایپک قبا بورونموشدو اطلس<sup>(۲)</sup> عبا گئینمیشدی آت بئلینه  
اوتورمیشدی . سؤز صاحبی دئدی : سعدی دیبا قبا اونا گلیر ؟ گولدوم دئدیم:

بیر اولاخدی<sup>۱</sup>ر حریر تیکیب پالانا

بیر بالاخدی<sup>۲</sup>ر اولوبدو بوت نادانا<sup>(۳)</sup>

حکیم لردن بیر دئییب : زیبا خلقت صاحبنه دیبا خرقة نه گرکدیر .

اونون اگر او ایپک پالتاری<sup>۱</sup>ن سوئوندورالا

باخی<sup>۲</sup>ب گؤرهن دئییه جکدیر طویله دیر مکانی

اگر گئدی<sup>۱</sup>ب قیلاسان سن نظر اونون مالینا

حرامدی<sup>۲</sup> سئویله یه جکسن مالی<sup>۱</sup> حلالدی<sup>۳</sup> قانی<sup>(۴)</sup>

## • حکایت

۲۶- أن بیر سیئریتی<sup>۱</sup>ق دیلنچی یه اوغرو لاردان بیر دئدی : اوتانمی<sup>۲</sup>رسان ال

۱ - اسلحه

۲ - ابریشم ، ایپک ، حریر

۳ - حضرت موسی غیاپنده قیزیل بالاغی ستایش ائدهن نادانلارا اشاره دیر

۴ - اولدورمک اولار

آچىرسان . دئدى : ألىم كسىلەجك أل آچماسام .

خوشدور آچام من بو ألى آى كىشى  
أل كسىلەندە دئمىيەم وای كىشى<sup>(۱)</sup>

## • ھكايت

۲۷- أن ھئىتلى صلابتلى<sup>(۲)</sup> بىر ايگىدەن نقل ائدەرلر يۇخسۇللوقدان ائىلە يامان اينجىمىشىدیر وارسیزلیقدان سىنسىمىشىدیر ، دئدى : آتا بۇردان سفر ائتمەلىم آیرى یۇردا گئتمەلىم . گئدسم چۆرەك فیکرین باشدان آتایىللم گۆجۆم واردیئر وار دولتە چاتا بیللم .

سن اگر فضلیوی بیلدیرمەیه سن ھانسى عالم سنى فاضل بیلەجک  
مشكى<sup>(۳)</sup> اوغسان قوڭخوسون<sup>(۴)</sup> یایدیئر اچاق عودو<sup>(۵)</sup> یاندىرسان ایین بیلدیرەجک

آتا دئدى : باطل فیکرین سۆزۆن بۇراخ قناعتدەن اولما ایراخ ، حکیم لردەن دئییدیلر :  
شانسیویلە باریشماسیئن چالیشماغیئن فایداسیئزدیئر .

قولدا اولان زوریلە دولتە سن چاتماسان  
ئیلە یەجک وسمەنى<sup>(۶)</sup> کۆز گلینین قاش لاری

۱ - اوغروئون ألىن كسمەگە اشاره دیر

۲ - قورخولو

۳ - ختن آھولارینین جۇبك لرىندەن تۆرەنن معطر بىر مادە دیر

۴ - اییى

۵ - بىر آچاچ دیر یاناندا خوش اییى وار

۶ - وسمە آدلى بىر آچاچىن يارپاغىدیر قادىنلار قاشا یاخارلار

باشیندا هر تۆکۆوین ایچره یۆز عاغیل اولسا  
 عاغیل نه وئج وئره جک اولماسا گۆزهل شانسین

\*\*\*

نه یه لازیمدی قووه لی بيله گین      قووه سیز اولسا بختیوین بيله گی

اوغلان دئدی : آتا سفرآورده کله نزهت<sup>(۱)</sup> وئره قازانماغا فرصت<sup>(۲)</sup> وئره ،  
 ائوده ن<sup>(۳)</sup> چیخان باشقا ائل لر یئر لر گۆره ، گۆرمه دیگی انسان لارلا همدم اولار ، علم  
 اؤیره نر علمیه بوئش بیئنی دولار ، ثروت ، مکت دولت اومار فیکره جوئمار ،  
 روزگاردان تجربه لر تحصیل ائده ر ، حکیم لرده ن بیر دئییب :

بیله کی ، باغلی سان ائوه ائشیگه      یئری وار ائل دئییه سنه خام<sup>(۴)</sup> آدام  
 چیخ چۆله گز دولان بو دۆنیانی      هده ره گئتمه میش قالان ایام<sup>(۵)</sup>

آتا دئدی : صحبت لرین حقیقت دیر ، سیاحتین<sup>(۶)</sup> حده ن آرتیق فایداسی وار ، امما  
 یالنیز بئش طایفایا<sup>(۷)</sup> ، ایلک طایفا او طایفاکی چوخلو نعمت مکتی وار ، غلام کنیز  
 کلفتی وار ایستی یاتاق او طاقی وار<sup>(۸)</sup> .

۱ - شادلیق ، خوشلوق

۲ - امکان ، مهلت

۳ - وطنه اشاره دیر

۴ - ایستی ساووق گۆرمه یه ن آدام

۵ - گۆن لر

۶ - گزیب دولانماق

۷ - گروه ، دسته

۸ - ثروت صاحب لرینه اشاره دیر

اگر وارى چوڭ اولان گئدسە اۋزگە بىر ديارا  
 او يۇردە چون ائوى وار غم يىتمز گزەر شاد اولار  
 اونون كى بوئىدو الى جىبدە يوئىدو دىنارى<sup>(۱)</sup>  
 بوئى آتدېغى وطن ايچرە تانيش اونا ياد اولار

ايكىنچى سى او انسان كى علم اهلى دىر محكم كلام مالكىدېر حق يوئۇنون  
 سالكىدېر<sup>(۲)</sup>، هارا گئدسە عزتى وار هر زاماندا هر مكاندا حورمتى وار .

قىزىلدى سانكى ادب صاحى او دوركى اونون  
 وطن دە آيرى اوبا ائلدە ارزشى چوئىدور  
 نادان او خانزادا<sup>(۳)</sup> بەنزەر قارا بو خىردا پولا<sup>(۴)</sup>  
 كى آيرى اولكەدە بىر آغچا<sup>(۵)</sup> ارزشى يوئىدور

اوچونجوسو او انسان كى گۈزەل خصلت<sup>(۶)</sup> خصالى<sup>(۷)</sup> وار گۈيچك صورت<sup>(۸)</sup> جمالى وار  
 جمال سئوھن عاشق لرىن اورەك لرىن دۈويندېرەر ، قلب لرىن چىرىندېرار .  
 وارلىلار بىرى دىيب : چوڭ ثروتم اولمايادى خوش صورتىم اولايدى كاش .

۱ - وارسىزلارا اشاره دىر

۲ - يوئچو ، يوئ گئدەن

۳ - خان اوغلۇ

۴ - دەمىر پول ، دەمىر سىز سگە

۵ - عثمانلى لارىن قاراپوئو

۶ - صفت

۷ - صفات

۸ - بەنيز ، جمال



گۈزەلە گر دئەلە گئد بو سارايدان<sup>(۱)</sup> ائشيگە  
 باكى يۇخ چۇلدە ئوى ھەمدى<sup>(۲)</sup> ھەم صحبتى وار<sup>(۳)</sup>  
 سۇرۇشاركن صحفين<sup>(۴)</sup> ايچرەكى طاوۇس توكۇنون  
 ندور علت ؟ بو قەدر قدر شرف شوكتى وار  
 دئدى : خاموش<sup>(۵)</sup> گۈزەل ھەر يانا قويسا قەدەمىن  
 كىم دالى قايتارا بىلمز اونۇ چون حورمتى وار

دۇرت مېنجى او انسانكى داود<sup>(۶)</sup> كىمى خوش سسى وار ، نغمە سىلە آخان سۇرۇ قويماز  
 آخا ، اوچان قوشو قويماز اوچا ، زخمە<sup>(۷)</sup> سىلە اۋرەكلرە زخم<sup>(۸)</sup> وۇرار ، زخم لره مرهم  
 قۇبار . ھەر اھلى صحبتىنە رغبت اندەر خدمتتىندە خدمت اندەر .

عاشقم من سازا ھەم ساز سۇزۇنە  
 سازيوى چال اوخۇ قوربان گۇزۇنە

\*\*\*

نە خوشدور حزين<sup>(۹)</sup> سس ائشيدسين اۋرەك  
 گۈزەل سىمادان<sup>(۱۰)</sup> خوشدو آواز خوش  
 حزين سس سحر مستە ھەم وئەرەر  
 كى او نفسە بو روحا لذت وئەرەر

۱ - سرا ، منزل ، ائو

۲ - مونس ، يۇلداش

۳ - ائوسيز ، يۇلداشسىز قالماغاغا اشارەدیر

۴ - قرآن

۵ - دینمە ، دانیشما

۶ - بنی اسرائیل پیغمبرلریندەندیر کی چوخ گۈزەل سسى واریمیش

۷ - سازيۇن تئلين تېترەدەن بیر وسیلەدیر

۸ - یارا

۹ - اۋرەك ياندىران ، سوزناک

۱۰ - صورت ، بەنیز ، ياناخ

و بۇشىنچى او انسانكى ھەتتى وار اُلده قابل صنعتى وار ، اُل گۈجىلە داشدان چۈرەك  
چىخارداندىر ، اُسگىك<sup>(۱)</sup> لرە اُل آچمايان . شاعرلردەن بىرى دىيىپ :

اۈزگە يۈرە باش گۈتۈروب قاچسادا      زىمەتە چۈنخ دۈشمە يەجك پىنەدۈز<sup>(۲)</sup>  
قويسا قەدەم ياد ائلىنىن يۈردۈنا      آج ياتاجاق پادشە نىمروز<sup>(۳)</sup>

سۈيىلە دىگىم صفتلرین کیم بىرىنە مالک اولسا غربتدە غم غصە يۈمۈز غم غصەدەن قصە  
دۈمۈز ، يۈنخسا باطل خىالاتلا ائودەن چىخان ائوین اۈزۈن گۈرە بىلمۈز غربت تۈزۈن  
اۈز گۈزۈندەن سىلە بىلمۈز .<sup>(۴)</sup>

اگر زمانه اوغۇل قويسا باش باشا<sup>(۵)</sup> سەندەن  
سۈرەر سەمەند<sup>(۶)</sup> يۈى دۈنيا ساغا صولاي قىراغا  
اۈقۇشكى گۈرمە يەجك بىردە آشيان<sup>(۷)</sup> اۈزۈنۈ  
قضا اۈنۈ قوۋالار دەندەن اۈترو دار دۈزاغا<sup>(۸)</sup>  
اۈنۈنكى يۈنخدۈر ايشى دانشى پۈلو ھەنرى  
ناداندۈ اۈز وطينىدەن چىخا گئدە اۈزاغا

۱ - لىم ، خىسپس آداملارا

۲ - آياق قابى تىكەن

۳ - سىستان اۈلكەسى

۴ - ھەمىشە غربتدە قالماغا اشاره دىر

۵ - مخالفت ائىلەمەگە اشاره دىر

۶ - آت

۷ - يۈۈا

۸ - جەلە ، تلە

اوغلان دندی : آتالاری<sup>۱</sup>ن سۆزۆن اوندانماق گرهک کی دئییبلر قسمتده وار همتده<sup>(۱)</sup> وار . بلا تقدیر اولوتسادا قاباغیندان قاچماق گرهک .

یازیلیب قسمتیم باشی<sup>۲</sup>مدا ، ولی همتیم اولسا قسمتده چاتارام  
چون چاتیب صون گونوم<sup>۳</sup> دئمه ایندی ایلانی<sup>۴</sup>ن آغزینا اوزون آتارام

صون سوزومو ائشید آتا گوجوم چوخدور قورخوم یوخدور ، فیل اونونده دورا بیللم  
اصلان بوینون بورا بیللم ، مصلحتیم حکم ائدیری بوردان گئدم آیری یوردا سفر ائدم ،  
بوندان آرتیق یامان گون<sup>۵</sup>ه دوزه نمره م سوسوز گولده اوزه نمره م یانقی<sup>۶</sup> چولده  
گزه نمره م .

انسان کی ترک ائله دی یوردون یوواسینی  
غربتده دای قده م هارا قویسا یوواسیدیر  
مکنتلی یولچونون<sup>(۷)</sup> یولون اوسته سراسی<sup>(۸)</sup> وار  
درویشه فرقی یوخ یولون اوستو سراسیدیر

بو صحبتده ن صونرا اوغلان آتاسیلا قوجاقلاشدی<sup>۹</sup> اوزون یولون ایزین دوتدو  
اوزاقلاشدی .

هنر اهلینه اولماسا بخت یار هنر ائله مز صاحیین بختیار<sup>(۱۰)</sup>

۱ - چالی<sup>۱۰</sup>شماق

۲ - مسافر

۳ - منزل ، انو

۴ - خوشبخت

اۈزۈن بىر يۈل گىدەمەمىشىدى ان بىر دەلى<sup>(۱)</sup> چايا چاتدى ، چايىن اۈجا باغىرتىشى  
يىددى آغاچ يۈل گىدېردى .

ائىلە بىر چاى كى قاجىرداردى دەگىرمان داشلارىن  
اۈل قاجان داشلار ازەردى وحشى غازلار باشلارىن

بىرىن گۆردۈ يارىم دىنار آلىر خلقى گمى سىلە داشقىن چايدان  
گىچىردىرى ، نەرە تېدى اده منى تىز اۈتاي گىچىت گىلان . ملاح<sup>(۲)</sup> گۆلدۈ دىدى : جوان

قۇلداكى قدرتە يۈخ شالداكى دىنارە گۆۈن<sup>(۳)</sup>  
كىمسەننن اولماسا دىنارى گىچەنمىز اۈتاي

سەنە بىر گۆن گۆستەرەرم دئە دئە دىدى منى چايدان گىچىت اگىمدەكى بو پالتارلار  
سنىن اولسۇن . ملاح سۆردۈ ايرەلى يە<sup>(۴)</sup> .

طمع انسانىن باشدان عقلىن آلار  
طمعكار قوشو طعمە بندە سالار

اۈغلان اۈزۈن اۈگمى يە يىتەرەكن گمىچىنى محكم وۇردو . اۈنا آرخابا دۇرانلارىن  
قۇلۇن بۇردو ، ناچار اۈنا باش اگىدىلر قاباغىندا اگىلدىلر .

۱ - وحشى ، ديوانە

۲ - گمىچى

۳ - كمرە باغلانان شالىن آراسىنداكى دىنارلارا اطمىنان ائىلە ، نە قۇلۇن گۆۈنە

۴ - ياخىن ، ياۋۇق



غضب اہلی نین غیظ<sup>(۱)</sup> ینہ دۈزگیلان  
 دۈزۈم، شمشیری قیندا پاسلانیدیرار  
 محبت گرہ کدیر محبت قیلی<sup>(۲)</sup>  
 دەلی فیل لری گۈیدەن آسلانیدیرار  
 اۋرە کدەن چىخارت آت چۈلە خشمی سن  
 اۋرەک آیناسین خشم کاسلانیدیرار

\*\*\*

یوموشاق بیر ایپک اول چون ایپە گە  
 ایتی کسگین قمە کار کسمە یەجک

هئیت یندەن چە کین دیلر دۈرە سیندەن چە کیل دیلر ، بیزی عفو ائت سئویله دیلر . گمی  
 آستا یولا دۈشدۈ ، یونان لیلار تیکەن اۋجا بیر ستونون کۈلگە سینە یئتیشەرکن دالغالارین  
 اۋزەریندە ییغرغالاندی هارای قویدی گمی دۈنۈر ملاح دندی : بیر آلپ<sup>(۳)</sup> ایگید  
 یۈخدۈر چیخا بو مھاری<sup>(۴)</sup> او ستونون لاپ باشیندا مھارلایا . اوغلان گۈیلۈ  
 کینلی<sup>(۵)</sup> دۈشمن کینە سینە باخمایاراق سئویله دی وار . سانکی بئیلە بیر صحبتی  
 اۋنۈدمۈشدۈر ، یۈز یاخشیلیق ائیلە یەسن بیر یامانلیق ، یۈز یامانلیق گۈرەجکسن ،  
 اوخ یارادان چیخار آما ایزی قالار .

نە خوش سئویله دی سردارا سروری<sup>(۶)</sup> جفا قیلما چون آرتاجاق دۈشمین  
 قارانلیق اگر ائیلە سەن آغ گۈنۈ قارانلیق اولار روزگارین سنین  
 او چن<sup>(۷)</sup> ایچرە کی قلە یە آتما داش کی شاید یاغا داش ایچیندەن چنرین

۱ - خشم ، غضب

۲ - تۈک ، رشته

۳ - قهرمان

۴ - طناب

۵ - کینەلی

۶ - آقا ، فرماندە

۷ - دۈمان

اوغلان هوندور او ستونون زير و ه سینه قالخایاراق طنابلاری ملّاح قیّردي . اوغلان یئنیب قیچین سووا یئتیرمه میش گمی گندیب افق لر یئتیشمیشدی اوزون گوزدهن ایتیرمیشدیر . او محنته <sup>(۱)</sup> دوزهن ایگید یوخوسوزلوق محنتینه دوزهنمه دی گوزون یومدو ، دوشدو سووا اولمه یه نه اولوم یوخدور ، اون گون صورا بیر حالداکی جان دو داخدان چیخمامیشدیر سۇدان چیخدی . تیکان کولو آغاج قولۇ یئدی جسمی قووه لندی <sup>(۲)</sup> . یئنه دوردو اوزون یولو ایزلеме گه . گئدی گئدی ان بیر سوسوز بیاباندا چاتدی ایشگه بیر بولاغا . آووج لارین حاضیرلادی سۇدان ایچسین بیر سس گلدى پولسوز اولماز .

اوغلان دندی : پولوم یوخدور یانقیم <sup>(۳)</sup> چوخدور رحم ائله یین . رحم ائله یه ن تاپیلما دی ساواش قوپدی ، بش اون نفر جوان ایگید او ایگیدی تاپدادیلار <sup>(۴)</sup> .

داغ کیمی هیبتلی فیلی بودره ده <sup>(۵)</sup> اولسا پشه گؤیده کی اولدوز سایى  
اسره میش اصلان ده ریسین سؤیدورار شیرى ائده ر قارقا و قوزقون <sup>(۶)</sup> پایى

اوغلان ناچار بیر کروانین ایزین دوتدو یولا دوشدو ، آخشام اوستو یئتیشدیلر بیر دؤنومه <sup>(۷)</sup> او دؤنومه قیّرخ حرامی گورونمیشدی حرامی لر قورخوسوندان کیم آدیمین آتانیردی گوزون یوموب یاتانیردی .

۱ - زحمت ، آزار

۲ - قدرت لندی

۳ - سوسوزلوقوم

۴ - ووردولار ، دؤیدولر

۵ - آیاقدان سالار

۶ - کرکس ، ساخساخان ، لاشخور

۷ - دؤنگه ، بوروق

اوغلان دئدی باک ائتمه یین کلین<sup>(۱)</sup> گوجو چاتماز منه اُللی دهلی باتماز منه . آرخام<sup>(۲)</sup> اولون آرخاز اولوم . سوزلریندهن کیچیک بویوک سئویندیلر یئمک ایچمک گتیردیلر ، آجلیق اودون او آج ایگید سوندوره کن دیرسکلندی دینجین آلسین شیرین یوخو گوزون آلدی . آن بیر یاشلی فیکیر باشلی<sup>(۳)</sup> قوجا دئدی : قیرخ اوغروندان منیم ائيله قورخوم یوخدور بۇ اوغلانداق قورخوم واردیر .

نقل ائده لر بیر عربین چوخلو گوموش پول واریمیش ، اوغرو لارین قورخوسونداق گوزلرینی یوممازیمیش ، یولداشینا دئمیشیمیش ائوین گودسون بیر گون گئجه او گودوکچو گوموش لری ییغیر سحر دان اولدوزو چىخما میشتان ائودهن چیخیر . یازیق عرب آغلا ییرمیش بیرى دئیر : سئو یله ندهن ؟ آغلا ییرسان اولما اوغرو گوموش لرین آپاریدی ر ؟ دئیر یوخ یوخ اوز یولداشیم آپاریدی ر .

قاچارام دورمارام ایلان گورسم      بیلیرم قاچماسام منی چالاجاق  
نه بیلیدیم او جان دئیهن یولداش      بۇ شیرین جانیمی اودا سالاجاق

قوجا دئدی : سوزلرینه آلدانما یین شاید اوزو حرامیدیر ایستیر فرصت تاپسین چاپسین<sup>(۴)</sup> . قالخین چاتاق بۇ اوغلانی ن داشین آتاق . ائيله اودم کروان یوکون چاتدی کؤچدو .

سحرچاغی اوغلان گوزون آچدی گوردو ، اوبا کؤچوب یوردو قالیب ، هارای چکدی آما هارای سسین کیمسه ائشیدمه دی باشلادی قوچ قویون کیمی مه له مه گه گوز یاشلاری ن آله مه گه .

۱ - اؤکوز ، بوغا

۲ - کؤمک ، پشتیان

۳ - عاقل ، عاغیللی

۴ - غارت ائيله سین ، یغمالا سین



آخشام اوستو<sup>(۱)</sup> ایستی قوملار اوزه رینده<sup>(۲)</sup> بو سۇزلری آستا آستا پیچیلدیردی :

غریبلرین دردین بیلر غریبلر      غریب آغلار گۇزۇن سیلر غریبلر  
من غریبم بو دردیمی بیلن یوخ      گۇزلریمدهن گۇز یاشیمی سیلن یوخ

ائیله او دم<sup>(۳)</sup> شکارگاهدان اۇزاق دوشمۇش بیر بیگزادا او اۇغلانیسن پیچیلتیسن  
ائشیده رکن یاخینلاشیر دئییر : سئویله آدیسن ندر ؟ هارالیسان ؟ کیمدهن ؟ بئیله  
یارالیسان . اوغلان دئجک<sup>(۴)</sup> نه لر اولوب بیگزادانیسن گۇزۇ دولور ، گول تک سولور .  
امر ائیله بیر اونا خلعت ، نعمت وئرن ، تئز یئتیرن آتاسینا ، آناسینی سئویندیرن . آتا  
آنا سئوینرلر اولو تانری درگاهینا شکر اندیرلر . گئجه اوغلان گمی ده کی  
شرارتین<sup>(۵)</sup> گمیچی نین عداوتین<sup>(۶)</sup> کندیلرین شقاوتین<sup>(۷)</sup> آخشام وقتی رفیق لری  
رفاقتین<sup>(۸)</sup> سحرچاغی ایستی چۆلده سوسوزلۇغون مرارتین<sup>(۹)</sup> آتاسینا سئویله رکن آتا  
دئییر : مگر سنه من دئمهدیم یوخسول ایگید شیر اولسادا دیش سیز شیردیر .

نه خوش سۇز سئویله ییب یوخسول دلاور<sup>(۱۰)</sup>

بو یوز پوط<sup>(۱۱)</sup> زوریمه وئر بیر نخود<sup>(۱۲)</sup> زر

۱ - وقتی ، چاغی

۲ - اوزۇنده ، اوستونده

۳ - لحظه

۴ - سئویله رکن

۵ - شرورلوق

۶ - دوشمانلیق

۷ - عداوت

۸ - یولداشلیق

۹ - محنت ، رنج

۱۰ - قهرمان ، آلب

۱۱ - اون آلتی کیلو

۱۲ - ۱/۲۴ مثقال



اوغلان دئدی: دئییدیلر ایشله مه سن دیشله مه سن ، خطريله دؤیوشمه سن  
ظفريله<sup>(۱)</sup> گوروشمه سن ، بوغدا اکهن سونبول بیچر ، محنت گورهن عزت گوره ر . اوکی  
دئیه ر آری چالار بال سیز قالار .

بلله نییدیر<sup>(۲)</sup> آن ازل گون قسمتین قسمتیه خاطر گره کدیر همیتین

\*\*\*

غواص<sup>(۳)</sup> اگر قورخا نهنگین خطریندهن چنگی<sup>(۴)</sup> دولاییلمزده لی دریا گوهر<sup>(۵)</sup> یندهن

ایشله ایشین یونگول له شسین ، ده گیرمانین آلت داشی آغیر یوکون آلتیندادیر .

چؤلده اصلان گره ک گزه دولانا دولانیب گزمه سه تاپانماز پای

کیمه ایستیر ائوینده صیدین ائده او گره کدیر اولا هورومجکه<sup>(۶)</sup> تای

آتا دئدی: اوغول یامان ییخیلمیشدین بختین دیره ک<sup>(۷)</sup> اولماسایدی شانسین

بیله ک<sup>(۸)</sup> قالخانمازدین ، قالخماسایدین ایندی چؤلون قورد قوشونا پای اولموشدون .

بیله بیر ایش از گورونر ، آزدان چوخا چاتماق اولماز ، چوخو آزا ساتماق اولماز .

۱ - بیروزی

۲ - معلوم اولوبدور

۳ - سووا باتان ، سوو آلتیندا گزه ن

۴ - آل ، پنجه

۵ - اینجی ، مرواری

۶ - عنکبوت

۷ - ستون ، دایاق

۸ - قول ، بازو

حرصين او خيئل ديشين چك آت ، نفسين قيُزيئل كُوزون قارات .  
اصلانلى او چؤل لرده شكار ائيله يهن او وچى  
آخر اولاجاقدير دهلى بير شير شكارى

نقل اندهرلر پارسين بويوك بيگلريندهن بير گون امر ائيله دى منيم قيُزيئل  
اوزوگومو قويون عضد گنبدنين<sup>(۱)</sup> لاپ باشينا اوخ ياغديرين ، كيمسه اوخون او  
اوزوكدهن رد ائيله سه اوزوك اونون اولاجاقدير . دورت يوز نفر جيلاز<sup>(۲)</sup> اوخچو جمله  
خطا ائيله ديلر مگر كيچيك بير اوغلانجيق كي تيركمان اوينايدا اوخو قيُزيئل او  
اوزوگون اورتاسيندان گچهر اولدو . هاي ساليئدى ال چاليئدى اوزوك اونا  
باغيُشلاندى اوخچو<sup>(۳)</sup> لوغو آلفيُشلاندى<sup>(۴)</sup> . ائيله او دم او اوغلانجيق تيركمانين  
آدى اودا ، دئدى : اوددا يانسين گرهك يوخسا آديم باتاجاقدير .

گاه گورورسن عاغيللى بير حكيمين خطادير عقلى رايبى تدبيرى  
گاه گورورسن گلير دهير هدفه تيركمان اوينايا او شاق تيرى

## ● حكايت

۲۸- بير درويش دهن نقل اندهرلر بير كوهولده اولو تانرى طاعتيله گون سوواردى  
جلالتلى سلطانلارا صلابتلى<sup>(۵)</sup> ائل خانلارا خو<sup>(۶)</sup> باخاردى .

۱ - عضدالدوله ديلمى زامانيندا تيكيلهن بير بنائين آديدير

۲ - قهرمان ، جسور ، شجاع

۳ - اوخ آتماغى

۴ - تحسين اولوندو ، تعريفلدى

۵ - هئيتلى ، قوزخولو

۶ - اُسگيك گوزيله باخماق

اۆزۈنە كيم آچىب نياز قاپى سىن      نه قەدر عۆمرى وار ألين آچاجاق  
نيازى سینه دەن چىخاردىب آتان      شرفین سمتینه دۇنوب قاجاجاق

باشقا ئىللار يىگىلرىندەن بىرى بىر گۈن اۇ درويشىن سىراسىندان نارىن چۇرەك<sup>(۱)</sup> يىمىك  
فېكرىن بىلدىرەرەكن درويش يىگىن ايسىگىنە<sup>(۲)</sup> ھن سئويلەدى چونكى قوناق قبول ائتمىك  
پىغمبىرىن فرمانىدىر . بىگى درويشىن خەمتىندە اولان زامان درويش بىگە خەددەن  
آرتىق خەمت ائتدى . مريدلردەن بىرى آستا دئدى : مرشد بو خەمتىن حەكىمنى بىلدىر  
منە . دئدى : مگر دئمەيىبلر :

قاپى دان گىرسە بۇيۇك دوشمن يىمىز      خەمتىندە داينىب دۇرمالىيىق  
بىر عۆمۈر اولماسادا گۈنلۈگۈمۈز      اونا گۈنلۈك<sup>(۳)</sup> قبادان<sup>(۴)</sup> قۇرمالىيىق

\*\*\*

قۇلاخ دۇزەر ائشىدە سە ساز سىين      قاتار قاتار<sup>(۵)</sup> گلن، اۇردەك غاز سىين  
گۈز دۇزەجك گۈرمە سەدە باغلارنى      باغدا بارلى بوستانلارنى تاغلارنى  
يۈن ياسدىغىن يۇخدۇر اگر عىيى يۇخ      ياستى داشى ياسدىق ائدەن چۇخدۇ چۇخ  
نازلى لارلا بوئىدۇر اگر ساغ صولۇن      ناز ائت گىلان اۈز بىلە گىن اۈز قۇلۇن  
اۈرەك حەيف نەفسدەن آل اۈزەنمىر      دئە نەدە دۇز آزا، آزا دۇزەنمىر

۱ - سىفرانىن تۇكۇنتۇسۇنە اشارەدەر

۲ - خواھىش، تەمنا

۳ - چادر، كۈلگە سالان، سايبان

۴ - عبا، پالتار

۵ - دىستە دىستە



چشمین  
 جامی ان کس به یو  
 خنده دایم دورمای  
 خنده دایم دورمای

بر غنور اولم  
 از انکو که  
 قبادان وریای  
 چشمین



دۇردونىو باب

خامۇشلۇغون فايدالارى

خامۇشلۇغون فايدالارى

## خامۇشلۇغون فايدالارى

### • ھاكايت

۱- يولداشىما دىدىم يولداش بۇئا خاظر آز دىنيرەم ياخشى سۇزۇن ايچرە يامان سۇز سۇيەنير دۇشمەن پىسىن گۇرۇر آما ياخشى لارىن گۇرە بىلىمير. دىدى : دۇشمەن كاش كۇر اولسۇن ياخشى لارىن گۇرەنمەسىن .

صالحه<sup>(۱)</sup> ناصالح انسان خۇر باخار

قاردان آغ دامن لره قاره ياخار<sup>(۲)</sup>

۱- دۆزگۆن ، دۆز يولدان آيرى يۇلا بۆدرەمەين

۲- شر آتار

ھىندە گىل آكېشى عىب دور دئەر ھىنرىن  
 او سەدى دەك گۈلۈ دۈشمەن ، گۈرەندە خار گۈرەر  
 گۈنش كۈچىندە بىش تار گۈرەر بوۋ دۈنيانى  
 او كۈز قوشون<sup>(۱)</sup> گۈزۈ گۈندۈز اولاندا تار گۈرەر<sup>(۲)</sup>

### ● ھاكايت

۲- بىر بازارگان بىر مېن دىنار ضرر گۈردۈ ، دئدى : اوغۇل بوۋ صحبتى نھان ائىلە<sup>(۳)</sup> بىر  
 كېمەسەيە عيان ائتمە ، دئدى : عيان ائىلەمەرەم اما نھان ائتمەگىندە نە ھاكىمەت وار ؟  
 فېكرە جوۋمدو تۈمدو دئدى : مەسەيتىم ايكى اولار ، بىرى دىنار مەسەيتى بىرى  
 اغيار<sup>(۴)</sup> شەماتى .

اورەك غەصەسەين سئۈيلەمە دۈشمەنە  
 سئۈينچك<sup>(۵)</sup> اولار غەم چاتاندا سەنە

### ● ھاكايت

۳- عەقلە سەھاب فېكرە مەلك بىر اوغلانچىق عالملىرىن ھەزۈرىندە دانىشمازدىر  
 سۆزلىرىنە قارىشمازدىر . بىر گۈن آتا دئدى : اوغۇل باجاردىغىن او سۆزلىردەن  
 سەندە سئۈيلە . دئدى : آتا سۆزۈشارلار باجارمارام اوتانارام .

۱ - بايقوش

۲ - تېرە ، قارا

۳ - گېزەت گېلان

۴ - دۈشمەن لىر ، اۈزگەلر

۵ - اورەگى شاد ، غەمسىز

میخ لایردی بیر صوفی<sup>(۱)</sup> نعلین لرین<sup>(۲)</sup> بیر نفر سرهنگ<sup>(۳)</sup> قیشقیردی کیشی  
بو آتین گهل تنز عوض ائيله نالین<sup>(۴)</sup> چوخ ایشیم وار قوی یثره سن او ایشی<sup>(۵)</sup>

\*\*\*

سکوت ائيله سن کیمسه نین یوخ ایشی  
دانیشسان دئیهرلر دلیل آی کیشی

## • حکایت

۴- آن بیر مشهور عالمیله بیر جاهلین - یئر اوزوندن تانری اونون ایزین سیلین -  
دئیشمه سی<sup>(۶)</sup> اوزانارکن حقین جیلار<sup>(۷)</sup> دویوشچوسو سپر آتدی<sup>(۸)</sup> دویوشمه سی صونا  
چاتدی . بیری دئدی : شیخین یوکسک حلمی علمی اولا اولانندن دین سیز بیر  
ملحد<sup>(۹)</sup> تسلیم اولدو ؟ بویوردولار منیم علمیم قرآندانیدیر ، حدیث ده ندیر عالم لرین  
علمین ده ندیر ، او اولارلاری قبول ائتمیر تسلیم اولدوم کفرلرین ائشیدمی یم .

قرآن و خبردهن<sup>(۱۰)</sup> خبری اولمایانیسن  
چوخ یاخشیدیر اصلاً جوابین وئرمه یه سن

۱ - درویش

۲ - آفاق قایی ، باشماق

۳ - حکومت مأموری ، منصب صاحبی

۴ - منظور : جاهل دئیهر کیچیک بیر ایش گورهن کیمسه بویوک ایش ده گوره بیلر

۵ - مجادله

۶ - شجاع

۷ - تسلیم اولدو

۸ - کافره ، دین سیزه

۹ - حدیث ، پیغمبرین بویروق لاری



## ● حكايت

۵- جالينوس دان نقل ائدهرلر بير جاهلى گوردۇ بۇيۇك بير عالمه حورمت سيزليك ائيله ييردى . بۇيۇردولار : او علم اهلى اوزۇ جاهل اولماسايدى ايش او يثره يثتيرمزدى .

عاغىل اهلى عاغىل سيزلا سۇووشمهز<sup>(۱)</sup>      ايكي عاقل محال سۇزدور دۇووشمهز  
ادب سيز اولسادا صحبت ده جاهل      نزاكت سيز ادب سيز اولماز عاقل  
ايكي عاقل آرا بير توكده اولسا      قيريلماز ايل لرى بير قرنه<sup>(۲)</sup> دولسا<sup>(۳)</sup>  
قيرارلار اولسالار بى رآى و تدبير      كه سهرلر بندى اول بند اولسا زنجير  
بيرى بير دوزگونه مين جوريلان سۇز      قوشاندا سئويله دى نادانه بير دوز  
گوزون ياخشى گوره نميرگوزلرين سيل      اوزوم تك عييمى سن گورمه سن بيل

## ● حكايت

۶- سخبان وائل<sup>(۴)</sup> فصاحتده<sup>(۵)</sup> تاي سيزيُميش ، نقل ائدهرلر بير ايل تمام دانيشسا يُميش بير مطلبى ايكي دفعه دئمه زيميش . دئسيُميشده سۇزون شكلين ده گيشه رميش . صحبت ائتمك آدابيندان<sup>(۶)</sup> بيرى ائيله بو مطلب دير .

سۇزو صحبتى شيب شيرين اولسادا      سرين گول شكردهن<sup>(۷)</sup> سرين اولسادا  
حكيم سۇزلرى بيرده باشدان دئمز      بيلهر حلوانى چوخ يئنه داي يئمز

۱ - يامانلاشماز

۲ - يوز ايل

۳ - بيليك صاحب لرى ، حرمت سيزليك ائيله مزلر عۇمرولرى يوز اولسادا

۴ - عربين بۇيۇك دانيشانيُميش

۵ - روان و شيوا دانيشماق

۶ - اصول

۷ - شربت ، مربا

## • ھكايت

۷- ھكىملەردەن بىرى دىيىپ ھىچ بىر جاھىل گۇرمەدەن مەن جەھالتىن قەبۇل ئىدە مەگر ابلە اۇ جاھىل كى بىرى سۇزۇن قورتارمايىش سۇزۇن باشلار .

سۇزۇن اۋولى واردى ھم آخىرى      سۇزۇن اورتاسىندا دىمەسەن سۇزۇن  
گۇرەندە ھلە سۇز دىيەن<sup>(۱)</sup> سۇزدەدەر      سۇزۇن باشلاما ساكت انت سەن اۋزۇن

## • ھكايت

۸- بىر گۇن ھسەن مەمىندىدەن<sup>(۲)</sup> سۇرۇشۇدولار خانلارخانى مەمۇد<sup>(۳)</sup> سىزە نە دىدىلەر .  
دىدى : شايد سىزلەرەدە بۇيۇرسۇنلار ، سۇيىلەدىلەر سىزە دىيەن سۇزۇ بىزە بۇيۇرمازلار .  
دىدى : اۋنىدا ياخشى بىلەر سۇزۇن كىمە بۇيۇرسۇنلار .

دىلەن اۋجۇندا اۋلان سۇزۇلرى دىمەز عاقل  
خانىن بىگىن سۇزۇنو سۇيىلەيەن اۋلار زايىل<sup>(۴)</sup>

## • ھكايت

۹- مەن بىر ائوجىك<sup>(۵)</sup> آلماق اۋچۇن فەكىردىدەن مەجلىس دە بىر جەھۇد كىشى  
اگلەشمىشىدەر ، دىدى : قارداش مەھلەسى نەزىرسىزدەر<sup>(۶)</sup> مەن اۋزۇمدە اۋرالى يام آل كى

۱ - ناطق ، خطيب

۲ - سلطان محمود غزنوینین باش وزیرى

۳ - سلطان محمود غزنوى

۴ - مەھۇ ، نابۇد ، يۇخ اۋلماغا اشارەدەر

۵ - بالاجا ائو

۶ - تەيسىزدەر

اۋنۇن حسنى<sup>(۱)</sup> چۈنخۇرۇر عىبىي يۇنخۇرۇر . دئىدىم : عىبىي بۇدۇر سنده اۋرالى سان .

بىر ائوين قۇنشۇسو گر سن اۋلاسان      كىم اۋنو اۋن درمه آلماياجاق  
سن اۋلەن دەن صۇرا واردير اۋمىدىم      مینه وئرسەم اىيەسىز<sup>(۲)</sup> قالماياجاق

## ● حكايت

۱۰- شاعرلردەن بىرى بىر گون اۋغرولارىن سرکردهسىن تعريف ائتدى ، باش  
حرامى<sup>(۳)</sup> دئدى : اۋنۇن پالتارلارىن سۇيۇندۇرون قۇووين گندسىن . يازىق شاعر  
اياق يالين بوزلار اۋستە يول گنديردى ايتلر اۋنا يۇگوردۇلر . اگىلدى بىر داش  
گۇتورسون يئر دۇنمىشىدى داش تۇرپاقدان آيرىلمادى ، دئدى : عجب حرامزاده خلقى  
واردىر بۇ اۋلکەنين ، ايتلرينى اۋتوروبلر داشلارينى برکيدىبلر . باش حرامى  
قاقيلدادى دئدى : اۋنا خلعت وئرين . دئدى : خلعت اىستەميرەم پالتارىمى  
قايتارسيۇنلار .

محاليدى بۇ محالا من دۇنم بۇراخ منى دای  
نەقدر واردى جانيم گەلمەرەم گۇرەم سنى دای  
اۋمود قۇشوم سئوينىردى اۋچۇيدو خئيره سارى  
خئير يئتيرمەمى سن گەل ضرر يئتيرمە بارى

اۋغرو دئدى : پالتارلارىن نەچە دینار بىر کورکيله<sup>(۴)</sup> وئرين گندسىن .

۱ - گۈزلىگى

۲ - صاحبسىز

۳ - اۋغرولارىن سرکردهسى

۴ - قۇيۇن دەرپسیندەن تیکیلەن پالتار

## ● ھاكايت

۱۱- بىر منجىم<sup>(۱)</sup> ساراينىا وارد اولدۇ گۇردۇ آرواد بىر كىشى نىن آلتىندايدۇر ، ھاراي چكدى فتنه قويدى ، سۇز صاحىبى گولدى دئدى :

بىلمه يىنجەن كىم اولۇب ائودە نھان  
گۇيۇن اسرارى سنه اولماز عىنان

## ● ھاكايت

۱۲- قالىن سسىن اينجه سايان بىر اوخۇجو اوخۇياندا ائيله اوچا باغيۇراردى باغيۇرتىسى قارقالارىن قارلىتىسىن باتىۇراردى . فيكر ائدەردىن « اِنَّ اَنْكِرَ الْأَصَوَاتِ لَصَوْتُ الْحَمِيرِ »<sup>(۲)</sup> اونۇن اوچۇن گۇندەريلىب .

محو اولار استخر فارس<sup>(۳)</sup> اوزدەن ايراخ<sup>(۴)</sup>  
قاوزاسا بىر پردەدە صۇتتىن اولاخ

عزّت اھلى اولدۇق اوچۇن محنتينه دۇزەردىلر حورمت سىزلىك ائتمەزدىلر . اودىاريىن ان بىر بۇيۇك سۇز بىلەنى بىر گون اونۇ گۇردۇ دئدى : گنچەن گنچە يۇخودا من سنى گۇردۇم ، اومىدىم وار خىر اولاجاق . دئدى : يۇخون سئويلە گۇرۇم نه گۇردۇن سن . دئدى : گۇردۇم آلچاق سسلە اوخۇيورسان اوچا سسىن قولاق لارا آزار وئرمىر . فيكره

۱ - فلک عالمى

۲ - لقمان سۇرەسىنىن اون دۇققوزونجو آيەسى « اولاغىن سسى ، سسرلرين لاپ پىسىدىر »

۳ - شھرىن آدىدۇر

۴ - دئتمەلى سۇز سئويلەندە سئويلەنر



باتدۇ دئدى :يۇخون خىرلىدېر . بىلمەدىگىم عىبى منە بىلىن دېردىن . آنلادىم كى خلق  
 اوجا آوازيۇمدان آزاردادىر ، داهى توبە بېردە اوجا اوخۇمارام .

من اينجيه رهم او يولداشيۇمدان نقصان<sup>(۱)</sup> لارىما دئيه كمالدير  
 پيس ايش لرى او گۈرەندە مندەن مندەن دئمەيه پيس ايش محالدير  
 زهرين كاساسين آلاندا يولداش دۈشمندىر اگر بويۇرسا بالدير

### ● حكايت

۱۳- بىرى سىنجا<sup>(۲)</sup> مسجدىندە آذانچى دى ، اونون يۇغون سسى اينجه كۈنۈل لره  
 اوتۇرمادى اۆرەكلره ياپىشمازدى<sup>(۳)</sup> . او مسجدىن صاحى بىر رحم گۈيۈل اميريدىر ،  
 امير اوندان قورخاردى گىت گەلمە دئسین قلبى سىنسين . بىر گون دئدى : بو مسجدە  
 ايكي نفر آذانچى وار ، او بىر نفر راضى اولوب من بئش دىنار وئرم گئدە ، باشقا يئردە  
 آذان وئره ، سن گئتمە گە راضى اولسان اون دىنار من سنە وئريم . جواب وئردى  
 قبولۇمدور . دىنارلارى آلدى گئدى . بئش گون صورا گلدى دئدى : او اون دىنار چوخ  
 آزيۇمىش ايندى اوتۇز وئرىلر من اوردان گئدەم . امير دئدى : اوتۇز آزدير آللى  
 دىنار آل گىت گيلان .

سسین او جوركى قازیر بئى نیمی محالدى قازا  
 دەمیر او قازما<sup>(۴)</sup> ، تازا بئللەنەن باغین قاناسین<sup>(۵)</sup>

۱ - عیب ، خطا

۲ - موصلدە بىر شېھرىن آدى دىر

۳ - پيس ، اۆرەگە ياتمايان يۇغون سسە اشاره دىر

۴ - كلنگ ، يئر قازان

۵ - اوزوم باغىندا تللەنن توزپاغا دئيه لر

## ● ھكايت

۱۴- كۈرپە<sup>(۱)</sup> سسلە بېرى قرآن اوخۇيوردو ، سۆز صاحىبى دئدى : مۇمن<sup>(۲)</sup> نە آلي<sup>ب</sup>سان ؟  
 اوخۇيورسان . دئدى : ھىچ زاد . دئدى : كىمىن خاطرىنە اۋزۇن بئىلە اينجىدىرسن ؟  
 دئدى : عزيز اولۇ تانرى<sup>ا</sup> خاطرىنە . دئدى : عزيز اولۇ تانرى<sup>ا</sup> خاطرىنە بسىدىر اۋزۇن<sup>و</sup> داي  
 اينجىتمە .

سن كى بئىلە اوخۇيورسان قرآن<sup>ا</sup>  
 خلق گۇرمز داھى قرآن سايانى<sup>(۳)</sup>

۱ - يوغون ، پىس ، اۋرەگە ياتمايان سس

۲ - ايمان گتيرەن ، ياخشى بئندە

۳- قرآنا حرمت وئرنەن انسانى خلق گۇرمە يەجك

بار خسته دران عذرت بیدار  
 عذر من درین دشت باین

باجارسان حاکم منطلوبون  
 کسی دود با بار کوه کزورده باین

بشیشم باب

جوانلیقین شوری عشقی

جوانلیقین شوری عشقی



## جوانلیقین شوری عشقی

### • حکایت

۱- بیر گۆن حسن میمندیدن<sup>(۱)</sup> سۆرۆشدولار محمود شاهین<sup>(۲)</sup> ساییسز تاییسز بندهلری<sup>(۳)</sup> اولا اولا سبب ندیر ؟ آياز<sup>(۴)</sup> خانا کۆنۆل وئریب بیر حالداکی آياز ائيله گۆیچک ده گیل ، گۆلدۆ دئدی : گۆیۆل سئوهن گۆیچک اولار .

یامانی دای یامان ساییلمایاجاق	پادشه هر کیمه مرید اولسا
ضرری دای زیان ساییلمایاجاق	ائیلنه یۆردونا ضرر وورسا
ائل آرا دای سامان ساییلمایاجاق	شازدایا <sup>(۵)</sup> شاه اگر غضبلنسه

۱ - محمود شاهین باش وزیر

۲ - سلطان محمود غزنوی

۳ - غلام ، نوکر ، خدمتکار

۴ - سلطان محمودون محبوب خدمتکاری

۵ - شاهزاده ، سلطانزاده

غرض گۇزىله باخان يوسفين<sup>(۱)</sup> اوْ صورتينه  
دئهر قوتور ياناغى چوخ كيفير<sup>(۲)</sup> صورتى وار  
اگر باخا تپه گۇز<sup>(۳)</sup> اوْ دئوه ارادتيله  
دئهر اوْ ديك گۇزونون عرشلرده صحبتى وار

## ● حكايت

۲- وارلى كارلى بير كيشى نين خدمتكارى گۇزه لليكده تاي سيزيميش . نقل اندهرلر  
خواجه اونون قامتينه وورولموشدو صورتينه بند اولموشدو . بير گون ياووق بير دوستونا  
دئدى : حثيف اوْ جمالا كمال سيزدير ، ايشه گئتمير خدمت ائتمير . گولدو دئدى :  
الفت اومدون خدمت اومما . عاشق مالک اوْلا بيلمهز معشوق ممكوك .

خواجه گر آي بنيز<sup>(۴)</sup> غلاميله      اگلەشه ديز ديزه باخا گۇزونه  
سئويلهسه دورگتير ايچيم اوْ سووى      داي اينانما باخا اونون سۇزونه

\*\*\*

بئلى ، قويجاغين قوئ گۇتورسون كولونگ

اولار يوئخسا عاصى غلامين سنين

۱ - يعقوب پيغمبرين اوغلو حضرت يوسف (ع)

۲ - پيس ، زشت

۳ - دهده قورقود كتابيندا ، گۇزو تپه سينده اولان بير دئوين آديدير .

۴ - اوزو آي تكين ، ماهرخ

## ● حکایت

۳- بیر گرفتار<sup>(۱)</sup> عابد گوردوم چیلغین<sup>(۲)</sup> اورهک قورقوسيله<sup>(۳)</sup> قورولموشدو بیر گوزله وورولموشدو ، عشقین یانار آلاویلا آلیشاردی او آلاوی سئوندورمه گه چالیشاردی ، شماتته ملامته دوزن گویلو نازلی یارسیز دوزنمه زدی خیالینده آلین یارین آته گیندن اوزنمه زدی . بیر گون دندی ای نازلی یار :

من اوزمه رهم آل او دامتیندهن      اوز سنده آیه بو باشیمی سن  
یوخ کیمسه منیم پناهیم اولسون      عالمده منه پناه سن سن

دندیم : کیشی یوکسک عقلین اودوزموشدون آچاق نفسین اوددو هوشون . فیکره جوئمدو ، توئمدو دندی :

عشق سلطانی قدم هر بیر مکانه قویدو دای  
او مکاندا تقوانین شمشیری قیندا پاسلار  
دای نجه ؟ زاهد دئهر کاس سیزدی زهدون آیناسی  
اونداکی عقل آیناسی قلبین ایچینده کاسلار

## ● حکایت

۴- بیرى عقلین اودوزموشدو وورولموشدو عشق ایشینه گیریشمیشدی ایلشیمیشدی .  
آما یاری یئیلمه یین بیر یئمیدی دوئلما یان بیر قوشودو .

۱ - عاشق ، وورغون

۲ - دهلی ، دیوانه

۳ - حيله ، کلک ، نیرنگ

اگر خور باخا دینارا دلدارین  
سنه دای نه فرقى داشین دینارین

اۋگۈد اۋچون سۋيله ديلر بۇ ايشدهن ال گۈتۈرگيلان محال ايشين فيكرين باشدان  
اۋتۈرگيلان ، وۇرۇلانى چۈخدۈر اونۇن سۈزلىرىنه وۇرۇلما سن قۇرقۇسىله قۇرۇلما سن،  
اغلار گۈزۈن سىلدى دئدى :

سۈزلەريز سینه مه اثر قیلماز قلیمه اوخ وۇروب گۈزەل خوبان  
تیر آتان تیریلە آلار جانى جانلاری نازیله آلار جانان

جانا خاطر جانان فيكرين باشدان آتماق به گەنمەلى فيكير ده گيل .

من اگر آتماسام باشین فيكرين سۋيله سه م عاشقم يالاندى سۈزۈم  
امكانى اولماسا چاتام ياره قالاجاق بير عۇمۇر يولۇندا گۈزۈم

\*\*\*

أل وئرسه<sup>(۱)</sup> يارین ال آیاغیندان اۋپەرەم من  
يار يار دئیەرەك یوڭسا سورۇنم قاپیسیندا

ائل طایفاسی سۈگی سیندهن اوز چئویرمک ایسته دیلەر ، سۈگی دهن یوڭ ائل طایفادان  
اوز چئویردی .



دردا كى حكيم صبر<sup>(۱)</sup> دئيىب درديمه درمان  
گل قند شكر<sup>(۲)</sup> ايسته بير آما دهلى كۈنلۈم

\*\*\*

بىر نادان عاشقه دئدى : معشوق      بۇ سۇزۇ آى جوان ائشىد بىل سن  
داهى قالماس سنىن اوچۇن قديرىم<sup>(۳)</sup>      بۇ قدهر سن اۋزۇن بۇيۇك بىل سن

نقل ائدهرلر بير گۈن اونۇن سئوگى لىسى خبر بىلدى بىرى اونا وورۇلۇبدور او آى  
تكين صورتينه بند اولۇبدور ، قلى جۇشۇر قامتينه قۇشما قۇشۇر ، دئدى :  
يازىق او بدبختى من چۇل لرده گزدير ميشم خلقي اوندان بزدير ميشم ،  
آتىن ميندى قامچى لادى<sup>(۴)</sup> ، عاشق يارىن بۇيورماغين<sup>(۵)</sup> آنلاياركن آغلار  
گۈزدهن قان آغلادى دئدى اى واى :

اىستىر گله او اۋلدوره نيم<sup>(۶)</sup> كۈرمه گيمه  
ممكوندو يانيب قلى بۇ اۋلدوردوگونه<sup>(۷)</sup>

محبته دئدى : سئيله آدىن ندير ؟ بۇ چۇل لرده ايشين ندير ؟ هارالي سان ندهن  
ائلهن آرالي سان ؟ عشقين دهرين درياسينا جۇمان ايگيد فيكره جۇمدو تۇمدو دئدى :

۱ - بير آجى داوادير

۲ - شربت ، مربا

۳ - حرمت ، عزت

۴ - شاللاق لادى

۵ - تشرىف گتيرمه گين

۶ - قاتل

۷ - مقتول

آتەك باش قرآنى اذربله سن ده

الفبا بيلمه سن آشفته<sup>(۱)</sup> اولسان

اوغلان دئدى : منيله دور دانيش گيلان فقرالر محفل ينده<sup>(۲)</sup> آن بير حقير فقير من ،  
محبتي او سوزلرين يارديملا دهلي عاشق عشقين ده رين درياسيندان باش قاو زادي  
دئدى : اي دوست

بو يالاندى يار گلنده ، قالا جان بو جسمين ايچره

سوزه باشلا ياندا جانان دانيشام دينم اينم من<sup>(۳)</sup>

بونو دئدى نعره تپدى جانين حقه باغي شلادى .

## ● حكايت

۵- نقل ائده لرلر بير معلم شاگردينه وورولموشدو ، دئيبديلر گوزهل ليگه وورغون  
اولماق انسانلارين ذاتينده دير ، او شاگردى تك گوره نده سئيله يه رميش :

منيم بو فكري مى ائيله پوزوب سنين فيكرين

آديم چيخي بدى يادي مدان اونودموشام اوزومو

قارا او گوزله ريوه من تيكه نده گوزله ريمى

مين او خدا گه لسه سماءه ن يومانمارام گوزومو

بيرگون اوغلان دئدى: اوستاد ائيله كي سن بو درسيمه نظر قيلدين عييمه ده نظر قيلسان

۱ - عاشق ، وورغون

۲ - مجلس ، ييغيناق

۳ - عاشق معشوقه چاتاندا اوزوندن گندمگه اشاره دير .

ايرى يولا بۇدرمه رەم ، گۈلدۈ دندى : سن بۇ سوزو اۈزگەلرە سئويلە گيلان باشقا ھنر  
عيب سىندە من گۇرميرەم .

گۈزلىرى ديدەن چىخا كاش مغرضين<sup>(۱)</sup>  
چون كى ھنر گۇرمەگە يوخذور گۈزو  
مين خطا بير تك ھنرين اولسا بيل  
اول ھنرە سارى دۇنەر يار سۇزو

### ● ھكايت

۶- صون گۈنەدەك او گئجەنى اونۇدمارام نازلى يارىم خلوتيمە بويۇر جاغيُن دونۇم  
دەگدى چراخ چۇندو اي شىق سۇندو .

خيالى قارا اخشامى صبح اندەن شگفتا<sup>(۲)</sup> بويۇردو بو كاشانەمە<sup>(۳)</sup>  
دندىم : گۇر نئجە بختيار اولموشام قدەم قويدو يارىم بو غمخانە<sup>(۴)</sup> مە

اوتۇر جاغيُن گيللىندى دندى : نچين ؟ من ايچرى داخل اولجاق سن چراغى خاموش  
ايتدين ؟ دندىم بئيلە خيال ايتديم گونش چىخدى .

قاش قاباق اھلى گيرەندە مجلسە دورما ھرنە شمع وار اۈلدور گيلان<sup>(۵)</sup>  
بيردە نازلى يار وارد اولجاغيُن دامنين دۇت شمعى تئز سۇندور گيلان

۱ - غرض اھلى

۲ - عجباً ، حيرتلى ايش گۇرۈندە دئيىلەر

۳ - ائو ، ساراي

۴ - غم ائوى ، غمسرا

۵ - شمعلىرى سۇندورمەگە اشاره دير

## ● حكايت

۷- اۇزاق يولدان گەلن عزيز يولداشيما دندىم : يولۇن گۈزلەمكەن يۈرۈلدۈ گۈز ،  
دندى : گۈزۈن يۈرۈلسادا گۈز يوللارا تىكمەلى سن .

اى نازلى صنم يۈبانمىسان سن      داي اوزمەرەم آل بو دامنيدەن  
هر لحظه گۈرەن گۈزەل نگارى      قاچماز بىلىرەم نگاره سارى

رقىبلرلە گەلن دلبر اينجىتمەگە خاطر گەلر ، عاشق قلى حسادت سىز عداوت سىز<sup>(۱)</sup> اولان  
بىلمەز .

منىم رقىبىمىلە يار گەلەندە خلوتىمە  
ساواشماغا دئەرەم يار گەلىر سۈزۈن دۈزۈنۈ  
اگر بىر اۈزگە صنملە دانىشسا آى بەنىزىم  
حسود سىنەدە گۈررەم حسادتىن كۈزۈنۈ  
يارىم دئەرەم من اوشمعام اودۇمدا اى سعدى  
منە نە واردى كى<sup>(۲)</sup> پروانە ياندىرار اۈزۈنۈ

## ● حكايت

۸- اۈزۈن ايل لر بۇندان قاباق بىر گۈزەلە قوشۇلاردىم دئەردىلر اۇنلار قوشا بادامدىلار

۱ - خصومت

۲ - منە نە ارتباطى وار



بیر قابیقىدا ، آن بیر اوزون آیریلىققدان صونرا بیر گون گلدى دئدى : منیم گوزوم يولدا  
قالدى سن بیر قاصد گوندهرمه دین . دئدیم : ایشیق جمالیوی ایسته مه دیم قاصد  
گوره من گورمى يه م .

او گوزهل دلبره سئویله دئمه سین توبه ائده م  
توبه من ائيله مه ره م اورتایا شمشیر گله  
کیم سنه باخسا دویونجا ، اوله ره م ، آما گوزهل  
یونخدو بیر کس دویا سنده ن قاییدا سیر<sup>(۱)</sup> گله

## ● حکایت

۹- بیر عالمی گوردوم گوزهل بیر گوزله ائيله یامان وورولموشدو ، اوزو داغدا  
دولاناردی سوزو دیلده . عشقین سونمز آلاویندا آلولاردی بیر آن یانیدی م  
سئویله مزدی ، قولاغینا آستا دئدیم : بو بللی دیر سنین عشقین علت سیزدیر محبتین  
زکت سیزدیر<sup>(۲)</sup> آما بیله اوره ک وئرمه ک علم اهلینه یاخشى ده گیل . دئدی : یولداش  
پندی<sup>(۳)</sup> اؤتور نصیحت ده ن دای ال گؤتور . چوخ چالیشدی م یاری ن فیکرین باشدان  
آتام آتنامادی م یامانلیغا دوزه ن کونلوم آیریلیغا دوزه بیلیر نه ائيله ییم ؟ حکیم لرده ن  
بیری دئییب : عشق درد ی جان دردینده ن آغیر اولار .

هر کیمین اولسا بیر گوزهل نگاری<sup>(۴)</sup>      داهی قالماز اوزونده اختیاری  
قیچی باغلی مارال قاچا بیلمه ز      قیچی نی ن باغلاری ن<sup>(۵)</sup> آچا بیلمه ز

۱ - توغ

۲ - منظور سنین عشقین زلالت توره ده ن زکت یارادان عشق ده گیل

۳ - اؤگود ، نصیحت

۴ - یار ، دوست ، شوگی

۵ - بند ، ایپ

نازلى يارسىز ، اوره كده يوخدو صفا      صفادير سئويله رهم يار ائتسه جفا  
 كيم بلا گۈندەريپىدى سئويله سنى ؟      دئمەميش سئويله رهم باغيشلا منى  
 يار يارا سئويلەمز آلىندەن امان      دئمە رهم من امان دئەسندە يامان  
 منە قال سئويلەسن اوزون بيلەسن      منى قووساندا سن اوزون بيلەسن

## ● حكايت

۱۰- جوانىدېم بىر آى بنىز ، گوزو دەنيز سسى گۈزەل بىر گۈزەلە وۇرولمۇشودوم .

صورتى آغ گۈمۈش كىمى آغ بنىزىندە قارە خط  
 قارە خطى اولان او آى دالدىلاناردى آى كىمى

آمما بىر گۈن بىر سۆز دئدى اوره ك دولدو غمگين اولدو ، محبتىن مۇهرەلرین <sup>(۱)</sup> يىغدىم  
 دئدىم :

بوزولدى اوره كدە محبت ايزى  
 بوراخ دای بيزى ، بيز بوراخديق سيزى

گئدە گئدە بو سۆزلرى پىچىلدردى .

گۈن چىخاندا بات دئسە شوپىر <sup>(۲)</sup> گۈنە  
 قدرى اُسگىلمەز قىزىل ساچلى گۈنۈن

۱ - منظور دۈسلۈغو پوزدوم

۲ - خفاش

بۇنۇ دىدى اوزون يولۇن ايزىن دۇتدۇ گۇزدەن ايتدى . يۇلا باخدىم بۇلۇد كىمى  
دۇلدۇم دىدىم :

باشا چاتدى اۇ اۋپۇش لىر اۋ گۇرۇش لىر گۇرۇشون  
قدرىنى بىلمەدىم افسوس وصال گۇن لىرى مەن  
ياشاماق امكانى يۇخدۇر مەن سەن سىز مارالىم  
يۇلۇنۇ گۇزلەيىرەم گل بىزە دىندىر مەن سەن

اۋلۇ تانرى درگاھىندان چۇخلۇ مەن اۋمەلى يام<sup>(۱)</sup> بىر گۇن گۇردۇم اۋ آى بنىز گلير  
آما اينجە سى يۇغۇن لايىب آغ بنىزى كەدرلەنىپ ، آلمادان آل آل ياناغى  
هئىوا ساياق تۇزلانىدى<sup>(۲)</sup> زامان ائىلە حسنون<sup>(۳)</sup> پۇزۇب اۇ گۇزەلر بازارىندا  
كىمەسە اۋنا ياۋۇقلاشماز ، ياۋۇقلاشدىم دىدىم : يۇلداش

تر خط<sup>(۴)</sup> اۋ ياناخدا ترلەيەندە<sup>(۵)</sup> صاحب نظره<sup>(۶)</sup> دىدىن ايراق گىت  
بۇغ ساقالى لا بۇگۇن گلىب سەن تر خط پۇزۇلۇبدۇ دای اۋزاق گىت

\*\*\*

سۇلدۇ يازىن عشۋە نازىن دای اۋتۇر  
سۇنمۇش اۋجاقدان<sup>(۷)</sup> قازانىن گىت گۇتۇر

۱ - تانرى يا حمد ائتمەلىم

۲ - اۋزدەن نارىن تۇك چىخماغا اشاره دىر

۳ - گۇزلىگىن

۴ - نارىن تۇك

۵ - تۇك چىخاندان

۶ - عاشق ، طالب

۷ - مەجىت اۋدۇ سۇنمەگە اشاره دىر

سئويله مه تاي سىز گولۇدوم من دۇنن  
 صحبتين آچمانه ييدين سن دۇنن  
 سات ماتاچين كيمسه يه سات سئويله يه<sup>(۱)</sup>  
 چات اونا يوك ، يوك منه چات سئويله يه<sup>(۲)</sup>

\*\*\*

بللى سۇزدور اورەك سئوهر سئوينەر باغچانين اولسا گول ياشيل چمنى  
 ووردورار عاشقى يارا او يارين تر خطى اولسا غنچه تك دهنى  
 نه گرهك دير تره كوزو<sup>(۳)</sup> اوزووه اوزووى اينجيدەر يوزار دهره نى

\*\*\*

ساققال بيغيوى سن ووراسان وورموياساندا  
 بو بئش گونون<sup>(۴)</sup> آخر گونونه سن چاتاجاقسان  
 اولسايدى جانين اختيارى الده توكوم تك  
 چىخماق خيالن جانە دئهرديم آتاجاقسان

\*\*\*

دنديم سنه نه اولوبدير دۇنن كى گول ياناغين  
 سولوب بو گون گوروره م عرصه سين قاريچقا آليب<sup>(۵)</sup>  
 جواب وئردى دندى بيلميرەم نه ماتم دير  
 زامان او آغ به نيزين اوسته قاره پرده ساليب<sup>(۶)</sup>

۱ - جنسين او اداما سات اونا طالب دير

۲ - او يارى ايسته سنى ايستير

۳ - بوغ ساققالا اشاره دير

۴ - بو بئش گون فاني دۇنيايا اشاره دير

۵ - قاريچقا بوزادا اوزون توكونه اشاره دير

۶ - قاره پرده اوزون قارا توكونه اشاره دير



## ● حکایت

۱۱- بیر عالمدهن سۆزۈشدولار اگر بیرى بیر آى بهنیز کنیزکله<sup>(۱)</sup> صبحه کیمی بیر اوتاقدا خلوت انده عقلی نفسه باتانمایا باش یاسدیغا آتانمایا یاتانمایا آشکار گۆره هم باغچادا سخاوت وار هم باغچانیئن صاحبینده ، پرهیزگارلیق قوتیله حریص گۆزۈن یوما بیلر ؟ بویوردولار : گۆزۈن شاید یوما بیله خلقین آغزین یوما بیلمز .

شاید انسان جانیئن قورتارا نفسین شرریندهن  
بدگمان خلقلرین قورتارا بیلمز خطریندهن  
بیر عۆمۈر دۆز گنده سن ایری یولا چاشمایساندا  
امکانی یوخ دۆز ایشین دۆز اولما آغزین نظریندهن

## ● حکایت

۱۲- بیر قارقانی بیر طوطیله بیر قفسه سالمیشدیلار . طوطی اونون قارا چرکین هیأتینه<sup>(۲)</sup> گۆز تیکهنده باغیراردی نه پیس صورت چرکین طلعت<sup>(۳)</sup> قارا هیأت صاحبی سن ، ای ایریلیق قاریلدايان سنيله کاش منیم آرام گۆنش دوغان گۆنش بوغان او داغلارین آراسیندان چوخ اولایدی .

سحر ساتاشسا گۆزۈ کیمسه نین سنین گۆزۈوه  
اونون او گۆن اولاجاق دونیاسی قارا زندان  
سنین تاییئن کیمی فیکری قارا سنه یاراشار  
ولی سنین تاییوی گۆرمه یبدی هیچ انسان

۱ - بالاجا کنیز ، جوان گلین

۲ - شکل ، صورت

۳ - دیدار

تعجبلى صحبت بۇدۇر او قارقادا او طوطى نين صحبتيندهن تۇتولاردى آللاه اۇزۇن  
قۇتار منى دئيه دئيه قارىلداردى ، داريخمادان زاريلداردى روزگارى يامانلاردى  
باغىراردى منيم نه پيس اقباليم وار اقبال<sup>(۱)</sup> منه يار اولسايدى بۇ گون منيم هم نفسيم دار  
قفسه بۇ طوطى يۇخ قارقاليقداريلدايان بير قارقايدى .

عالمه عالم اولار بير دار قفس جاھليله اولسا بير گون هم نفس

بيلميرم من نئيله ميشديم قۇرۇق قۇران قۇرۇق قۇردو قولايىمى ديدەن بۇردو بئيله جاھل  
عقلى زایل يئددى رنگه متمايل بير حيوانين صحبتينه داخل اولدوم.

شكيلين<sup>(۲)</sup> ديوارا چه كيلسه اكر كيم گۇرەر ديوارى يۇمار گۇزۇنو  
مكانيئن جنت<sup>(۳)</sup> اولسا جنتى لر آرزىلارلار جهنمين كۇزۇنو

بۇ داستانى بۇنا گۇرە سئويلەديم من دۇشۇندۇرەم او قدەر كى عاغىللى نين عاغىل سىزدان  
نفرتى وار يۇز او قدەر عاغىل سىزىن عاغىللى دان وحشتى وار .

رندلر محفلينده بير شاھد بير ملول<sup>(۴)</sup> زاهده دئدى : زاهد  
سىز كىمى پۇزغۇتۇق ملولۇق بىز ان گۇزەل ايش بۇدۇر دۇرۇب گئده سىز

۱ - شانس ، بخت ، طالع

۲ - عكس ، صورت

۳ - بهشت

۴ - افسرده ، غمگين

گۆردۆم اۇ یاشیل تر چمنین ایچره سنی  
 سانکی قیزاران لاله لر ایچره گوه نی  
 آل لاله یاشیل تر اۇ چمنلیکده سنین  
 بوژ تک باخیشین بوژ کیمی دۇناردی منی

### ● حکایت

۱۳- اوزون ایل لر هم صحبتیم اولان عزیز یولداشیمدان آن بیر کیچیک مطلب اوسته  
 ایریلدیم من . اۇ ایریلیق جسم لری آییرسادا اوره ک لری بیر بیریندهن آییرمادی .  
 بیر گون خبر بیلدیم منیم بو شعریمی اۇخویاندا اغلا ییرمیش .

نگاهی اودلۇ نگاریم اگر آچا قایمی  
 نگاهی یانیدی راجا قیدی ر بو عاشقین اوره گین  
 بوراخمارام ساجینی دوشسه ساچ لاری الیمه  
 گدا مگر بوراخار صاحب کرم اته گین

منیم اینجه ظریف لطیف کلامیم یوخ . اۇ گون درویش خلقین خلقی آلیشیلاندى . اۇ  
 شعریمی اۇخوماقلا اوره ک سوزون آچدی دئدی : خطا ائدیپ جفا قیلیب  
 خطاسیندهن پریشاندى جفا سیندهن پشیماندى . آتیشماغا گویلو یوخدور باریشماغا  
 میلی چوخدور . صلحه خاطر بو اوج بیته یازدییم اونا گونده ردیم من .

منیله باغلامیشدین عهد ، پیمان      اوندودون عهدیوی پیمانیوی سن  
 دئیهردیم امکانی یوخ نازلی یاریم      منی ترک ائیله یه یارسیز قالام من  
 باریش ائتمک خیالی گر واریندی ر      باریش گنچمیش اؤگونلردهن عزیز سن

## ● حكايت

۱۴- بىر جوانىن گۈلدەن اينجە گلېن جىگى گىجە ياتدى سحر چاتدى اويانمادى .  
قىز آناسى اۈز حاققىنا چاتماق اۈچۈن اۈ اۈجىگى ترك ائتمەدى . اۈغلان قۇجا  
قاينانانىن صحبتىندەن داريخاردى اما وارسىز اولدۇق اۈچۈن داريخماسىن  
گىزلەدەردى . تانىش لاردان بىرى دئدى : دۇنيا يارسىز چتىن دىرمى ؟ دئدى :  
يارسىز يۈز چتىن دىر بۇ اروادلا مىن چتىن دىر .

گۈل چىچك سۇلدۇ كۈل تىكان قالدى      سىل سۈپۈر اولدۇگىچ ، ايلان قالدى  
كاش گۇرئىدىم گۇزۇمدە اۈد كۇزۇنو      گۇرمەيىدىم اۈ دۈشمىن گۇزۇنو  
اىل قوھوم راضى يەم قىرا مندەن      گۇرمەيەم دۈشمىن اۈزۈن داي من

## ● حكايت

۱۵- ھلەدە وار يادىمدادىر اۈ زامان كى جوانىدىم بىر گۇزەلە وۇرۇلمۇشۇدوم .  
وۇرۇلدوغوم نازلى يارىن خيالىن من بىر لحظه دە اۈنۇدمازدىم . بىر گۈن يايىن  
لاپ اۈ اىستى چاغلاريدى . گۈن نفسى قايتارىردى ، اىستى قانى دامارلاردا  
قاينادىردى . گۈنۈن توۋىن<sup>(۱)</sup> اۈلانىمادىم بىر ديوارىن كۈلگەسىنە سۈرۈندۈم من .  
اۈلۈ تانرى درگاھىنا اۈ گۇتۇردۇم دئدىم : اى كاش بىرى بىر قاب سۇ گتىرە  
اۈرەگىمىن اۈدۇ سۇنە ، ناگاہ گۇردۇم زىل قارائلىق بىر دالاندان<sup>(۲)</sup> نور يايىلدى يعنى  
ايشىق بىر جمال كى سۇز عاجزدى تعريفىندەن دىل قاصردى توصيفىندەن . فىكر  
اىلەدىم اۈسىز گىجە گۈن دۇغۇلدۇ آب حيات چشمەسىندەن جامىم دۇلدۇ .

۱ - گۈچ ، زور  
۲ - يۇلاخ ، گىچىد



گوردوم گوزهل او آی جمال جامی سرین شربتيله دولدوروبدور قاباغی<sup>۱</sup>مدا  
 دایانی<sup>۲</sup>بدیر . باش تاپمادی<sup>۳</sup>م او شربته هانسی<sup>۴</sup> گولون گولاییندان آرتیر<sup>۵</sup>میشدیر  
 ایگی منی مست ائيله دی شاید جاما تر یاناغین<sup>۶</sup> ترلریندهن نچه دامجی<sup>۷</sup> دامیزمیشدیر .  
 گوموش<sup>۸</sup> آلدن بولول<sup>۹</sup> (۱) جامی آلدیم ایچدیم آلولانان ایچهریمین اودو سوندو ، اوندان  
 قاقاق دئهردیم من :

ایچهریم ائيله عطشدهن یانی<sup>۱۰</sup>ری ، بیر نفسه  
 یئددی دریا سو ایچهم سونمه یه جکدیر عطشیم

\*\*\*

بختور او انسانین<sup>۱۱</sup> خوش حالینه  
 یاريله هر گون سحر گوزله<sup>۱۲</sup>ر گونو  
 مست می بیدار اولار گون چي<sup>۱۳</sup>خما می<sup>۱۴</sup>ش  
 مست ساقی<sup>۱۵</sup> (۲) گوز آچار محشر<sup>۱۶</sup> (۳) گونو

## ● حکایت

۱۶- او زمان کی علاءالدین محمد خوارزمشاه<sup>(۴)</sup> - الله او<sup>۱۷</sup>نا رحمت ائتسین - ختا<sup>(۵)</sup> لرله  
 باریشمیشدیر کاشغره<sup>(۶)</sup> وارد اولدوم . کاشغرین بویوک جامع مسجدینده بیر خوش

۱ - بلور

۲ - ساقی جمالیندهن مست اولان

۳ - قیامت

۴ - چنگیزخان ایرانا حمله ائدهنده ایرانین شاهیدی .

۵ - چین تورپاغیندا بیر یثرین آدی دیر

۶ - ترکستاندا بیر شهرین آدی دیر

صورت ، بهجت جمال ، سرو قامت اوغلان گوردوم نحو اوخوردو . اونون كيمى  
گوزهلره دنمك اولار .

معلیمین دئیہ سن اۋیره دیب جفا ایلہ  
وفا صفانی اۋتور گئت ستم روا ایلہ  
یثرین اۋزونده تاپیلماز سنین تاییں معشوق  
سنہ کۋنول اودوزان عاشقی رها ایلہ

زمخشرلی جارااللهین<sup>(۱)</sup> نحوین تتر تنز اوخویوردو : زید عمروی دۋودی ، ستم ائتمیشدی  
عمرو . دئدیم : جوان خیوه<sup>(۲)</sup> ختا باریشیدیلار . عمرویله زید باریشمادی ؟ گۈلدۋ  
دئدی : هارالی سان دئدیم شیراز مۈلکۈندهنم ، دئدی : سعدی سۋزلهریندهن نهیین  
واردیر ؟ بو سۋزلیری اوخودوم من .

من گرفتار اولموۋشام بیر قاش قاباقلی نحویه  
چوخ سۋهر دۋوسون منی هر آن دۋوهنده عمروی زید<sup>(۳)</sup>  
نازیله آدییم آتанда ، کید<sup>(۴)</sup> ائدەر باخماز منه  
ائیلہ بیر نازلی روادور ائیلہیه تزویر<sup>(۵)</sup> و کید ؟

بیر آز تۈمدۋ فیکره جوۋمدۋ دئدی : من کی دۋشۈنمه دیم من دۋشۈنهن بیر سۋز سۋیلہ .

۱ - مقدمه نحوی یازان عالمین آدی دیر .

۲ - خوارزم ، علاءالدین محمد خوارزمشاها اشاره دیر .

۳ - ضَرْبَ زَيْدٍ عَمْرُوًا وَ كَانَ الْمُتَعَلِّی عَمْرُوًا

۴ - حیلہ ، تزویر ، ریا ، آل

۵ - حیلہ ، ریا ، کید

انسانلارین عقلی قەدر انسانلارلا صحبت گرەك<sup>(۱)</sup>. بیر آیری شعر اوخودوم من .

نازلی یاریئن سئوگیلی سی نحو اولوب      صبر بو سینەمدە منیم محو<sup>(۳)</sup> اولوب  
قلبیم اولوب عشق دوزاقیندا<sup>(۲)</sup> صید      صید ائدەنیم ووردو دئیر عمروی زید

سحر تئزدەن یوک یاپیم باغلایاندا ، او اوغلانجیق ائشیدمیشدی من سعدی یەم قاچا  
قاچا گلدی دئدی : بویور بیزه گوزوم اوسته یئریز واریدیئر ، نەن خاطر سئویلمەدیز  
کی سعدی سیز قوللوق<sup>(۴)</sup> ائدەم ؟ دئدیم ایگید :

سن اولان یئردە محالیدیئر یادیم دوشسون آدیئم

یئنە دئدی بویور بیزه بیر نئچە گون قوللوقوزدان فیض<sup>(۵)</sup> آپاراق . دئدیم : اصرار  
ائیلەمەیین ، بو علتە خاطر اولماز :

حکیم لردەن بیرى دۇنیا مالین دان      کیچیک بیر غارە<sup>(۶)</sup> ائتمیشدیر قناعت  
دئدیم : شهرى نەن خاطر بوراخدین ؟      قاییت شهره کی اوردا آزدی محنت<sup>(۷)</sup>  
دئدی : اوردا کونول<sup>(۸)</sup> صیادی گوردوم      کی صید ائیلیر اورەکلردەن دیانت<sup>(۹)</sup>

۱ - کَلِمَ النَّاسَ عَلَى قَدْرِ عَقُولِهِمْ .

۲ - جلە ، تلە ، دام

۳ - یوخ ، نابود

۴ - خدمت

۵ - استفادە آپاراق ، بهرەمند اولاق

۶ - کۆھول

۷ - زحمت ، اذیت

۸ - اورەك آوچی سی ، دلبر

۹ - دیندارلیق

بوئو دئدیم قوْجاقلاشدیم یولا دۆشدۆم اوزاقلاشدیم .

آنلیما چون یازیب اوزاقلاشماق<sup>(۱)</sup> نیلییرم یاریله قوْجاقلاشماق  
آیریلیق قوْشماسین قوشاندا تارۋ صوْن گۆروْش، صوْن نفس اگر اولماز  
لاله تک صورتیم اولوبدۇ ساری سؤیرم من سنی هنر اولماز<sup>(۲)</sup>

### • حکایت

۱۷- کعبه یه من گئدهن زامان آن بیر وارسیئز یوخسول درویش ایزی میزی  
ایزلی بیردی<sup>(۳)</sup>. کروانداکی وارلی لاردان بیرى اونا بیر آووج زر باغیشلادی اوشاقلارا  
سوقات آلسین، آما ناگاه خفاجه<sup>(۴)</sup> نین اوغروْلاری تۆکۆلدولر قافله نی تالادیلار،  
تالانیشلار<sup>(۵)</sup> مه لیردیلر گۆزدهن آل قان آلیردیلر .

نه قدهر آغلاسان فغان ائتسن

اوغرو اول دیناری سنه وئرمز

اما درویش آغلامیئردی قانلی بولاخ گۆزلیندهن چاغلامیئردی . دئدیم : اوغرو سنین  
زرین<sup>(۶)</sup> آپارمايیب ؟ دئدی نییه آما زره ائيله اوره ک وئرمه میشدیم فراقینده<sup>(۷)</sup> قان  
آغلی یام .

۱ - آیریلیق، هجران

۲ - منظور معشوقون صوْن گۆروْشو عاشقین صوْن نفسی گرک اولسون

۳ - کروانی تعقیب ائيله بیردی .

۴ - کروانلاری غارت ائدهن بیر طایفانیئن آدی دیر .

۵ - غارت اولانلار

۶ - قیزیل، آلتون

۷ - هجران، آیریلیق



اۋرەك قويما وورۇلسون ، دوشسە ھجران  
محالدىر چىرىنا سىنەندە بىر آن

دئىدىم منىم احوالىمە گۈزەل بىر سۆز سۆيلىدەن سىن . گۈچمىش زامان بىر كمالى گۈل  
جمالى جوانىلە يولداشىدىم بىر يولداش كى قېلەم اونۇن جمالىدى ، آرزىم وصى  
وصالىدى ، اۋز اۋزۇمە دئەردىم من :

اۋجا او عرشىده<sup>(۱)</sup> شايد بىرى اونا تاي اولما  
بو يئردە يوخسا تاپيلماز اونون تايى غلمان<sup>(۲)</sup>  
او ايلقارا قرارا عهده عشقه آند اولسون  
اكيلمه ييب يئر اوزونده اونون كيمي انسان

\*\*\*

آمما ناگاه اجل يئلى آسدى باغچادان اول گولون كوكون كسدى  
ايشيم اولدو قويون كيمي مهلهمهك گئجه گوندوز بو گوز ياشين آلهمهك  
فراقينده بو سوزلرى پيچىلداردىم .

او اياقويه باتاندا آجلين خارى ، فلک  
انديرئىدى ايتى كسگين قيليجين كاش باشيما  
ايريليق دوشسە دئەردىم باخا بيلمەز داهى گوز  
باخيرى عالمە سن سيز بو گوزوم داش باشيما

۱ - يۇخارى عالم

۲ - ملك ، فرشته ، پرى

اۈكى بىر لحظه گۈزۈن يۇممازىدى<sup>۱</sup>      سەر مەمىش نىسترنى بىسترنه  
گۈر نه سۈلدۈردۈ فلک گۈل ياناغىن      قورۇدۇ دۈشدۈ تىكانلار بىرينه<sup>(۱)</sup>

اوندان صۇرا عهد ائيله دىم قورۇقلارا قورۇلمويام گۈزەل لره وۇرۇلمويام .

دالغادان<sup>(۲)</sup> قورخان محالدىر فايدا اۇمسون<sup>(۳)</sup> دريادان  
صحبىت نىسرين<sup>(۴)</sup> گۈزەلدىر محنت خار اولماسا  
سانكى بىر طاووس كىمى ناز ائيله رەم گۈل وىلىنه  
گۈل چىچك فىلى چاتاندا صحبت يار اولماسا

## ● حكايت

۱۸- اۈ زامان كى ائلىن بۇيۇك ائل خانى نىن حضورىنده نازلى لىلى مجنونوندان سۇز  
آچىلدى ، ائل خان دئدى : بىر حالداكى مجنون عاغىل صاحىبىدى آغىر حكمت  
مالكىدى ندهن خاطر عقلين باشدان اۈدۈزۈمۈشدۈ فىكرىن حكمون اۈنۈدۈمۈشدۈ ، بند  
اولمۈشدۈ ، وۇرۇلمۈشدۈ ؟ حكم ائيله دى مجنون گلسىن . ملامت له هياتينه نظر  
قۇلدى شىماتت له دئدى سۈيله انسانلاردان نه آچاقلىق گۈردۈن آچاق حيوانلارلا  
همدم<sup>(۵)</sup> اولدۇن ؟ مجنون دئدى :

۱- يانى نا ، كنارىنه

۲- موج ، شپه

۳- فايدالانسىن

۴- گۈل آدى دىر

۵- مونس ، هم صحبت

اگر گۆرسەن یاری بیر لحظه چون من  
ملاّت ائیلە یەن گۆرسە کمالین  
شماّت ائتمە سەن دای عاشقین سن  
گونش آیدان ایشیق تر گۆل جمالین  
کەسەر بارماق لارین او کەسسە هئووا  
سو یار اینجە ألین او سو یسا آلمان<sup>(۱)</sup>

اۆرەکلری اُسەنلرە اینجە بارماق کسەنلرە بیر سس گلدى - فَذَالِكَ الَّذِي لُمْتُني فِيهِ<sup>(۲)</sup> -  
حاکم دئدى : لیلی گل سین گۆرۆم نئجە بیر گۆزەلدیر گۆزەل لیگی بئیلە فتنە<sup>(۳)</sup>  
تۆرە دیدیر. لیلی گلدى گۆردۆ لیلی بیر قرەشین آریخ قیزدیر ، دئدى منیم سرایداکی  
آن جمال سیز کنیزکیم اوندان چۆخ چۆخ جمالیدیر ، مجنون گۆلدو دئدى منیم  
گۆزلەریملە او صورته باخمالیسان یو خسا عشقین سرى سنە آیدیْن اولماز .

من چیمەن ماوی دەنیزدەن خبر آلسایدی صوّنا  
داهی دوتمازدی گلەندەن قوړو گۆللر سراغین  
گر منە طعنە دئسە طعنە دئینە اینجیمە رەم  
گۆرمە ییب چون کی یارین قارە ساجین آل یاناغین

\*\*\*

انسانین دردین بیلەر درد آشنا  
صحبّتين آچما آری چالدى ألین  
چون منیم تک اود آلودا یانمادیْن  
باشقا زخمیلە قیاس اولماز بو زخم  
درد سیز انسانیدەن او مّما دوا  
چوخلاری بیلەز آری ائیلەر جفا  
سئویله دین بوژدان ساووقدیر اودلارا  
گەل آچیق بو زخمە دوز ائتمە روا<sup>(۴)</sup>

۱ - یوسف و زلیخا حکایتینە اشاره دیر ، مصر قادیْن لارینین گۆزۆ یوسفه ساتاشاندا هئووانی یوڭ بارماق لارین کسمیشدیلر .

۲ - بو اودور اونا خاطر منی دانلاییردین

۳ - بلا ، آشوب

۴ - اغزی آچیق یاراما دوز سپه گیلان

## ● ھاكايت

۱۹- ھمدانىن قاضى سىندەن نىل اندەرلر بىر اوغلانىن صورتىنە وۇرۇلمۇشۇدۇ ، قامتىنە بند اولمۇشۇدۇ ، گىجە گۇندۇز عشقىن يانار آلاوىندا آلالاردى وصالىنە چاتماق اوچۇن وصال آتىن قووالاردى بۇ سۇزلىرى اوخۇياردى .

گۇرچىك بو گۇزۇم دلبرىمىن صورتىنى  
آيدان او ايشىق اوز صنمىن ھىأتىنى  
چىرىپىندى اۆرەك بللىدى چىرىپىنمازىدى  
گۇز گۇرمەيە بىلسىدى اوجا قامتىنى<sup>(۱)</sup>

بۇ سۇزلردەن آچىقلانان<sup>(۲)</sup> او اوغلانچىق آچىقلى<sup>(۳)</sup> بىر اصلان كىمى يوگۇرەندە يامان يوۇز<sup>(۴)</sup> سۇيىلەندە قاضى يۇلدان اۋتەن بۇيۇك بىر عالمە كى ھىم آياق<sup>(۵)</sup> ھىم جامىدى باخدى دۇدى :

ھىرسلەلەندە<sup>(۶)</sup> نە گۇزەل گۇيچىك اولۇر نازلى يارىم  
يامانى خوشدۇ يامان سۇيىلەيە كاش گلەذارىم<sup>(۷)</sup>

۱ - گۇز گۇرمەسە اۆرەك ايستەمز سۇزۇنە اشارەدۇر .

۲ - غىظە گەلەن ، عىببانى اولان

۳ - غضبلى ، عىببانى

۴ - سۇوۇش

۵ - ھىم پىالە ، ھىم جام

۶ - عىببانى اولاندا ، خشمە گلەندە

۷ - گۇل ياناغىم ، او يار كى اۋزۇ گۇلە بەنزەر



عرب دئیەر : جانان سۆزۈ جاننا سینەر<sup>(۱)</sup>

خوشدور یوما یومروڧلا منیم آغزیمی جانان  
سۆتۈک می یهله آغزیما اولسه مده بو یاران

سانکی دهلی بیر دهنیزدیر خشمه گلیب خشمی سۆنر .

تۆشدور هله ایندی بو قورا دۆزمه لی یهم  
دۆزسه م اوزومو بال کیمی شیرین اولاجاق

بوئو دئدی محکمه یه وارد اولدو محکمه نین عادل لری<sup>(۲)</sup> آل سینه ده دایاندیلار سئویله دیلر  
عرضیمیز وار :

خطادیر بویوک لر خطاسین دئمه ک  
اداسی<sup>(۳)</sup> پیس اولسا اداسین دئمه ک

کرم قاپیز<sup>(۴)</sup> اوزوموزه دائم آچیق اولدوڧ اوچون ایگیدلیکده ن اوزاق گوردوک  
آغزی میزی دوواقلا یاق<sup>(۵)</sup> حقیقتی قاپاقلا یاق<sup>(۶)</sup> . دوز سۆز بو دوز ، طاماح دیشین

۱ - جاننا یاتار ، آدامین خوشونا گهلر

۲ - قاضی لره اشاره دیر

۳ - روش ، رفتار

۴ - کرامت قاپی ویز

۵ - باغلا یاق ، اوستونه دوواق قویاق ، لال اولاق

۶ - قاپاق قویاق ، گیزله ده ک

چەكىن آتىن اوۋغلاندا دولاشمايىن رذالتىن بوياغىنا بولاشمايىن قضاوتىن  
مسندى چۈخ حرمت لىدىر حرمتىنە توخۇنمايىن عزتىنە خور<sup>(۱)</sup> باخمايىن .

اوۋكى ساخلاماز ذرە اوۋز حرمتىن نىجە حفظ اندەر اوۋزگە نىن عزتىن ؟  
اگر صاحب شهرت اولسان يۈز ايل كىغىر<sup>(۲)</sup> بىر عمل محو اندەر شهرتىن

قاضى دئدى : آلقىش<sup>(۳)</sup> گۈزەل صحبت يزە صداقتلى نىت يزە ، آمما دۇسلار :

گەلن دانلار منى ائىلەر ملامت اثر قىلماز داشا امما شمات  
اورەك سانكى اولۇب اوۋقارە زنگى<sup>(۴)</sup> چىمەر چايدا آغارماز قارە رنگى  
كۈنۈل سىن سىز دۈزەنمىز اى نگارىم آياقلانمىش ايلان تىك يۈخ قرارىم<sup>(۵)</sup>

بوۋو دئدى كىسەلرلىن آغزىن آچدى اوۋغلانى دوتۇب تورۇ سالماق اوۋچون  
اورەكلرى تورۇ سالدى . دئىدىلر : زرىن وارسا زورۇن واردىر ، زرسىز آدام  
زورسىز آدام .

بئلىنە آلسادا آغىر بىر داش  
قىزىلى گۈرجه گىن آيەر تئز باش

۱ - آسگىگ دوتمايىن

۲ - زشت ، چۈخ چۈخ پىس

۳ - احسنت ، آفرىن

۴ - آفرىقانىن قرەلرى ، سياهپوست

۵ - صبر ، دۈزۈم ، طاقت

سۆزۆن صونۇ خلوت ممکون اولان گئجه شهرین بویوک شهنه سینه خبر چاتدی قاضی  
فلان اوغلانجیقلایا باده<sup>(۱)</sup> ایچیپ مست ائیله ییب چالیئر اوینور بۇ سۆزلیرى اوْجا اوْجا  
اوْخویورو :

داهی بسدیر اوْخوما بانلاما ای بان<sup>(۲)</sup> گئجه یاری<sup>(۳)</sup>  
ایلک آخشامدان اَلیم تازه دوتوب دامن یاری  
اوْ قاری<sup>(۴)</sup> فتنه یاتیبدیر آیتق اول یاتماگیلان سن  
قویما عومرون هدر اولسون عومرون آزدی قراری<sup>(۵)</sup>  
بورقونون<sup>(۶)</sup> ، طبلین اذانین سسی گر چاتسادا عرشه  
قیما<sup>(۷)</sup> قاره بۇ گئجه صبح اولای گون سنی تاری  
سنه نه بان اوْخویور تیره دیری داغلاری بورقو  
دهلی لیکدیر یارا یوخ سئوله یه سن بورقویا آری<sup>(۸)</sup>

قاضی سۆزۆن قورتار مامیش تانیش لاردان بیرى وارد اولدۇ دئدی : تئز اول قورتار  
فتنه قوپدی ، فتنه اودۇن ایندی اگر سئوندورمه سن صونرا سئونمز ، گولدۇ دئدی :

---

۱- شراب ، می

۲- خروس

۳- گئجه اورتاسی ، نصف شب

۴- فانی بۇ دۇنیایا اشاره دیر

۵- عومرون قیسسا اولماغینا اشاره دیر

۶- منظور حمام بورقوسودور

۷- راضی اولما

۸- بورقونون سسینه خاطر یاردان آیریلماق دهلیلیکدیر .

شكاريُن خىردە گىن دۇتان اصلان  
نە سايار ايت اونا هورور هردهن  
ياريله سن گوروش اۋپوش ائيله  
سايما قوۋى پاتلاسيُن حسود دوشمن

ائيله اۋدم پادشاها يئتيرديلر فلان قاضى يولدان چىخىب يول سىرلار يولون  
گئدير فرمان ندير ؟ بويوردولار : ايندى يە دەك اوندان خطا اوز وئرمەيب عالم لرين  
عالميدير فاضل لرين فاضليدير دوشمن شايد يالان دئير بهتان آتير صحبتينه  
گيرمه يينجهن خلوتيني گورمه يينجهن حکم ائيله مەك روا دە گيل .

اۋكى ، خشمين اۋدماز آلا ر تيغ آله  
بیر آز گنچمه ميشدن حثيف سيزلەنر

سحر تئزدەن خانلارخانى بئش اۋن نفر نوكرلرله اۋ قاضى نين خلوتينه وارد اولدۇ گوردۇ  
بادە جالانىبدىر قرح<sup>(۱)</sup> سىنب سىنيق لارى قالانىبدىر . شاھد<sup>(۲)</sup> سرمست<sup>(۳)</sup>  
بیر كنجيدە<sup>(۴)</sup> سيخيليدير قاضى كئفلى بیر گوشەدە يىخيليدير . بىرى دئدى : قالخ  
اياغا گونش چىخدى . قاضى سۈزۈ آلدى دئدى : هانسى تايدان<sup>(۵)</sup> ؟ سۈيله ديلر گون  
دوغاندان<sup>(۶)</sup> ، اولۇ تانرى درگاهينا شكر ائيلەدى بوۋ حديثى پىچىلدادى « شانلى

۱- جام ، پيالا

۲- اوغلانا اشاره دير

۳- كئفلى

۴- گوشەدە

۵- سمت دەن

۶- مشرق



گوڭش گوڭ باتاندان چيخماي<sup>۱</sup>نجان قاي<sup>۱</sup>تماغا امكان واردير<sup>(۱)</sup>، يالني<sup>۱</sup>ز سندهن  
باغي<sup>۱</sup>شلانماق ايسته ييره م سنه سار<sup>۱</sup> يونه ليره م<sup>(۲)</sup> اولو تانريم « دئدى قوربان

بخت ناکامل و عقل ناتمام  
باعث اولدو دوز هامار يولدان چيخام  
سن بو يولدان چيخمي<sup>۱</sup>شى عفو ائت گيلان  
عفو او جالدار انساني نه انتقام

سلطان دئدى : بئيله سوزلر عذاب گوڭو چارا گلمز . « فَلَمْ يَكُ يَنْفَعُهُمْ اِيْمَانُهُمْ لَمَّا  
رَاَوْا بَاسَنَا »<sup>(۳)</sup>

اينانما اوغرو<sup>۱</sup>دان توبه كلامين او گوڭ كي داي آلى ديواره چاتماز  
اوجا بو<sup>۱</sup>ي کيمسeler آل آتما سين لار او بارلى شاخه يه ، آچاق آل آتماز

خانلار خانى سويله يه ركن اى خطاكار بئيله بويوك خطالره عطا اولماز، موكل<sup>(۴)</sup> لرتوك ولدولر  
بيله كلرين باغلاديلار ، قاضى دئدى : اى پادشاه بير سوزوم وار فرصت وئرسه ز عرض  
ايله ره م بويوردولار فرصتين وار . دئدى : قوربان

۱ - منظور توبه قاي<sup>۱</sup>سى هميشه آچيق دير

۲ - قايديرام

۳ - ايمان گتيرمكلرى اونلار اوچون فايداسيز اولجاقدير او زمان كي عذابيميزي گوردولر - مؤمن سوره سى

سكسان بشينجى آيه

۴ - مامورلار

اگر منى سئووه سن<sup>(۱)</sup> مین کرهن<sup>(۲)</sup> وورۇب دئووه سن  
 نه قدر قولدا گۈجۈم وار بۇراخمارام آتە گین  
 بۇیوکدو گرچه گوناھیم و لیک گۈزلە بیرەم<sup>(۳)</sup>  
 او ساعت اولسۇن امیر سئویله سین آچین بیله گین

امیر دئدی : ظرافت لی سۇز سئویله دین امما بئیله ظریف لطیف اینجه سۇزلر شرعین  
 حکمین باطل ائتمز ، حکم ائیلەدیم اۇجا دامدان سنی یثره بۇراخسینار<sup>(۴)</sup> اۇزگەرله  
 عبرت اولسۇن .

دئدی : قۇربان بۇ سارايدا دوغۇلמושام سفراویزیئن نارینیله بوئی آتمیشام بئیله بیر  
 ایش تکجه مندهن اوز وئرمه ییب چوخلاریئندان اوز وئریدیر حکم ائیلەیین بیر  
 اۇزگه سین دامدان یثره بۇراخسینار منیم اوچون عبرت اولسۇن .  
 سلطان گۈلدۈ گوناھلاریئن عفو ائیلەدی ، حسودلارا باخدی دئدی :

هر کیم اوز عیبینین یوکۈن داشییار  
 چالیشین طعنه<sup>(۵)</sup> وورمایین خلقه

۱- یامانلا یاسان

۲- دفعه ، نوبت

۳- انتظار چه کیره م

۴- منظور یثره آتسینلار

۵- ملامت ، دانلاق ، سرزنش

## ● حكايت

-۲۰-

گۆزەللىكده جمالدا سانكى غلمان<sup>(۲)</sup>  
 صنم له كشتى ايچره يولداش اولدو  
 ده نيزدهن كشتى يه آتلاندى<sup>(۴)</sup> زور سئل  
 اگيلدى بؤيرو اوسته آشدى كشتى  
 تنز اول اوغلان آلين وئر تا دوتوم من  
 كى يارسيز كؤنلومون يوخدور قرارى  
 بو دونيادهن او دم گوز يومدو اوغلان  
 بئله بير سؤز پيچيلديردى جو ماندا :  
 يامان گون سئوگى<sup>(۷)</sup> سين يارين اونودماز  
 قديم بيراهه يه<sup>(۸)</sup> حتما قويوبدير  
 سنين تك وورقون انسان يوخدو سعدى  
 بو دونيانين خيالىن باشدان آت داي  
 داهى ليلادهن اوتر اولمازدى دلخون<sup>(۱۰)</sup>

وفالى بير صفالى مخلص<sup>(۱)</sup> اوغلان  
 كماللى بير قيزيله سئير<sup>(۳)</sup> داش اولدو  
 ائشيديم بير گئجه قاوزاندى بير يئل  
 سئل آتلاندى سو باسدى داشدى كشتى  
 هاراي ايچره اوجا بيرسس دئدى : سن  
 دئدى: گئت دوت سؤدان اول او يارى  
 بو صحبت بيتمه ميشدهن<sup>(۵)</sup> جو مودو<sup>(۶)</sup> اوغلان  
 قارا شهلا گوزون اوغلان يوماندا  
 او كى عاشقدى دلدارين اونودماز  
 او عاشق كى دئدى ياردان دويوبدير  
 وورولدوم سئويه نلر چوخدو سعدى  
 اگر گوردون سماده<sup>(۹)</sup> آيرى بير آي  
 بو آغلار گوزلرى گؤرسئيدى مجنون

۱- ارادتلى ، اوره گى پاك

۲- فرشته ، ملك

۳- همراز ، اوره كلى بير اولماغا اشاره دير

۴- حركت ائيله دى ، جارى اولدو

۵- صوئا چاتمايشدان ، باشا يتيشمه ميشدهن

۶- باتدى ، منظور بوغولدو

۷- يار ، دلدار

۸- آيرى يول ، يولدان اوزاق

۹- گؤي

۱۰- باغرى قان ، اوره گى قانلى



میں اور میرا دل دو ہستیوں  
 اور شدہ ایک نوبت میں

پنچ کسبہ نامہ اولوں  
 عالمہ منہ نامہ



التيه باب

قۇجالىغىن كاهل ليگى

قۇجالىغىن كاهل ليگى

## قۇجالىغىن كاھلىگى

### • ھاكايت

۱- دىمشقىن مىن بۇيۇك جامىع مىسجىدىندە مۇمىنلار دىنىششىردىم بىرى وارد اولدۇ دىدى : بۇ مىسجىدە فارس دىلىن بىلەن واردىر ؟ دىدىم : واردىر سۇزۇن سئوىلە . دىدى : ياشى يۇز آللى دەن گىچمىش آتام صۇن ساعىتىن گىچىردىرى . صۇن ساعىتدە فارسىجا بىر سۇزلر دىيىر باش تاپىرىق او سۇزلرى بىزىم دىلە چئورىسن<sup>(۱)</sup> سىن مىمون اوللۇق . يۇلا دۇشۇدۇم سىرايىنا<sup>(۲)</sup> وارد اولدۇم گۇردۇم دىيىر :

عۇمۇر باشە چاتدى كسىلدى نىفس  
أجل ساقىسى سئوىلەدى بادە بس<sup>(۴)</sup>

گۇزەل لىلرلە بىش گۇن نىفس چىكمە مىش  
مىن اول جامى قالدىرىب<sup>(۳)</sup> اىچمە مىش

۱ - چئورىمىك = تىرجمە ائىتمىك

۲ - سىراى = مىنزل ، ائو

۳ - قاوزايىب

۴ - بسدىر ، قۇرتار

اۋ سۆزلىرى شاملىلار<sup>(۱)</sup> سئويلەيەر كىن بىرى دئدى : سانكى فانى بۇ دۇنيادان دۇيمايىبىدەر ھلە گۈزۈ دۇنيادايىر . دئدىم كىشى نە حالداسان ؟ گۈلدۈ دئدى :

عذابى چۈخدۇ گۈرۈبسن دىشىن چەكندە ولى

عذابى مەن اۋ قەدەردىر چىخاندا جان بايىرا<sup>(۲)</sup>

دئدىم : اۋلۇم فېكرىن اۋتۇر بۇ صحبتەن داي ال گۇتۇر حكيملردەن بىرى دئيب : كئفى سزلىق وار اولماغا<sup>(۳)</sup> دليىل دەگيل ناساز اولماق يۇخ اولماغا<sup>(۴)</sup> . ايذن وئرسەن حكيم گلەر ، گۈزۈن يۇمدو تۇمدو دئدى :

ياغى يۇخ ايندىجە سئۇنر بۇ چراخ	گۈزۈمە باخجاغىن حكيم سئويلر
بنادان گۇردۇ ائو اۋچوبدۇ باياخ <sup>(۵)</sup>	خواجە ايستىردى ايوانىن بەزەسىن
تتزل اول آرواد دئيردى گەل ياغى ياخ	بىر قۇجا قىچ قولۇن اوزاتمىشىدى
نە دوا وئىچ وئەرەر نە ايسىتى دۇواخ <sup>(۶)</sup>	اونداكى جسم آغىر آزار گۇردۇ

## ● حكايت

۲- آن بىر ياشلى قۇجا كىشى ايتى نفسىن باداغىلا باداخلاندى<sup>(۷)</sup> گۈزەل جوان بىر قىزىلە آداخلاندى . طوى گئجەسى صبحە كىمى صحبتەن ال گۇتۇرمەدى قىزىن آلىن

- ۱- شام اھلى
- ۲- چۈلە ، ئىشىگە
- ۳- دىرى قالمغا ، غۇمۇر سۇرمەگە
- ۴- اولمەگە ، ھلاكتە

- ۵- بىر آز مەلت بۇندان قاباخ
- ۶- داش يا ساغسى دان دۈزەلەنن قاباخ ، آغرى آزالماق اۋچۇن آغرىنىن اۋستونە ايسىتى دۇواخ قۇيارمىشلار .
- ۷- نفسىن سۈزۈنە آلدانماغا اشاره دىر

اۋتۇرمەدى ، ايرى قارا گۈزدەن دئدى اۋرەكدهكى كۈزدەن دئدى ، هردهنده بير سۇز آراسى سۇز  
 آتيردى ، بختين چوخذۇر بختين اگر آز اولسايدى منه قسمت اولمازيديشن سئوين گيلان  
 آرين ايستى ساوۇق چه كيب ياخشى پيسى آنلير ندير . عاغىل ليدير نادان ده گيل فيكيلدير  
 جوان ده گيل ، جوان كيمسه سنين قديرين بيلمەيدى ، گۈز ياشيوى سيلمەيدى .

سؤومەرەم<sup>(۱)</sup> من سنى منى سئووسن      دؤومەرەم مين كرهن<sup>(۲)</sup> منى دؤوسن  
 ائل قوھوم طايقامى رها ائدەرەم      جانيمى جانيوه فدا ائدەرەم

جوان آره گندسئيدىن سن ايكي قولون چيرمالاردى سنى هر گون تاپدالاردى . گنجە  
 ائوده ياتمازيدي باشقا ياريشن فيكرين باشدان آتمازيدي ، صنملره وورولاردى  
 گۈزەل لرين قورقوسيله قورولاردى .

وفا اوڧما او بولبولدەن كى هر آن      قونار گولدهن گولە گولدهن بوداقە  
 جوانين اولسادا تر آل ياناقى      وفاسى يوڧ وورولما آل ياناقە

جوان ، جھلين ايزين ايزلەر قوجا عقلين .

عاغىل سيز رفيقين چاليش آت داشين  
 كى سندهن گرەك چوڧ بيله يولداشين

۱ - يامان دئمەرەم

۲ - دفعە

۳ - سىم

۴ - بولبولدا غيتا ن چاليش

۵ - كاپالاش

۶ - سىملىق مەنەن بولسا نالوچا نەملىق آرتى تەنەن



بۇ سۆزلەردەن اۇ قدر دۇدى خيال ائتدى جوان قىزىن عىلن اۇدۇ قفسدەكى قوشۇن  
دۇتدۇ، امما اۇ قىز اُن دەریندەن بیر آه چکدى دۇدى سنین صحبتیوى قانانمىرام  
سۇد اَنامىن نصیحتین دانانمىرام کی دئیەردى: جوان قىزىن سینه سینه اۇخ  
سانجیلا قۇجا کیشی سانجیلامایا .

دۇدى بیر تازه گلین جیک<sup>(۱)</sup> قۇجا یاشلى ارینه  
اۇ ندیر<sup>(۲)</sup>؟ سنده اۇلۇبدور آکیشی سئویله منه  
سحر<sup>(۳)</sup> افسون اۇخۇما سحر اۇینادیـرمـاز اۇنو  
قۇرتاریبـدیـر داهی وئج وئرمەیه جکـدیـر اۇسنه<sup>(۴)</sup>

\*\*\*

ناراضی اگر چیخسا قادین اُر یاتاغیندان<sup>(۵)</sup>  
فتنه قوپاجاق عالمه اۇ فتنه سرادهن  
بیر کیمسه کی جسمین عىاسیز قاوزایا بيلمیر  
آخر نه قدهر ایش اۇماجاق یاتمیش عىادهن<sup>(۶)</sup>

سۇزۇن صۇنو ایش دۇتمادی آیریلدىلار<sup>(۷)</sup>. گلین جیگین عدەسى<sup>(۸)</sup> چون باشا چاتدی  
قاش قاباقلی فقیر حقیر بیر اۇغلانا عقد اۇلۇندۇ . اۇغلان قىزی گۇندە اۇن یول دۇوهردى

۱ - بالاجا گلین

۲ - کیشی لیک نشانە سینه اشاره دیر

۳ - جادو ، افسون

۴ - وئج دەن دۇشمە گە اشاره دیر

۵ - بستر

۶ - کیشی نین آلتینه اشاره دیر

۷ - بۇشاندىلار

۸ - اۇ مدت کی اریندەن آیریلان آرواد ارە گندە بيلمەز

قىز نىمەت وئەن اولۇ تانرى درگاھىنا حمد ائەدەردى دئەردى شىكر منى اليم<sup>(۱)</sup> او  
عذابدان قور تارىب سان بو نىمەتە چاتدىرىب سان .

ھەر چىندىكى قاش قاباقلى سان سن      نازىن چەكرەم كى نازىن سن  
ھىھات گزەم بەشتە سن سىز      يادىلە چىندە گزەمەن سىز  
گۈلدۈر مەنە يار تىكاندا دەرسە      خاردىر يولا ياد چىچىك دە دەرسە

### ● ھىكايەت

۳- گىجەلەرىن بىرىندە بىر<sup>(۲)</sup> دىيارىندە ان مەنتلى بىر كىشى يە قوناق اولدۇم . سۆز  
آراسى سئوال ائىدىم نىچە اوغلۇن ، قىزىن واردير ؟ دئدى : يالنىز بىر اوغلۇم وار ،  
اوزون ايل لر ائولادىمىز اولمازىدى . اوتۇر آغاج بىزدەن اوزاق بىر اودۇملو آغاج  
واردىر حاجت وئەرەر حاجت اودۇم پاى پايلادىم نىيازىمى اوندان آلدىم . ھىمان  
اوغلان اوتۇر موشدو او سۆزلىرى ائشىدەركن يولداشينا پىچىلدىردى ، او آغاجىن  
يثرىن بىلسەم كۆلگەسىندە يوخسول لارى توخ ائىلەرەم بو كىشىنى يوخ ائىلە يە . او  
دئىردى اوجالىبدىر عاغىللى دىر<sup>(۳)</sup> بو دئىردى قوجالىبدىر عاغىل سىزدىر<sup>(۴)</sup> .

ائىلە باشدان وفا داشىن آتدىن      خىرىن اولمادى قوجا آتادان  
آتاوا سن دۈنەنە ائتمىشىدىن      گۈزلەيىرسن<sup>(۵)</sup> اونو بو گۈن بالادان

۱ - دىردىناك ، دىردىلى

۲ - دىجەلەن كىنارىندە بىر شەرىن آدى دىر

۳ - بوئى آتىب ياشا دولۇب

۴ - عاغىللىن آلدەن وئرىب

۵ - اومورسان ، اىستەيىرسن

## ● حکایت

۴- جيلاز جوان اوغلانیدیم بیر نفسه چيخدیم داغا داغدان آشدیم ، یورغون دوشوب ییخیلمیشدیم بیر گوشه یه سیخیلمیشدیم کروان چاتدی . کروان ایزین بیر ایزله یه آریش قوجا دندی : جوان یاتماگیلان ایندی یاتماق وقتی ده گیل . دندیم : ائيله یورولموشام قالخیب آددیم آتنامارام کروانا من چاتنامارام . دندی : مگر بیلمیردین سن ؟ آستا گندهن یوردا چاتار ، یترین گندهن دوشر یاتار .

کیمسه صون منزله سئوه چاتسین  
تئز چاتیم صحبتین گرهک آتسین  
دهوه آستا گندهر چاتار یوردا  
بئدو<sup>(۱)</sup> آت چوخ زامان باتار<sup>(۲)</sup> یولدا

## ● حکایت

۵- گوزو قارا خوش باخیشلی سوزو دورو لام آخیشلی بیر اوغلانجیق بیزیم عشرت حلقه میزه<sup>(۳)</sup> قوشولاردی کی هئج زامان قاش قاباقلی اولمازیددی گولوش گولو دوداغیندان سولمازیددی . آن بیر آغیر<sup>(۴)</sup> آیریلیقدان صونرا بیر گون گوردوم گلیر ائوله نیبدر اوشاق باسیب قارا زولفی آغاریبیدی آل یاناغی سارالیبیدی ، اینجه غنچه دوداقلاری قاچا بیلمیر قاش قباغین آچا بیلمیر . دندیم : یولداش نه حالداسان ؟ دندی : قارداش او گوندهن کی ایلک ائولادیم دوغولوبیدی شادلیق منده بوغولوبیدی .

۱ - یترین قاچان آت

۲ - ایتەر ، قالار

۳ - جرگه ، محفل

۴ - اوزون

گۈز گۈرەركن بۇ قارا زولف آرا ايلك آغى<sup>۱</sup>  
 داشا وۇردۇم باشا وئردىم داھى سۇنجۇق لاماغى<sup>(۱)</sup>  
 كۈرپەلىك دئورانينى<sup>(۲)</sup> آي كىشى قوۋى داي قىراغا  
 اويناىماق ياخشى اگر اولسادا خوشدور اوشاغا  
 سن قۇجالدىن داھى ھاي وئرمە جوانلىق ھايىنا  
 قۇرتۇلان تير محال سۇزدو قايىتسىن يايىنا  
 سارى سۇنبول قايىدىب بىردە ياشىل اولماياجاق  
 يۇخدو بىر غنچە<sup>(۳)</sup> بۇ گون آچسا صاباح سولماياجاق

\*\*\*

حئيف جوانلىق او طرب گونلريم  
 سانكى يوزام<sup>(۴)</sup> من كىمى بىر اصلانا  
 قارە<sup>(۵)</sup> اندىردى قارى<sup>(۶)</sup> آغ ساچلارين  
 قاپقارا گر اولسادا آغ تئل لرين  
 بىر نچە ايل ايچرە بوتون اولدو ضاى  
 بىر تكة پندىر<sup>(۷)</sup> بۇ فلک وئردى پاى  
 صاحىبى<sup>(۸)</sup> گوردو دئدى قىز<sup>(۹)</sup> بسدى داي  
 ايرى بئلىن اولماياجاق ايلكه تاى<sup>(۱۰)</sup>

۱ - اوشاقلىق گونلرين اۇنودماغا اشارهدير

۲ - دوران ، ايام

۳ - چىچك

۴ - پلنگ كىمى بىر حيواندىر اهلى اولار پنىرى چوخ سنوهر

۵ - ساچينا قارا رنگ قويۇردو

۶ - قۇجا آرواد

۷ - پنىر

۸ - ارى ، همسرى

۹ - او قارى آروادا اشارهدير

۱۰ - مثل ، منظور بئليوين ايرىسى دوزەلمز



● **حكايت**

۶- جوان جاھل اوغلانىشىدىم بىر گون آنا حورمەتيني اونودوم بىرک هاراي تپديم<sup>(۱)</sup>،  
گوزو دولدو غمگين اولدو، دندى : اولما كورپه چاغين اونودوب سان بئيله هاراي  
تەپىرسىن سىن ؟

نە خوش سئويلەدى اوغلوتا اول قارى  
دونن ات بالايدين قوجاقىمدە حثيف  
او گون كى بوغوردو فيلى اصلانى  
بو گون سىن اونودون گنچەن دورانى  
دئمه زدين اولوم من جفانين كانى

● **حكايت**

۷- وارلى قىتمير<sup>(۲)</sup> بىر كيشى نين خستەليگه ياتان اوغلو صون گونلرين گنچيرديردي،  
بىرى دندى : يا بىر قرآن ختم<sup>(۳)</sup> انت گيلان يا بىر قويون كسدير گيلان . دندى : قرآن ختم  
ائيله رەم ، قرآن ائوده طاخچادايىر آمما قويون باغچادايىر ، سوز صاحبي دندى : يوخ  
يوخ قرآن ديلين اوچوندايىر آلتون اورهك قوچوندايىر<sup>(۴)</sup> .

بو دونيا خالقين ائيله عبادت  
خسيس سئويلەر درم يوخدور وثرەم من  
عبادت خوش اولار اولسا سخاوت  
ولى الحمد<sup>(۵)</sup> چوخدور ايسته سىن سىن

---

۱ - باغشردىم ، قىشقىردىم

۲ - كرامت سىز ، خسيس

۳ - قرانى اولدەن آخره اوخوماق

۴ - آغوش ، قوجاق

۵ - فاتحه سورەسى

## ● ھاكايت

۸- بىر قۇجادان سۆزۈشۈڭلار نەن خاۋر ائولەنمىرسن ؟ گۈلدۈ دئدى : قارىلارلا  
عېشىم دۇتماز . سئۈيلەدیلر : وارېن چۇخدۇر جوان قىز آل . دئدى : أدە من  
قۇجايام قۇجالارلا عېشىم دۇتمۇر جوان قىزېن ھاچان منەن عېشى دۇتار ؟

يئددى اون دان<sup>(۱)</sup> سنى آشمېش بىر قۇجا  
آرزىلاردى بىردە كاش اوغلان اولام  
سانكى دىدەن گۈزلىرى سوزموش آدم  
يالواراردى گۈزلۈ بىر انسان اولام

\*\*\*

فخر ائتمە زر وارېندىر يۈز دەۋە  
تویدا زورە زر كېشى اولماز برە<sup>(۲)</sup>  
بانو<sup>(۳)</sup> نىلىر آش پېشىرسىن اون قازان  
او ھويج<sup>(۴)</sup> اىستىر نە اون باتمان ترە

۱ - يىتمېش

۲ - حریف

۳ - قادىن ، خانم

۴ - كېشى نېن آلتىنە اشاره دىر

## ● حکایت

-۹-

بیزیم بوئیترده قوجا وارلی بیر کیشی بیر گون  
دئدی : گرهک آلام آرواد کی قالمیشام یالقیز<sup>(۱)</sup>  
قیزیل گوْموش کیسه سین آچدی پایلادی گوهر  
دولاندى عاقبت آلدی آدی گهر<sup>(۲)</sup> بیر قیز  
گهر نه قیز اوزونو گورمه میشدی نامحرم  
حیالی لر سئراسیندا<sup>(۳)</sup> حیاده تای سیزیدیر  
وفا ، صفا ادب اهلی بو دنیادا چوْخ دور  
وفالی قیزلارین ایچره وفاده تای سیزیدیر  
قیزین او اینجه آلین وئرجه گین بیگین آینه  
اوتانما گهل ایچهری سئویله دی قیزا او کیشی  
کمانی<sup>(۴)</sup> آلدی آله چوْخ چالیشدی آتسین اوْخون  
سحر دوشوندو هدف اوْخلاماق ده گیل دای ایشی  
اثلئی کی<sup>(۵)</sup> گوردو زامان قدرتین آلیب آلدن  
باغیردی چکدی هارای سئویله دی گلیب گئدنه

۱ - سوبای ، آروادسیز

۲ - جواهر ، قیزین آدی گهریمیش .

۳ - جرگه سینده ، ردیفینده

۴ - کیشی نین آلتینه اشاره دیر

۵ - وقتی که ، او زامان کی

ائوى سىلىب سۆپۈرۈپ ھەر نە وار اۇ قىز آپارىب  
 جىرىق جىجىم<sup>(۱)</sup> تىكەسىن قويمايىب قالا اۇ منە  
 قىزىن سسى قۇجانيُن ھاي كۆيۈ يايلىدى ائله  
 گەلەن دئدى : نە اولۇبدۇر يىغىشدىلار سحرى  
 اۇ ھاي كۆيە ھارايلا شەنە<sup>(۲)</sup> گلىدى سەدى دئدى :  
 آلین أسیر آكيشى سن دەلن مەسن گھرى<sup>(۳)</sup>

۱ - جاجىم ، گلیم ، پالاس

۲ - قۇزۇقچى ، پاسبان

۳ - جواھرى دۆزۈمە دۆزۈمك اۆچۈن دەلەرلر ، ال أسندە دەلمك اولماز



کعبه‌نشین شمس طریقه  
پایه دهان و جامه‌بندی در پی

از کعبه‌نشینان کعبه کعبه  
پایه دهان کعبه کعبه



بۇددىيەت باب



تربىيىتىن تائىرلىرى

تربىيىتىن تائىرلىرى

## تربیتین تأثیرلری

### • حکایت

۱- وزیرلردهن بیرى جاهل اوغلون عاقل خدمتینه گوندهرمیشدیر عقل اؤیره نه . عاقل خیلک زحمت چکدی زحمتلری بار وئرمه دی . دئدی : وزیر من عقلیمی آلدن وئردیم اوغلون عاغل اؤیره نمه دی .

تربیت اهلینه اثر ائیلر      ذات پیس انسانا اثر ائتمز  
گؤرسه عاقل کی پاس اوغوب ده میری      وقتینی صیقله هدر ائتمز

\*\*\*

ایت ناپاکدی<sup>۱</sup>ر او پاک اولمایاجاق      یئددی دریا ایچینده چیمدیره سن  
مکه<sup>۲</sup>دهن گلسه عیسی نی<sup>۳</sup>ن اولاغی<sup>۴</sup>      او اولاخدی<sup>۵</sup>ر او<sup>۶</sup>نا اولاخ دنگیلن

## • حکایت

۲- ائشیدیم بیر عقلی اوجا عاقل قوجا اوشاقلارین ییغدی دئدی : سیزی تانری<sup>۱</sup> هندهن آل گوتورمه یین علمین ایپین اؤتورمه یین ، وار۱ آت۱ن علمه چات۱ن ، وارلی<sup>۲</sup> بیر گون وار۱ن اژه ر واریس۱ز گزه ر ، هنر آما کسيلمه یین بیر بولاخدی<sup>۳</sup>ر قورومایان بیر ایرماخدی<sup>۴</sup>ر<sup>(۱)</sup>. وار صاحبی واریس۱ز اولار هنر اهلی واریس۱ز اولماز ، هنرچی نین<sup>(۲)</sup> هر زاماندا عزتی وار هر مکاندا حرمتی وار هنرسیزلر چوخ قاچارلار آما دائم آل آچارلار .

چوخ چتین دیر بیر عومور ناز ائيله یه ن  
بختی قاوزانمیش قولون<sup>(۳)</sup> نازی۱ن چکه

\*\*\*

ائيله فتنه<sup>(۴)</sup> قوپدی بیر گون شامیده وارلی<sup>۵</sup> واریس۱ز چولده ویلان<sup>(۵)</sup> اولدولار  
فخر ائده نلر ائو ائشیک ائل طایفایا ائل قوهوم سیز ائوسیز انسان اولدولار  
پادشاهین بی هنر اوغلانلاری<sup>۶</sup> بیر عومور محتاج احسان اولدولار  
علم ، دانش ، سوز ، هنر صاحب لری<sup>۷</sup> باش وزیر ، سلطان دوران اولدولار

## • حکایت

۳- ادیبلرده ن<sup>(۶)</sup> بیرى کیچیک بیر شازدایا<sup>(۷)</sup> ادب درسی اؤیره ده نده اونو چوخلۇ

۱ - چای ، رود

۲ - هنرمند ، هنر صاحبی

۳ - غلام ، نوکر

۴ - آشوب ، فیرتانا

۵ - سرگردان ، آواره

۶ - ادب اهلی ، فاضل

۷ - شاهزاده



اینجیده‌ردی حددهن آرتیق سینسیده‌ردی . بیر گون اوغلان بیر حالداکی مه‌لی ییردی گوزوندهن یاش آلی ییردی جسمینده کی تون<sup>(۱)</sup> ایزله‌رین آتاسینا گؤسته‌ره‌رکن ، سلطان خشمه گلدی دئدی : ادیب گل‌سین دئدی : باشقا بیزیم اوغلان اوغلان لارین هئچ بیرسین اینجیدمیرسن سبب ندیر ؟ دئدی : قوربان شازدا سلطان اولاجاقدیر سلطان گره‌ک دوز سوزیله ایری سوزون فرقین بیله ائل گوزونون یاشین سیله ، هامار یولدان بودرهمه‌یه دوز یئری‌یه ، دوز یئریشلی پادشاهی خلق سئوهر ، اونون سوزو یوز اولکده یایلاجاق منیم سوزوم هانسی یئرده یایلاجاق ؟

خطا گر ائیله‌سه یوز یول او درویش  
خطا لردهن بیرین گورمز جماعت  
گئجه بیر گولمه‌لی سوز سئویله‌سه شاه  
سحر گون چرخ‌مامیش سئویله رعیت

بوئا گوره جهد ائیله‌دیم تانری‌میلا<sup>(۲)</sup> عهد ائیله‌دیم تربیتی رعیتدهن اوستون اولسون -  
اُتَبَتَهُمُ اللهُ نَبَاتًا حَسَنًا -<sup>(۳)</sup>

کیم ادب اولماسا کیچیک چاغدا  
آغاجی تر چاغیندا ایمه‌گ اولار  
صونرالار آغ گونون اوزون گورمز  
قوروسا کیمسه دای دوزون گورمز

۱ - آغاج ، ترکه

۲ - آلاهی‌میلا

۳ - آل عمران سوره‌سی اوتوز یئددینجی آیه‌سیندهن الهام آلینب . « تانری اونلاری یاخشی تربیتله تربیت

ائیله‌سین »

سلطان گۈزەل بو سۆزلىرى آقئىشلادى اونا خلعت چوخلو نعمت باغئىشلادى  
صوترا دئدى :

اوشاق گۈرمەسە جور<sup>(۱)</sup> آموزگار      اونا جور ائدەر بير عۆمۈر روزگار

### ● حكايت

۴- بير معلّم گۈردۈم باتى ديارينده<sup>(۲)</sup> چۇخ ھىيتلى صلابتلى ، محبت سىز مروت سىز ،  
بير انسان كى شقاوتدە تاى سىزىدى دىانتدەن پاى سىزىدى ، خلق اونون ايش لرىندەن  
بىزارىدى ايشى يالنىز آزارىدى ، شاگردلىرى قوللوقوندا أسەردىلر كس دئىندە  
سس لرىنى كسەردىلر . شاپالاقلا<sup>(۳)</sup> آلمادان آل ياناق لارى سارالداردى يۇمۇرۇقلا  
گۈمۈشدەن آغ بوخاق لارى قارالداردى . بير گۈن ملىت آزارىندان بئزار<sup>(۴)</sup> اولدۇ  
سئويلەدىلر ايستەمىرىك اوچدۇردولار<sup>(۵)</sup> يئریندە بير نفسى تمىز علمى دەنیز عالم انسان  
قوندۇردولار ، بير انسان كى گۈيلۈ نفرت حاسارىندان آشمازىدى دۈزۈم جامى  
آورەگىندە داشمازىدى انسان لارى اينجىتمەزدى بير كىمسەنى سىنسىدەمەزدى . او خوش  
نيت نىك سىرت فرشتەنى اوخۇجولار<sup>(۶)</sup> گۈرەن گۈندەن اىلك اۇستادىن صلابتتىن  
اونۇددولار ديو اولدۇلار درسى مشقى بو راخدىلار ميل<sup>(۷)</sup> دۈردۇلار

۱ - ستم ، ظلم

۲ - مغرب زمين

۳ - سيلله ، سىلى

۴ - بىزار اولدۇ ، تنگە گلدی

۵ - منظور ايشدەن سالدیلار

۶ - محصل لر ، شاگردلر

۷ - كلله ماياللاق ، بالانس

اوستاد اگر وئرمه سه شاگردینه آزار  
شاگردی بوکهر دفتری چۆلدە عاشیق اوینار

بئش اون گۆندەن صۆترا بیر گۆن او مسجدهن گئچیردیم من گۆردۆم یئنه ایلک  
اوستادین سسی گلیر ، فیکره جوؤمدوم توؤمدوم دئدیم : نەدن خاطر بو  
ابلیسی<sup>(۱)</sup> ملکلره<sup>(۲)</sup> یئنه اوستاد ائیلەدیلر . آن بیر ضعیف ظریف کیشی گۆلدۆ دئدی :

مکتبه اوغلۆتو قویان سلطان      بو سۆزۆ داشلار اۆسته قازدیردی  
اوستادین اینجیمه جفاسیندەن      گوؤش اۆسته زریله یازدیردی

## ● حکایت

۵- بیر زاهدین اوغلۆ خیلەک عمی سیندەن ارث آپاردی . ارث آیینە چاتان گۆندەن  
ناخلفلر خلوتینە داخل اولدو فاسد گروه صحبتینە مایل اولدو . یئدی ایچدی می دەن  
گۆیلۆن توخ ائیلەدی وارین کۆکدەن یوئ ائیلەدی . آیین دۆتدۆم دئدیم اوغلۆ  
دخل<sup>(۳)</sup> چای دیر عیش ایشلەک بیر دەگیرمان ، حددەن آرتیق خرج اندەنین حددەن  
آرتیق دخلی گرەک .

یاشیل داغە بۆلۆد گر وئرمه سه پای      قۆرو بیر چای اولار ناققا چیمەن چای  
اگر دخلین یوئخۆندور خرج آز ائت      قارا ایللر گەلر گئدسە بو خوش آی

۱ - شیطان

۲ - فرشته

۳ - درآمد

فېكرىن ايزىن ايزلە گىلان عقلين باتان مېنىك<sup>(۱)</sup> لرىن دىزلە گىلان عىشى اۋتور بۇ  
ايش لردەن دای ال گۇتور يۇخسا صاباح يىرتىق پالتار گىئە جكسن نارىن چۇرەك  
يىئە جكسن ، مى دەن نى دەن مست و مدهوش اولان اوغلان سۇزلىمە آغزىن بوزدۇ  
ال لرىمدەن آلىن اوزدۇ ، گۈلدۇ دندى : كىم بۇ گۈنۈن گلەن گۈنە ساتدۇ عاغىل  
اهلى دە گىل .

صاباح چون گلە يىب عاقل ادام لار  
صاباحدان سۇز آچىب قصە دئملر  
گۈزەل بۇ لحظه نى وئرمزلىر آلدەن  
گەلن گۈندەن اۋتور غصە يئملر

اولا بىلمز فتوتلى انسان اولام مروتلى اوغلان اولام پايىم<sup>(۲)</sup> اولا پايلا ميام هايىم  
اولا هايلا ميام هاممى دئە وارىم چۇخدۇر دئەم يۇخدۇر قاپ باجامى باغلايام من  
صون گۈنۈمە آغلايام من .

اهل كرم سئويلەسە ائل لىر سەن      يۇخدۇ درم سئويلەمەسن دوشمنە  
حاتمە كىم اولسا كرامتدە تاي      باغلايا بىلمز قاپى سىن خلقە داي

گۇردۇم ساووق بىر دەمىردىر كۇزلى سۇزۇم سىنە سىنە اثر ائتمىر اوزدەن گىتمىر  
صحبىتىندەن ال گۇتوردوم ، نصيحتىن داي اۋتوردوم . حكىم لردەن بىرى دئىب حق



سۆزلىرىن سئويلە گىلان سۆز ائشىدەن اولماسادا .

ائشىدەن وئرمەسە باش حق سۆزۈنە  
 عىيى يۇخدۇر سۆزۈنۈ سئويلە گىلان  
 كىمسە باتلاقلى يۇلا سئويلە يە دۈز  
 باتاجاقدىر گۈرە جكسن اونۇ سن  
 ايرى يۇللاردا ايتەن كىمسە دئەر  
 حىيف باش قوشمازىدىم حق سۆزە من

آز مدتەن صۇنرا گۇردۇم جىرىق يىرتىق پالتار گئىپ پاى دىلەنير قىسەسىندەن  
 غىسەلندىم مروتەن اوزاق گۇردۇم سۇنۇك اودۇن آلىشىدىرام فىكرىن پوزام  
 قارىشىدىرام ، اوز اوزۇمە آستا دئدىم :

مى جامىن سرخوش آلاندا ساقى دەن      يۇخ گونۇ وارسىزلىغى گۇرمز گۇزۇ  
 بار وئرنەندە بارلى باغچا ياي گونۇ      قىش گونۇ بارسىزلىغى گۇرمز گۇزۇ

## ● حكايت

۶- سلطانلارىن بىرى بىر گون بىر ادبە امر ائىلەدى بۇ اوغلانا ائىلە ادب اۋىرەت گىلان  
 سانكى سىنن اوز اوغلۇندور ، گۇزۇم اۋستە دندى گندى اۋزون مدت زحمت چكدى  
 ادىبزادە بلاغتە صون پىللە يە<sup>(۱)</sup> قدم قويدۇ ملكزادە اىلك آدىمىن آتانمادى .  
 سلطان غىظە<sup>(۲)</sup> گلدى دندى : سئويلە ندەن ؟ عەدىن داندىن اىلقارىۋى<sup>(۳)</sup> اۋنۇدون

۱ - درجە

۲ - خشم ، غضب

۳ - عهد ، پيمان

سن . دئدی : قوربان من عهدیمی اونودمادیئم طبیعتلر فرقیلیدیر .

سیم و زر حاصل<sup>(۱)</sup> اولار داشدان ولی      هر داشین باغریندا اولماز سیم و زر  
گون قیزیرقانماز باغا امما او باغ      میوه سین گاهی شیرین گاه تورش اندهر

### ● حکایت

۷- مرشدلردهن بیرر گون مریدینه<sup>(۲)</sup> دئدی انسان رزقی قدهر رزق وئرهن دئنه یولدا  
چالیشسایدی ملانکدهن چونخ ایرهلی دایاناردی .

اونودمازدی سنی بیر لحظه تانری  
او گون کی نطفه ده مدهوشیدین<sup>(۳)</sup> سن  
سنه هوش و شعور ادراک وئردی  
عاغیل سیز ، درک سیز بی هوشیدین سن  
چیگین لطف ائله دی بارماق بیلک ، ال  
بیلک سیز شانه سیز بی دوشیدین<sup>(۴)</sup> سن  
سنی ای هوشیار سالماز نظردهن  
نظردهن سالمادی مدهوشیدین سن

۱ - آله گه لر ، استخراج اولار

۲ - شاگرد

۳ - مست ، هوش سیز

۴ - شانه ، چیگین

## ● حکایت

۸- آتاسینین ایشلریندهن شیشهن<sup>(۱)</sup> جاھل بیر جوانا سئویله دیلر قیامتده سؤزوشمازلار آتان کیمدیر سؤزوشارلار اؤزؤن کیم سن ؟

کعبه نین شن شرفلی پردهلری  
پیلهدهن<sup>(۲)</sup> اوما ییبدی<sup>(۳)</sup> حرمتینی  
اگلەشیب یاریله گئجه گوندوز  
یاریدن کسب ائدیبدیر عزتینی

## ● حکایت

۹- حکیملرین یازدیقلاری نشان وئریر کیمسه عقرب دؤغولماغین گؤره بیلمز چون کی عقرب آناسینین ایچین یئیهر قارنین سؤکهر باش چیخاردار . یوواسیندا قورو قابیق تۆکوتتوسو بو سؤزلرین دوز اولماغین بیلەندیرەر . بیر گون بیلەن بیر عالمدهن بو بارەده سئوال ائتدیم ، گولدو دئدی : علت اودور ایشین نیشین خلق اویره !

بیر آتا اوغلونا دئدی اوغلو  
قولاغین آچ گیلان ائشید بو سؤزو  
کیمسه آخشام بلا تورهلدیبل ائله  
سحر اولجاق دوشوب بلایه اؤزو

## ● حکایت

۱۰- حقیر فقیر بیر قادینین آی گونؤیدو<sup>(۴)</sup>، اری دئدی کرامتلی تانری اوغلان کرم قیلسا باشقا بو دؤن وار یوخومو یوخسوللارا وئرهجهیم . اوغلو اولدو وارین وئردی

۱ - شاد و خرسند اولان

۲ - قورداخلار توخویان کيسه ، انوجیک

۳ - آله گتیرمه ییب

۴ - دؤغماق وقتی

ۋارسىزلارلا پايىش وئردى پاي سىزلارلا . اۋزۇن ايل لر اۋ گۈنلردەن گىچمەمىشىدى شام  
يۈردۈندەن قايىدىدۇر دىم ھمان يۇردا قىدىم اۋ درويشى سۇراخلاش دىم ، بىرى  
دندى دوستقادىر<sup>(۱)</sup> اۋغلۇ ايچدى مست ائىلەدى يۇلداشينيىن قارنىن اچدى قويدۇ  
قاچدى ، اۋ علتە خاطر يازىق اۋكىشىنى اپارىبلار ساخلايبلار . دندىم : اۋزۇ اۋ  
بلانى كرامتلى تانرى سىندان ايستەمىشىدى .

گۈزەل بىر سۆز ائشىدىم بىر حكىمدەن  
ائشىد سەندە اۋنوۋاي عاقل انسان  
ايلان كاش كى دۇغا بوۋ بۇيلۇبانو<sup>(۲)</sup>  
ولاكن دۇغمۇيا يۇلسۇز بىر اۋغلان

## • حكايت

۱۱- اۋشاغىدىم بىر بۇيۇك دەن بۇيۇك ليگىن<sup>(۳)</sup> ايزىن<sup>(۴)</sup> سۆزدۈم بۇيۇردولار : اۋچ  
ايزى وار ، ياش اۋن بىشە يىتىش مكدير ، احتلامدىر<sup>(۵)</sup> ، قاسىخدان<sup>(۶)</sup> تۈك  
گۈيەرمكدير ، امما سۇزۇن دۈزۈ بۇدۇر بىر ايزى وار حىقە خاطر حظ<sup>(۷)</sup> لرى  
اۋنۇدماقدىر لذت<sup>(۸)</sup> لره خور باخماقدىر . بئىلە صفت ھر كىمسەدە تۈرەنمەسە يىغ  
ساققالى آغارسادا اۋنا بۇيۇك دىمك اۋلماز .

۱ - زندان ، قفس

۲ - ايكي جانلى قادىن

۳ - بلوغ ، جوانلىق دۇرانيىنا قدم قويماق

۴ - علامت ، اثر ، رد

۵ - جنب اۋلماق

۶ - جۈيك دەن آشاغى قسمت

۷ - لذت

۸ - تۈجە انتمە مكدير



اولار صورتده بیر آدم او نطفه  
رحمده قیخ گون دوتسا قراری  
آدام اولماز اینانما آتسا قیخی  
اونون کی یوخ ادب عقلی وقاری<sup>(۱)</sup>

\*\*\*

صداقت دیر کرامت دیر آداملیق  
دئمه چون جان واریمدیر آدمم من  
هنر لازیمدیر انساندا کی نقاش  
چکر نقشین نگارین<sup>(۲)</sup> رنگلردهن  
نه فرقی دیوارین نقشی سنیله  
کرم سیزسن اگر بی فضل سن سن  
هنر بیل گر ائدیب سن قلب مسکن  
هنر بیلمه اولوبدور مسکنین کاخ

## ● حکایت

۱۲- بیر گون حجاز کروانیندا پیادهلر آراسیندا ساواش قویدئ و داعی<sup>(۳)</sup> ده او سفرده پیاده ایدی ، بویوک کیچیک دوروشدولار<sup>(۴)</sup> بیر بیرله ووروشدولار . کجاوهدهن<sup>(۵)</sup> بیر باخدئ دئدی عجب ! سرباز شطرنج عرصه سینی طی<sup>(۶)</sup> ائدهنده وزیر اولار یعنی یوکسک مقام تاپار شرفله نر ، آما بوئلار پیاده بو حجاز چولون طی ائتدیلر اسیکیل دیلر .

مندهن بو خلقی چال چاپ ائدهن حاجی یه دئین

قورتار بو چال چاپین ، دای اوتان وئرمه تنزیه

حاجی دئسه مده من ده وه وه سئویله ره م حاجی

قانقال<sup>(۷)</sup> یئیب گئدیب یئتیریب باری<sup>(۸)</sup> منزله

۱ - آغیرلیق ، وقر

۲ - نقش ، عکس

۳ - دعا ائیله ین ، سعدی یه اشاره دیر

۴ - اوز اوزه دورماق ، ساواشماق

۵ - مرکبین بئلینده کی بالاجا اوطاق

۶ - یولو باشا چاتدیرماق

۷ - تیکان آدی دیر ، مغیلان تیکانی

۸ - یوک

## ● ھىكايە

۱۳- اۆد آلاولا اۆيناخلايان قىمىش چى يە بىرى دئدى : سىن قۇرو قىمىشىن وار اۆد آلاولا نە ايشىن وار .

مطمىن<sup>(۱)</sup> اۆلماياسان دۆزدۆ سۆزۆن سۆيلەمە سۆز  
آرخايىن سان جوابى پىسدى سۆال ائىلەمە ، دۆز

## ● ھىكايە

۱۴- بىرى آغىر<sup>(۲)</sup> گۆز دردىنە دۆچار اۆلدۆ ، بىر بىطارا<sup>(۳)</sup> دئدى اۆلدۆم ھلاک اۆلدۆم  
علاج ائىلە ، بىطار اۆلاخ آت گۆزۆنە ياخان ياغدان ياخدى گۆزۆ دىدەن آخدى .  
كىشى گئدى عارض<sup>(۴)</sup> اۆلدۆ قاضى دئدى سۆزۆن بۇراخ سن بىر اۆلاخ اۆلماسايدىن اۆ  
بىطاردان گۆز درمانى اۆممازىدىن . بۇ صحبتدەن غرض بۇدۇر كىمە ايشى ايش  
بىلمە يەن كىمە لرە تاپىشىرسا خلق اۆنۇ احمق سايار .

ھوش بئىن باشدا آغىر عقلى اۆلان قوش بئىن<sup>(۶)</sup> انسانا وئرمز آغىر ايش  
بۇرىا بافە<sup>(۵)</sup> دئمز آل ايپە گى گئت ايپك ايش لرىنە سىندە گىرىش

۱ - آرخايىن ، خاطر جمع

۲ - يامان ، چتىن

۳ - مال حيوان ھكىمى ، دامپزشك

۴ - شكايەت ائىلەدى

۵ - حصير تۇخويان

۶ - عاغىل سىز ، فېكسىز

## ● حکایت

۱۵- اماملاردان بیرى اوغلون آلدن وئردى ، سوزوشدولار دوش داشيندا نه يازديراق ، بويوردولار شرافتلى قران ائيله شرفليدير روا ده گيل آيهرين يترده يازاق داشدا قازاق آياقلاياق ، يازى يازماق لازم اولسا بئيله بير سوز كفايت دير :

شاد اولاردى منيم دهلى اوره گيم  
ايندى بوستان اولوبدو نسترنه  
ايلك يازدا سحر گولنده چيچك  
نسترن<sup>(۱)</sup> وورغوئو دهلى او اوره ك

## ● حکایت

۱۶- زاهدلردهن بيرى بير گون بير طولمكار پادشاهى گوردو فرمان وئردى مظلوم بير بندهنى باغلاديلار حيوان كيمي داغلاديلار . دندى : ظالم او عزتلى جلالتلى اولوتانرى سنين تايين بير انسانا فرمان وئريب فرمانيواهن سئويلهيه ، سنه اوندان آرتيق مكنت نعمت وئريب نعمتينه شكر انت گيلان جفا پيشه ائتمه گيلان ، محشر گونو شرم اندهرسن اوئا سندهن آرتيق حورمت ساي وئرسه لر .

اسگيد جفانى وفانى آرتير  
اينجيتمه او قول<sup>(۲)</sup> بشردى واللاه  
قورتار بلانى صفانى آرتير  
يئرتيق اوئا بير تومان<sup>(۳)</sup> وئريب سن  
بئش گون بو مقام هدردى واللاه  
اي زور غرور هئيبه اهلى  
آخر نه روان نه جان وئريب سن  
سندن قويدير او قدرت اهلى

۱ - قيزيل گول

۲ - غلام ، بنده ، نوكر

۳ - شلوار

ای مالک ارسلان<sup>(۱)</sup> و آغوش<sup>(۲)</sup> جان مالکین<sup>(۳)</sup> ائیلهمه فراموش

کایناتین حرمتلی سی مخلوقاتین عزتلی سی - سلامیمیز اولسون اونا ائولادینا -  
بویوروبدور : آن بیر بویوک حسرت بؤدور قیامتده دیانتلی قارا قولاً فرمان گه لر گه ل  
بهشته ، دیانت سیز خواجه<sup>(۴)</sup> سینه امر اولونار گئت دوزخه .

قوللوقوندا دایانان قاره قولاً رحم قیل قیلماگیلان جوړ و جفا  
قورخ او گوندهن قولووی باغلايالا قولوباغلی اولاً عالمده رها

### ● حکایت

۱۷- بلخ یدهن<sup>(۵)</sup> من چیخیب یولا دوشه ن زامان یول لار یامان قورخولیدو . بیر  
بلدچی أجیر ائندیم طرلان کیمی قایناخلیدى<sup>(۶)</sup> اصلان کیمی دیرناخلیدى . باریش  
گونو<sup>(۷)</sup> یاریش لادا<sup>(۸)</sup> کیمسه قولون بورانمازدى قاباغیندا دورانمازدى ، هنرلری  
سای سیزیدى اوخ آتماقدا تای سیزیدى . آما هئچ وقت سفر یوکون چاتمامیشدی  
چول دیبینه یاتمامیشدی<sup>(۹)</sup> ، قین سیز قیلینج گورسئیدیده قانلی قیلینج  
گورمه میشدی<sup>(۱۰)</sup>.

۱ و ۲ - بنده آدلاریدیر

۳ - خالقه اشاره دیر

۴ - غلام صاحبینه اشاره دیر ، سرور ، آقا

۵ - افغانستاندا بیر شهرین آدیدیر

۶ - پنجه لی

۷ - صلح زامانی

۸ - مسابقه لرده

۹ - گنجه ائشیکده قالمامیشدی

۱۰ - منظور ساواش عرصه سین گورمه میشدی .



اوخۇ گۇرمەمىشىدى ياغيش تىك تۆكەر

توخۇنسا بىرى جىسمە جىسمى سۆكەر

بىر گون صبرىن داشىن آتدىق يوكو چاتدىق . جوان هر آن قول گوجيله  
اوجولمايان حصارلارى اوچوردوردو ، قاوزانمايان قايلارى قاوزايردى سینه سینه دۈۋە  
دۈۋە باغىرىردى :

فيل ھانى ؟ ھىيتلى بازودۇش كۆرەك گۇرسون ندىر

شىر ھانى ؟ قدرتلى پنجه قول بىلەك گۇرسون ندىر

ھە اوول دۇنگەدەن بىز دۇنمەمىشدىك داش دىيىندەن ايكي اوغرو بىزە سارى يۇنەلدىلر  
ھاراي چكىدىم دئدىم ايگىد يۇبانماكي يئتىردىلر .

گوجون وارسا ايندى نشان وئر صورا

چىتىن بىردە دوشسون بو دوشمن تورا

گوردوم دوشوب آلدەن يايى سىن كىيىپ گلەير ھايى .

نە هر كى قارە قىلى تىرىلە بۇلەر آرادان<sup>(۱)</sup>

ساواش گونو گۇرەجكسن آلىندە واردى كمان

ناچار يۈكۈ آچدىق قاچدىق ، داغدان آشدىق جماعته ياخيئلاشدىق .

چالیش اوْ ایش باجاران ایشچی يه چتین ایش وئر  
كى اُسره میش<sup>(۱)</sup> شیرى يالنیز باسار<sup>(۲)</sup> دهلى قافلان<sup>(۳)</sup>  
فیلین بوْدوْ کیمی گر اولسا قول بوْدون اوْ بوْدون  
ساواش قوپاندا اُسهر ، انسانی ائدهر حیران  
باداخچی یا باداخ آتما<sup>(۴)</sup> سینار قیچیئن اوْ قولون  
باداخچی یاخشی باداخ اویره دهر سنه اوْغلان

## ● حکایت

۱۸- بیر بیگزادا آتاسینین قبری اوسته اوتورمیشدی بیر درویشین یتیمینه  
سئویله ییردی گهل آتامین قبرینه باخ کرپیچلری فیروزه دهن دوش داشلاری<sup>(۵)</sup> آن دهیرلی  
مرمره ندیر ، باش داشیندا گۆزل سۆزلر قازیلیبدیر نه آیه لر یازیلیبدیر ، امما سنین  
آتاوینکی چیر کرپیچ دهن بئش اون آووج تورپاخداندیر ، یونخسول اوْشاق گۆلدوْ  
دئدی : سنین آتان اوْ داشلاری قاوزاییئجا منیم آتام اوچماق<sup>(۶)</sup> باغین گزه جکدیر

کیمسه آز چاتسا گۆزله سه اولاغی  
اولاغین بوْدره مزالی ایاغی

۱ - دهلی ، مست ، دیوانه

۲ - ییئخار ، مغلوب ائدهر

۳ - پلنگ

۴ - دولاشما ، ته پیک آتما

۵ - قبرین اوستونه قویولان داشلار

۶ - جنت ، بهشت

او کی بیر عؤمر فلاکت<sup>(۱)</sup> له عؤمور سوردو باشا  
یونگول آسوده خیال قبر ائوینه داخل اولار  
او کی عؤمرون بویوچا قو<sup>(۲)</sup> توكونه ائيله دی ناز  
قبره باش<sup>(۳)</sup> قویماغا فیکر ائتمه اوزو مایل اولار  
قفسین ایچره کی قوش قاچسا قفسدن سئوینه ر  
بو کیچیک نینده<sup>(۴)</sup> قالان قوش داریخار زایل اولار

## ● حکایت

۱۹- « سنین بویوک او دشمنین ایچینده کی او نفسین دیر » بو حدیثین معناسین من بیر  
عالمدهن سوال ائتدیم ، بویوردولار : غرض بؤدور دشمن سنه رحم ائيله سه نفسین  
سنه رحم ائيله مز .

فرشته یه تای اولار آز یئنه آدام آمما  
او چوخ یئنه ییخیلار کیم گوره دئیه ر داشدی ر  
او نفسه ائتمه کرم ائيله مه ز کرم سنه ، چون  
ایتی او نفسیویله ن دشمنین قاریندا شدی ر<sup>(۵)</sup>

۱- یونخسوللو قلا ، وارسیزلی قلا

۲- قوش آدی دیر

۳- قبر ائوینده یاتماغا اشاره دیر

۴- قفس ، فانی بو دنیایا اشاره دیر

۵- قارداش

## ● حکایت

۲۰- یوخلوق<sup>(۱)</sup> چوخلوق<sup>(۲)</sup> سئوئلرله شیخ سعدین دئیشمه سی : بیرین<sup>(۳)</sup> گوردوم درویش دلین<sup>(۴)</sup> بورونموشدو درویش خلین<sup>(۵)</sup> خلین<sup>(۶)</sup> یادان چیخارتمیشدی اوخویوردو اوخویاندا وارلیلارا توخویوردو<sup>(۷)</sup>، های باسیردی آی انسانلار ؛ کرم اهلی نعمت سیزدیر درم اهلی ارادت سیز<sup>(۸)</sup>.

کرامتلی بشرلرده درم یوخ

درم دینار اولانلاردا کرم یوخ

من کی بیر عؤمر سخی لرله<sup>(۹)</sup> اوتورموشدوم کریم<sup>(۱۰)</sup> لردن پای اوموشدوم کدهرلندیم<sup>(۱۱)</sup> دندیم وارلی وارسیزلارین زومهاریدیر<sup>(۱۲)</sup> زومهار یوخ یوخسوللارین انباریدیر ، ائوی ائوسیز قالانلارین اوطاغیدیر غریبلرین یاتاغیدیر<sup>(۱۳)</sup>، دئمک اولار اوزگه یوکون داشییرلار اوزگه اوچون یاشییرلار . قوللوقداکی قوللوقچولار طعامه آل یئتیرمه میش آل طعاما یئتیرمه زلر ، یوخسوللارا یوخ

۱ - یوخسوللوق ، مکت سیزلیک ، درویش لیک

۲ - وارلیلیق ، مکت لیلیک

۳ - بیر نفری

۴ - پالتار ، دون

۵ - جماعتین

۶ - اخلاقین ، سیرتین

۷ - سؤز آتیردی ، توهین ائدیردی

۸ - اخلاص سیز ، خالص نیتی اولمایان

۹ - سخاوتلی ، آلی آچیق

۱۰ - کرامتلی ، کرم اهلی

۱۱ - غصه لندیم ، اوره گیم سیخیلیدی

۱۲ - توشه ، آذوقه

۱۳ - منزل ، آشیانه ، مسکن



دئمه زلر ارسیزلره <sup>(۱)</sup> آل سیزلره <sup>(۲)</sup> توخ دئمه زلر .

اونون کی مکنتی وار وقف <sup>(۳)</sup> ائدهر کسهر قوربان  
زکات <sup>(۴)</sup>، فطره <sup>(۵)</sup> وئرهر بنده لر ائدهر آزاد  
بو بللیدیر ایکی رکعت نماز قیلماقیلا  
او شانه چاتمایا جاقسان دهلی کونول اولا شاد

اگر رضا کرامتده طاعت ده دیر اولو تانری رضاسینه چاتماق اوچون آچیق قاپی تمیز  
پالتار آری <sup>(۶)</sup> ثروت وارلاری دیر ، آروادلارین ناکیشی لر قاپی سیندا ایشله تمه زلر ائو  
اهلینه حرام چوره ک دیشله تمه زلر ، بللی سوزدور آج انساندا قوت اولماز دیزلهرینده  
قدرت اولماز ، سوسوز قیچدان قاچماق اووما قانادسیزدان اوچماق اووما .

صبحه ده ک گوزله رین یوما بیلمه ز  
یایدا دهن ییغماسا قاریچقا گوروم  
کیسه نین اولماسا صاباح چوره گی  
قیش گونو کیم وئرهر اونا یئمگی

طاعتله فقر بیرله شه نمز ، ظلمتله نور هیمله شه نمز ، بیرى گوده اذان سسی بیر  
گوزلر قازان سسی بو سس هارا او سس هارا .

۱ - دول آروادلار

۲ - یوخسوللار

۳ - بیر مالین عایدین الاله یولوندا خرج ائتمک

۴ - او مقدار مال کی مالی پاک ائتمه گه مالدان آیریلار .

۵ - فطر بایرامیندا یوخسوللارا حصر اولونان صدقه

۶ - تمیز ، پاک ، زکاتی وئرلمیش مال

درم اهلى حقدهن اطاعت ائدهر

درم سيزده حقى ملامت ائدهر

پس بوئلاريئن اطاعتى چوڭ مقبولدور<sup>(۱)</sup> چون كى تانرى حضورينده  
حاضرديلر ، دعا وقتى خاطرلرى پوزغون<sup>(۲)</sup> ده گيل چوڭ آسوده خاطرديلر .  
معيشته<sup>(۳)</sup> فيكر ائتمه زلر اوشاق چوڭدور چوره ك يوخدور سئويله مزلر . عرب دئيه ر :  
وارس<sup>(۴)</sup> زليغين بلاسيندهن پيس قونشونون جفاسيندهن رها قيلسيئن بيزى تانرى . ايكي  
دونيا افتخارى<sup>(۵)</sup> بويوروبدور : « فقر يعنى ايكي دونيا بويوقدهر آغ بنيزى<sup>(۶)</sup> قاره ائتمك » ،  
دئدى حضرت بو سوزوده بويوروبدور : « فقر<sup>(۷)</sup> منه افتخاردير » دئديم دينمه بو سوز  
يالنيز او فقيره اشاره دير كى راضى دير رضاسينه باش انديريب قضا سينه<sup>(۸)</sup> ، نه اونلار  
كى اوزلرينى اسگيلدهرلر پاى اومارلار اومدوقلاريئن نقد ائدهرلر .

اي دوهول تك ايچى يوخ نعره سى چوڭ

نه خيال ائيله مى سن كوچمه گه سن

داهى تزوير طمع تدبيرين آت

تزويرين تدبيرينه سئويله مه هن

۱ - قبول اولمايدير

۲ - پريشان ، داغئناق

۳ - گنجينه جك ، ياشاييش امورى

۴ - محمد پيغمبره اشاره دير

۵ - صورت ، ياناخ

۶ - يوخسوللوق ، وارسي زليق

۷ - ايلكدهن تعيين اولنونان امور ، باشين يازىسى

معرفت سیز<sup>(۱)</sup> فقیر انسان حقیر اولار ، فقرین صونو کفره چکەر ، یتمک اولسا یئنه اولار ایچمک اولسا ایچنه اولار ، یتمک ایچمک نه سنده وار نه منده وار اونلاردا وار ، آلان بیزیک وئرهن اونلار ، وئرهن لرله آلانلاری توتوشدورما توتوشمازلار ، قووشدورما قووشمازلار . جنت<sup>(۲)</sup> اهلی باره سینده اولو تانری بویوروبدور : «اُولَئِكَ لَهُمْ رِزْقٌ مَّعْلُومٌ»<sup>(۳)</sup> یعنی روزی اونلار اوچون فراهمیدیر . دئمک اولار بو روزی یه چاتمایانلار او روزی یه چاتانمازلار ، کیمین رزقی<sup>(۴)</sup> فراهمیدیر حاضر اولار یوخسا پوزغون خاطر اولار.

### دوشجه گین آن دهرین شیرین یوخویا یانقی یا عالمی ائدهر چشمه

بو سؤزلردهن غیظه<sup>(۵)</sup> گلهن یوخسول درویش فضاحتین<sup>(۶)</sup> آتین میندی وقاحتین<sup>(۷)</sup> عرصه سینده دولانیدیردی مذمتله<sup>(۸)</sup> گولدو دئدی : واریلاری ائيله تعریف ائيله دین سن بیله خیال ائيله دیم من ال دوتماغا ناچاردیلار قیفیلانمیش قیفیلارلار هاجار<sup>(۹)</sup> دیلار . کیشی اونلار منی سنی بگه نمزله مننه سنه اوز وئرمزله ، فقیرلرله باریشمازلار حقیرلرله دانیشمازلار ، ثروت مکننت توپلاماغا ائيله یامان

۱ - منظور آلاهی تانیمايان

۲ - بهشت ، اوچماق

۳ - اوتوز یئددینجی سوره قیسخ بیرینجی آیه

۴ - روزی ، پای

۵ - خشم

۶ - رسواریق

۷ - اوتانمازالیق ، شرم سیزلیک

۸ - شماتت ، دانلاق

۹ - کلید

بند<sup>(۱)</sup> اولارلار بىندەلىرى اونودارلار سئويلەمزلر صىجت مگر شىماتتە ، دىندىرمزلر مگر تحقىر حقارتلە . علم اهلينى گدا سايىب گدارە خور<sup>(۲)</sup> باخارلار ، وارلارىنا فخر اندەرلر ، مجلس لرین لاپ باشىندا اگله شه رلر ، اوزلرینى مین باشچى<sup>(۳)</sup> دان باش بیلەرلر ، فیکر اندەرلر هاممى قولدور<sup>(۴)</sup> اولارلر سرور<sup>(۵)</sup> ، بو حکمتلى آغیر سوزو حکیم لردەن اشیدمزلر : نعمتى چوخ طاعتى یوخ یوخسوللارین یوخسولودور .

وارلى ، وارسیز عالمە خور باخسا چون یوخدور مالى  
گاو عنبر<sup>(۶)</sup> اولسادا ائششکدى ياپبا چاتمالى

دندیم : بوراخ بو سوزلری اونلار کرم اهلی دیلر ، دئدی : خطا سئويلەدىن سن کرامت سیز او آزغین<sup>(۷)</sup> لار يالنیز درم اهلی دیلر ، نه فایداسی بوللاخدیلار آخمايىرلار آلودیلا باخمايىر<sup>(۸)</sup> لار مکنٹ آتین مینیدیلر آت سیزلارا باخمايىرلار<sup>(۹)</sup> ، پای وئرمیرلر پای سیزلارا های وئرمیرلر های سیزلارا ، توپلايىرلار زحمتیلە ، ساخلايىرلار خست یله<sup>(۱۰)</sup> ترک اندیرلر حسرتیلە<sup>(۱۱)</sup> ، حکیم لردەن بیرى دئییب : یئر بخیلی سیخار صوترا گوموش لری یئردەن چیخار .

۱ - مشغول اولارلار

۲ - اسگیک گوزيله باخماق

۳ - بۇيۇك باش

۴ - بىندە ، نوكر

۵ - آقا ، ارباب

۶ - بىر دريا حيوانيدير كى اوزوندەن عنبر دفع اندەر

۷ - يولدان آزان ، گمراه

۸ - ياندىرمايىرلار

۹ - توجە ائيله ميرلر

۱۰ - آلچاقلىقلا

۱۱ - نىسگىيله



بۇ گون مشقتیله آختاران تاپار بیر گنج<sup>(۱)</sup>

او گنجه صاحب اولار آییریسی صاباح بی رنج

دئدیم بخیل<sup>(۲)</sup> سئویله مه ز دین اولار األ آچماسایدین<sup>(۳)</sup>، طاماح دیشین اولماسایدی  
آچیق االی یوموق األدهن<sup>(۴)</sup> سئجه نمزدین، محک<sup>(۵)</sup> بیلهر زر هانسی دیئر گدا سئچهر  
کریم کیمدیر. دئدی: مگر قاش قاباقلی<sup>(۶)</sup> قاپیچیلار ائولرینه قوندورمازلار  
تانیشلاری قوودورسینار گلنلری هایقیئرسینار اوچا سسله باغیرسیئار کیمسه  
یوخذور. دوز دئیهرلر او ائولرده کیمسه اولماز.

بیر انسانین کی باشدا خرد<sup>(۷)</sup> رایى اولمایا

کیم یوخذور ائوده سئویله سه دربان یالان ده گیل

دئدیم سیئرتیق دیزی ییئرتیق گدالرین األریندهن بئزیدیلر نیله سینلر. چؤلون  
قومو اینجی اولسا گدا خلقالین گوزو دویماز.

گوز طاماح کار اولا دویماز نئجه کی

قویو دولماز نه قدهر دامجی دامار

۱ - پول آنباری، خزینه

۲ - کرامت سیز، خسیس

۳ - دیله نمه سه یدین، گدالیق انتمه سه یدین

۴ - کرامتلی له کرامت سیزین فرقین بیلمه زیدین

۵ - بیر داشدیئر کی اونون وسیله سیله قیزیلین گوموشون عباری بلله نر

۶ - غضبلی

۷ - عقل، دانش، رای

دوْنيا وارکن طاماح کار وار طاماح کارلار گاهی ائيله پيس ایشلره گیریشه رلر بو  
حلالدیر بو حرامدیر دوشونمه زلر ایکی دوْنيا ایلیشه رلر .

ایتیه کسک آتاند ا شاد اولار چوْخ  
خیال ائيله ر کی ات یا استخواندیر<sup>(۱)</sup>  
اگر اورتوک سالی نسنا نعشین<sup>(۲)</sup> اوسته  
طاماح کار فیکر ائده ر شاید کی خواندیر<sup>(۳)</sup>

تانری نعمت اهلین یوْخلار حرام یولا دوشوب قاچان وار صاحبین دالدان حاخلار  
سوْجدان<sup>(۴)</sup> ساخلار ، بو سوزلری فیکر ائيله من سئویله مه دیم اوْزون سئویله :  
وارسیزلیقدان باشقا پيس ایش سراغین وار مرد ایگیدی نامرد ائده آبیر<sup>(۵)</sup> تۆکه ال  
کسديره<sup>(۶)</sup> ؟ ایگیدلرین قیچین قولون باغلاتدیرا عؤمور بوْیو آغلاتدیرا ؟ اصلان  
بوْغان قوْچ اوْغلانی دوْغدوددورا دوستاق ایچره سوموک لرین اوْغدوددورا بیر گون سحر  
گون دوْغاندا بوْغدوددورا<sup>(۷)</sup> ؟ امکانی وار بیر درویشین نفسی چوْوا<sup>(۸)</sup> شهوت آتین  
ائيله قوْوا سئویله ینده قاچما دایان دایانمایا . قارین قاسیق<sup>(۹)</sup> اکیز تایدیر بو  
قیشقی ر سا اوْ باغیرار اوْ باغیر سا بوْ قیشقی رار ، ائشیدیم بیر سوْبا ی<sup>(۱۰)</sup> درویش

۱ - سوموک

۲ - جنازه ، اولو

۳ - سفره

۴ - گونا ، آزیغین لیق

۵ - آبرو ، شرف

۶ - اوْغرو آلی کسيلمه گه اشاره دیر

۷ - سحر گون چيخمايش اعدام مراسمينه اشاره دیر

۸ - منحرف اولو ، دوز يولدان چيخا

۹ - گۆبه کده ن آشاغی قسمت

۱۰ - مجرد ، اوله نمه یه ن کیمسه

بیر اوغلانین حرمتینه توخونموشدو خلق اونو داشلاياندا<sup>(۱)</sup> داشلاندی<sup>(۲)</sup> آی مسلمانلار چاره ندیر ؟ ائولنمه گه قدرتیم یوخ صبر ائتمه گه طاقتیم یوخ . حدیثده وار « سوْباي چیلیق<sup>(۳)</sup> دینده یونخدور » اگر مکنت اهلی کیمی او درویشده هر گون گئجه بیر گوزه لین یاتاغینا سورون سیدی ، گوش طلعت سرو قامت صنملرله بیر یوزقانا بورون سیدی فیکری حقدن چومازیدیر . نازلی گوزهل یار صاحبی

یارین قاپقارا ساچلارین چنگه لهر  
یارین آل قانیلا اَلین رنگ ائدهر<sup>(۴)</sup>

صنملرله یولداش اولان یولدان چیخماز اوز اوزونون ائوین ییخماز .

او کس کی وئردی کونول نازلی بیر گوزهل صنمه  
محالدی وئرسین اوره ک دای بهشت حوری سینه

\*\*\*

بیرینین خورماسی اولا اَلده  
نه وئجی داش آتا اوجا نخله

او کی آجدیر دیلنچی دهن چوره ک قاپار ایری ایشین یولون تاپار .

۱ - داشا باساندا ، سنگسار ائنده

۲ - غضبلندی

۳ - رهبانیت ، ترسا راهب لرینین ریاضتی

۴ - فیئدیقچالاری یار قانیلا رنگین اولار

فرقى يۇخدۇر آج ايتە آج قۇردا آج كفتارلارا<sup>(۱)</sup>  
 دجالين<sup>(۲)</sup> دیر بۇ اولاخ يا صالحين<sup>(۳)</sup> دیر او دوه

نه چۇخ شرف مالكلرى وارسىزلىقدان شرف مولكون اودۇزوبلار شرافتى  
 اونۇدوبلار .

زاهد نجه آج ائيله يه جک تانرىنى طاعت  
 آج دان آكىشى اومما گيلان زهد ، عبادت

حاتم اگر يۇخسۇللارا يۇخ دنمه دى سبب بۇدۇر يىباندا ياشايىرمىش او شهردە  
 ياشاسايدى ديلنچى لر وارين آلدهن آلارديلار وارسىز گۇنه سالارديلار . دندى وارلى  
 جماعته يازىقلىغيم گلير منيم . دئديم : يۇخ يۇخ حسادتين گلير سنين . دئيشمه ميمز  
 اوزۇن چكدى سانكى شطرنج عرصه سیدی قۇندۇروردو قۇشدۇروردوم ، قۇشدۇروردو ،  
 قۇندۇروردوم مهرلرين بير بير آلدیم شاهين<sup>(۴)</sup> کیمی شاهين<sup>(۵)</sup> چالديم .

سۇز صاحبی آتанда اوخۇن آتما سن سپر<sup>(۶)</sup>  
 اۇزگه اوخۇن قۇيۇب يایا او اينديجه سينار

۱ - اولو يئهن بير حيوانين آديدير

۲ - آخر الزمان زامانيندا بير يالانچى كيشى نين آديدير

۳ - ئمود قومونون پيغمبرى

۴ - چالاغان قۇشو ، قارطال

۵ - شطرنج عرصه سينين شاه مهره سى

۶ - تسليم اولماماغا اشاره دير



حق اولسا سۆزلرین سۆزووی سئویله سن اوجا  
باک ائتمه یوخذو قافیه سی سۆز قوشان قینار<sup>(۱)</sup>

سۆزۈن صونۇ دای قالمادی ائده دلیل اولدو ذلیل ، ذلیل اولموش گۆزۈن یومدو آغزی  
آجدی ، جاهل لرین رسمی بو دور دئیشسه لر دؤیوشه لر ، او بوت یوتان<sup>(۲)</sup> آزر<sup>(۳)</sup> کیمی  
کی تانری نین رسولیله دئیشیردی غضبلندی هارای چکدی : « لئن لم تئنّه  
لأرجئک<sup>(۴)</sup> » یعنی اگر بو ایشدن آل گؤتورمه سن داشلاتدیرام<sup>(۵)</sup> . داشا باسدی داشا  
باسدی هم هارای چکدی هارای چکدیم.

درویش هارای چکیدى من های      های کوی سسینه گولوردو ملت  
گولمکله دئیه ردی خلق ، خالق      عقل ائيله مەیب سیزه کرامت

بیری دئدی بو آلاوی سئوندورمه گه قاضی گرەک قاضی وئرن حکمه هاممی راضی  
گرەک . قاضی بیر آز تومدو دهرین فیکره جوئدو صؤترا دئدی :

ای کی مکنّت اهلین اؤیدون<sup>(۶)</sup> درویش خلّین خلّین سئوودون<sup>(۷)</sup> آچ قولاغین  
ائشیدگیلان ، گول تیکان سیز اولّا بیلمه ز ، خمر<sup>(۸)</sup> خمار<sup>(۹)</sup> آیری ده گیل ، گنج اوستونده

۱ - دانلار

۲ - بت تراش

۳ - ابراهیم پیغمبرین آتاسی یا عمی سیدیر کی بوت ستایش ائیلهردی .

۴ - مریم سوره سی قیّرخ آلتینجی آیه .

۵ - داشا باسدیرام ، رجم ائيله تدیره م

۶ - تعریف و توصیف ائتدین

۷ - یامانلادین ، شرفینه توخوندون

۸ - شراب

۹ - کئفلی لیکدن صؤترا باش آغریسی

ایلان یاتار، عیشی أجل نیشی پوزار، دهنیز ایچره اینجی وارسا ناققادا وار، جنت  
اوپون زحمت گرهک عومور بویو حسرت گرهک.

معشوقون ظولمونه عاشیق نجه هن سئوله مه سین  
گول تیکاندان، وفادان جور و جفا آیری ده گیل

باغدا نجه یاشیل چمن کنارینده گوهن چیخار گوزه چارپار ائيله او جور وئره نلرین  
جرگه سینده وئرمه یلر، دوزه نلرین دوزومونده<sup>(۱)</sup> دوزمه یلر گورونلر.

بوتون دامجی لار دؤنسه لر اینجی یه  
ده گرسیز اولار اینجی منجیق کیمی

جلالت لی حق یوردون ساکن لری، متانت لی درویش لردیر کرامت لی مکتت لی لری، آن  
حرمت لی وارلی او دور درویش خلّین غمین یثیه آن عزّت لی درویش او دور وارلی خلقه  
اگیل مه یه.

«وَمَنْ يَتَوَكَّلْ عَلَى اللَّهِ فَهُوَ حَسْبُهُ»<sup>(۲)</sup>.

صورتا اونا باخدی دئدی: ای کی دئدین درم اهلی کرم سیزدیر وار صاحبی ارادت سیز،  
دوز سئوله دین ارادت سیز او کافرلر چوخ کافر نعمت دیلر حدسیز آلچاق  
همت دیلر اولار یالنیز باجارارلار یثمه سینلر گیمه سینلر توپلاسینار یغدیقلارین  
عومور بویو گیزله تسینلر، اگر اون ایل قیتلیق<sup>(۳)</sup> اولا یادا گؤیده ن سئل آتلانا دونا باتا  
اؤلدوم هایئ عرشه چاتا غم یثمه زلر غم لی لره غم سیز قالین هئچ دئمه زلر، عزیز جلیل

۱ - جرگه سینده، سیراسیندا

۲ - طاق سوره سینین ایکینجی آیه سینده ندیر. «کیم توکل ائیلر اولو او تانری یا تانری اونا کافی اولار»

۳ - قحطی

جلالت لی او تانریٰ نین غضبینه چکین مه زلر ، سئویله یرلر :

آجیندان مینی اولسه باک ائتمه ره

مینیم واردی قورخماز طوفاندان صوتا

بیر طایفانی یولۇ بودۇر کی سئویله دیم بیر طایفادا وارین یوخۇن باغیشلا یئر  
آد قازانیئر ، بو کرامت صاحب لری اولۇ تانری رضاسینی طالب دیلر ، ایکی دنیا بو یو  
بوتۇن نعمت لره صاحب دیلر .

دئمک اولار شانلی ائللین ائل خانینی یئر اوزونون سلطانینی سلیمانین وارثینی حق  
مولکونون حارثینی<sup>(۱)</sup> عدالتین قوروقچوسو دیانتین قوللوقچوسو سعدین اوغلو ابوبکرین  
اوزو مخلص<sup>(۲)</sup> نوکرلری او طایفایا باغلی دیلار آلاہ اونو قوجاتماسین دشمن لری  
اوجاتماسین .

او جور کی سن گۇزه لیم ائتمیسه ن کرم یوردا

یالاندی کیمسه دئسه بیر آتا ائدیبالایا

او گون کی ایستهدی تانری باغیشلا سین ائله پای

بو یوردو سن شاهی سان حکم سور بو ائل اوبایا

قاضی قیاس عرصه سینده ائيله یامان آت چاپدی ردى توزون دالدان دوتانمادیق  
دئدیک دایان فرمان سنین فرمانیندیر .

۱ - قوروقچو ، نگهبان

۲ - ارادت لی ، صداقت لی

اۋپۇشۇدۇردۇ گۇرۇشۇدۇردۇ دندى گندىن روزگار<sup>۱</sup>ىن قىزاسىنە رضا وئرىن .

شكايت ائىلەمە زىل قارەدیر گۈنۈن درویش  
گیلئى یۈز ایل اندەسندە گۈنۈن گىچەر قارە  
سنىن كى واردى ائىندە بو گۈن وارىن وارلى  
ئە ، ایچ باغیشلا صاباح چات گیلان او دلدارە



سازگاری با زندگی

معاشرت آداب لاری

معاشرت آداب لاری

## معاشرت آداب لارى

۱- يىغماغا يۇخ آسايىشە خاۋردى مال ، بىر بىلەندەن سۇرۇشۇدولار كىم آغ گۇندۇر؟ كىم قرە گۇن ؟ دئدى : آغ گۇن يئەر پايلار گۇنو قرە يئمز ساخلار.

اگر بىرى بىر عۇمۇر ايشلەيه ، يىغا يئميه  
روا ده گيل قىلا بىر كس او ناكسين نامازين

۲- بىر گۇن موسى سلامى ميز اولسۇن اونا ، بوئۇردولار قارون<sup>(۱)</sup> ائشيد : « أَحْسَنُ كَمَا أَحْسَنَ اللَّهُ إِلَيْكَ »<sup>(۲)</sup> ائشيدمه دى نابود اولدۇ .

۱- موسى عصرينده ياشايان وارلى كارلى بىر كىشى ايدى  
۲- قصص سوره سىنين يئتميش يئددىنچى آيه سىنين بىر حصه سى « ياخشىلىق ائيله نئجه كى تانرى سەنه ياخشىلىق ائيله دى .

بیر کس کی درم دینار یلا اولمادی خوشبخت  
 بدبخت اولاجاق دونیادا دینار و درمله  
 نعمت ایکی دنیادهن اومورسان کرم ائيله  
 ییغدیقلاریوی لطف قلیب تانری کرمه

عرب دئیهر : منتلی پای های سیز اولماز .

کرم شاخه سی چون تیکیلدی یئر  
 یاشیل قول بو داخلار سمایه <sup>(۱)</sup> چاتار  
 او منت تبردیر ، تبر اورمانا <sup>(۲)</sup>  
 توخونسا یاشیللیق کؤکوندن باتار

\*\*\*

شکرائت ستایش ائيله کرم فضل صاحبین  
 لطف ائيله ییدی فضل ، سخاوت و ثریب سنه  
 منت او شاهه قویمایگلان یاخشیی خادم  
 منت قویوبدو فرصت خدمت و ثریب سنه

۳- ایکی نفر زحمت چکر زحمتلری فایدا و ثرمز ، او جاهل کی ییغار یئمز ، او  
 عالم کی بیلر دئمز عمل ائتمز .

۱- گویه

۲- آغاجلیق ، جنگل

گرچه علمه اؤلونجه مایلدی چون عمل اوندایوخدو جاھلدی  
نه محقق<sup>(۱)</sup> دئین نه بیر دیندار بیر اولاخدیر آغیر کتاب یوکوار  
وئره بیلمز جوابین آما خبر او آغیر یوک اودوندو یا دفتر؟

۴- شریعتہ خاطر دی علم ، مال دولته خاطر ده گیل .

کیمسه دینین ساتیب دی دنیایه  
توپلاییب<sup>(۲)</sup> اود ووروبدو خرمنینه

۵- فاسد عالم فانیسلی بیر کوزا به نزه ، یوللو گورمز یولچولارا<sup>(۳)</sup> یول گؤستهره .

بیر عؤمر چالیشدی ییغدی دینار  
دیناری بوراخدی قویدو گئدی

۶- عاغیللار مولکه جمال باغیشلارلار ، پرهیزگارلار دینه کمال . پادشاهیئن  
عاغیللی یا ایشی دوشر ، عاغیللی نین پادشاها ایشی دوشمز .

۱ - بورادا شریعت احکامین بیلن عالم

۲ - ییغیب ییغیشدیرب

۳ - مسافر



قوئی سنه بیر سؤز دئییم ای پادشاه  
گرچه وزیرین بوئا مایل ده گیل  
منصبی وئرایش بیلنه عاقله  
دوزدو مقام پیشهیه عاقل ده گیل

۷- راکد ثروت ، بحث سیز علم ، تدبیر سیز ملک بوگون واردیر صاباح یوخدور.

حورمت کرامت ائتمه لی سن نوکره نوکر  
حورمت کرم گوره نده گوره ر ، سن سئوه ایشی  
اوندا اذیت ائتمه لی سن یوز کوزه دوشاب  
بیر دامجی<sup>۸</sup> حنظلی<sup>(۱)</sup> ، ائده بیلمز شیرین کیشی

۸- ظولمکار ی باغیشلاماق ، ظالم لری آقیشلاماق<sup>(۲)</sup> ، مظلوم خلقه ظولم ائتمکدیر .

اگر آمان وئره سن ظالمه آمان گونو سن  
شریک جور و ستم سن ائلین یامان گونو سن

۱- ابوجهل قاپیزی کی چونخ آجیدیر

۲- تعریف ائتمک

۹- پادشاهیٰن پیمانینا گووہ نمہ یین<sup>(۱)</sup>، جوانلیغین دورانینا .

بئل باغلاما بیر دلبرہ مین اویناشیٰ وار  
عاشیق باشیننی یارماغا اُلده داشیٰ وار

۱۰- یولداشیوا سرین دئمہ ، دوشمنیوین سرین آچما ، نہ بیلیرسن یولداش دوشمن ،  
دوشمن یولداش اولمایاجاق .

عزیز یولداشیوا سئویلمہ اُورہک سؤزُونو  
عزیز یولداشیوین چون عزیز یولداشیٰ وار

\*\*\*

نہ روادور آچاسان یاریوہ راز  
اُورازی سئوگی سینہ سئویلمہ یار  
لاپ اُورباشدان بولاغیٰ توتمالیٰسان  
داسا داشقیٰن سئلی یوردون آپارار  
سئویسہن چیخمایا سؤزلر ائشیگہ  
سؤزوقویم ائشیدہ ائودہ دووار

۱۱- ضعیف دۆشمن دۆسلۇق اندەر بیر گۆن قوی دۆشمن اولّا . بئل باغلاماق اولمۇر  
یارا ، یادا نئجه بئل باغلاياق .  
ضعیف دۆشمن کۆل آلتیندا کۆزه به نزه کۆزۈ قارات .

ایندی بو کۆزۈ دۈرۈن قارالدىن  
بیر لحظه صۇرا قاراتماق اولماز  
دۆشدۈ سپرى کمانه اوخ قوی  
یونخسا دای اونا اوخ آتماق اولماز

۱۲- ایکی دۆشمن آراسیندا ائيله دانیش ، باریش اولسا خجل اولما .

ایکی یولداشی<sup>۱</sup>ن دعواسی اوددۇ اود  
سخن چین<sup>(۱)</sup> اودۇندور اودۇن اولما سن  
گۆره رسن آلاو سۇندۇ کۆز اولدۇ کۆل  
او کۆلدەن تۆره ندى چمن یاسمن  
عاغیلدان اوزاخدی<sup>۲</sup>ر بیر اود یانیدی<sup>۳</sup>رام  
یانام بیر اودۇن تک اودۇن ایچره من

یاريله خلوتده صحبت ائت گیلان  
 اؤز گه لر یوخسا بیلر لر سؤزلرین  
 سر یوی دیواره آچما دیوارین  
 وار دالیندا کیمسه گورمور گؤزلرین

۱۳- کیم دوشمنین آلین سیخار ، یولداشی نین قلبین سیخار .

اگر دوشمنه جان دئسه یولداشین  
 اؤتکدهن بو راخ دای او دوشلوق داشین

۱۴- آزارسیز یول تاپانمیرسان بیر کم آزار یول تاپ گیلان .

بیر کیمسه کی زورسیزدی او نا زور دئمه یولداش  
 صلح ائتمه گه امکان اولاجنگ ائیله مه قارداش

۱۵- قیزیلدان گئچ مصیبتدهن قورتار جانین . عرب دئیهر : لاپ صون تدبیر  
 اولسون شمشیر .

اثر قیلما سا اوغلانین تدبیری  
 قینیدان چرخاردار ایتی شمشیری



۱۶- يىخدىغىوا رحم ائىلەمە ، رحم ائىلەمز يىخسا سنى .

دۈشمن سىناندا سى قىل تحقير قىلما ھەمتىن  
شايد او ھەمت سىز صاباح تحقير قىلسىن غىرتىن

۱۷- پىس آدمى كىم اۋلدۈرسە خلقىن فېكرىن راخت ائدەر پىسىن جانىن حق  
سئويلەين عذاب لاردان .

ترخم ان گۈزەل خصلتدە اولسا  
جفاكار زخمىنە سن قويمار ھەم  
ايلان گۈردۈن باشىن از رحم ائتمە  
جفاسىندەن گلىب دىر تنگە آدم

۱۸- دۈشمىنىدەن سۈز ائشىدەمە ، ائشىدەندە ترسە عمل ائىلە گىلان .

حذر كىم ائتمەسە دۈشمن سۈزۈندەن  
بىر از گىچمىش دئەر بىچارە اولدۇم  
او يۇل لاركى دئمىشىدى دۈزدۈ دۈشمن  
او يۇل لاردا بىر عۇمر آوارە اولدۇم

۱۹- خوشونتی آز اولانی<sup>۱</sup>ن صولتی یوخ ، عطوفتی چوخ اولانی<sup>۲</sup>ن هئیتی یوخ . نه چوخ  
بژدیر آمان دئسین نه چوخ آزدیر یامان دئسین .

پیچاقدان صورا زخمه مرهم گرهک  
بشرده غضب ، مهر با هم گرهک  
دهرین عقل اهلی یئریتمز سؤزون  
تواضع ائدهر یونگول ائتمز اؤزون  
دئمز هاممی دان عاقل انسان منم  
نادان کیمسه لر ایچره نادان منم  
اٹشیدیم گؤزهل بو سؤزو چوخ اوجا  
دئیردی جوان اوغلونا بیر قوجا  
ایگیدلیک اگر اولسا یالنیز ایشین  
دهلی شیرده اولسان چکرلر دیشین

۲۰- ایکی نفر یوردون<sup>(۱)</sup> ، دینین دوشمنیدیر ، او سلطان کی حلمی<sup>(۲)</sup> یوخدور ، او  
زاهدکی علمی یوخدور .

او کی بیلیمیر تاریدیر اصلی ده سلطان جهان  
هئچ زامان ائیلهمه یارب اونو شاه ائل بیگی خان

۱- ملک

۲- صبر ، دوزوم

۲۱- او سلطان كى دوشمنينه قان قۇسدۇردو ، دۇستۇنادا قان قۇسدۇرار . غضب اودۇ  
اۇنجه<sup>(۱)</sup> غضب صاحب لرین ياندىراجاق صونرا شايد بير اوزگه سين .

غروردان بشر پاك اولسۇن گرەك  
بشر خاك دير خاك اولسۇن گرەك  
قىزىل كۆز آلودان<sup>(۲)</sup> دۇغۇلدون مگر  
غرورى سايىرسان بۇيوك بير هنر

\*\*\*

بئيله قان<sup>(۳)</sup> مولكونده گۇردۇم آن بۇيوك بير عالمى  
سئويلەدیم : جھلين ايزين<sup>(۴)</sup> بۇ سينه دەن پاك ائت گيلان  
سئويلەدى : يا خاك اول چون كى ازەلدەن خاك سن  
ياكى علمين دفترين ياندىر كولون خاك<sup>(۵)</sup> ائت گيلان

۲۲- بدخلق انسان ائيله دوشمن اسيريدير ، اسيرليكدەن قۇرتۇلانماز .

اگر بلا گونۇ بد خلق آدام چىخا عرشه  
بلا اونۇ او مكاندان آتار او دم فرشه

۱ - اول

۲ - شیطانا اشاره دير

۳ - بيلقان - آرازدان او تايدا اولان بير شهرين آديدير

۴ - اثر ، نشان

۵ - دفن ائت

۲۳- دوشمن لریڻ سۆزلەشندە بزم<sup>(۱)</sup> دونۇن گئی اُگنیوہ ، بیرلەشندە رزم<sup>(۲)</sup> دونۇن .

قاری دوشمن لریڻ دعوا ائدەندە  
چاغیئر یولداش لاریڻ اول بزمە حاضر  
اگر گۆردۆن او دوشمن لر بیر اولدۇ  
یراق<sup>(۳)</sup> آمادە ائت اول بزمە حاضر

۲۴- دوشمن گۆرسە دیشی باتمیر گۆجو چاتمیر ، یولداشیئوام دئیەر صونرا قورقۇ  
قورار ایپین قیرار .

۲۵- ایلان دوتوب اۆلدورمەگە دوشمنیوی گۆندەرگیلان ، بو اۆلدۆرسە  
سئوینەرسن او اۆلدۆرسە شکر ائدەرسن .

ساواش قویاندا حریفین دئمە گۆجو یوخذۇر  
ایگید کی گئچدی جانیندان اونۇن گۆجو چوخذۇر

۱ - قوناقلیق

۲ - ساواش ، دۆیوش

۳ - ساواش اسبابی



۲۶- پىس خبرى سن سئويلەمە ، آيرى آدام قوۋى سئويلەسەن .

سن باھاردان خبر گتير بولبول  
قوۋى او قارقا دئسەن قيشين خبرين

۲۷- خائىن خلقين خيانتين آچما شاھا ، باور ائتمز جانين گئدەر .

خريدارى يوخدور گۈرۈرسن سۈزۈن  
سۈزۈن درياسيندان كنار چك اۈزۈن

۲۸- كيمسە مەن دئەنلرە اۋگۈد<sup>(۱)</sup> وئەرە اونون اۋگۈد نيازى وار .

۲۹- دۈشمەنلرين توصيفينە اينانمايىن ، مداحلارين<sup>(۲)</sup> تعريفينە . بوللار گدا صفت ديلر  
اونلار ريا اھلى ديلر . سانكى لئشە يئل وورارلار اغيئل سىزى اۋيسەن شيشەر .

۱- نصيحت ، پند

۲- تعريفچى ، تعريف ائدەر

اونون کی ذره سنده نفعی واردی<sup>۸</sup>

اینانما گر سنی تعریف ائتسه

سنین بیر عیبوی مین عیب ائیلر

مرادین آلامیشدان قویسا گتسه

۳۰- سوزون عیبی دوتولماسا سوز عیب سیز اولایلمز .

سوز اهلی گره کدیر دئییه نه اوزون

خیال ائیلیرهم عیبی یوخ بو سوزون

۳۱- کیمسه دئمز عقلیم آزدیر قیزیم دازدی<sup>۹</sup>ر .

جدال اندیردی دونن بیر جهود مسلمانلا

جدال داکى بو حدیث ائیلهدی منی حیران

چکیردی نعره مسلمان یالان دئسه من سنه من

سنین تایین منه اول سئویله سین بئوک یزدان

یهودی ده اوجادان آند ایچیردی توراته

سنین تایین یانیم اودا سوزومده اولسا یالان

اگر عاغیلدان اثر قالمایا بو دونیاده

منیم باشی<sup>۱۰</sup>مدا عاغیل یوخدو سئویله مز نادان

۳۲- يىددى درویش بىر سفرادان مىل ائدەرلەر . ايکى كۆپك لئش اوستونده  
بوغۇشارلار . حريص يئەر دئەر آجام قانع يئمز دئەر توخام .  
حكيم لردەن بىرى دئيىب : مكنتلى اول قناعتله نه مال دولت بضاعتله .

سير ائدەر بللى دى بىر بلله بو دار بارساغىمى  
سير ائتمز ولى دۇنيا بو ايکى دار گۈزۈمو

\*\*\*

آتامىن صون گۈنۈ چون باشه چاتدى  
بو پندى وئردى گۈن تىك صونرا باتدى  
كى شهوت اوددور آتشدەن اوزاق دور  
جهنمده يانار اوددان ايـراق دور  
آلین يانسا سسین قالخار سمايه  
چاليش سۇندور كۈزۈ دۈشمە بلایه

۳۳- يىخیلانی قالخیزماسین يىخیلاندا قالخیزمازلار .

يازىق كيمسه كى مردم آزاريدير مصيبت قوپان گۈندە بى ياريدير

۳۴- تىزكى گلدی تىزده گئدەر .

لاپ آزی قی<sup>ا</sup>رخ ایل زامان آپارار  
 او<sup>ا</sup> چینین تورپاغی<sup>ا</sup> اول<sup>ا</sup> چینی قاب  
 آل باشا چال داشا نه یسه لازم  
 یوزو<sup>ا</sup> بیر گونده قایری<sup>ا</sup>یلان بشقاب

\*\*\*

یومورتادان جوجه چون چیخدی<sup>ا</sup> تنز قاجار ده نلر  
 ولی آدام بالاسی آنلاماز ندیر دانه  
 نادان کی ناگاه اوزون گوردو<sup>ا</sup> نعمتین ایچره  
 اولار اونو<sup>ا</sup> یارادان خالقیل<sup>ا</sup> بیگانه  
 بشر او<sup>ا</sup> خالق<sup>ا</sup> مه کمون ده گیل گنده یئتیشه  
 مگر یانا گنچه جانندان مثال پروانه  
 قومون<sup>ا</sup> اگر ده یه ری یو<sup>ا</sup>خدو<sup>ا</sup> چولده چون چو<sup>ا</sup>خدو<sup>ا</sup>  
 تاپیل<sup>ا</sup>ماسایدی<sup>ا</sup> اولاردی<sup>ا</sup> ده یرلی دردانه

۳۵- صبر اولماسا ایشلر قالار ، صبر سیزلیک عومرو<sup>ا</sup> تالار .

بیاباندا گوزومله گورموشه<sup>ا</sup>م من  
 پیاده آتلی<sup>ا</sup> نی دالدا<sup>ا</sup>ن یئتیردی  
 ده وه آهسته گئدی گوزده<sup>ا</sup>ن ایتدی

گئده<sup>ا</sup>ن کروان ایزین آتلی<sup>ا</sup> ایتیردی



۳۶- جاھل آغزىن يۇمسا خوشدۇر ، كىم بۇ سۇزۇ درك ائىدىدیر ، جەھالتي ترك  
ائىدىدیر .

چون يۇخۇندور ادب كمال ھنرىن  
آغزىۋى چۇخ آچىب دانىشماگىلان  
پۇك جەۋىز<sup>(۱)</sup> تىك اگر ايجىن پۇكدۇ  
فضل ، ادب اھلىنە قارىشماگىلان

\*\*\*

بىرى بىر ائششگە سۇز اۋىرە دىردى  
اۋ يۇلدا آى لار ايل لىر چكىدى زحمت  
عاغىل اھلى دئدى : اى جاھل انسان  
ھەردىر بىر عۇمۇر چك سىندە محنت  
اۋ دىنمە زدەن<sup>(۲)</sup> سىن اۋىرەن دىنمە مزلىك  
محالدىر اۋىرەنە سىندەن اۋ صحبت

\*\*\*

كىمسە فىكىرىز گىرىشە صحبتە  
آغزىن آچاركن دۈشەجىك محنتە  
يا سۇزە گىر سۇز يىلەن انسان كىمى  
ياكى دايان باخ گىلە حيوان كىمى

۳۷- کیم اوزونندهن آرتیق فضلی اولانلارلا صحبت ائدهر بیلله ندرسین فضلی  
چو خدور بیلله ندره ر عقلی یو خدور .

صحبت اهلی اگر ائدیر صحبت  
قولاق آس سئویله مه ندر علت

۳۸- ایری یولا مایل اولان زایل اولار . یاخشی لاردان یاخشی ایشلر ظاهر اولار  
یامان لاردان یامان ایشلر .

همدم اگر اولسا ملک<sup>(۱)</sup> دیویله  
قلبی دولار مکر ، ریا ریویله<sup>(۲)</sup>  
قورد ، قویون گورسه قی<sup>۴</sup>جیردار دیشین  
قورد محال دیر گوره چوپان ایشین

۳۹- کیمسه خلقالین ایچین<sup>(۳)</sup> گزه ر ، خلقه مین جور یالان بهزه ر ، اوزون آزه ر .

۱- فرشته

۲- حيله ، مکر

۳- عیبین آختارار

۴۰- علم اهلى علمه عمل ائيله مه سه دئمک اولار بير عاغیل سیز اكينچی دير يئرى  
سوره ر دانه اكمز .

۴۱- اطاعتده اولسون گره ك ارادتین<sup>(۱)</sup> ، پوك گردكان آرتیرانماز بضاعتین .

۴۲- هر سوز بيله ن دوز سوز دئيه ن اولاييلمز .

چادراسی<sup>(۲)</sup> باشدا اولاندا دئيه جكلر اوجاديئر  
چادراسین باشدان آچاندا گوره جكلر قوجاديئر

۴۳- هر گئجه ميز قدر اولسايدى ، قدرین قدری اولمازيدير .

داشلار هامیسی اولسا اگر لعل بدخشان  
لعليله داشین اوندان اولار قيمتى يکسان

۴۴- خیال ائتمه او انسان کی خوش صورت دیر خوش سیرت دیر ، مهم ایچ دیر<sup>(۱)</sup> نه ائشیک دیر<sup>(۲)</sup> .

بیریله بیر نئچه ساعت اگر بیرى دانیشا  
سئچهر اونون نه قدهر سینه سینده واردیر علوم  
بیر عؤمر اگر گئجه گوندوز اونيله همدم اولا  
اونون خبیث ایچی اولماز اونون اوچون معلوم

۴۵- زور صاحیین کیمسه بیزلر ، اؤزون دیزلر .

دئیه جکلر گؤزون مگر چئری<sup>(۳)</sup> دیر  
بیری سن آی کیشی ایکی گؤروسن  
کلله<sup>(۴)</sup> کلله کلله<sup>(۵)</sup> وورماگیلان  
داغیلار یوخسا باش سینار کلله ن

۱ - سیرت ، ایچهری ، باطن

۲ - ظاهر ، صورت

۳ - بیرى ، ایکی گؤره ن کیمسه

۴ - اؤکوز ، بوغا

۵ - باش باشا



۴۶- جاھل جوان پنجه لہ شر نر شیریلہ اوینار ایتی شمشیریلہ .

زورۇ چۇخ كيمسەيە ايليش مە گیلان

ألین اۇپ جنگینە گیریش مە گیلان

۴۷- گۈجلۈلرە ھن دئمەيەن ، اۈزۈن ھلاک ائتمک اۈچۈن گۈجلۈلرلە آل بىر اولار .  
گۈجلۈ دۈشمەن فرمانىلا خاك اولمايان خاشاک<sup>(۱)</sup> اولار .

ضعيفين جرأتى اولاييلمز

قوى نين اۈستۈنە چكە شمشير

قايىدىب قاچماسا نادان ساييلار

اۈستۈنە كيم گۈرەر گلير دەلى شير

۴۸- ھنرسيزلر ھنر اھلين گۈرەنمزلر ، بازار ايتى چوبان ايتين ، گۈرەن كيمى ھى  
ھۈرەرلر ايرەلى يە گلەنمزلر ، يعنى ھنر صاحبينە سۈز آتارلار اۈزلەرينى گيزلەدەرلر .

دالیندا مین جورہ سۈزلر حسود خلقہ دئیەر

ولى گۈرەندە ھنر صاحبين دىلى دوتولار

۴۹- آجلیق دردی اولماسایدی صیدین قیچی ایلشمه زدی ، ظالم اووچی صید ایشینه گیرشمه زدی .

قارین بند ، زنجیریدیر آل قوؤلا  
قایتماز قارین بنده سی دوز یوؤلا

حکیم پایدان آرتیق یئمز ، عابد پاییم آزدیئر دئمز . زاهد ییئر ییخیلما یا اینجه جسمی سیخیلما یا . جوان بئش قاب ییئر قاب لار دوزولونجه ن ، قوجا تیخار<sup>(۱)</sup> جان دوداقدان اوزولونجه ن ، قلندرده<sup>(۲)</sup> او قدر ییئر قاریندا یئر نفس اوچون ، یئرده یئمک بیر کس اوچون دای قالما یا .

ایکی گئجه یاتا بیلمز قارین اسیری اولان  
ازل گئجه یئمه مکده ن صورا آغیرلیقدان

۵۰- قادیئن دئیه ن یوؤلا گئتمه ، ظولمکارا کرم ائتمه .  
او خیال دیش قوردو کیم ائتسه حمایت  
بو مظلوم گلله یه ائیلهر خیانت

۱- ییئر

۲- دینلنچی ، گدا

۵۱- ياغى دۈشمەن قاباغىندا دۈرۈب وۈرۈپ اۈلدۈرمەسەن سەن اۈزۈۈين دۈشمەن سەن .

ايلانا وئرمە مجال از باشىنى

ياخىنا گلە چالار ، چال داشىنى

۵۲- قولۇ باغلى دۈشمەننى اۈلدۈرسەن سۈزۈم يۈخدۈر اۈتۈرسەن ، آمما اونۇ  
اۈلدۈرمەگە سەبەب ئاتىلان سۈزۈ اۈلار ائشيدمەگە امكان اۈلماز .

هەنرىن وارسا دۈر دىرىت اۈلۈنۈ

دىرىنى چۈخ راحاتدىر اۈلدۈرەسەن

آتىلان اۈخ ياي قايىت ماياچاق

اۈخۈنۈ گۈر ھارا اتىرسەن ؟

۵۳- عقل اھلى عاغىل سىزدان خورمەت اۈمماز ، جاھل عالم خورمەتنى سىندىراندە  
ھكىم دئەر سانكى داشدىر ايرى اينجى سىندىريرى .

بۈلبۈلە اۈلسا ھەم قەس قەلە

يىخىلىب اۈلمەگە ائدەر عەلە

گر جفا قیلسا نادان کیمسه هنر صاحبینه  
 او هنر اهلی جفا ائتسه اونون یوخ هنری  
 ابله آدم آياغین آلتینا سالسا قیزیلی  
 قیزیلین ذرّه ده اُسگیلمه یه جکدیر دهیری

۵۴- عاغیللی لار ، عاغیل سیزلار مجلسینده سئویله مزلر . بللی سۆزدۆر عاشیق  
 سازین دیلله ندیرمز دۆهول های قاوزاناندا ، مُشک اییین بیلله ندیرمز سوغان تایی  
 آچیلاندا .

اُشیدیم سئویله دی بیر جهل اهلی  
 دانیشدیم لال اولدو عقل اهلی  
 او بیلمیردی چالینسا طبل غازی<sup>(۱)</sup>  
 عاشیق آلاماز سازی چالماز حجازی<sup>(۲)</sup>

۵۵- قیزیل ، زیغا باتسا یئنه دهیرلیدیر ، غبار عرشه چاتسا یئنه دهیرسیدیر .  
 حئیف جاهل بئجددیرمک<sup>(۳)</sup> ، دریغ عاقل بئجرمه مک . فیکر ائتمه چون کول اودداندیر  
 اود گونشدهن ساووق کولده ایستی گرهک . گولون اییی کؤکوندن یوخ اوزونده ندیر .

۱- دۆیۆش دۆهولو

۲- ماهنی آدی دیر

۳- بسله ددیرمک



چون كى كنعان<sup>(۱)</sup> اولدۇ چۇخلۇ بى ھنر  
 بى ھنر انسان كىمى اولدۇ ھدر  
 ايلك ھنردەن سئويلە گوھردەن دئمە  
 ابراهيمدان سئويلە آزردهن<sup>(۲)</sup> دئمە

۵۶- عطر گرەك اوزۇ دئيه ، لازم دە گيل عطار دئيه . عاقل عنبر بوخچاسيدير<sup>(۳)</sup> خوش ايىي وار ، جاھل دۇيۇش دۇھولودور بوئش ايچى وار .

عقلى يوخلار ايچيندە عقلى اولان سانكى اصلان دۇشۇندە جيراندير  
 گۇزۇ گۇرمز<sup>(۴)</sup> گۇزۇندە سورمەلى گۇز سانكى زنديق<sup>(۵)</sup> ائويندە قراندير

۵۷- آزار چكدين دۇس<sup>(۶)</sup> قازاندين دۇسلاريۇا آزار وئرمە .

مىن ايل زامان آپاردىكى دۇنسۇن او لعلە داش  
 زينھار<sup>(۷)</sup> لعلى وورمايسان داشە سن داداش

۱ - نوح پىغمبرين اطاعت ائتمەيەن اوغلۇ

۲ - ابراهيمين آتاسى يا عمى سى نىن آدى دىر

۳ - مندە ، باغلى

۴ - كۆز آدم

۵ - دىن سىز ، كافر

۶ - دوست ، يۇلداس

۷ - آماندېر ، آگاہ اول

۵۸- گۆربۆزه‌سیز<sup>(۱)</sup> کیشی آرواد اسیری تک عقل نفسین اسیریدیر .

اگر قاوزانا ائوده آرواد سسی دای اولماز او ائوده صفا حصه‌سی<sup>(۲)</sup>

۵۹- سۆز صاحبی گۆجلو گرک یوخسا سۆزو افسانه‌دیر<sup>(۳)</sup> ، گۆج اهلی نین عقلی گرک یوخسا گۆجلو دیوانه‌دیر .

دوشونجه‌سی<sup>(۴)</sup> دۆزومو حاکیمین گرک اولسون

دوشونجه‌سی دۆزومو اولماسا ستمکاردی

۶۰- کرامت لی جاهل جوان کرامت‌سیز عالم پیردهن<sup>(۵)</sup> ایره‌لیدیر<sup>(۶)</sup> .

۶۱- کیمسه خلقالین خاطرینه شهوت یولون بوْراخیب‌دیر<sup>۸</sup> حلال یولدان حرام یولا یول  
تاپیب‌دیر .

۱ - تدبیر‌سیز ، لیاقت‌سیز

۲ - پای ، سهم ، قسمت

۳ - کؤکسوز ، فایدا‌سیز

۴ - فهم ، شعور

۵ - مرشد

۶ - تانیری یا یاخین‌دیر

آللاه دان اۋتور ائىلەمەسە عابد عبادت  
آيىنەدە نورى گۆرەجك زىل قارا ظلمت

۶۲- بولۇد دامار دريا دولار ، خىردا خىردا خىلەك<sup>(۱)</sup> اولار ، يعنى انسان قدرت سىز  
گون قىچ قولۇتا دەگەن داشى يىغمالىدیر فرصت گونۇ ظالم لىن باش گوزونه  
وورمالیدیر .

چشمه لر بىرلشسه لر صحرا داشار  
نهرلر هيمله شسه لر دريا داشار  
داملا داملا داملادان چايلار دولار  
دانه دانه دانه دەن تایلار<sup>(۲)</sup> دولار

۶۳- علم اهلينه روا ده گیل جهل اهلینین جهالتین گۆرە دۆزە ، بئىلە دۆزۈم بوتۇن جهلین  
آرتىراجاق اونۇن آغیر حورمىتىنى<sup>(۳)</sup> آزالداجاق .

تواضع<sup>(۴)</sup> اگر ائىلەسن طاغىيە  
اونۇن نخوتى كبرى حددهن آشار

۱ - خىلى ، چۇخ چۇخ

۲ - كىسە

۳ - عزت ، احترام

۴ - آلچاقلىق ، اوزون اسگيك ائتمك

۶۴- گناهکارلیق هنج کیمسه ده ن مطلوب ده گیل علی الخصوص علم اهلینده ن . علم اوخدور شیطان قلبین اوخلاماغا . اوخچو آرتیق شرم انده جک اسیر اولسا .

پرهیزی گر اولماسا بیر عالمن  
ائيله عالمدن او نادان یاخشی<sup>۱</sup>دیر  
گوزلو انسان گورمه سه یارقانلاری<sup>(۱)</sup>  
گوزسوز انسان چوخ چوخ اوندان یاخشی<sup>۱</sup>دیر

۶۵- حیاتیتمیز بیر نفسدیر ، وارلیغیمیز ایکی یوخلوق آراسیندا بیر هوسدیر . عقلی یوخلار دنیا اوچون دین ساتیرلار ، یوسف ساتان او کیمسه لر ایسته ییرلر نه آسینار ؟  
« اَلَمْ اَعْهَدْ اِلَیْکُمْ یَا بَنی اَدَمَ اَنْ لَا تَعْبُدُوا الشَّیْطَانَ »<sup>(۲)</sup>

اونوددون ایلقاریوی اولدو همدمین دوشمن  
او دوشمنین سوزونه یولداشین بوراخذین سن

۶۶- ده لی شیطان مخلص لرله<sup>(۳)</sup> چالا بیلمز ، زه لی سلطان مفلس<sup>(۴)</sup> لرله .

۱ - قویو ، چالا

۲ - یاسین سورهمینین آتمیشینجی آیه سینده ن « ای آدمین او شاقلاری مگر سیزله عهد اتمه دیدیم شیطان به اش اگمه یه سیز »

۳ - تانری سئوه نلر

۴ - یوخسول ، وارسیز



يۇخسۇل كى اونۇن نمازى يۇخدۇر<sup>(۱)</sup>  
وام وئرمه اونا نيازى يۇخدۇر  
تانرى بۇيۇران او فرضى<sup>(۲)</sup> وئرمز  
وئرسەن اونا قرض او قرضى وئرمز  
دۇرد اल्ली آلا او قرضى آلان  
صوترا اوزوه دئهر قاچ اوغلان

۶۷- چۆرهك سيزين<sup>(۳)</sup> آدين يادين خلق اونۇدار . اوزوم دادين دن دول  
قاري جيق<sup>(۴)</sup> قادين بيلر مۇوچى<sup>(۵)</sup> بيلمز .  
مصرين اوزون قيتليغيندا<sup>(۶)</sup> دوزگون يوسف بوئا گۆره چوخ يئمه گه يوخ دئهردى  
يۇخسۇل لارا يوخ دئمه يه .

اوكى دائم چكرديشه فرهنى<sup>(۷)</sup>  
نه بيلر دادماييب فقير ترهنى  
آجى آج كيمسه دن سوروش آكىشى  
گئجه آج آج ياتير توخون نه ايشى

۱ - ناماز سيز آدام

۲ - واجب ناماز

۳ - كرامت سيز

۴ - ارسيز قوچا

۵ - اوزوم باغى نين باغبانى

۶ - قحط سينده

۷ - تويۇق

ای قارا یئل ، تۈزۈنا چاتمايان آتلیؑ یاواش اول  
 بو قوچا خسته<sup>(۱)</sup> گوہنچی یوکۈله زیغدا قالیب  
 باجاسیؑ تۈستۈله یهن غم خانادان<sup>(۲)</sup> ایسته مه کۈز  
 او اۋرەک تۈستۈسۈدۈر دام دوۋارا کۈلگه سالیب

۶۸- سن یئهنده یۈخسۈل درویش وای دئیهنده ، دئهن ندهن وای سۈیله دین ، گرەک  
 یوکۈن باغلا یاسان اونۈن اۋچۈن آغلا یاسان<sup>(۳)</sup> .

گۈره نده پالچیقینؑ ایچره باتیبدی یۈکلۈ اولاخ  
 اۋرە کده آغلا ولی سۈرگیلان آتینؑ اۋزاغا  
 پیاده اولسان آتیندان دئسن نذیر احوال  
 کۈمک گرەک ائده سن زیغ ایچینه کی اولاغ

۶۹- بوایکی سۈز یالان ده گیل؛ پایدان<sup>(۴)</sup> آرتیق یئمک اولماز، أجل قاییت دئمک اولماز.

قادان<sup>(۵)</sup> منیم جانیما سۈیله سن دئسنده یامان

قضا یازان یازیچیؑ ائيله مز عوض قضانیؑ

۱ - یۈرغون

۲ - غم سارایی

۳ - اشاره دیر پای وئرمه گه

۴ - قسمت

۵ - بلا

قارا یئلین وکیل سؤندۆرهنده<sup>(۱)</sup> دۆل<sup>(۲)</sup> چراغین  
چراخ ییخان یئلی یوخ دانلایین یازی یازانی<sup>۸</sup>

۷۰- پایلا<sup>(۳)</sup> پایین ، أجل هایلار<sup>(۴)</sup> باتار هایین .

رزق اوچون جهد اندیب یا ائتمه یه سن  
یازیلان رزق آله گلیب چاتاجاق  
اصلانی<sup>۵</sup>ن چنگینه ایلش سنده  
أجلین چاتماسا داشین آتاجاق

روزی لی یه روزی چو خدور ، روزی سیزه روزی یو خدور .

سکندر<sup>(۵)</sup> آب حیاتدان<sup>(۶)</sup> ایچه نهدی بیر ایچیم  
دویونجا ایچدی ولی خضر<sup>(۷)</sup> سعی سیز او سؤدان

۷۱- پای سیز اووچی بندی<sup>(۸)</sup> آچار ، أجل سیز اوو بددهن<sup>(۹)</sup> قاچار .

۱ - گنجیردهنده

۲ - آرسیز آرواد

۳ - باغیشلا ، قسمت ائيله

۴ - چاغیرار

۵ - مقدونیّه لی اسکندرّه اشاره دیر

۶ - ابدی یاشایش باغیشلا یان چشمه نین سوو

۷ - اسکندرله بیرلیکده ظلماتا مسافرت ائتمیشدیر .

۸ - قفس ، جله

۹ - بند

مسکین حریص<sup>(۱)</sup> هئی دولانی<sup>۱</sup> رزقین آرتیرا  
یلمیر کی دائماً ایزینی ایزلهیر<sup>(۲)</sup> أجل

۷۲- غافل وارلی پالچیق قابدی<sup>۱</sup> قیزی<sup>۱</sup>ل سؤدان سو<sup>۱</sup>ایچیدیر ، وارسیز آگاه  
قیزی<sup>۱</sup>ل جامدی<sup>۱</sup>ر زیغدان گئیم گئینیدیر . بو<sup>۱</sup> موسانی<sup>۱</sup>ن کهنه یی<sup>۱</sup>رتیق  
اوسلو<sup>۱</sup>گودور<sup>(۳)</sup> ، او<sup>۱</sup> فرعونون مرواریلی ساققالیدیر<sup>(۴)</sup>

۷۳- یوللولار<sup>۱</sup>ا باغلی یول<sup>۱</sup>لار آچیلماجاق ، یول<sup>۱</sup>سیزلارا آچیق یول<sup>۱</sup>لار باغلاناجاق .

کیمسه<sup>۱</sup>نین دولتی وار<sup>۱</sup>ی واریدی<sup>۱</sup>  
وارسیز<sup>۱</sup> انسانه یاردیم<sup>۱</sup> ائتمه<sup>۱</sup>لیدیر  
بئله<sup>۱</sup> فیکر<sup>۱</sup> ائله<sup>۱</sup>مه<sup>۱</sup> او<sup>۱</sup> قبر<sup>۱</sup> ائوینه<sup>۱</sup>  
جاه و دولت سنیله<sup>۱</sup> گئتمه<sup>۱</sup>لیدیر

۷۴- بخیل<sup>(۵)</sup> حقیقین نعمتینه<sup>۱</sup> بخل<sup>۱</sup> ائدر ، بنده<sup>۱</sup>لری دوشمن<sup>۱</sup> سایار .

۱ - طاماح کار

۲ - أجل دالسیندا گزیر او<sup>۱</sup>نو اختاریر

۳ - روپوش ، ائشیک پالتاری

۴ - فرعونون ساققالین باهالی گوهرلرله هوره<sup>۱</sup>رمیشلر

۵ - حسود



بىر عاغىل سىز جاھىل كىشى گۈردۈم  
 پىسلە يىردى بۇيۈك بىر اھل جاھى<sup>(۱)</sup>  
 دئدىم : اى خواجه گر سىنن يۈخدۈر  
 او مقام اھلى نىن ندىر گۈناھى

\*\*\*

حسودە بلا ايستمە آى كىشى  
 بۇيۈك بىر بلايە سالىب چون اۈزۈن  
 اونون گۈزلىرىن وئر چىخاردىم دئمە  
 حسادت چىخاردار دىيىندەن گۈزۈن

۷۵- ارادت سىز دلدار دئەن بضاعت سىز دلدادە دىر ، معرفت سىز يۈل ايزلەيەن قول  
 قانادسىز قوشا بەنزەر ، شىرىن بارسىز بىر آغاج دىر او عالم كى عمل سىزدىر ، بىر  
 قاپى سىز دروازادىر او زاهد كى علم سىزدىر .

۷۶- قرآن گلىب سۈزلىرىنى اۋىرەنمەگە اوئا عمل ائىلەمەگە ، نەكى او جا آوازيلا اوخوماغا .

۷۷- آت سىز قوچا يۇردا چاتىب ، آتلى ايگىد ھلە ياتىب ، ال يۇخارى<sup>(۲)</sup> دوتان  
 جوان باش يۇخارى<sup>(۳)</sup> دوتان قوچا زاهدلردەن ايرەلىدىر .

۱ - دولت و مقام صاحى

۲ - عبادت ائتمەگە اشاره دىر

۳ - عبادت ائتمەيەن عاصى آداما اشاره دىر .

خوش خلق گولهش قاباخلی مأمور اول، اولما فقیه<sup>(۱)</sup> مردم آزار

۷۸- بیر عالمدهن سوزوشدولار نهیه بهنزه ر اوکی بیلر عمل ائتمز ، دندی بالسیز  
بیر آری یا .

سئویلهدی بیر گون بیری بالسیز آری<sup>(۲)</sup>  
بال یوخوندور سن ییزی ساشما بار

۷۹- جفا ائدهن آره آرواد دئمه لی ییک ، ریا ائدهن زاهدلره قیرخ حرامی<sup>(۳)</sup>

ای کی قلبین قازادی کج دی یولون  
بورونوب سن ریا اوچون دوم آغا  
پالتاریم آغ گرهک سوزون قورتار  
تزویری قوی کمانه آت اوزاغا

۸۰- ایکی نفر حسرت چکر حسرت یوکون آچا بیلمز ندامتین<sup>(۴)</sup> دوستاغیندان<sup>(۵)</sup> قاجایلمز،

۱ - دین عالمی

۲ - ساری آری ، ائشک آری سی

۳ - اوغرو ، یول کسهن

۴ - پشیمان اولماق

۵ - زندان ، قفس ، بند ، قازامات

اۋ تاجر كى دەلى دريا جامين<sup>(۱)</sup> جالار ، اۋ وارث كى دۇرت دۇرەسىن درویش آلار .

كىم پايىن<sup>۱</sup> پاى وئرمەسە درویش لره  
آل<sup>(۲)</sup> قانى<sup>۲</sup> آخسا دئەرلر عىبى يوڭ  
يا حالىن<sup>۳</sup> سورما<sup>(۳)</sup> قلندر<sup>(۴)</sup> كىمسەن  
يا اۋزون آج قال اونۇ سن ائىلە توڭ  
يا ائوۋە قوتدار بۇيوك<sup>۵</sup> دروازەلر<sup>(۵)</sup>  
ياكى ائتمە فىلچى يە اصرار چوڭ

۸۱- اگنيمدهكى بو بئز كۈينك بىگ گۈندەرەن اپىك دۇندان عزت لىدير ، بوڭ  
سفرامىن<sup>۶</sup> تۈكۈنتۈسۈ<sup>(۶)</sup> خان ائوى نىن طعامىندان لذت لىدير .

يئەرەم سرکهنى ياۋان ترەنى  
يئمەرەم كدخدا وئرنە فرەنى

۸۲- عقلى اولان اۋزباشىنا دوا يئمز، قارا يوۋلا بلدچى سىز گئىدىم دئمز، يۈكسك مقام مرشد

۱ - آلىش وئرىش مالى نىن باتماسىنا اشاره دىر

۲ - قىرمىزى

۳ - سۈرۈشما ، سئوال ائتمە

۴ - گدا ، دىلنچى

۵ - بۇيوك قابى

۶ - باقى مانده ، اۋ كى تۈكۈلەر قالار ، بۇرادا نارىن چۆرەك

امام غزالی دهن<sup>(۱)</sup> - تانری اونا رحمت ائتسین - سوزوشدولار بیله یوکسک اوجا یثره سئویله نئجه اوجالاندین ؟  
 بویوردولار : بیلمه دیگیم سوزلری من سوزوشاردیم سوزوشماقدان اوتانمازدیم .

اینانمارام دئسه لر دردیوین دواسی بوئدور  
 مگر آچیق بو سوزو سئویله یه طیب منه  
 سوزوش باجارمادیغین سوزلری بیلن لردن  
 ایشیقلی سوز اولاجاقدیر گئجه چراغ سنه

●  
 ۸۳- بیر سوال کی جوانینی ییله جک سن سوزوشماغا شتاب ائتمه ، یوخسا ابله ساییلارسان .

اوگون کی گوردو لقمان<sup>(۲)</sup> ایستی آهن  
 اولوب داوود<sup>(۳)</sup> آلینده نرم چون موئم  
 نه ایش سن ائیله ییرسن سوزمامیشدی  
 ییلیردی چون اولار آز صونرا معلوم

●  
 ۸۴- آز گئت گیلان گئچین گیلان<sup>(۴)</sup> یوخسا یاردا آتار سنی .

۱ - آلتینجی قرنده یاشایان تسنن اهلینین عارف لرینده ندیر

۲ - داوود پیغمبرین عصرینده یاشایان حبشه لی بیر بیلجی کیشی میس

۳ - بنی اسرائیل پیغمبر لرینده ندیر کی چوخ گوزل سسی واریمیش

۴ - مدارا ائیله



اگر دلدار سئوہن سؤز سئويله سن سن  
سنه آرتار گؤزهل دلدار ميلی  
او مجنونه حکایت نقل ائده نلر  
آپار سینلار گرہ کدیر نام لیلی

۸۵- پیس آدامین یولداشینا پیس دئیهرلر یاخشى آدام او اولسادا . خراباته قدم قویان  
عابدلرده خراباتی آدلانارلار .

او گون عقلی او دوزدوم نادان اولدوم  
کی نادان کیمسه یه من مهمان اولدوم

\*\*\*

دئدیم : ناصح منه بیر پند وئر سن  
دئدی : اوغلوئم دئمہ نادانه سن هن  
دئیهرلر یوخسا خر<sup>(۱)</sup> سن عاقل اولسان  
اولاخ سان جاهله سن مایل اولسان

۸۶- دهوه ائيله دوزوملیدیر ایپین<sup>(۲)</sup> اوشاق چکسه اونو آللی آغاج یول آپارسا گئدهر  
دینمز امما گورسه بیر قورخوللو اوچروم<sup>(۳)</sup> ایچره چکیلیری دورار گئتمز طاعت ائتمز .

۱- اولاغ ، ائششک

۲- مهار ، زمام ، تناب

۳- یارقان ، دره

خشوننده ملاطفت یاخشی ده گیل . دئییدیلر : چوخ اوز وئرسن چوخ اوزله نر .

محبٲین جوايٲن وئرگیلان محبتیله  
ملامت ائیله یه نین سور حالٲن ملامتیله  
شروره کیمسه کرم ائیله یه او ناداندیر  
أریت قوتور<sup>(۱)</sup> ده میری چاره سی نه سوهاندير<sup>(۲)</sup>

۸۷- کیمسه عالم صحبتینه وارد اولار خلق دئیه علمی چوخدور خلق دئیهر فضلی<sup>(۳)</sup>  
یوخدور .

عاقل انسان جواب وئرمه یه جک  
مگر اوندان سئوال ائیله یه سن  
دوز دئیهن اولسادا او سارساق<sup>(۴)</sup> آدام  
دئیه جک سن یالانچی دیر اونان سن

۸۸- پیس یریمدهن چیان<sup>(۵)</sup> چیخدی منی ییخدی. شیخ منی یوخلایاندا اویارانی

۱ - حدهن آرتیق پاسلانمیش و چوروموش ده میره اشاره دیر

۲ - ده میر سورتن

۳ - علم ، دانش

۴ - هدر دانیشان آدام

۵ - یارا ، زخم

نەجە اولماغىن سۈرۈشاردى ھاردا اولماغىن سۈرۈشمازدى ، لاپ آشكارا  
ايستەمزدى اوۋ عضودەن آد آپارسىن . دئىبىدىلر : كىم پىس سئوال ائىلىيە جك جوايىندەن  
اينجىيە جك .

شكىن وار اگر سئويلەدىگىن سۈزدە خطا وار  
يۇم آغزىوى بىم برك<sup>(۱)</sup> سۈزۈ ائىلەمە ايراد  
دۈز سئويلەگىلان قال بىر عۇمۇر دۇستاق ايچىندە  
وئرمە يالانا باج اولاسان بىندىدەن آزاد

۸۹- يالان ، قىلىنچ ياراسى دىر توختاسادا ايزى قالار ، سانكى عزيز<sup>(۲)</sup> اوۋ يوسىف  
قارداش لارى كى خلق ايچرە يالانچى خلق آدلاندىلار .  
« قال بَلْ سَوَّلَتْ لَكُمْ أَنْفُسُكُمْ أَمْ »<sup>۳</sup>

اگر عادتىن اولسا دۈز سئويلەمك  
خطا سئويلەسن ائل باغىشلار سنى  
اگر مشهور اولسان خطاكارلىغا  
دئىەرلر سنىه آلاھىن دۈشمىنى

۱ - محكم ، چۈنچ برك

۲ - قديم مصر حاكم لرېنە دئىەر مىشلر

۳ - يوسف سورەسىنىن اوۋ سىگىزىنچى آيەسى « دئدى بلكە نفس لرېز پىس عملى نظرىزدە جلۈلەندىردى »

۹۰- کایناتین شرفلی سی انسان اولسا شرف سیزی ایتدیر ، آما دئییدیلر حق بيلمیه یوز انساندان بیر حق بیلنه ایت یاخشی دیر .

ایتین بیر عؤمر ات چیخماز یادیندان  
باشیندان گونده سن وورساندا یوز داش  
گئچیندیر سنده سن نامردی مین گون  
یامان گون یوخلاماز وورماز سنه باش

۹۱- نفس اهلی هنر اهلی اول بيلمز ، کیم هنرله بیگانه دیر سانکی بوم بوش پیمانه دیر .

کلین<sup>(۱)</sup> سئویله مه چوخ آغیر دیر یوکو  
نه قدر اوت یسه هئچ ده به شمز توکو  
اوکوز تک سئونده یئیب یاتماغی  
گوزه آل گیلان آبرو ساتماغی

۹۲- انجیل ده وار ای آدمین او شاق لاری وار وئرنده وارا ساری ییخیلیر سیز وئرمه ینده  
وارسیزلیقدان سیخیلیر سیز، نه وار گونو ذکر اندیر سیز نه یوخ گونو، هاچان فیکره



جو مَاجاق سیز مندهن اومید اومَاجاق سیز ؟

پایین آرتیق دوشور غافل دوشورسن<sup>(۱)</sup>  
بیر آز آز اولجاغین یاردان اوشورسن  
ناخوش، خوش گونلرین اولسا اگر ضای<sup>(۲)</sup>  
هاچان ؟ طاعت عبادت ائيلهسن دای

●  
۹۳- امر مطلق<sup>(۳)</sup> امر ائيلهسه ظولمکارین تختی لاخلار ، بالیق اودار او اوددوغون  
دیری ساخلار<sup>(۴)</sup> .

اول دم کی آدین یادین ائدیر جانيله مونس  
خوشدور اودا ناققا منی ده سانکی او یونس<sup>(۵)</sup>

●  
۹۴- قهر قیلسا<sup>(۶)</sup> انیالر قان گولونده اوزه جکلر ، لطف ائيلهسه پیسلر اوچماق  
اورمانیندا<sup>(۷)</sup> گزه جکلر .

---

۱- خالق اوندماغا اشاره دیر

۲- هدر ، تلف

۳- عالمه فرمان سورهن اولو تانری

۴- یونس پیغمبرین سرگذشتینه اشاره دیر

۵- بنی اسرائیل پیغمبرلرینده ندیر کی ناققا بالیق اوتو اودو اولمه دی

۶- غضب ائيلهسه

۷- جنت باغلاریندا

انیا اؤلیا نه ائيله یه جک

قهر اگر ائيله سه قیامتده

بیزلره لطف قیل کرم ائيله

بللیدیر یوخ تاییّن کرامتده

۹۵- بو دۇنیادا اؤد یانیدیْران اوْ دۇنیادا اؤددا یانار .

« وَلْتَذِيقَنَّهُمْ مِنَ الْعَذَابِ الْأَدْنَى دُونَ الْعَذَابِ الْأَكْبَرِ . » <sup>(۱)</sup>

اؤنجه سنین احوالیوه برک آغلایاجاق

صوئرا دوْتاجاق آل قولووی باغلایاجاق

۹۶- گئدهن لردهن عبرت آلان گلن لره عبرت اولماز . اوْغروْ ألی قیسسالانار

قیسسالانسا. <sup>(۲)</sup>

دانه یه خوْر <sup>(۳)</sup> باخار اوْگوْیده کی قوْش گؤرسه بیر آیری قوْش دوشوْب بنده

اؤزگه نی عبرت ائت نه اول عبرت ای یوْلوْ کئوْ <sup>(۴)</sup> گئدهن ایتنه بنده

۱ - سجده سوره سینین ایگیرمی بیرینجی آیه سی « بی گمان اونلارا آغیرین یوخ یونگول عذاب دادیزدیریق آیری یولدان قاید سینلار . »

۲ - شرع حکمیه اوْغروْ آلین قیسساتماغا اشاره دیر

۳ - چپ چپ باخماق ، آیری باخماق

۴ - کج ، آیری

۹۷- قولاق لارى آغیر کیمسه ائشیده نمر نه ائيله سین ؟ سعادتن کمندینه ایلشه نمر نه ائيله سین ؟

آلاهیڭ دوستونا گنجہ اولماز  
گنجہ سی ایلک دهن دؤنر سحره  
بئيله یوکسک سعادتى آلاه  
لطف ائيله ر اونو سئوه بشره

\*\*\*

گیزلین سؤزومو سئویله ره م عالمده سنے  
سندن یاخینی یوخدو بو عالمده منہ  
هر کیم سنی رهبر بیلہ او ایتمه یه جک  
سندن صورا سئویله هانی ؟ رهبر ایتنه

۹۸- صون گونو خوش گدا اولوم آخری پیس شاه اولمویوم .

ناخوش گون گوزهل دیر چاتا خوش گونہ  
بوراخ خوش گونو چاتسا ناخوش گونہ

۹۹- گؤیده ن یثره یاغیش یاخار، یثردن گؤیه توز قاوزانار، کؤیده <sup>(۱)</sup> اولان کؤیده ن چیخار.

خوشۇن گلمىر اگر خۇلق و خوئومدان<sup>(۱)</sup>  
چالېش خۇلق و خوئون سن گۇيچك ائيله

● ۱۰۰- او گرامى جلالىلى تانرى گۇرۇر نھان ائىلىر ، قوشۇ گۇرمۇر عيان ائىلىر .

نعوذ بالله<sup>(۲)</sup> اگر خۇلق غىبى بىلسەيدى  
بشر بو بۇش گونۇ بىر لحظه راحت اولمازىدى

● ۱۰۱- داغىن باغرىن سۇكمەيىنجن ، بخىل<sup>(۳)</sup> كىمسە اولمەيىنجن گىزلىن قىزىل  
آشكار اولماز .

بيچاره خىس يىتمز يىدېتمز  
بۇنداندا وارىم دئەر چۇخ اولسۇن  
ھىچ باورىنە بوگۇن سىخىلماز  
بو يىغدىغى مال صاباح يۇخ اولسۇن

● ۱۰۲- آياخلايان آياخلانار ، باغىشلايان باغىشلانار .

۱ - خۇلق ، اخلاق

۲ - تانرى يا پناه آپاريرام

۳ - حسود ، گۇزۇ دار



ایگیدلیکدهن اوزاخدیڤر سیندیرا قول  
او اوغلان کی قولوندا چوخدو قوت  
ضعیف انسان لاری اینجیتمه اوغلو  
قوی لردهن گۆره رسن یوخسا خفت<sup>(۱)</sup>

۱۰۳- عقل اهلی ساواش گونو آلین چکر ، باریش گونو آلین وئرەر ، بو آل وئرمک  
آسوده لیک تۆره ده ندر او آل چکمک سلامت لیک یاراداندیر .

۱۰۴- او یونچونون<sup>(۲)</sup> ایسته دیگی اوچ آلتیدی ، اوچ بیر گلدی .

بئدو آتین<sup>(۳)</sup> جئلوی اوز آینده اولسایدی  
بئدو قاجاردی مگر کارزار<sup>(۴)</sup> میدانینا

۱۰۵- بیرى دعا ائيله ییردی : ای مهربان<sup>(۵)</sup> بو پیسه ده رحم اولونسون او یاخشى یا رحم  
اولونوب یاخشى مخلوق خلق اولونوب .

۱- خواری ، آسگیك لیک

۲- او یون اوینیان ، بازیکن

۳- یرین قاجان آت

۴- دؤیوش ، ساواش ، چارپیشما

۵- تاریدان منظور دور

۱۰۶- ایلک انسان کی بارماغینا اۆزۆک تاختدی پالتارینا دۆزمه دۆزدۆ جمشیدیدی<sup>(۱)</sup>.  
 بیرى دئدى : زینت ساغا یاراشاندیر سلطان صولا زینت وئردى ، دئدى راستا راست<sup>(۲)</sup>  
 دئمک کفایت دیر .

فریدون<sup>(۳)</sup> ایسته دی چین نقاشیندان  
 بو بیت یله گۆزله له نسین شبستان<sup>(۴)</sup>  
 پیسه عزت گرہ کدیر یوخسا یاخشی<sup>۵</sup>  
 ازلدهن خلق اولوبدور یاخشی انسان

۱۰۷- بیر عالمدهن سوروشدولار او قدهرکی ساغین عزت حورمتی وار صولون  
 یوخدور اما ندهن اۆزۆک صولا تاخیلیری ؟ بو یوردولار چون فضیلت صاحب لری هر  
 بیر پایدان پای سیزدی لار .

اوکی روزی باغیشلایب بشره  
 یا فضیلت عطا ائدیپ یادا بخت

۱۰۸- پادشاها اؤگود وئرهن جانیندان گۆز یومماسادا قیزیلدان گۆز یوممالیدیر .

۱ - ایران شاهلارینداندیر

۲ - ساغ

۳ - ایران شاهلارینداندیر

۴ - کاخ ، سارای ، خانلیق

موّحد<sup>(۱)</sup> باشیندان قیّزئیل آشسادا  
اونون آل قانی سینه‌دهن داشسادا  
محالدیر اگیلسین ستم اهلینه  
ازیلسین بوزولسون<sup>(۲)</sup> درم اهلینه  
بو خلقی اوتور خالقہ گئت اگیل  
کی توحید<sup>(۳)</sup> بودور آیری بیرسوز ده‌گیل

۱۰۹- ظولم اوردوسون ییغدیрмаغا ، ستم کاخین ییغدیрмаغا خاطر دی شاه ،  
شحنه<sup>(۴)</sup> قولدور<sup>(۵)</sup> یاغی لری خاک ائتمه‌گه قونداریلئیب قاضی اوغرو خلّین خلّین  
پاک ائتمه‌گه ، راضی قاضی صحبتینه راضی اولماز .

طلبکارین طلیین ایندی کی گرهک وئره‌سن  
چالیش یو باتماگیلان وئر اونو محبت‌یله  
خراج<sup>(۶)</sup> سلطانی سرهنگ<sup>(۷)</sup> آلا کؤته‌ک گوجونه  
خراج سلطانی کیم وئرمه‌سه رضایت‌یله

۱- تانری نی عبادت ائدهن

۲- یالتاقلانسین

۳- یالنیز تایی سیئر تانری نی عبادت ائتمک

۴- مأمور ، پلیس

۵- بوینو یوغون ، اوزگه‌نین حقوقی نه تجاوز ائدهن کیمسه

۶- مالیات

۷- وصول مأمورو

۱۱۰- تۇرشو دیشی کوتەلدەندیر رشوہ ایشی .

گۈندەر دئسە قاضی منہ اون دانہ خیار

ثابت ائدەر اوندا سنہ اون خیرچالیغی<sup>(۱)</sup>

۱۱۱- ایشدەن دوشموش قجہ ایشین اوتورمەسین نہ ائیلەسین ؟ ایشین ائدەن وئرنە

شحنہ آزاردان ال گۈتورمەسین نہ ائیلەسین ؟

جوان اگر ائدە طاعت او جنت اہلی اولار

بشر قوجالسا نہ طاعت او رخوت<sup>(۲)</sup> اہلی اولار

۱۱۲- بیر حکیمدەن سورۇشدولار یئر اوزۇندە چۇخلۇ بارلی آغاج واریدیئر هئچ

بیرسی آما آزاد آدلانمایب مگر باریسز سرو آغاجی ، حکمت ندیر ؟

بویوردولار هر آغاجین یاز ، گوزو<sup>(۳)</sup> وار ، یازدا آچار بارا دولار گوزدە صولار

بارسیز اولار ، آما سروین صون باھاری<sup>(۴)</sup> باھار کیمی یام یاشیل دیر . یام

یاشیل لیق آزادەلیک صفتیدیر .

۱ - خیرچا بوستانی ، خیرچا اکیلەن یئر .

۲ - کاهل لیک ، سۇسلوق

۳ - پائیز ، صون باھار

۴ - گوز ، پائیز



قورۇلما<sup>(۱)</sup> قورقۇلار<sup>(۲)</sup> ، او قەدەر بۇ دجلە آخار  
خليفة نين<sup>(۳)</sup> اونۇدار صحبتين سۇزون بغداد  
چالیش باجارسان او جانخل اول كرامتلى  
باجارمادىن اولاسان نخل سرو اول آزاد

۱۱۳- ايكي نفر حسرت يوكون چاتار كۇچەر ، او جاهل كى يىغار يىمز او عالم كى  
بيلر دئمز .

صاحب علم اگر بخیل اولسا      خلوتى عالمه عيان اولۇنار  
مين كره بو درهسه كرم اهلى      ائنديگى ايش لرى نهان اولۇنار

باشا چاتدى گولۇستانيم - والله المۇستعان<sup>(۴)</sup> - آدى يادى عزيز تانرى يارديمىلا هر نه  
يازديم اوزوم يازديم اوزگه لردهن بوزج آلماديم<sup>(۵)</sup> .

نه چين<sup>(۶)</sup> اوزگه دهن تازه شال بوزج آليم  
بو كهنه شالى بوينو ما قوى ساليم

۱ - آلالما ، اينانما

۲ - كلک ، حيله ، بورادا منظور دۇنيا گۇزەل ليكلرى

۳ - پيغمبرين يثرينده اوتوران كيمسه لر

۴ - يوسف سوره سينين سگگيزينچى آيه سينين بير حصه سى « و تانرى دير كى اوندان يارديم ايسته يرلر »

۵ - منظور اوزگه شاعرلرين ، يازيچى لارين شعرلرين ، سۇزلرين سۇزلريمده گتيرمه ديم .

۶ - ندهن خاطر ، نه اوچون

سعدی سۆز و ظرافت له لطافت له دۆم دولودور ، اونا گۆره هنرسيزلر دانلاييلار عقل اهلي هدر دئمز يالان يثره توستو يئمز<sup>(۱)</sup> ، هنر اهلي آما گورور عبارتت لطافت له باري شدي ريب نصيحتت لطافت له قاري شدي ريب آلاولي اود اوره كلرده آلي شدي ريب . « الْحَمْدُ لِلَّهِ رَبِّ الْعَالَمِينَ »<sup>(۲)</sup>

او كي لازيمدي خلق او چون يازديم  
صرف قيلديم بويولدا عومرومو چون  
رسولا امريدير سوزو يئتيره<sup>(۳)</sup>  
كيمسه ساي وئرمه سه سوزه سوزو يوخ

\*\*\*

اي كي بو دفتره نظر قيلدين  
دفترين صاحبين دعا ائيله  
آرزىلا خير عمل منه اوزووه  
خالقى حمد قيل ثنا ائيله

\*\*\*

ايدن اگر وئرسه يار اوپه م آئيني  
دئيه رهم اي صنم باغي شلا مني  
قدر يوي بيلمه ديم دونن ، ايندي  
گهل بيزه ساخلاييم گوز اوسته سني

۱ - منظور گنجهر آييق قالماز

۲ - فاتحه سوره سي ايکينجي آيه سي « او تانري يا حمد اولسون كي عالم لرين تانري سيدير »

۳ - « ما على الرسول الا البلاغ » مانده سوره سيني دوغان دو ققوزونجو آيه سي .

سین  
ایندن اگر در سار اویم  
رسته ام ای  
در روی سار اویم  
رسته ام ای